

國學基  
本叢書  
明

書  
六

舊

國學基本叢書

明 書

(六)

傅維鱗纂



商務印書館發行

國家圖書館典藏

由國家圖書館數位化



國立中央圖書館



0007886



1

籍

明書卷六十九

志十三

河漕志

史官論曰。水之爲水。古今相去倍蓰。古棄水。今就水。古因水。今遏水。古水氾濫。避其害。今水衝決。丁其害。墮其利。欲用水而尤欲避焉。是以難也。言治水者。始於禹。禹隨山濬川。而於導河獨詳。司馬遷謂河蓄衍溢。害中國也。尤甚。信夫。至於九川疏。九澤灑。而元圭已告成矣。當是時。天子都冀方。冀東西南皆距河。轉輸利。故禹貢兗。青沿濟以達河。徐。揚。浮。淮。泗。以入河。荆。逾。洛。豫。浮。洛。以達河。雍。梁。咸。會。渭。以亂河。以底河爲至。而禹貢總銓。秬。秠。粟。米。皆取足於王畿五百里內。蓋其會風俗醇樸。用度省。卿大夫食采。而兵寓於封井。無爲事漕。厥後分畫之制詳。田間有途。通於溝。十夫之溝。通於洫。洫通於澮。澮通於川。川通於濟。洛。汝。泗。淮。江。以達於海。故眵廣四尺。涂八尺。道二仞。路四仞。而封樹之。皆水坊也。無所事隄。有濬以蓄。有坊以止。有溝以蕩。有途以均。有列以舍。皆水治也。無所事渠。溝深四尺。洫八尺。澮二仞。川四仞。淺容舫。航。深受舟楫。以濟不通。尤無所事漕。畿疆封築。取諸農隙。旱蓄潦洩。任諸農功。卒然有急。移用其民。以救其時。事取諸力。徵故土。不隄而固。水不渠而灑。河由地中行。蓋不勞而定也。亦無爲事河矣。其後引河爲鴻溝。

通渠於河漢於吳淞渠三江五湖於齊疏濬濟於蜀鑿離碓往往利饒舟漑田然漢唐宋皆漕於河河第見利多其害也不過壞民田廬而國之命脈不與焉故言治河者猶以爲政事之一端元都幽燕仰漕粟東南始重漕與河而尙海運居其半漂溺所不恤苟且以終雖有疏濬可聊計也至於明治水無遺法用水無遺功防水無遺力因元都勢必因元漕且北方田瘠收薄除輸正糧無餘物而國家百費歲億萬不得不賴漕明人之言曰漕爲國家命脈所關三月不至則君相憂六月不至則都人啼一歲不至則國有不可言者需漕固不重歟資漕者河而毒漕者亦河藉河之水以肥漕忱河之溢以病漕則又重需河或障阻或疏鑿或分殺總爲漕計也障阻則又需隄疏鑿分殺則需渠古之無所於事而明皆上下憂勞日惴惴焉則漕與河者明之大利大害也豈特前代僅僅政事一端耶作河漕志而以水利附焉

明太祖定鼎金陵爲東南財賦之所會引江帶湖舳艫尾銜鱗次進故其時帑藏充溢獨租之詔歲下而軍國之用沛然猶下詔言民間租稅水陸漕輓輸京師大艱難其設法轉運務利便無重困吾民置京畿漕運司以襲魯薛祥爲漕運使十四年罷太宗擇天下形勝都燕爲京師去江南遠百司庶府衛士編氓一仰漕於東南永樂初運道一由海達直沽險一由淮入河踰陽武入於衛由衛入白河抵通州運兼水陸爲勞費艱五年戶部會官言北京合用餽餉盡河北稅糧子粒並河所漕粟不足供需海運乃濟而運船少歲運不過五六十萬石且未設漕官督理事權不一請於蘇州太倉設海道都運使其中擇文武公廉勤幹者以充銜視布政使轄衛所諸海運船並出海官運時檢理如法太宗重其事下部詳覆而濟寧

州同知潘叔正言。元自須城縣安山西南行。由壽張東北至東昌。又西北抵臨清。三百八十五里。引汶絕濟。屬之衛。卽今御河也。建閘三十有一。以時蓄洩。名會通河。時河初開。岸狹水淺。不能負重載。歲不過運數萬石。故終元之世。倚海運爲重。洪武中。會通河故道猶存。迨河決原武。漫安山湖而南。而會通之迹始湮。今海險陸費。而會通河故道淤者三之一。宜可濬以漕。漕成而南北之運通。則無窮利也。於是天子命工尙書宋禮。刑侍郎金純。都督周長董其事。發山東六郡丁夫十有六萬五千。役二十旬。蠲租百十萬石。濬之。而御史許堪言。古海豐故河漕汶以運。道猶存。宜可疏屬之衛。而老人白英畫以爲元導汶入洸出濟寧。而陽穀。渭上。東平之間。地高圩數丈。南旺之間。水淺涸膠舟。舟不任重載。固其理也。今築壩於東平州之戴村。抑汶水無東流。令盡入南旺湖。南旺者運河之脊也。得全汶而湖廣深。宜可漕。於是疏衛河達海豐古河。而築壩抑汶水入南旺。至南旺而中分。分十之四南流於屬徐。分十之六北流達臨清。相地勢高下。層築閘以啓閉蓄洩。自分水至臨清地降九十尺。爲閘十有七。而達於漳御。自分水至沾頭地降百十有六尺。爲閘二十一。而達於河。淮設清江衛。河工提舉司。其中創造運船五百艘。已運至三千艘。以轉輸底平倉。閘受載不深。於度淺易脫。得水僅六掣而足。六掣者三尺也。先是藩陽衛卒唐順言。衛源出衛輝太行山下。其流自縣北經衛輝城旁。抵直沽南。距河陸程僅五十里許。誠開衛距河百步。置倉廩。受東南方運粟。便上大然之。及會通既道。淮浦底而南北運通。無事廩貯。是時河歲爲變。部侍郎張信言。祥符縣中有黃河故道。岸與今河平。宜可濬。大發卒濬之。仍命尙書禮總其役。而工部主事蘭芳言。天下之水。

惟河爲大。故水患亦惟河爲急。今於中澗導河分流。使由故道北入海。免河南民於昏墊。誠萬世之利。然緣河新築護岸。壩座用蒲絙泥草。勢不能完安。臣愚以爲編大木成圍。如豚圈然。置之水。以椿木錠其中。實以石脚。而橫木貫椿表。屬之隄。便從之。河以分而安。初平江伯陳瑄督海運。會通河既浚。海運罷不用。命瑄理漕河事。瑄疏清江浦引水。由管家湖入鴨陳口。達淮。避河。淮風濤之險。浚瓜州。儀真二壩。祛潮港之湮。鑿徐、呂二洪之巨石。平水怒。行沛縣。招陽。濟寧。南旺。高郵。甓社。諸湖。築長隄。以蓄巨瀦。開秦州白塔河。以通大江。鑿高郵渠四十里。以便舟楫。自淮抵臨清。增閘四十七。以便蓄洩。自淮至通州。濱河置廬舍五百六十八所。居卒。以治淺。緣河隄種樹。鑿井。以待渴者。置倉於淮安、徐州、臨清、通州。以便轉輸。諸四千里數十年漕河事宜。皆瑄所經綜。周慮而力圖之。至於今。是賴。初制蘇州并山東兗州民稅糧輸濟寧倉。河南、山東糧輸臨清倉。各交收。而沿江諸府州縣糧并輸淮。浙南直隸衛所官軍於淮安運抵徐。京衛軍於徐州運抵德。各置倉收囤。而山東河南軍於德州運抵通。入上輸太倉。曰支運。一歲四運。蓋軍民各半。而江西、湖廣、浙江及蘇、湖諸郡。距京師遠。民不習河事。而漕河有洪閘淺凍風濤之阻。多失陷。往復動經歲年。勞費於正糧數倍。且以轉漕故失農月。苦甚。用侍郎忱、平江伯瑄議。令民運淮安、瓜州。補給腳價。給搬淺費。給耗。給蘆蓆費。兌與軍。而直隸各省軍。各於附近水次領兌。成化中。復用都御史滕昭言。罷瓜淮兌運。令裏河官軍。願江船。於江南水次交兌。民加過江耗。視遠近爲差。而淮、徐、臨、德四倉支運之糧。皆就水次兌之。軍爲改兌。如賦役志所詳數。計用漕船一萬一千七百七十五艘。官軍一十二萬一千五百餘。

員名而遮洋船五百二十七艘。皆造於清江衛河提舉司及原衛所。設官董督之。總督漕運都御史一人。駐淮安。理刑刑部主事二人。亦駐淮安。管廠工部主事二人。駐清江浦。監倉戶部主事四人。分駐淮、臨、徐、德、管河工部郎中二人。一駐安平鎮。分理濟寧以北。一駐高郵。分理濟寧以南。管洪工部主事二人。一駐徐州。一駐呂梁。後又設管開工部主事二人。一駐沛縣。一駐濟寧。管泉工部主事一人。駐寧陽。提舉二人。一駐清江浦。一駐臨清。價運糧儲。鎮守地方總兵官一人。協同漕運參將一人。皆駐淮安。而又時差戶部主事赴監兌分轉。衛所官軍把總十三人。押撥運軍。而又爲之明職掌。嚴科條。懸賞格。限時日。厚優恤。疏週空。乃轉輸無底滯。而國儲以饒。蓋倚漕爲命。而漕河跨江絕淮。經河越濟。兼四瀆之水爲漕用。其在京師者。蘆溝河出山北代州。滹沱河出真定西山。白河出胡地。經密雲。合大通。榆、渾諸河。至直沽入海。而故元時用太史郭守敬言。導昌平白浮村神山諸泉。過雙塔。榆河。合一畝。玉泉諸水。入城匯積水潭。出崇文門。從東折而南。至通州入白河。長百六十四里。十里一置閘。以便漕。曰通惠河。有積水在禁城北。名海子。經大內。海出啓閉。當以時請。又諸閘久廢。不以漕。東南爲玉河。河出河南輝縣百門泉。西北經臨清。下直沽入海。蓋運道所從也。沁河出山西沁源縣。經太行山麓。至原武黑洋。與河汴而東。又南爲汶。泗。泗出泗水。沂出曲阜。洸出寧陽。又汶初出萊蕪。從濟水西北流入海。乃與沂、泗。洸合而入南旺。南旺湖。週迴可百五十里。所中爲二長隄。而設斗門外畜水。曰水櫃。而兗州、濟南、青、秦、山七十二泉俱道汶。沂入焉。又南爲昭陽湖。湖在滕、沛間。納薛河及諸縣水以漕。乃至於河。歷徐、呂二洪而東。亂淮入邳溝。邳溝南臨江。



北抵淮。無泉源。獨蓄高郵。邵伯。寶應諸地。水爲湖。湖皆有石隄。而本畫漕河。謨者。獨衛與河爲水道。餘皆疏泉引流爲之。故常淺。遇亢陽。泉流細縮。行頗艱。又抑河使不得北流。而河數決溢。獨漕爲漕憂。故疏鑿修築。專之水部司。而以河道都御史一人總其事。宣德初。詔尙書黃福與平江伯瑄計漕事。福上言。濟寧以北。衛輝。真定以南。近河地宜役軍民十萬人屯田積穀。以省漕。下行在戶。兵部議。於是尙書資本言。鳳陽。淮安以北。及山東。河南北。直隸。近河地多腴。宜於河旁二百里內。擇荒闢田。以五萬頃爲率。發附近軍民五萬人。官給牛種農器以耕。從之。乃選官經屯田。卽命福董理焉。已尼不行。天順初。都督徐恭奏漕淤。命都御史崔恭理其事。大役軍夫數萬。而儀真以北。乃通弘治中。以工侍郎李燧往視山東漕河。燧言。壘之壩勿毀。沈河之塞毋通。浚泉疏水。則漕利可通。東省民多德之。而漕亦無誤。嘉靖中。漕復梗。刑尙書世寧言。宜役夫開鑿新渠。而言者嘖嘖。議遂寢。若夫河。自宋熙寧中。決澶淵。曹村北流。斷而南徙。東匯於梁山。灤。灤爲二。一合南清河入於淮。一合北清河爲濟水。故道入於海。蓋河與淮合始於此。然勢分而不專。金之亡也。河始決。開封城北。衛州。入渦河。以合淮。元之亡也。決河南。決汴。陳許。決杞。而用都水使賈魯議。塞北河。疏南河。興大役。而河益南。洪武中。決陽武。東經開封城北五里。又南行。至於項城。經潁州。潁上東抵壽州。正陽鎮。而全入於淮。永樂中。徙從故道。正統十三年。決張秋。河灣東流入於海。又決滎陽。東過開封之西。歷睢陽。自亳入於淮。景泰中。又決張秋。治久無功。遣都御史徐有貞往治之。有貞行汝。濟。踰衛。及沁。循河道。濶。范。往來相度者久之。上疏言。臣聞治水有三要在知天時地利人事而已。蓋河自雍而豫。出

險卽夷。水勢旣肆。又由豫而兗。土疏而水益橫流。於是決而奪濟。沒入海之路以去。諸水從之。故隄隤渠淤。滂溢旱涸。此漕途之所由阻也。今欲驟墮之。則隄者益潰。淤者益淤。請先疏其水。水勢平乃治決。決止多方建閘壩。以時節宣。無溢涸而後河可得而安。時有撓其議者。曰不能塞河。令不爲患。願開之。令爲患耶。上遣中使卽問。有貞出二壺。一竅五竅者各一。均注水而並瀉之。五竅者先涸。於是使者曉然知疏策之爲良也。歸報命而議定。於是貞作治水閘。疏水渠。渠起張秋金隄。西南行九里。至濮陽濬。經博陵。壽張。沙河。至東西影塘。又沿李犇至蓮花池。大瀦潭。乃踰范暨濬。又上而西數百里。經澶淵。接河。沁矣。有貞曰。河水過則害微。乃利。乃節其過而導其微。趨於平。旣成。賜渠名廣濟。閘名通源。凡河流之旁。有不順者。堰之。堰有九。長袤皆至萬丈。架濤截流。柵木絡竹。實之石而鍵以鐵。曰合土木火金。平水性也。又作放水閘於東昌龍灣。魏灣。閘有八。度水盈過丈則洩。皆通古河以入海。上制其原。下放其流。旣節且宣。用平水道焉。先是學士宋濂曾有言。夫以數千里湍悍難治之河。而欲以一淮疏其怒。萬無是理。今河破金隄。踰曹鄆。地幾千里。悉爲巨浸。民生墊溺。比古尤甚。若浚入舊黃河。使水復故道。然後導入新濟河。分其半使北流。以殺其力。譬之百人爲隊。則力全而鋒莫撓。若百分爲十。則頓損十分爲一。則全屈矣。亦一壺五竅之意也。當是時。獨瀕河民牧馬庸役。以專力河防。役丁夫五萬八千。又事不中制。役以有成。及弘治中。河決原武。支爲三。其一決封邱金龍口。漫祥符。長垣而下。趨張秋。衝衛通河。而奔放於海。一出中牟。下尉氏。一溢蘭陽。儀封。考城。歸德至宿州。瀾漫四出。不可禁。議者至請遷河南行省。避其害。布政使徐恪持不可。

而止。命戶部侍郎白昂往治之。昂舉兵部郎婁性往協治。乃築陽武長隄。防張秋。中牟之決。以入淮。濬宿州古汴河。以達泗。自小河西抵歸德。飲食池。經符離而南。皆濬令深廣。又疏月河十餘。以殺其勢。塞決口三十六。由是河入淮。汴入睢。睢入泗。泗入淮。以達海。而水患以寧。昂又以爲河南入淮非正道。恐卒不能容。乃復自魚臺歷德州至吳橋。修古長隄。又自東平北至興濟。鑿小河十二道。引水入大清河及古黃河。以入海。蓋東北分治而主疏。七年。河復決金龍。潰張秋隄。奪汶水以入海。蓋東昌臨清流幾絕。畢注於張秋。當是時。洶洶謂河不可復。宜復河海運。而朝議弗是也。命太監李興平、江伯銳同都御史劉大夏督治之。時河流湍悍甚。決口闊九十餘丈。大夏行視之。曰。是下流未可治。治上流。先導之南行。且築長隄以防大名山東之患。候河頗循軌。而後決可塞也。於是發丁夫數萬。濬賈魯舊河四十餘里。由漕出。徐以殺水。濬孫家渡。開新河七十餘里。導使南行。由中牟至潁。以入淮。又濬四府營淤河。由陳留至歸德。灑爲二。一由宿遷。一由亳。渦入於淮。於是沿張秋兩岸。東西築臺。立表貫索。網聯巨艦。穴而窒之。實以土。至決口。去窒沈艦。壓以大壩。合且復決。隨決隨築。連晝夜不息。決乃塞。繚以石隄。隱如長虹。輔以混柱。森如列星。又起河南胙城。經滑。長垣。東明。曹。單。諸縣。下盡徐州。作長隄。亘三百六十里。而漕道復通。役歷三時。用軍民夫十二萬餘人。鐵一萬九千斤。有奇。竹木薪芻無算。於是張秋之決始塞。賜名安平鎮。而是時學士邱濬著論言。禮曰。四瀆視諸侯。瀆之言獨也。江。淮。河。濟。以瀆名。謂其力能獨入於海。故重之也。宋而上。河專入海。尙能爲並河州郡患。況河。淮。合。一。而清口。又合沁。泗。沂。而同歸於淮哉。獨連河道。濟博之境。則河決不

可使之北。以擇股肱心膂大臣。委以便宜。俾於水勢下流。迤東之地。擇利便汗下之處。條爲數河。以分其勢。又於支河之旁。宜秔稻之地。依江南法。創圩田。多張水門。引水以溉灌。候水勢減。然後泝下流而上。或疏或濬。使河身深廣。足以容水。則中有所受。而河之波不溢於平陸。下有所納。而河之委不病於東隘。河南、淮右之民。庶有瘳乎。夫自開封以南。至於鳳陽。膏腴之地。歲爲河渰沒。何止數十萬頃。今縱於迤東之地。開爲數河。所費者田不過數萬頃。又皆濱海斥鹵之地。比較利害。孰爲多少。宜有以權此矣。而學士張元禎亦言。今黃河以北。多存舊身。若因開爲數支。以達平原。抵直沽。即可引以灌溉。而殺其直奔安平之勢。然兩水未作。河流細小。卽引溉固無從也。正德中。尙書胡世寧上言。沁水故自紅荊口分一道。流六十里。通於衛。近始湮。是河因沁可通衛也。且黃河距衛河不遠。宜可濬使分。而嘉靖約議者。欲引河自蘭陽注宿遷。殺其勢。詹事霍縉與少詹事方獻夫私憂之。議以爲水溢徐沛。猶有徐呂二洪爲東捍。而東北諸山連亘如列垣。卽爲患。猶有所底極。若引而注宿遷。則鳳陽歸德皆平地。勢不可復禁禦。若不先疏運河。沿昭陽湖畔築長隄。張水門以蓄洩。卽運道無阻也。以問山東僉事江良材。而良材具爲言。通河於衛有三便。古黃河自孟津至懷慶。東北入於海。今衛河自衛輝及至臨清。天津入於海。則猶古黃河道也。三代前。黃河東北入海。宇內全氣隨而鍾於雍、冀、魯之郊。漢時。河決頓邱。遂漸南徙。隋煬帝引河入汴。引汴入淮。至宋熙寧。而河遂南。宇內全氣。因遂遷轉。唐無幽燕。六朝南宋偏安江左。而元遂統有天下。亦氣幾使然也。我太宗皇帝定鼎神京。宇內全氣。又自南而北。張秋之決。殆天意。今莫若於河陰、原武、懷孟之間。

審視地勢。導河使入衛。以達於臨清。天津不惟徐沛之患可息。而京師形勝所壯百倍。此其爲便者一。元漕舟涉江入淮。至於封邱。陸運自淇門入於衛。達於京師。今導河注衛。冬春水平。漕由江入淮。汧流至於河陰。順流達衛。夏秋水迅。仍由徐沛以達臨清。是一舉而得兩運道也。此其爲便者二。又河西沃壤。若得人力盡闢而耕之。三邊軍餉可不漕而裕。而自臨清以北至京師。修其溝洫。擇良有司任之。不惟可備旱澇。兼亦可捍戎馬。而河南北直隸郡縣。轉羸瘠爲富強。夫水流行於地。猶血之流行於人身也。血在人身。調理中節。則潤毛髮。澤肌膚。或調理乖方。注下爲痔癰。直上則髮膚燥槁。則身爲之疴。今黃河自西域來。萬里注徐沛。而橫放。猶血注於下而痔癰也。今疏之達衛。猶上運於肢體。沿河州郡。疏爲溝洫。旱灌潦洩。以興民利。猶血澤於皮膚。又自陝西緣邊。修秦漢故迹。築爲邊牆。壞爲陂澮。外捍衛而內灌溉。殺徐沛上流之勢。又功及全陝。猶血運於頭顱。而毛髮亦潤也。此其爲利者三。韜大然其畫。具疏上。而侍郎黃綰方赴召。道經豐。徐見河災敗漕甚。則疏言。臣嘗攷堪輿家言。兩山夾流。中必有水。兩水夾流。中必有山。南條與中條相夾之水。長江是也。中條與北條相夾之水。黃河是也。其間地勢。必兩高中窪。水乃由焉。所謂水由地中行是也。禹疏治河。而八百年無患。水得其道而已。戰國開阡陌。廢溝洫。而平陸之土。漸不可田。不免作渠以灌田。鑿河以通漕。作渠者必引水自高阜。方能跨原陸。以成其利。通漕者必從旁穿決。方能灌河渠。以足其用。況砥柱而下。多衝擊兩岸而行。岸善崩而淤泥下積。河流上高。於是爲隄防以障之。今洛陽河隄。印高於汴城。豈一朝夕之故哉。今豐沛徐淮陰雨連旬。千里爲沼。室廬穀土。皆爲洪波。國家喉襟。

之地。至於此極。不疏導別行。害無已時。而疏治之非順其性不可。夫川瀆有常流。地形有定體。非得其自然。不足以順其性。必於堯、冀間。卽中條北條交合之處。尋自然兩高中下之形。浚使北流。自直沽入海。庶水由地中行。可永免河下諸路生民墊溺之患。每歲河防夫役之苦。雖不求禹迹。而固禹之迹也。智之大者也。若泛聽典籍人言。恐積淤日久。反成高陸。而禹迹終不可得矣。或謂黃河雖爲豐沛患。亦爲漕利。不知漕河發源。皆自山東。不資於河南。旺馬場、樊村、安山諸湖。但封浚、滎源。修築隄岸。疏湖中積沙。以深蓄湖水。則湖外長溝。馬房南至釣兒口。北至安山。固古所謂巨野。宋所謂梁山泊也。地形窪下。較湖水低甚。改漕河經焉。可免濟寧高原淺徙之艱。則漕亦何賴於河哉。於謨議至深。爲自然之符。其後都御史劉天和議以爲河水來則激射。至必衝決。退乃填淤。引河而漕。議者比之引狼兵以除內寇。誠切喻也。故先朝名臣經理河道。寧其滯洩。不敢引河。且於河岸築隄掩壩。歲費以數萬計。誠防河北徙故也。惟汶水之流。遇旱則涸。匯水諸湖。以淤而狹。引河之議。或亦慮此。然國計所繫。當圖萬全。無已寧引沁之爲愈耳。蓋勞費正等。而限於斗門。澇則縱之俾南入河。旱則約之俾東入運。易於節制之爲萬全也。事皆須後。蓋嘉靖初。河決魚臺、谷亭。決單縣。至十三年。而廟道口淤。役丁夫十四萬三千九百人。濬之。四閱月而成。而河忽由趙皮寨向亳。泗奔河口。而谷亭之流遂絕。秋冬忽復決河南夏邑。開數口東北流。經蕭縣入徐。下二洪。而趙皮寨之決俄塞。嗣是歲有決溢。而所由無常。迨季年而蕭、碭、徐、邳之間。漂城郭人民。爲菑也。劇甚。決而南。鳳陽、泗州、追陵寢。接歸德、虞城。適河汴下流之中。爲天下根本。抑而北。會通漕渠。又天下咽喉。引而

東則淮、河交注，宿遷清河，猥受其下流，爲墊溢無極。歲漕舟往往更歲，乃卒事，率三石而致一石。於是議者始紛紛議開膠河復海運事矣。先是成化中，大學士邱濬讀元史，見海運之利，議興復。說者沿踵而修，撰羅洪先乃訪求其道里島嶼，自閩開洋歷楊子，登萊以至天津，諸道里島嶼，若風雨雲日之占驗，畢具爲成書，以爲坦乎可見之行也。隆慶末，開膠萊河，議下山東。右布政使王宗沐以爲必不可復，而海運有十二利，徑可通。巡撫都御史梁夢龍大然之，投袂起行，海上歷視，列疏上。萬歷初，宗沐以都御史督漕運撫鳳陽，於是具三說以進，曰：唐人都秦，右據岷，涼，左通河，渭，是險可依，而水未通利也。有險則天寶，興元乘其便，無水則會昌，大中受其貧。宋人都梁，背負大河，面接淮，汴，是水通利而無險可依也。有水則景德，元祐享其安，無險則宣和，靖康受其病。若國家都燕，則北有居庸，醫巫閭以爲城，而南通天津以爲池，金湯之固，天造地設，以拱衛神京，而海道不通，是太平之遺慮也。此天下大勢，一夫三門天下之險也。唐人裴耀卿、劉晏輩，百計經營之不廢者，都關中故也。若都燕，則既受河與海矣。河一自安山涉汶，濟，卽今之會通河，一自溫入汴入衛，而俱會於天津。然終元之世，未嘗事河而專海者，彼以陋夷紛擾，終歲用兵，固無暇於河也。彼又以爲河亦不如海利者，入關則兩舟難並，是不可速也。魚貫逆遡，一舟壞則連觸數十舟俱壞，是不可避也。一夫大呼，萬櫓皆停，腰脊咽喉之譬，先臣邱濬言之，是不可忽也。若主於河而協以海，自可萬無慮。故都燕之受海，猶憑左臂從腋下而取物也，不可棄也。此都燕專勢，二黃河西來，禹故道雖不可考，然不過自三門而東出天津入於海，是腹雖稍南，而首尾則東西相衡而歸諸北也。乃今直

南入淮而去。歲決從閩家口出支河。近符離靈璧。又幾於正南。夫河自西北而抵東南。其爲途益遠。而合諸水益多。如去年之漂流。中外大小臣工聞之。有不變色者乎。夫旣不能不變色於河之梗。而又不能無難色於海之通。則計將安出。此目前急勢三也。風波天數。臣亦何能逆睹其必無。然以爲趨避占候。使其不爽。當不足以妨大計。且語有之曰。天不滿西北。地不滿東南。東南之海。天下之水之委也。渤海極天。則迴避靡地。近南水煖。則蛟龍窟居。元海運之有敗。以其起太倉。嘉定遞而北也。若自淮安而東。由登萊泊天津。則原名北海。中多島嶼。可以避風。又其地高而多石。蛟龍有往來而無窟宅。卽以舟與米行於其間。因以曠遠而取速。而標記島嶼以避患。名雖同於無人。利實專其便易。佐河運之缺。計無便於此者。於是海運行。而都御史于湛言海運之法。作俑於秦。效尤於元。祖宗已棄之策。三代以前未聞也。邱濬曾計漂溺之米。而不計漂溺之人。故以海運爲便。而不知者又雷同附和之。不知米漂而載米之舟。駕舟之卒。管卒之官。能獨免乎。考元史。至元二十八年。海運溺米二十四萬五千六百有奇。至大二年。溺米二十萬九千六百有奇。而濬之策曰。每舟載米千石。用卒二十人。則歲溺而死者。殆五六千人。此元人之所以忍於華人也。奈何華人亦忍於華哉。會再運三百艘中七艘壞而罷。夫禹貢刊濬。功止達河。九畿蕃荒。服惟薄海。則海固古聖王之所不用者也。而使以饋運之故。乃驅人與米。果魚龍之腹。而以一歲數千百命與漕較多寡。而欲行之。憂人之君相。殆難言難言之矣。又廢垂百年。事未習而難安。顧燕爲京師。獨議漕。夫漕爲國家命。而經絡中國二千餘里之水。以爲漕。則漕其員官也。古之治河者。順其性。今乃不敢令河北流。



日築隄捲埽。歲費以億計。防河北徙。如防寇戎然。計獨在保漕。都御史馬卿有言。脫京師六月無漕者。困矣。何暇及遠。盡姑爲紓目前計乎。蓋其慮也。嘉靖末。河塞新集。而南流阻。再塞龐家屯。而全河北徙。不可漕。於是都御史朱衡以工尙書。屬治河。衡念以爲國運通與河相值。宜獨因河勢而利導之。今河直秦溝。宜因秦溝開新河以漕。而廷議以爲河湍悍。以秦溝兼數河之任。恐不溢而北。卽溢而東。又抵極而反於西南。是以沛與魚臺爲壑也。幸故道滅未久。宜可濬。而從上原開支河以殺水。便新河三難。不可爲也。下覆議。於是衡復上議。言河固悍難暴洩。然使不直境山而北出。將一聽沙淤之所爲。卽出徐州南。而二洪益壯。亟爲敗。今幸出秦溝。直境山南五里所。雖兼受數河之任。猶爲有束隘。而河流得益駛疾。此爲國家於河不治而已得其大。卽夏秋水猥盛極反。亦不能出新河西隄外。而昭陽湖受之。水得遊蕩休焉。獨何言爲壑也。今欲開支河。起新集至兩河口。無論漫無河形者二百五十餘里。創作深廣。難卽有河形。如郭貫樓至龍溝。滅未久。稱易濬者。亦已盡淤。先臣所謂撮沙如聚米。挑淤如割脂者也。且河之所舍。誰能強之。不如因河所欲注開之。合決河深川之文。而增卑培薄。事西隄以固魚沛。便是新河就而西隄亦成。萬歷初。黃河復決。崔鎮決龍窩。周營分決白洋河。越歸仁集。觸泗州。而河勢遂北。淮水破高家堰。溢山陽。高郵寶慶興鹽諸州縣。清口阻。而淮勢遂東。河淮分決。流沙淤溢。雲梯關入海之路大阻。淮安墊焉。蓋災甚矣。議者洵洵謂諸決口當毋塞。開支河以殺水。而主濬海口以通之。督漕右都御史潘季馴行相視。議以爲海口固潮汐之所從來往也。隨濬隨淤。何可濬。惟導河歸之海。則以水治水。導河卽以濬海也。然河

未易以人力導。惟繕固隄防。使無旁決。水入地益深。則治防卽以導河也。令河決上流。固宜疏。今下流決也。欲疾赴海而害祛。豈不疏哉。復岐分之。卽水力益弱。宜入海之滋不利也。於是由平江伯瑄故畫。築堰起武家墩。經大小澗。至阜寧湖。以捍淮東侵。築隄起清江浦。沿鉢池山柳浦灣迤東。以制河南溢。慮河內衝開而蝕漕也。嚴五壩啓閉。獨以待漕艘解船如法。故它官民船並盤壩。禁干閘者。於是自徐抵淮。亘六百餘里。皆舂埴土膠泥。築南北兩隄。蜿蜒相望。如常山來峙。以束水。諸縷隄迫河者。畢展築。兩崖地窪下者。各增築。原隄短蹙。防護未周者。連接築。培薄增高。警重門以待暴。增壩以禦寒。卽有異常泛濫之水。縷隄不支。至遙隄而極隄。蓄瀦者寬。勢固不能潰而出也。於是淮畢趨清口。會大河入於海。海口不濬而深。通蓋自宋禮陳瑄開運河後。漕渠遂爲國家經。荒度代有。皆補苴其罅漏。蒙遺業。因故策。使適無蝕漕而止。勢固不能度漕渠。發長畫。爲國家遠慮者。亦其理也。至南河。則萬歷初。督河左侍郎萬恭請築徐。呂起至宿遷張林鋪。又徐州北至恭城。分長四百里。三月而成。而興督漕都御史王宗沐會疏言。黃河之汛。與潮汐等。三月清明水。高僅數尺。不害運。四月麥黃水。亦高止數尺。不害運。惟自五月至秋九月。爲伏秋水。多至數尺。高者丈餘。此運舟之所必避也。使歲運從四月前。盡過徐呂二洪。而開河先肅清。以待事。令不與怒河值。則河豈能爲之患哉。顧河臣能使河之安。而不能使運之早。漕臣能必運之入河。而不能必運之早入河也。宜督江以南各省。繕儲道早運輸。以漕御史驗覈。限四月前。舟盡過徐洪。臣等得按程殿最之。其三月過洪者。以上勞敘。四月者次之。至五月者罰。而遇伏秋水漂流者。重擬。則爲河亦所以爲漕也。

奏可。於是漕船不與河泛溢值。而河壯時無憂漕。河落得相所決爲防以保漕。而歲運畢如期抵京師。京師米直平。不翔踊。未幾復決高郵城南敵樓之北。及寶應之黃浦。郎中張譽督塞之。隄下掘得龍骨長丈。建脫龍亭。而是年都御史李世達濬汜光等越河三十六里。以避湖險。賜名宏濟。十四年決范家口水灌灌城。全河幾奪。又決天妃壩。而福興衛淤。特遣給事中常居敬築范口石隄。而河復故。尋決劉醫隄。河南徙。居敬督塞。加築遙隄長二千七百餘丈。而荊隆口又決。復築隄二千九百丈。先是山東汶泗清流。勢必假道茶城出口會黃。自嘉靖末以來。每爲逆流倒灌。稽運艘。乃建古洪內華閘。避黃淤。然黃水發則與閘平。淤塞甚遠。自閘建而運稍通。而開枷後豫行挑濬以濟。於是都御史潘季馴復築泗城邵伯湖諸隄。長至九千餘丈。而諸衝決稍堅矣。其後河大漲。清口沙墊阻遏。淮水不能東下。於是挾上源阜陵諸湖。與山溪之水。暴侵祖陵泗城滄沒。又決高郵中隄。諸十餘處。於是總河都御史楊一魁與給事中張企程會上。嘗分黃導泊。乃開挑源黃壩新河。分洩河水入海。以抑河之強。導淮關清口沙。建武家墩涇河閘。及高良澗子嬰溝渚減水閘。以洩淮水。一由岔河下涇河。一由草子湖下子嬰溝。悉通廣洋入海。復恐淮水宣洩不及。南注各湖爲患。於是浚高郵之茆塘。通邵伯湖。開金家灣。下芒稻河入江。以疏淮漲。而各州縣乃可得而粒食矣。厥後河復大決。單縣之黃涸口。溢永城夏邑。經宿州。出宿遷入大河。乃半由徐州入。舊河濟運。而二洪竭。於是濬李家口。以挽黃流。河成尋淤。復開李吉口。疏徐邳運河。而漕艘終濡滯。黃涸口者。乃賈魯舊開處也。先是河決事聞。朝廷奪總河大司空舒應龍官。而以楊一魁代之。一魁以河雖南。而一半

猶自舊河下徐州。足濟運。棄不治。其後劉東星守故議。而河溢南。李吉口淤甚。北流絕。東星第開一小河。引水下徐濟運。而旋亦淤。若是者三年。而彭城、呂梁之間。古所謂懸水三千仞者。可褰裳而涉矣。於是江淮間建六閘河中。節宣濟汶之水。以通漕。而運往往後期。其後濬寶帶河。而漕後大通。挑邵伯越而湖險可避。尋決而塞。塞而復決者屢。歷萬歷三十二年。總河尙書李化龍以爲黃浸絳道。漕事可虞。於是大挑。加河起自夏鎮。訖直口。拓二百六十餘里。以避黃河之險。改李家港。以遠河淤。開王市諸處。以離湖險。中鑿邳山。以展河渠。建良城諸閘。以節宣水利。費僅二十萬。而加之運大行。未幾。工侍郎曹時聘大挑朱旺。發河南山東直隸丁夫數十萬人。開六萬丈。而河復回故道。計費八十萬。當是時。皆其地州縣官分地而濬。急於竣事。多私派夫。民怨苦。河垂成而徐之上。尙八九里未及濬。而蘇莊之隄土單薄。河水忽自地中穿入新渠。震撼東下。不待放水也。流至未開處。稍梗塞。水遂汎濫。雖魚沛單濟金鄉之水。悉歸大河。而識者終惜其未盡善。其後決狼矢。出白洋而溢。都御史劉士忠開引水而復故。尋復決狼矢。入加河。出直口。會黃而侍郎王佐等屢塞之。而仍復故。天啓中。決靈璧。由永姬湖出白洋。仍與黃會。故道遂湮涸矣。方事築浚。而淫雨浹旬。黃淮暴漲。而山陽之裏河。則決王公祠諸處。外河則決安樂鄉諸處。清河則決龍王廟諸處。匯成巨浸。而知府宋統殷。知縣練國事等力塞之。嗣是河決大龍口。而徐邳靈睢黃河併淤。呂梁城南隅陷。上下百五十里成平陸。明年。郎中金元嘉大挑故道。而重運無梗。或築露舫石隄。或築高郵中隄。或建李家港之尾閘。或挑會濟祠之正河。而運至不阻。然其時邊事大壞。其治河之費。悉移於邊。而遂置

河事於不講。此南河之溢。修南河之力。百倍於北焉。大約漕河之道。南盡瓜儀。北通燕冀。其間自昌平神山泉諸水。貫都城。至通州入白河者。大通河也。自通州至直沽。會衛水入海者。白水也。自臨清至直沽。會白河入海者。衛水也。自汶上。南旺分水河口。其分而北流。經張秋至臨清。以會衛。其分而南流。至濟寧會泗。沂洗者。汶水也。自濟寧東北以上。合流而來。出天井關。與汶合。南流至南陽。出夏鎮。每歲三月開彭壩入枷。出直口入黃。以濟重運。入枷至九月。至彭壩。由呂公堂濟回空。由浮州大浮橋入黃。南下者。泗。沂。並山東諸泉水也。自直河口至清口者。黃河水也。自清口通淮南至儀真。瓜洲者。淮河諸水。屯漕之大端也。而中國泉源以千數。獨河爲宗。前代窮河源。治河。河分疏開鑿不具論。大約入中國。歷蘭州。朔方。轉河東南。抵蒲。潼。始出三門。析津。歷孟津。虎牢。而東。奔放平壤。吞納諸小水。以千百數。勢益雄大。其本遠而注必怒。固其所也。夫天下山川之大者。存乎南北兩戒。河源自北紀之首。循雍州北徼。達華陰。與地絡相會。並行而西。至太行之曲。分而西。與涇。渭。濟相表裏。爲北河。江源自南紀之首。循梁州南徼。達華陽。與地絡相會。並行而東。及荆山之陽。分而東。與淮。漢相表裏。爲南河。於中導地脈一也。獨江在中國。爲陰。水泉所從出者。多行不數百里。輒深廣不可涉。又性善洄澹。故江永漢廣。兼匯澤湖湘之澇。潑。而善容其險。而不爲敗者。勢也。惟河在中國。左陽而性勁。又北地土厚。水泉少。故河當水落伏槽時。行萬千餘里之水。其河身僅與東南川江數百里之水等。其淺者可涉。曾不足爲害。而秋水時至。挾六七月之淫潦。盡天下西北大半之水。並入河。助爲勢。湍悍迅猛。旁激直射。漫漶於平土。而僅以開封。大名。魚臺。徐。沛數郡委之。而土

中夷曠。無崇山巨礪爲之防。無洞庭、彭蠡大湖爲之匯。又無古溝洫滄川。封植坊庸爲之奠。方二三千  
古聲名文物之地。數蒙其患而莫之勝救也。亦豈足深怪哉。顧宋都汴。藉河以衛京。明都燕。藉河以利漕。  
若令河北流與衛會入於海。勢易。念以爲漕渠中斷。歲運不繼。將爲國計憂。必隄使南而後安。漕安而  
河勢愈激。被災愈廣。費用愈多。而河之費且與國運俱。此河之大較也。北方之水。惟滹沱勝源出太行之  
西北。經靈壽、真定、晉州、深州、武強等處東入海。嘉靖中深州城西河身淤。衝岸二十餘里。河東北溢沒獻  
縣田不可勝計。民奏訴。旨下勘覈。委官苟避。顧而卽覈。而河所淤爲膏壤爲大。抑撓阻之民以墊溺。御史  
王廷相疏請敕工部都察院會撫按官。先豁除民租。拯流移。次計工挑濬。復古河洩泛漲。沿故隄。隨宜牐  
築爲固防。當是時議者苦河爲敗。因欲興農工。分疏灌田。以殺水勢。而且藉藉言水利焉。而貴溪徐員明  
言。當今經國訏謨其大且急。孰有過於西北水利。然西北須先之於畿輔。畿輔諸郡皆可行也。盍先之於  
京東永平之地。京東永平之地可行。盍先之於近山瀕海之地。近山瀕海之地可行。盍先之數井。以示可  
行之端。夫獨先京東者何者。蓋京東輔郡。而薊又重鎮。固股肱神京。緩急所必須者。矧其地負山控海。負  
山則泉深而土澤。控海則潮淤而壤沃。利水尤易也。今自西歷東。如密雲之燕樂莊。平谷之水峪寺。龍  
家務。三河之唐會莊。順慶屯。皆其著者。薊州城北則有黃厓營。西則有白馬泉。東則有馬伸橋。夾林河。南  
則有別山鋪。及夾陰流河而下。至於陰流淀。疏渠皆田也。遵化西南平安城。循運河而下及沙河。又鐵廠  
湧珠湖以下至韭菜溝。上下素河百餘里。兩岸皆可成田。遷安北徐流營山下五泉湧合。流入桃林河。又

三里橋泉出溧河。經蠶姑灣。皆可田。盧龍之燕河營。湧泉成河。及營東五泉。湧漫四出。至張莊撫寧之西。臺頭營河流亦自燕河營湧泉而來。皆可田。自西以東。如豐潤縣南。則大寨及刺榆坨。史家河之地。東則榛子鎮。西則鴉洪橋。夾河五十餘里。皆可田。玉田之青莊塢。導河可田。後湖莊疏湖可田。三里屯及大小泉。引泉可田。其間有民所不業之地。有屯地。有牧馬屯。牧之地屬於官。官闢之。民不業者。召民業之。官爲經畫。至於灑海可田。自水道沽關黑崖子墩起。至開平衛南宋家營之地。東西度之百餘里。南北百八十里。皆隸豐潤地。與吳越灑海之沃區等。今萑葦彌望。而繁名於勢豪。若田之。則利十倍於葦。昔虞集議。東極遼海。南濱青徐。灑海皆可田之地。今豐潤實其中境。非其先當致力者乎。然水利修廢。由於人之聚散。而旋轉之機。上實握之。西北在三代盛時。溝洫時修。農功畢舉。厥後魏史起。引漳水溉鄴。鄴以富。秦開鄭國渠。溉烏鹵之地。四萬餘頃。關中爲沃野。秦以富強。至漢文翁。旣灌繁田千七百頃。而蜀饒。白公穿渠。引涇水。溉田四千五百餘頃。而民以裕。馬援引洮水種秔稻。而狄道並塞之民。得以樂業。虞翻復三郡。激河浚渠爲屯田。而省內郡之費。蓋古時溝洫遍於列國。水之爲利也宏。魏秦國擅其利。文翁以下諸人。人興其利。則水之爲利也甚專。是論雖鑿鑿。而其實北方之水。夏無雨則涸。土雖厚不能漑。旋蓄旋涸不能久。稻秔乘故多棄水。而東南之言水利者不一人。水多而土泥塗。故可疏可蓄可田。其大者莫如吳淞。先是浙西頻歲水。命尙書原吉往按視。訪利害經度。原吉言。浙西諸郡。蘇松居下流。爲水鍾常。嘉湖上田高。環以太湖。緜亘五百里。而寬納杭湖。宣歙諸州溪澗之水。散往澱山等湖。以入三泖。便比浦港。湮塞。匯流漲。

溢傷農稼爲甚。法宜疏吳淞江。袤二百餘里。廣百五十餘丈。西接太湖。東通海。前代蓋屢疏之。以當潮汐之道。泥沙淤積。旋疏旋塞。自吳江長橋至下界浦。約百二十餘里。雖通流。然窄多淺。自下界浦抵上海南倉浦。可百三十餘里。則潮汐淤沃。菱蘆叢生。成平陸。不復可得疏。且灘沙淤泥。浮泛動盪。卽欲疏無由也。臣相視得嘉定劉家港。卽古婁江。通大海。而經常熟白茆港。徑入江。皆廣川通流。宜疏吳淞江南北兩岸。安定諸港。浦引太湖諸水。濬劉家白茆二港。使其勢分。松江大黃浦。乃通吳淞要道。下流塞難濬。傍有范家浜。至南倉浦。達海徑。可濬令深闊。接大黃。達泖湖之水。則其勢行。庶幾復禹貢三江入海之舊。水道旣通。乃相地勢。置石閘。以時啓閉之。歲水涸時。修築圩岸。禦暴流。水患宜可息。報可下。而浙西以寧方報下時。原吉晝夜行經度。疏濬築捍身先。勞故功成。後總督官急功。自七年冬訖明年春。責成功。乃無何而塞。則後事著鏡也。天順中。一疏吳淞江。弘治中。一疏白茆。蓋三江時疏濬。而後注江入湖之道。乃通。至崇禎中。盡天下之財力事邊陲。不暇於河。復天亢旱無時雨。北方流大者。纖小者竭。運艘不以時至。廟堂憂之。而監生沈方揚抗章言海運便。上是其說。予戶部郎。於是藉勢出橫行海上。議官議軍。招水手。徵木料。造船。民以騷震。至數年。而東南之粟。竟無一粒自海上至京師者。





# 明書卷七十

## 志十四

### 戎馬志一

史官論曰。昔明太祖躬成百戰之勳。太宗威著三犁之烈。鋒飛闕虎。氣奮驚雷。殲掃羣雄。克成鴻構。卽累葉中小醜不靖。毒流郊墟。而天討靈張。易於拉朽。不過此兵耳。於是布昭聖武。立法詳嚴。積重勢於皇都。宜弧威於塞徼。大約京師宿兵三十萬。叢輔三十萬。邊腹不下百五十餘萬。操練有法。優恤有條。逃亡有律。功賞有格。餉以京運。重以內帑。飽以留糧。有衣布帛。襖花絨。以體其瘴。塚可謂恩隆而威立矣。及其季也。調繁而將數易。兵將至不相聞識。而債帥肢肌肉。天子不知。乃猶下嚴詔。禁文重臣。笞辱武弁。夫武弁若劣獸也。鞭鞫繫之。尙恐颺蹏。羈繫不謹。必至債輶矣。此魚麗之所以輕譁。而牙璋之所以弗肅也。以至旄星野彗。敗於閒腥。潢海騰波。隕於隄障。廟堂空殷。推轂之盛心。而闕外虛多。殺良之露布。以致崩頽。莫振藩捍。無功。然猶發帑金。廣封爵。而大事已去。嗚呼。君不負將士。將士負朝廷耳。夫當海水羣飛之際。尙爾夷難興。基恢師空。幕乃浸淫。遂至於不可用。使一人之恩勤。百年之象養。一旦付之流水。及焰逼皇輿。痛深宮闕。曾無摧堅效死。誓血殺賊之人。悲哉。古法髡斬之令。疑於過嚴。以今睹之。蓋有見矣。因述軍制。

兵數及歷朝誥戒爲篇。而以馬者兵之所急需。因附馬政。作戎馬志。

明軍衛之制。初於京師設都督府五。衛七十二。於畿甸設衛五十七。於四方設都指揮使司二十一。留守司二。衛百九十一。守禦屯田羣牧千戶所二百十有一。於夷服設宣慰安撫長官司九十五。番夷都司衛所百有七。各統其軍及部落。聽巡捕軍器漕運京操。守備征調。朝貢保塞之事。大都五千六百人爲衛。千一百二十人爲所。百十有二人爲百戶所。所設總旗二名。小旗十名。大小聯比。以成軍國。大師則詔文大臣總督。提督參贊軍務。而總兵官佩將印領之。旣旋。上所佩印於朝。將歸第。軍回衛所聽調。而武官不得輒下符行軍。太祖未登極時。立管領民兵萬戶府。諭中書省言。古寓兵於農。居閒則耕。有發則戰。暇則講武。今天下兵爭所定郡縣。豈無武勇之材。宜精簡編輯爲伍。立民兵萬戶府領之。平事有功。與官軍一體陞擢。無功還農。庶幾寓兵於農之意。而當定府州縣時。張赤白旗二。立之郊。下令曰。願爲吾兵者。立赤旗下。願爲吾民者。立白旗下。因著籍而律。嚴人戶以籍爲定之例。蓋軍民遂分。而於時取兵非一途。有從征。有歸附。有謫發著籍。從征者。諸將所素將之兵。平定其地。因留戍者也。歸附者。故元及諸僭僞者所部兵。舉部歸義者也。後乃謫發諸罪隸爲兵。而制衛所兵所在。有閒曠田。分軍立屯堡。令且耕且守。約以十分爲率。七爲守。三爲屯。有警輒集。視古屯營法爲近。法每軍受田三十六畝。歲收籽粒十有八石。入月糧。歲十有二石。閏加一石。餘六石上倉。餘丁所受納。以差次降。其番上宿衛給衛役。其口糧於倉內結支。其牛具農器。總於屯漕。納糧籽粒。登於戶部。已設風憲官提督之。當是時。屯重兵京師。而上加意於留屯。嘗謂

侍臣曰。吾京師養兵百萬。要不費百姓一粒米。於是以遠田三畝。易城外民田一畝。爲屯田。不足則移數  
衛於江浦。六合諸屯以就田。丁寧司屯官已上論武臣言。爲將者當知卒伍之艱難。爲優恤支分。有疾病  
營視其醫藥。關支冬夏布疋。毋剋侵。諸不知來歷人。毋留伍。士耕種。卽所習五兵練習之。無廢事。當屯種  
時。令及時耘耨。無惰農。比將冬。令士伍整器。鋪煖炕。蓄薪炭。以禦冬。命取古往武士義烈可鑒觀者。作武  
士訓戒錄。頒之。已以軍衛官貪財賄。科斂苦軍。不顧念也。作大誥武臣錄。具實言軍伍勞苦萬狀。朕身親  
更之。汝將領身家衣食所自出。令將心比度。發仁慈隱恤軍。其深念如此。永樂中。上敕武臣言。國家盛衰  
存亡。繫武備之張弛。依在古而來。爾等世祿爵。與國家同休戚。宜嚴飭武備。爲國爪牙。而比來紀律廢弛。  
士逃伍不問。甚且賣放回軍。有程限而縱之。或五六年。或十年。故軍伍益虛。猝有緩急。當何應調。是皆爾  
等下不恤軍。上不憂國之所致也。自今宜修職務。撫士卒。實軍伍。繕器械。使兵政振舉。朝廷有磐石之安。  
爾等亦永保富貴矣。如仍前失罪。無赦。已謂侍臣言。朕在藩。因出獵過田家。見所食粗糲。心惻然傷之。軍  
士屯種甚苦。管屯官不務勸率。不時加勞問。將士執勸。非所以恩士卒也。其敕諭將士勸農田。寧夏總兵  
何福請更定屯田賞罰令。爲經久計。降敕獎之。流史張轟言。山西行都司所屬府衛地。迫沙漠。軍衛實則  
虜不敢犯。虛則虜易凌軼。比軍人犯徒流罪。悉徙戍興州。興州稍遠。然於胡患顧疎。恐邊衛軍士多故犯  
求遷徙。將伍日減。不足以捍邊。乞勅邊衛所軍犯徒流罪者。止從法科斷。毋徙衛。從之。時有言兵衛伍缺。  
而建文中。江西所墾集民兵可調也。大學士榮曰。不可。皇上令民復業。且二十年。今復調。非信動衆。非仁。

料兵非勇事得寢。洪熙初，詔各都司衛所屯田官各屯務，依原定屯務以田。按察司歲終比較屯軍有艱難辦子粒不敷者，除自用穀外，餘糧體放免之。上諭戶部尚書原吉曰：古寓兵於農，無轉輸之苦，故久安先帝立屯種法甚善，而所司數以征徭擾之，使失時荒農，致儲蓄不充，未免於轉途。此國之大患也。其令天下衛所凡屯軍自今毋擅差妨其農時。違者比軍之與論，邊將上屯田子粒數多者賞之。時陝西官軍調京師操，河南、山西軍調陝西，甘肅備禦道交遠勞苦，上問之，謂兵尚書慶曰：王道在順人情，若令陝西官軍就彼備禦，河南、山西軍備京操，不兩便乎？非徒省費，抑且安民。其速行。毋以道路糜軍。宣德中，敕天下軍離鄉井，在伍給裝難，其免原籍戶一丁繇，令專一供軍。家在營者一體行。敕巡按御史按察司言：軍政國家重務，祖宗於撫恤軍士整飭武備之法甚具。近都司衛所官貪賄差放，有微辦需索加倍，或包納月錢，縱放買賣，或以供應上官爲名，勒除月糧，或指差操刻減布花，致軍士坐窳於衣食，逃亡比比。其遞年勾軍，往往違限，風憲官督察，莫有獲解。此軍伍之所以空也。爾等巡歷，務嚴詢察，有貪虐害軍及勾軍違限，官具執奏，如仍前縱惡長姦，事發皆罪之。已罷邊衛士歲辦柴炭之令，令得專備邊，而嚴邊將受賂放軍脫伍不差操之誅。正統初，大學士士奇言：御史清軍，有以北直隸、陝西、山東、西、河南人往南極邊補伍者，有以江西、閩、廣、川、湖人往北極邊補伍者，各不能其水土，北人死於瘴癘，南人死於寒凍，且其衛所相去遠者萬里，近乃七八千里，路艱費鉅，逃亡者多，長解負累，有死於溝壑而莫知之者，良可痛也。況今西北二邊，急於防守，而所在壯勇之人，調戍南方，願以南方肥弱不能寒苦之人，謫當之，大不便。伏睹永

樂中令北京人有於各處充軍者毋句補。於河間立一衛衛京師。原衛別調發充伍。宣德中敕雲貴川廣句逃軍。除本軍正身及丁已解發者外。餘留附近衛所帶管收操。諸緣邊海地方聽留著伍。後屢申令。則知洪武罪犯恩宥免死。不分南北發邊遠充軍者。太祖皇帝之仁。所以懲有罪也。其後有罪者已死。其補役者非其罪者也。則憫其遠戍。留附近衛收操。太宗宣宗皇帝之仁。所以恤民隱也。陛下仰體祖宗之仁。申明前令。而部官執稱舊伍難以改撥。念獨避文案繁勞。而不思兵衛之無實。不念下人之艱苦也。豈體國憂民之道哉。請自今從南北所宜發戍。使人宜水土。而兵政備豫。便正統己巳秋。口患亟募四方丁壯。隸勇敢營衛京師。久多遁逃。主者請治罪編尺籍。御史練綱言。方招募時。本激以忠義。許事定遣歸。故勇夫健卒雲集。爭自效。今久不解。而恩費未及。飢寒切身。則逃故其所也。且近詔抵大辟者尙原死。隸尺籍。獨奈何使應募之士。與此輩伍乎。搜求太急。必且生他虞。兼邊務尙殷。急於用武。非所以勸士得人也。詔勿問。聽歸復業者數千人。其後屯政壞而弊端萌起。成化中。大學士商輅爲上言。往口外田極廣。先年在京功臣將。於附近城堡膏腴占作莊地。諸空閒地。鎮守以下官又占業之。以致士無近便地可耕。夫且耕且守。在古有已行之效。在今爲守邊之要。舍屯種而欲充實邊。雖傾府庫之財。竭生民之力。不能濟也。乞申屯法。禁侵占。省養兵之費。於是命兵部移所司。選老成軍官督屯田。風憲官以時巡察課之。而清田之侵沒者。薊鎮都督盧宗言。今薊州關堡軍舊額二萬九千餘人。今亡額踰三千。無可補。乞行法司。擬議發囚徒以充雲南兩廣巡軍。潛住境內者。乞招集收用。且邊關通寇路甚夥。軍防守法疎。欲選所屬軍衛。

舍餘若民壯編什伍以時練蒐遇冬協守春深放免下部議部覆言謫戍囚徒行司就近收附遠方逃伍軍例禁止不得收收之將軍勸於逃而巡撫都御史閻本立嘗奏四方軍民願投軍自效者聽宜舉行其舍餘民壯候邊急酌選用詔允行戶尙書言景泰末宣府都御史李秉嘗上言邊地多曠不耕守城軍餘類偷曠無所用請量支宣府官銀買牛給耕種而官收餘糧給貧軍買馬騎操便詔支銀一萬兩買牛給軍耕天順初有言是勞軍非便者下都督楊能等會議能等言且耕且守經國遠圖大同自羅兵以來人畜蕩盡幸朝廷發帑銀買牛給軍耕稍得安其生今宣府巡撫葉盛復申奏先年原買官牛多老死又以給糧續買令耕種官不煩督責士不致賠償此官給牛之明效也立法非難守法爲難乞申飭邊臣恪守俾永永不廢庶濟邊詔申敕如章御史姜昂言宣德中詔天下官民犯罪充軍者止終身勿勾丁補今行句殊失罰弗及嗣之義并違制詔申禁之弘治中兵尙書大夏以天旱引咎自陳請避位且陳兵政弊事十端以上京軍苦出錢供用一營軍苦工役二江南軍苦漕難三江北軍困京操遠四竭軍民部運而濫食者衆五竭國力買馬而私雇者多六各太監出鎮者橫放七各守備內臣占軍役數多八禁衛苞苴公行干勢要陸賞九句軍多累十也上嘉納之嘉靖初上悼軍政壞至正德末而極屢詔條下言兩京各衛所有無賴冒籍投充軍并新添設旗軍校尉勇士等目并內府各監局招收軍匠不下八九萬人歲支糧百萬餘石甚冗耗聽各回原籍隨住敢有捏奏影射存留爲冒濫者誦極邊衛充軍若衛所屯田原令軍士耕種納餘糧以充歲餉近法久人玩姦豪官舍軍餘等霸占多有各該巡撫督察管屯官查原屯若干

分屯軍若干。其係年久故軍之田。聽官舍軍餘領種。如軍存無田力作者。查令退還。其領種故軍之田。以人戶爲限。人一分。戶二分。餘退還。以給新附無業之軍。內有田園廬舍。修種有成。願賣者。聽平價售賣。管屯具查覈。上其要於部。以聽會。若內外軍逃亡。丁盡戶絕。有經原籍官司回報五六十次。若二三十次者。該部槩發冊清句。此特資吏書里老句。攝時弊端而已。以既絕莫繼之軍。擾平居無故之民。於軍無益。於民有害。甚痛繼自今。兵部查原籍行句。經回答戶。絕十次以上。勿濫開擾民。若各邊軍視腹裏勞苦甚。鎮守總兵官類不肯撫恤。覆剋令納月錢。取其財。役給作。苦其力。而內外衛軍月餼。該管官旗名公用扣除。剋之。其沿邊收糧官。攢具爲勢要親屬。所包擾。上輸時雜土沙。糶糠食之。甚痛憫。所司風憲官訪究嚴治。諸洞弊源如燭。而兵尙書世寧疏閱軍實。言。今天下衛所額軍逃絕者多。遠年丁盡若埋沒者。歲歲清查。茫無根影。其近日病故若逃亡者。年年句解。隨復逃回。在衛軍士備操者。或金鼓不開。武藝不習。而教場爲虛設。或掛名行伍。身不在營。而得財以賣放。故今養兵雖多。能戰無幾。在邊遇敵。則嬰城固守。而坐視鄉民之被掠。在內有警。則奏聞後遣。而先累民壯之被傷。至役占之弊。尤不忍言。如漕運京糧。民間之費。約米二石。而致一石。軍士之勞苦不計焉。其邊儲又不止是。各軍支米一石。又加之以馬匹草料。而投跟勢要。止納月錢銀二三錢而止。此爲以民間三四石米之費。而但爲勢要二三錢之需。天下若何而不窮也。且在昔充軍之戶。或由梁集。或由歸附。未必皆有罪也。何今貧絕而不免清句。在今充軍之人。必皆姦豪。必皆巨惡。未必皆可矜也。何不數年而卽蒙赦宥。況東南彫薄之人。充軍西北。西北近邊之人。充軍東



南皆速其逃而兩不得其用。乞會議分查衛籍額軍若干。故絕若干。其丁盡戶絕。累經清報者。免清句以除民擾。其不肯著役者。其緩急難倚之人也。悉改編原籍衛分以通之。有缺伍則另選舍餘及犯罪者充補。而五十以上。許家人子孫代充。其在逃二三次者。依律科斷。其情犯深重例謫邊衛者。賣家產。全房遷發。使絕後念。或一時難賣。則令里甲鄉鄰認佃課租。除歲賦外。納官司類解爲軍裝。庶在衛皆土著畏法。而逃亡益鮮。至衛所管軍官。望併省。而嚴勢要役占之誅。幸甚。上善其言。然軍故有定律。尤重清句始。先是洪武中。開平衛卒馬名廣。上書陳時務。言請收蕃衛兵徙都下。重京師。而外衛兵老死家無丁者。除其籍無句補。上頗以爲然。擢太和丞。洪熙初。詔各處句補軍有丁盡戶絕者。取原籍可司執結達衛所。衛所上府部開豁。毋展句禍無辜。亦不許將有丁之家。放空軍伍。違者罪之。宣德中。軍頗業。已漸乾沒。軍黠者。率用賂規脫。而詭傳平民於籍。逮之。被枉者衆。於是天子下璽書。分命給事中御史十四人。分道清理。而御史多銳意得軍爲功。不念民。常州府同知張宗連持不可。爭之曰。璽書獨清軍。民實非軍。奈何違璽書毒民乎。御史怒。侵辱之。憤恨死。然常之人。賴免枉。有力助御史。虐得軍而枉民。嗟怨甚。上聞之。召兵部論之曰。近民有訴妄解充伍者。此有司之過。謂朝廷所重在軍也。不知民國家根本。朝廷於軍民。譬水舟陸車。豈可偏哉。其敕有司審實。毋枉民。縱姦。於是詔軍戶有重役三處五處者。果人丁消耗。併一處句補。餘悉開豁。其丁盡戶絕。若同名同姓。人爲妄報。被句擾者。有司務從實體勘。豁除之。毋殃民。正統初。詔申敕御史。言衛所句補軍者。全家死亡。無幼丁可紀錄者。卽與開豁。類兵部除銷。免句擾。其挨補逃軍中。

有委病死及溺水事故死者聽開報除豁其家。本軍籍同名姓。以被里老挾讎妄報有司。朦朧冒解者。御史勘除之。已解赴衛稱冤者。兵部除豁之。毋冤抑平民。初制中外衛所缺伍得經句。已更制。各衛所歲查節年逃伍。乏丁當句軍。分別司府州縣。攢冊二上部。部存其一。以待考。一發本所照籍句。各司府州縣將所發冊。亦攢造已句解名數。若實有事故難解。發當除豁者。具爲冊送部。以待質。而司府州縣清軍。設專官。後患伍空。遣御史重風憲。予專覈之權。患數代後。必三年代。令專久。得覈軍本末。使盡弊無芽滋。其正軍戶。下本有丁。捏無本。非癩老。篤疾。捏老疾。軍謫邊遠。保結鄰里。發附近充軍。逃窩藏。與同罪。而御史受代還。以清句名數。多寡爲殿最。故清軍使者賢。卽法嚴令具而止。否者以束溼繩下。以鉗網讎民。以苛峻爲風力。安祿而保資。而各清軍官。恐句補不及數。爲己罪。望風酷訊。如在重辟。必責之。妄指捏報。而後已。有將不缺伍。及在營有軍例。不該句人數。作冊外清出。有戶絕後。責里甲認頂。及妄指無干。發解者。於民禍太烈矣。方始清句時。衛所攢冊。有厚費。而句到軍。纔百之一。戶絕軍。有句數十次。徒多費無爲也。而法必歲句。則任意謄寫。苟塞責。而姦弊橫出。有見伍作缺者。有有丁作無者。有故逃待句。句至自首者。有移名換籍者。解到作無。憑收伍者。計獨爲利窩。而攢造次數愈多。卽差訛愈益甚。其州縣官清句。又獨按衛所名籍。不分遠近年逃亡。不分有籍與否。槩里遞而呼集。猾胥姦吏。不分有句單與否。槩里遞而科索。其有軍籍者。不分戶已絕未絕。槩里遞而嚴併。官愈貪刻。民被禍愈酷深。夫逃絕久者。遠年丁盡。旣茫無可詰。其近年病故若逃者。雖有起解。隨復逃亡。軍政條例所載諸當豁免者。曾莫一省顧也。正軍以賂而得。

免貧民無罪而干連。有一軍缺而致死數人之命。一戶絕而破蕩數家之產者。此清句之弊也。國初軍塚集者異遠近。而誦戍者必邊衛固矣。後以徙民實空虛之地。若商官流寓他方者。所在多有之。今必勒還原伍。遠者萬里。近者數千里。身被拘羣。心懸桑梓。長號卽路。終天永訣。人非木石。誰能堪之。其戶弱丁單。則必沿門乞哀。搏頰求助。而後至。若族丁稍重者。卽不以正戶應役。或協委孱弱。或購推壯。孱弱之人。往往傳未達戍所。而身已路斃。幸能達。衣食鮮繼。水土未服。不窳而餓。則老而獨。亦焉攸用哉。此充伍之苦也。獨其壯黠者。則藉口死命。詐索親鄰。坐享行裝。坐食解伴。應解軍丁。例經題準。既許於本戶。照丁糧多寡。道里遠近。爲資遣矣。卽戶貧丁少者。亦勒抑里甲。僉令押解。爲之造冊。爲具齋資。爲置買妻小。其說以爲遇之厚。庶得其心。無逃亡也。而亡命曾不爲衰止。其戶絕捏報名清出者。里遞豪猾。既以賂免。其愚懦畏法者。則買行丐人以充。他置軍妻給資齋。不在是。夫是押解一名若二名者。非有腴田上貨。應出踐更也。又非身犯罪譴。應流徙也。必使之廢廬產。鬻子女。觸冒寒暑。凌歷瘴險。以與軍共一旦之命。故管解而至於千里之外。則下產半廢。二千里之外。則下產盡廢。三千里之外。則中產亦廢矣。比抵衛所。衛所官滋留難。覆與軍爲市。問管解者家殷實與否。爲賂厚薄。必得當而後造。少違期限。有司又得以其法繩之。法管解軍一年以上。無批迴者。充軍。以此解者。質名。并日空囊囊。僅得報而返。而所解者。或營稱齋冊。或委託取裝。衛官受其賄囑。利彼月糧。押解歸未及門。所解已旋踵而至。而逃還不在是。其所買爲軍妻者。恩視不屬。視如唾核。及軍既逃。終流落乞丐。而凍餒以死也。此管解之苦也。他諸爲饑家報復。以同姓同

里妄指誣陷。至殫丁竭產。莫之勝說。而里書黠者。將遠年軍由抽匿洗改。歲久事恬。詭秘之迹。寔微寔滅。簿畫緣絕。無從詰究。有司終莫能覺發。蓋清句之弊。極此矣。嘉靖中。兵尙書憲請停衛所每年造冊之令。制軍單令逃故軍士。用堅紙署名籍印鈐爲單。隸部者送部。隸都司者類送部轉句。造底冊送部存照。其後每年將新逃故軍士填單造冊。上部類填。勘合催句。而造總冊以衛統所。所各一冊。百戶將各軍照充發年月順序挨造。開軍祖姓名貫址。下具充調接補頂替來歷。若先管百戶總小旗姓名。將原額軍役填滿外上之部。一存衛。一送各司府州縣。後每年止將新收編發軍由。及解補軍數。開造送部。部及清軍官各行照填註原冊內便查。各司府州縣亦不必歲將逃故軍士造冊登答。及不許將未奉單句者妄句。止照部發軍單清審之內。有丁者解送著伍。例赦免及無句者。卽與豁。豁造小冊送部銷照。府州縣將有句到軍丁。到日爲始。三年以上不解一名者。清軍有司參問。丁盡戶絕。經勘五次以上。送清軍御史審實。類繳部司。司各立冊住句。其孤幼不堪解者。經勘三次以上。造小冊案候出幼解補。其老疾故絕。逃移跟捉者。三年不獲。編記。又三年不獲。比挨。無例行銷。各清軍官但以完銷明白軍單無弊。及不枉平民爲賢否。不主於得軍。而各衛所扣軍糧造冊不費之費頓省。又總冊一立。百年不改。句軍之發。無爲煩複。而衛所訛寫妄句之弊盡絕。武庫得按籍而稽。御史得按法而糾。軍衛該句者。有丁在所必句。無丁在所必豁。有司雖欲虛文應故。不可得。欲刻薄取功。亦不可得矣。久之。天子下停差清軍御史之令。寬管解逃軍若軍赴衛遠限之科。恩大深厚。而清軍官日玩愒。自處於閒官逸吏。以致文卷靡滅。冊籍差訛。雖句軍重務。任

吏書膽造。於是議者上言。請申飭。無論御史差否。歲及期。守巡巡行。將勘合句單。清審填註。有丁解者。當年繳。逃移跟捉者。三年繳。挨無名籍及丁盡戶絕者。五年繳。而部通以五年查催完銷。蓋法精令具。而無補於伍虛。厥後衛所官第徵屯租。而操練全廢。軍歸農不習兵。崇禎中以召募屢譁殺主將為掠者。比比。議於軍伍。選補為營。以備征調。令下。世職憂懼無措。延委故不選撥。卒無效用。而兵政壞。檢軍之事終不行。

京營之制。國初設翼元帥府。已析翼府中軍及左右哨。左右掖為五軍。曰五軍營。永樂初。既增七十二衛之制。而以龍旗下三千胡口司寶。蘇令旗立三千營。後征交趾。得神槍火箭之法。令演習。立神機營。曰三大營。營各設管操官。曰提督。各哨有分管官。曰坐營。曰坐司。而統以文武大臣。平居番上宿衛。衛皇城四門。領銅符。分信地以為守。宵夜鑿警禁衛。兵卒日給食。家無丁中有父母若單夫隻妻者。諸存恤優厚。而嚴上直折伍領替之律。國大師中。大營居中。外分駐五軍。步內騎外。又外為神機營。外有長圍。周二十里。而樵採其內。置教場於京師。其錦衣衛主禁廷鹵簿儀仗之事。旗手衛主旗纛金鼓之令。諸衛皆統軍卒。而錦衣衛獨領校尉力士。蓋周之虎賁旅賁也。諸軍皆正卒。而府軍獨僉幼軍。即漢之六郡良家子也。錦衣時兼刑獄。而以嚴禁衛為專官。大都京師約宿軍簡卒。上下三十萬。以立居重馭輕之勢。已天下承平。武備弛。中官王振專軍。而土木之變作。景泰初。侍講劉定之言。國家養兵之費亟矣。乃今營兵受粟公門。納錢私室。名之曰月錢。故手不習攻殺擊刺之法。足不習坐作進退之方。目不識旌旗。耳不聞金鼓。或負

販而爲商。或匠作而爲工。其工商之所得。又纔足以支月錢之費。是民之膏血。民之氣力。皆變而爲金銀。以惠姦宄也。一旦率以臨敵。如驅羊禦狼。豈有振哉。宜痛革月錢之弊。作新操練之政。以制軍。而御史魏瀚言。邇長驅動以萬數。而兵部以召募之兵。應之可爲寒心。今京軍不下三十餘萬。或占役於私家。或借工於公府。或買閒而輸月錢。或隨從而備役使。其聽操練者。大約其老弱不勝甲冑者也。且馬多羸瘠。器非犀利。以欲折衝禦侮也。實難。伏望責總戎等官。將營軍整蒐訓練。而命給事中御史。非時按視之。有弊聽參究。仍乞節財省費。一之於功賞。以振軍。當是少保兵尙書謙爲天子倚重。實柄兵。議以爲京師軍馬分隸五軍神機三千營者。雖各有總兵等御之。然不相統一。有發調。獨挑選湊撥以充。兵將不相知。以效功實難。今於見操諸營軍精選。得勝兵十五萬。分十大團營。團操營二萬人。各設都督統焉。隊五十人。有管隊二隊。百人有領隊官。積二十隊千人。立都指揮御焉。隸於都督。其管隊把總大小總兵官。各量其材器謀勇以充。使互相統轄。遇團操時。臣等時出不意。調一二隊點閱。第呼其把總隊長姓。卽各領本隊卒以來。驗其識認與否。比較其武藝精熟與否。使將軍者知士之強弱。爲軍者熟將之號令。有警。量賊勢多少以行。敵多則合營俱動。少則調一二營。或萬人。或數千人。皆原管領官統以行。如此則體統相維。兵將相知。士伍熟習。易於閱會。號令歸一。易於使令。比之平日混操湊撥。強弱不辨。號令不習者。有萬不侔也。其團營外。仍次第其精壯。備緩急之調。以時助國戚。制曰。可。於是分十大營。而團練之法始於此。英宗復位。罷團營。復三大營。八年復置。成化初復罷。尋復置。弘治中兵部言。自景泰中設十團營而來。僅踰二

紀稽其籍已減軍七萬五千七百有奇。而支糧如故。則總兵等官賣放冒支之弊無紀極也。不嚴究將糧餉徒費。而兵政日弛。命究理如章。於是遷京衛勝兵八萬。外衛八萬。其外衛分兩班。班四萬。與京衛番上。共十有二萬。定分爲十二團營。曰奮武。耀武。練武。顯武。敢勇。果勇。勁勇。鼓勇。立威。伸威。揚威。振威。營各有坐營把總等官。專團練。有征調。挨撥以行。他差役勿遣。其老弱不堪戰陣。曰老家。住營備作使。不服戎。而天子慮制軍欲於畿輔地各團操。以爲京師掖。問本兵。兵尙書大夏對曰。甚善。今京西保定府獨設都司。統五衛。本祖宗意蓋如此。遂發保定京營軍回衛操。敕都指揮往蒞之。乃有造飛語帖宮門。誣大夏受私賄。爲卒言還衛操自便者。上見之。微哂曰。宮門豈外人可入。獨此曹忿不得役此軍。爲是言耳。於是□二□營外。北直隸。山東。河南。江北各都司衛所本團操番上。而禁旅益強。時大夏柄兵。愛養士力。諸占役頻減。而修乾清宮軍夫。亦奏減十之五。督工者以不恤大工爲言。激上怒。下閣臣調旨詰責。閣學士健對曰。愛惜軍夫。此司馬職也。司馬議固當。日大夏每以老辭位。沐溫旨勉留。尙乞骸不自休。若切責旨下。彼以不職堅固辭。誰復有憂國奉公如大夏可代居此位者。上欣然開納。省所用軍夫。俱如大夏言。騰驥四衛。舊稱禁軍。正德中。隸中官。詭冒依附爲姦欺。不可詰。嘉靖初。兵尙書承助言。宮府一體。請考選論覈隸本部。如旗毛等衛。許之。而內臣言。四衛禁軍隸兵部。不便。往歲如彰義門破虜。如東市勦曹賊。皆四衛功。以直內故號召易集也。儒外隸卒有急難難召。非便。承助言。往歲之事。正以兵權歸閣人致亂。彰義門之戰。由太監王振。東市之賊。卽太監曹吉祥也。國家軍政有統。豈當乘之內臣云。易驅集哉。詔如議行。大學士

一清疏京營之弊。言自團十二營而來。因陋就弊。垂四十年。而戎政則日耗矣。士卒殷實者。出錢包班。而其名徒存。貧難者。飢寒零丁。而其形徒在。衣裳藍縷。氣息奄奄。平居且不能自存。一旦有急。又安能以贏餒之身。爲國家捍百戰未挫之虜哉。比緣有警。選一二萬兵以行。業已通各營挑選而具。再欲撥一二萬。則團營與老家無異。不可得復充矣。夫軍以衛民。民以養軍。今各營軍月支米八萬一千五百餘石。歲支米九十七萬八千餘石。是皆百姓膏血所從出也。及選用勝兵。課二三萬人而不足。其統兵將官。皆臨期選用。將不知兵。兵不知將。延稽日月。苟以趣裝爲解。將至關口。而士卒尙留京師。都人至相傳以爲笑。是養兵不堪用。而芻糧爲徒費也。正德中。山東畿輔羣盜縱橫。乃調宣大陝西遼東邊兵征之。踰年而後定。是豈強幹弱支之意哉。幸其時三邊無警。故徼以集事。假令猝有夷狄邊境之禍。軍不得動掣。則內盜將置之不問乎。臣謂邊人輕中原之心。必自此啓矣。夫今不爲後益難治。伏乞敕提督官申教練之法。溥優恤之恩。禁侵削之害。嚴占役之條。痛革宿弊。使耳目一新。精彩立變。以壯國元氣。而衛民命。提督軍務都御史王廷相條弊事。言今團營號十有二萬。而京衛民追胥捕盜者。已五千人。外衛撥赴工拽木。則數萬人矣。雖云暫借。終身伍虛。其見操者。又老羸疲弱。不能兵者甚衆。夫軍欲其戰勝攻取。須養其銳氣。使專於武藝。不以雜役荒奪其心。今困苦以勞其身。畚插以亂其習。而欲張皇威武。以敵國所愾。亦何可得矣。且也。軍士類多貧下。而吏胥無賄不行。富者畏懼營操。則賂稱揀退。而終歲優閒。貧者無力經營。則拘之團操。而無時休息。此軍之所以不精也。乞按營軍真正丁口。選其精壯。摘牌贊役。務足十六萬之數。而嚴



圍營軍士毋別差之令。已天子更兵制。令十二營三分之。如舊制爲三大營。而設戎政府。文武大臣爲總理協理官。於是協戎政侍郎王邦瑞上奏言。今國家之所患者。惟口所最甚患者。惟士卒不振。臣以爲斯二患者。非深患也。所謂深患者。惟在中貴人典兵。夫今之圍營。卽漢之北軍。唐之府兵。宋之禁旅。所以衛京師。備不虞。至重矣。其令勳臣掌之者。謂其明武略。令文臣共之者。謂其督怠弛。令中貴人監之者。謂其防壅蔽也。總之以厲兵振威焉。乃者敵馬來。臣調圍營兵。令出城擊敵。而十二營半空。見卒又罷弱。曾不任旗鼓。夫兵至罷弱。罪屬之文武二臣。不得解矣。至空無人者。則乃中貴人爲之。外議藉藉。咸以爲有輪錢脫更之弊。是本用監軍。反用蠹軍矣。可痛。陛下若不卽赫然立罷之。則歲月旣積。消耗益甚。假令虜踵前智。復射一矢於闕下。誰與驅逐。此可爲寒心者也。夫刑餘之人。典在傳公車之令。供掃除之役。已耳。令其參列壇場。固已虧體。而況於作蠹耶。臣聞久服之裘。必敝。常用之器。必缺。請罷中貴人。勿使更濫戎機。亦其保軀善後之圖也。中貴人旣罷。則什伍充實。卽於什中選伍。於伍中選一。豐其饋餼。時其練習。卽可得精卒。以精卒當戎虜。敵雖強。何患哉。臣故曰二患非患。中貴人典兵。所深患也。臣又觀在營諸將。徒善爲容。難以效實。臣欲調諸邊名將。久處行間。諳穰苴之略者。營各置數人。而罷其善爲容者。則李廣在軍。而舞車之徒出。王翦開壁。而鄭距之卒奮。所以懾外夷。安中國。滌舊恥。伸新威。計無急於此者。臣誠憤敵驕。志在效忠。故縷縷如此。夫撩蜚之尾。必中之螫。臣豈不恤。願令戎事坐而益壞矣。願降咫尺之詔。定萬世之規。臣不勝大願。隆慶初。上用輔臣言。躬大閱六師。意振宿蠹。而總兵鎮遠侯寰以老疾辭任。給事中

張函言於兵尙書冀曰。皇上茲舉。正欲分別將領功罪。明賞罰也。竇而整營務有功乎。則賞當首。竇任何可辭。卽廢營政。則竇亦首罪。奈何得自解免也。且竇於無事時。優游安坐。饜大將軍之俸。十有五年。迨大閱。又奈何得脫然去。使他人任難也。宜留以待事。而條營伍消頽。教演虛設。及聯將領。明分數。信賞罰。五事以聞。先是設總督戎政時。以咸寧侯仇鸞爲之。特鑄戎政之印。舊制五軍府開府給印。而不與營操。營操官不給印。戎政之有府與印。自鸞始。三營合正兵十二萬。備兵十四萬六千六百六十人。其十二營兩廳俱報罷。仇鸞時以大同帥入援。恃寵竊權。勦事奏請。請令邊軍入防內。已又請增設先鋒將員。又請以京軍與邊卒雜而征戍。曰是可轉弱爲強也。然聽實洋洋盈耳。而實無當於用。先是巡視官設給事中御史各一人。復佐以兵部司屬四人。時申旒佐巡視。心疾之。疏言。臣叨耳目之司。竊見營政更始。事須詳慮。不當責效於旦夕。決計於一人。上以示鸞。下旒拷訊。因革巡視部官。而自邊卒入後。外鎮多弱。營將統兵在外者。又橫甚。邊人苦焉。初世宗銳意強兵。屢有興罷。旒已定營制。又於內教場團操。內使置內府營。間三歲復於南京置振武營。簡諸營銳卒充之。益淮揚趨捷者。用防海警。從參贊尙書張鼈議也。其後邦瑞再起協理。其言京營自皇上更制以來。七八年間。營伍已多廢缺。今見兵纔十二萬人。而班操者十六萬。今不滿二萬。乞以時選補。明年振武營兵譁。乃以給事中魏元吉言罷散各衛差操。而京營軍益驕。臆兵尙書楊博議。摘萬餘番戍邊塞。以習勞苦。上懲鸞前事。不聽。穆宗隆慶三年。大學士趙貞吉請定營制。言我朝內外兵分隸五府。爲慮至深遠也。永樂時。因聚府兵北伐。旋師後。遂結營團操。然而名營五軍。實存

舊制至正統變而爲十。成化增而爲十二。正德折而爲東西兩官廳。然舊營中具有老家軍之籍。則五營之號未泯。而五府之意尙存。夫我太祖分府設將。權任均而得將之法。我太宗分營統兵。分數明而得將兵法。至嘉靖庚戌。大學士嚴嵩議五府之外。特設戎政府。括內外兵籍鑄印。於是祖制盡壞。卽今未能盡復初制。而分營之法。猶可遵行。莫若於見操官軍。分左右中前後五營。營各統以一將。覈以文臣。收戎政府印於內府。有事佩印以出事。畢內上將歸營中。如是則太阿之勢轉。輦轂之兵強。其於國計甚便。詔下廷臣議。多謂其非便者。而給事中趙廉等言尤悉。於是尙書霍冀乃上言。世宗更定京營。用復祖制。告於太廟而行。往仇鸞之誅。乃將之無良。非法不善也。夫營分三大。中又折爲三十。是固未嘗不分。適合皇上所爲分營練操者。臣以爲營制莫若仍舊便。至謂大將不當專設。戎政不當有印。此實防微杜漸之意。宜如貞吉言。制曰。可。於是三大營各設總兵一人。副將二人。而其協理一人。其參佐官互有增革。各均爲十人。而五軍營兵均配二營。營十枝。屬二副將分統。乃命侯伯充總兵官。尋改總兵曰提督。月輪祭旗神。而用三文臣同稱提督焉。自設六提督。人持意見。擇便宜。嘗旬月不決。於是給事中溫純上言。今京營之弊。失在不擇將而增將。不易兵而增官。不務訓練。而講營制。陛下奈何以一輔臣故。而用三大將。以一勳臣故。而用三侯伯。又以三侯伯故。而用三文臣哉。夫此六人。卽盡才且賢。猶懼十羊九牧之患。況一分兵馬。輒起異心。莫若復舊制便。其副將以下分統。乃如今日議。乃罷六提督。設總督勳臣協理文臣。給印如故。後朱光祚爲協理侍郎。奏革老家軍。然兵之家恆爲兵。老家軍旣革。少者充伍。不能養軍。多嗟咨。每光

祚過市爭以瓦礫擲之。天啓中復老家軍糧而增內臣爲監視。復增把牌諸小內官。招家丁而諸營軍多附之。恆以婦仁姑貸罪。營中軍法不行。恆譚懷宗卽位。撤內臣以家丁入伍。革其名未幾。復置。時邊事孔亟。中原不靖。每遣京營兵出防勦。大虐民。地方官莫可誰何。往往無功而還。大學士楊嗣昌爲本兵。行抽練法。抽壯者加其糧賞。而不加者悉解體。抽者益驕橫。時秦賊李自成將犯闕。善用謀。商販諸色人多爲其用。倡言爲自成禁軍。月數十金。京營軍皆信之。望其來。及至城下。不爲發矢銃。往往有招賊者。而太監柄兵事。遂出迎。明鼎以遷。嗚呼。京營之壞於內臣也如此。初三大營設官如五軍營。提督內臣一員。武臣一員。掌號頭官三員。其坐營中軍掖哨千把幼官舍人共官三十三員。三千營提督內臣二員。武臣二員。掌號頭官二員。坐司官五員。操直把總共五十四員。神機營提督內臣二員。武臣二員。掌號官二員。中軍坐營分司把牌把總掖哨千總共官八十四員。舊團營制分十營。每營軍一萬。其官大約同三大營制。而增兵尙書或侍郎或都御史一員爲提督。後於團營選精銳者爲聽調人馬。屬之東西兩官廳。十營設掌號官三員。各營改設坐營內臣一員。武臣一員。號頭一員。把總二十員。至嘉靖年定京營制。其坐營掖等內臣俱革。而統以大將一員。曰總督京營戎政廳。佐以文臣一員。曰協理京營戎政。設大將一員。總主三營行兵之政令。統軍一萬爲中權。一曰五軍營。設副將二員。各兵七千。參將四員。各兵六千。遊擊四員。各兵三千。外備兵六萬六千六百六十名。一曰神樞營。卽故三千營。副將二員。各兵六千。佐擊將軍六員。各兵三千。卽前大將統一萬。外備兵四萬人。一曰神機營。與神樞營同。三大營將領副參遊佐坐營號頭

焉。中軍千把總等官共五百八十六員，共額兵二十六萬六千六百六十名，而末年召募之遊兵數萬不與



# 明書卷七十一

## 志十四

### 戎馬志二

邊兵之制。其沿革謀議方略。悉具邊防志。而茲特詳其防邊鎮戍官兵馬匹之數。而末年之增設召募。不可得而詳云。凡天下要害地方。皆設官統兵鎮戍。其總鎮一方者。曰鎮守。守一路。曰分守。獨守一堡一城者。曰守備。與主將同守一城者。曰協守。又有提督提調巡視備禦領班備倭等名。各因事異職焉。其總鎮或掛將軍印。或不掛印。皆曰總兵。次曰副總兵。又次曰參將。又次曰遊擊將軍。舊於公侯伯都督指揮等官內推舉充任。其後進途大難。有以市獯漸陞至總兵者。其鎮守內臣。自永樂初出鎮遼東。開元及山西諸處。自後各邊以次添設。而鎮守之下。又有分守守備監槍諸內官。嘉靖初。次第裁革。十八年。盡數取回。天啓中。復設稱監視。崇禎初。撤還。旋復設。卽後再撤。而兵事已不可爲矣。悲哉。薊州鎮。鎮守一員。協守三員。分守十一員。遊擊將軍及統領南兵統領班軍遊擊將軍坐營守備把總提調。共五十九員。額官兵三萬一千六百五十八名。馬六千三百九十九匹。密雲額官兵三萬三千五百六十九員名。馬一萬三千一百二十四。永平額官兵三萬九千九百四十員名。馬一萬五千八十四。昌平額官兵一萬九千三十九員。

名馬五千六百二十五匹。而調募之兵無常數。昌平、通州、涿鹿營及遵化營、舊屬薊鎮。其後昌平、通州置重臣爲重鎮。各設鎮守分守遊擊將軍坐營守備提督共二十餘員。而遵化亦設巡撫。順天都御史爲撫標。設中軍參將以下官。其營兵有加焉。涿鹿視二鎮而無文大臣。其兵馬如昌通。末年建拱極城。增官兵三千員名。守蘆溝橋。特以御史巡視之。○遼東鎮守一員。守協一員。分守五員。遊擊將軍以下官三十三員。其後地日削。官日增。有前鋒總兵中東西三協總兵。而其下益冗。原額官兵九萬四千六百九十三員。名馬七萬七十一匹。末年兵幾十五萬。兵近十萬。而卒無益於強弱之勢。○保定鎮守一員。分守四員。遊擊將軍以下共二十三員。額兵三萬四千六百九十七員名。馬四千七百九十一匹。○宣府鎮守一員。協守一員。分守七員。遊擊將軍以下共三十六員。額官兵一十五萬一千四百五十二員名。馬五萬五千二百七十四匹。○大同鎮守一員。協守一員。分守九員。遊擊將軍以下共四十七員。額官兵一十三萬五千七百七十八員名。馬五萬一千六百五十四匹。○山西鎮守一員。協守一員。分守六員。遊擊將軍以下十七員。額官兵五萬五千二百九十五員名。馬二萬四千七百六十四匹。○延綏鎮守一員。協守一員。分守六員。遊擊將軍以下共十八員。額官兵八萬一百九十六員名。馬四萬五千九百四十四匹。○寧夏鎮守一員。協守一員。分守四員。遊擊將軍以下十員。額官兵七萬一千六百九十三員名。馬二萬二千一百八十二匹。○固原鎮守一員。協守一員。分守四員。遊擊將軍以下共二十三員。額官軍一十二萬四千九百一十九員名。馬三萬二千二百五十八匹。○甘肅鎮守一員。協守一員。分守五員。遊擊將軍以下共二十員。

額官軍八萬八千七百九十八員名。馬二萬九千九百六十九匹。○陝西鎮守一員。分守六員。遊擊將軍以下共十四員。額官兵七萬八千五百九十六員名。馬二萬三千八百七十五匹。○四川鎮守一員。協守二員。分守一員。遊擊將軍以下共八員。額官兵一萬四千八百二十二員名。馬一千四百八十九匹。○雲南鎮守一員。分守三員。守備以下官十三員。額漢土官兵六萬三千九百二十三員名。無馬。○貴州鎮守一員。分守二員。守備中軍八員。額官民兵二萬八千三百五十五員名。馬二千三百八十二匹。○廣西鎮守一員。分守五員。守備坐營中軍共十四員。額官兵一十二萬一千二百八十九員名。馬八百二十五匹。○湖廣合鄖陽撫治衙門。共鎮守一員。分守三員。守備中軍以下共十二員。額官兵六萬八千八百二十九員名。○廣東鎮守一員。協守一員。分守七員。遊擊將軍以下十二員。額官旗兵二萬九千九百四十七員名。召募官兵三萬五千二百六十八員名。○南直隸除衛軍外。提督一員。鎮守一員。分守二員。遊擊以下共二十一員。額官兵一十萬二千一百六十七員名。續募兵七千一百四十九名。○浙江鎮守一員。分守四員。遊擊以下官十員。額官兵一十三萬一百八十八員名。民壯一萬六千二百九十名。○江西分守一員。守備等官十員。額官兵三萬九千八百九十三員名。南贛所統江西官兵九千一百四十八員名。福建官兵八千一百七十一員名。廣東官兵八百二十九員名。湖廣官兵一千九百二十八員名。○福建鎮守一員。分守一員。守備以下十一員。額官兵一十二萬五千三百八十一員名。○山東分守及備倭領班官共九員。額官兵四萬三千六百三十一員名。○河南總兵一員。都司守備共七員。額官兵三萬一千一



百七十七員名。舍餘附兵營二萬二十名。民兵五千名。

四衛營制。國初有御馬監勇士旗軍。以處迤北。逃回人民。供養馬之役。器械衣甲。必異他軍。後多以進馬者投充。而聽御馬監官提督焉。名則隸於羽林。而身不隸也。其後稍益滋弊。往往名相冒。每支餼糧。不可辨識。宣德中。乃專設羽林三千戶。所統之。凡三千一百餘人。間歲遂改曰武驥。驥衛。衛各有左右。別營開操。設坐營指揮四員。仍督以內官。號禁兵。成化中。令兵部覈其數。無得濫糧食。卽絕。例不清句。有戶丁告補者。必審實。而後得收役。著爲令。弘治末年。廷臣言。四衛營詭冒者衆。宜遣給事中御史兵部官覈實。旣而御馬監列上。以請。本兵稽其數。萬有一千七百八十軍人。三萬一百七十歲。食廩粟五十萬。然無益於用。請如前覈議。從之。於是冒濫稍清。武宗卽位。中官劉瑾言。四衛者。祖宗設立。以備宿衛。扈從。名曰養馬。實爲防姦禦侮。乞留供役。省臺臣爭以爲不可許。下兵部議。於是尙書大夏奏曰。臣觀四衛軍士。多四方逋逃。冒充禁兵。耗費國用。先帝特命稽覈。歲省金錢數十餘萬。百年宿弊。一旦廓清。今德音猶昨。變亂先帝之治。謀傷國體。大不恪。不聽。及世宗嗣位。詔四衛勇士。自弘治十八年存額之外。悉裁革。越五載。中官復以爲言。且請加團營例。選四衛餘丁補額。而兵部奏以爲。弘治清積後。勇士存者數多。使人皆在直。供役有餘。而無奈主者多脫鬻。當武廟時。京師豪富。率用賄投充。希免征徭。糜費以數百萬計。幸皇上痛革夙弊。曾幾何時。而復自啓之。且抽選壯丁。百年來無此故事。況監軍直役最簡。比之團營。勞逸萬有不侔。設比例抽選。則豪富聞風競起。往來冒濫之弊。將復成於今。無補公家萬一。而徒爲太倉之蠹。不聽。

其後二年兵尙書李承勛言請考選嚴隸本部如旗手等衛從之已計臣亦以四衛軍半罷弱且脫閒者衆徒糜耗奏言國家軍政推選由兵部而四衛獨不由諸營操練俱聽科道點閱而四衛獨否宜弊竇之日滋也臣以爲今後有補役宜行兵部審核而後給餉其考選點閱之政一同他衛從之十六年詔前登極詔書裁革軍人通與收復兵部言是閱歲久中多詭冒可止收二千命收四千已御馬監內臣言勇士多逃亡僅存五千五十頃聞邊警請以子姪選充兵部以勇士故額皇上原定爲五千三百三十人八年時以浮其數意固以備逃亡也卽如所云僅闕三百人耳茲營原非爲備邊設安得藉口以行其私上從部言仍詔自今選補一如舊制著爲令

侍衛上直官軍太祖初置錦衣衛掌鹵簿大駕凡十司曰鑾輿、擎蓋、扇手、旌節、幡幢、班劍、斧鉞、戈戟、弓矢、馴馬之屬隸以校尉力士而復有將軍將軍遴有膂力及體貌雄偉者充之其尤者曰大漢將軍已又擇公侯伯都督指揮之嫡次子置勳衛散騎舍人而府軍及旗手等衛各有帶刀官永樂中復增設紅盔將軍明甲將軍及叉刀圍子手之屬俱以備宿衛以公侯駙馬伯領率之而位次陳列以至衣甲器仗之詳各盡其制凡大朝會及大祀誓戒冊封遣祭傳制用全直直三千餘人餘則更番大朝會者用掌侍衛官二員鳳翅盔鎖子甲懸金牌佩繡春刀殿內東西立勳衛次之少後錦衣衛正直指揮一員侍殿內簾右千戶六員朝服侍殿外之右簷捲簾百戶二員傳鳴鞭百戶四員立殿門外及丹陛上下中極殿導駕錦衣將軍執金瓜者十人蓋頂門執瓜者八人御座左右錦衣將軍執金瓜者六十二人執大刀者二十人

神樞營執金瓜者十人。弓矢佩刀者十人。籬下大漢將軍執瓜斧者四人。立殿門將軍。其錦衣衛十六人。執金瓜。其神樞營二十人。懸弓矢。繖下錦衣衛六人。扇頭二人。殿角及柱各二人。俱執金瓜。丹陛將軍共六十人。錦衣衛者執金瓜二十人。神樞營者執大刀四十人。上下纏腰將軍三十四人。錦衣衛者執金瓜四人。神樞營者執鴛鴦頭刀三十人。上上踏凳將軍三十二人。錦衣衛者執鐵瓜。神樞營者懸弓矢各十六人。東西儀廊將軍十六人。中左右門如之。錦衣衛者執金瓜。神樞營者佩弓矢。丹墀左右共一千九百七人。錦衣衛懸弓矢者八百五十四人。其執金瓜者百人。執開鞘大刀者十四人。神樞營執金瓜及大黑刀者五百五十八人。而執出鞘紅刀者三百五十一人。其丹墀四隅。錦衣衛佩刀將軍作四隊。凡二百人。其周圍五軍營官軍。執又刀金槍。作四十隊。凡二千人。皇極門將軍執金瓜者二十人。弘政宣治門執金瓜者十六人。弓矢佩刀者八人。金水橋弓矢佩腰刀者十六人。左右品牌執金瓜者四人。會極歸極二門。弓矢腰刀者八人。東西城路錦衣將軍弓矢腰刀者四人。校尉職鳴鞭及擊扇蓋儀仗者列午門內外。其餘執鐵狼牙列御道共千人。駕出錦衣千百戶官三十六人。擎香鑪前行。諸侍衛將軍各扈從。至則護齋宮及諸守衛之役。御經筵。則大漢將軍分東西侍。凡二十人。居常則當直將軍朝夕分候於午門之外。夜則司更共百人。而五軍又刀官軍悉於皇城直宿。凡掌領侍衛官。輪直日更一員。惟掌錦衣衛將軍及又刀手者。每日侍。而尤嚴收捕之令。及請脫更離直者。宣德中有將軍未經部奏請。擅帶刀入直上。曰。將軍侍朕左右。所關最切。昔唐長孫無忌入閣忘解佩刀。以勳親乃免。今若輩何人。乃爾。其必罪無赦。正統

中。御史言。上直將軍多有夜攜金牌外宿。因而私糾盜賊。混入朝門。爲害不細。宜令所司嚴爲點閱。從之。後復定侍衛將軍五年一選。已復令府軍前衛侍衛等官亦五年一選。如將軍。

皇城守衛軍。太祖在軍中。卽命選富民子弟充宿衛。曰御中軍。已乃置都鎮撫司。隸都督府。總禁旅巡徼。而金吾前後羽林虎賁左右府軍左右前後等十衛。輒番上。十衛者號親軍。凡有請得自行部。不關督府。後復改都鎮撫爲留守衛。增設中前後左右凡五。法亦漸密焉。洪武初。命守衛都督官一輪一員。領符牌於內直宿。且覈諸衛士士卒。三日一更。又定門禁法。凡內臣出入。悉令合符。其有以兵器雜藥至門者。論如律。失察者罪同。每駕出。則以御史察視。六年。更造守衛金牌。凡隨駕應直宿衛官及將軍俱佩之。十三年。因更定五軍都督府。革都督。改命侯伯僉書焉。後又以金吾等衛言。增禁門校卒。已諭兵部曰。自古君天下者。立兵衛。任將帥。申明約束。以嚴守圍。而皇城四門尤重。邇將佐怠於鈐轄。致有離析隊伍。覓代他人。不則操之過嚴。使不得休息。夫人竟旬日勞苦。暴露於外。至不能有父母妻子。而責令奉公無過。何其核而不情也。豈爲上御下之道。今朕親著爲令。諸有事關不得已者。許上開放歸。事已復直。其無事而爲欺謾者。法其當直而離次或雇代者。法爾。諸將其如法奉行之。已復申皇城之禁。每朝參。則當直都督將軍先入。帶刀官及散騎舍人繼入。然後文武羣臣以次入。朝退。諸衛士始更直。凡更必以辰。益嚴守圍焉。而諸出入內臣銅符。守衛官不加比驗者。悉治以法。永樂中。因尙書方賓言。守衛軍不足。命調羽林。濟川。濟陽。燕山四衛軍相參宿直。已又改造衛士懸牌以銅。洪熙初。諸親軍缺伍。衛士多不得代。經月不歸。上

憫之。命選他衛軍守端直諸門。俟親軍補伍如舊。尙書李慶言。舊制無他軍守衛者。禁直嚴。不可不慮。上笑曰。人主在布德施惠。以屬衆心。心不相屬。卽素所親幸之人。亦轉盼爲讎。古人云。舟中敵國。可鑒。誠得其心。又何患焉。慶不能對。宣德元年。漢庶人反。以公侯伯分守皇城。又二年。令御史巡視之。明年。遣給事中往山東。選調帶操親軍備宿衛。諭部臣曰。用人須無失所。然後可責之效力。今考諸士。預定其次。舍俾至卽獲安也。已新建伯李玉言。衛士多羸弱。請簡精銳以充。上可其請。命於五衛軍選補。凡一千三百餘人。正統初。科臣言。皇祖著令。機事許諸司徑奏。餘悉繇通政鴻臚以聞。制也。前已經揭示。比尋常建白。動入內府。得旨自送科。似此何以防範姦僞。乞下所司申飭其禁。從之。至弘治元年。兵部郎中陸容疏。請重禁兵。謂國家上直用衛士。操備有營軍。卽古南北軍遺制。今營兵頗覺偏重。而宿衛之兵。顧若贅疣焉。宜以時蒐補練習。用戒不虞。先是諸衛士下直。則於京營團操。月三日。而錦衣衛將軍自爲一營。如例訓練。至是稍耗廢。故容奏及之。其後又十年。尙書馬文升奏言。臣觀歷代制兵。不使權歸一人。漢制有南北軍。南軍護皇宮。禁衛之兵也。北軍護京師。征討之兵也。各有所掌。而南軍尤託之心腹。其防姦之意。嚴且密矣。我太祖置十六衛親軍指揮使司。不隸五府爲禁兵。其餘五府爲征討之兵。卽漢兩軍相表裏之意。及太宗復設親軍十二衛。已又增置勇士營數千餘員。屬御馬監上直。而以心腹臣領之。成化以來。乃漸廢弛。勇士與諸營無異。此外雖有將軍圍子手。不過於早朝侍立。朝退卽歸。皇城之內。兵衛無幾。諸監門卒尤疲羸。至不任受甲。宜敕御馬監官。卽見軍選汰。而委老成之將。責以練操。更番上直。仍敕守衛官。常嚴

部伍。譏察諸出入者。上然之。正德初。復令留守衛日輪指揮五員督內外夜巡軍。而兵部司屬郎中及主事各一員同御史錦衣帥稽閱。毋攝他務。後以親征寧庶人。嚴宮門。以駙馬都尉若公侯直守。然命下時。距南征數日矣。又明年。科臣言。侍衛之設。所職匪輕。主者率多腴削。輸錢脫更。不勝其弊。乞重爲禁戢。有不如法者。許給事中御史劾治之。仍命又刀圍子手並紅盔將軍悉聽閱。其後嘉靖中。增給直宿紅盔官軍衣糧。不爲例。後復以請。上憫其侍衛寒苦。詔仍與之。遂著令五年一給。守成法云。

京城巡捕軍。初太祖都金陵。置兵馬指揮司。譏察姦僞。既卽位。每夜發巡牌。旗士領之。覈城闔扇。鑄及踐更者。已復改命衛所鎮撫官。而掌之中府。永樂中。增五城兵馬司。宣宗初年。京師多盜。召尙書義原吉語之曰。朕憫愚民無知扞罔。近獲盜再三刺訊。未忍加刑。而小人遂狃以爲故常。輒敢糾合亡徒。肆暴不已。爾等其計議以聞。於是義等奏曰。陛下好生罪人多從寬貸。夫使良民被懼掠之苦。而姦民反儼幾幸之恩。非所謂平也。自今請依令甲有犯者罪死。詔可。已復於都城諸門增候卒五百人。兵馬司給卒百人。相兼夜巡。成化中。命錦衣衛指揮同御史督兵馬司緝捕。末年。所司奏撥團營軍二百人。併捕賊。從之。弘治中。兵部條上方略。於是嚴里甲之法。家給由牌。縣之門。具書籍貫丁口名數。有異言異服者。卽自糾發。不告姦同罪。命如議行。越五年。設把總都指揮職巡捕。後因虜警。敕內外城守官嚴譏察。而廉其怠玩溺職者。正德末年。至四千人。而增置參將員名。請敕提督。初制。官軍三千六百。巡邏京城內外。南至海子。居北。庸西過蘆溝橋。東抵通州。地遠不及徧。於是民間多盜。本兵以爲言。乃申飭設法擒捕。盜稍清。亡何復發。

都御史條上六事。曰：樹柵門，聯什伍，分巡邏，置望樓，習武事，定賞格，從之。嘉靖中，巡捕官軍時有增置。間歲又復掣回營，仍簡壯勇以補故額之老羸者。其後增至五千。屢命巡捕將領督操無怠，而監以兵部司屬一人，尋改命給事中。已復命司屬曰督捕。後萬曆中，定額官軍凡一萬一十八員名。馬半之。凡駕出及朝審錄囚，皆結隊各隘巷。崇禎中，以兵部左侍郎專理督務。歲舉劾捕營將領以下汰選捕軍，而以盜之有無賞罰焉。

班軍之制。太宗永樂中，詔諸邊守將及河南、山東、西、陝西、中都及江南、北衛官，簡所部卒赴京都，以俟臨閱。蓋京操始此，而未嘗著例也。仁宗時，因英公輔、兵尚書李慶言，復命直隸及近京軍番上操備諭之令。畢農而來，先農務遣歸，庶不妨事。已復語兵部臣曰：王道在順人情，比更調官軍，率遠近而就遠，無益。若使陝西之軍就彼備禦，而調河南、山西軍京師，不兩便耶。上可其議，行之。宣宗初年，張輔言：京操之軍在邊方者，比悉放歸。今京師軍少，請調河南、山東、中都、睢陽諸衛較閱。上遂定其數，令所司部署。以期至京後，又敕河南、山東、西、大寧、陝西及中都將領，凡軍還取衣裝者，務時至，老弱別選代，官給之馬，毋輒扣其衣糧。於是歲春秋番上共十六萬人。九年，成公勇言：河南軍千餘人，期不至，當退。上曰：法有三令五申者，其移文趣之。明年，放回陝西班軍著伍，止後勿來。先是緣邊衛俱遣還，至是并腹裏遣之。正統中，京操軍悉戍邊，乃令御史於江北、直隸、山東地選調精卒，爲京師備。景帝初，邊事方棘，班軍悉留京不遣。間歲稍寧，乃放還取衣裝。於是武清侯石亨少保于謙議三分之，留兩番操備保定、河間、天津，放五十日。河南、山

東九十日。淮安、揚州、鳳陽百日。其紫荆、倒馬、白羊關及保定諸城戍卒屬山東、河南者，亦如之。有輒逃者，官鍰秩三等戍邊。士盡戍謫邊，衛不貸。又明年，兵部奏外衛京操軍，舊以三番疎放，近緣邊務急，分十營訓練，久不得休，請分爲兩番。一以三月放，八月至京。次八月放，來歲正月至京。凡北直隸、河南、山東、江北強壯之士，俱屬首番。比秋時已畢集，報可。成化八年，河南秋班軍二千餘人不至，下御史趣之。罰操如例。是後承平久，兵艸田銷，外衛卒在京者無所事，祇供營作諸役，而勢家占役半之。弘治中，兵部臣以爲言，罰治如法。於是合選內外衛兵各八萬人共團議，其外衛分兩番，番四萬迭上。末年，遂發保定之卒，還衛掖京師。敕都指揮戴儀任其事。嘉靖初，尙書李承勛上兵計，謂永樂中調附近卒番上京師，後遂踵爲故事。衛伍半空，而在京者遂備營繕之役。在邊則給將領之私，且行齋居送，煩費實多，而未嘗得實用。若省行糧之費，以募工作，何憂役乏？何藉軍備，則班軍之調遣所當革也。明年，科道合言：河南諸軍多爲主將需免，宜按籍稽之。而於至日嚴加選閱，壯卒隸團營，次隸五軍營，操練班滿之日，令提督巡視，諸臣覈實方許放還。從之。後六年，命鳳陽、皇陵衛軍專於其地操守，毋輒調尋翊國公郭勳言：河南歲災，京操軍不至者衆，請寬之。上曰：京操軍歲以春秋往來，我皇祖立法，慮至深遠，千夫不至者，逮其長奪祿，卽歲災，必待奏乃放還。此成例也。比稽期以萬計，若等不聞舉發，而輒斬寬法，如是耶？今姑從若言，後犯者舉如法。旣而兵部條議班軍失期者，治將領之罪，以多寡爲差，約以十分二分。以上奪其祿，撫按臣卽訊五分。以上則逮京訊之。八分以上，鍰秩調邊戍。報可。後三年，軍益愆期不至，命部覈原議。先是，令雖具，未有行者。



至是復申飭之。二十有二年。以虜棘營兵少。兵部請併諸衛軍爲一班。歲以五月赴京。十一月放還。如此則每歲秋防可得見軍十五六萬人。較召募之費爲省。迺後班軍益耗廢。命豐城侯李熙覈其數。僅得四萬人。熙請改徵銀召募。而以見軍四萬歸營操。於是大學士嵩議曰。祖宗設三大營在京師。而令班軍分番入衛。蓋居重馭輕。有防微深意焉。百五十年來。未敢輕變。今京軍數已不多。宜窮搜弊源。力加振刷。詎可付之無何。乘成額爲烏有。而僅賴此四萬人。非計之得也。且各衛邊兵。近雖有折乾之弊。然每清覈令下。人心猶慮罪爲兢兢。今若奉旨徵銀。藉爲口實。上是之。亡何復令山東河南中都軍仍遵舊制。分兩番入衛。別爲一營。春以三月至。八月還。秋以九月至。來歲二月還。凡工作毋許擅役。從平江伯陳圭奏也。給事中李敏劾圭徇偏見。攬事權。兵尙書聶豹心知其非。顧阿私罔所異同。上以問嵩。嵩對以往庚戌虜患。因營兵未練。暫令併班。乃出一時權宜。今圭言復祖制耳。似不爲私。而給事中卻以併班爲是。惟上裁決。上從嵩言。後三年。鳳陽都御史李遂言。淮揚陵寢重地。比以倭故。藉班軍防圍。但人非恆役。無固心。乞定議存留。兵部言。舊制鳳陽八衛軍分番操。若春班專留守。則秋班歲操無休時。人情非便。宜令皇陵軍專護陵寢。毋別調。而春秋二班。仍付將佐率領。番上京師。穆宗時。河役起。軍士憚於久役。逃亡多。下兵部議。乃議以爲國初徵軍十六萬。番上京師。實居重馭輕至意。邇營作日繁。然河工急。勢不能無役。可於見役軍中。簡銳者著伍營操。而以老弱供作。河成卽止。從之。萬歷中。侍郎王之誥請復班軍備營伍。毋失祖宗故額。於是樞臣以爲然。照故制番兩班入京師。其後承平久。班將多賣放。至者無其半。而軍不營操。皆

居京師爲商販工藝。以肥班將。天啓崇禎間。邊事洶洶。乃移班軍於邊。築塞垣。負石運春。無休期。而糧糗缺。軍多逃亡。有苦寒役累死者。班將往往逮革。屢振刷。多不應。而敕兵左侍郎。專理班軍事務。鑄印。軍不足奪祿。鐫秩。不恤也。雖故額十六萬。而至者鮮矣。

江防兵制。明初都金陵。於城南新江口置營。用練習水兵。凡八千人。已稍增至萬二千人額。造舟四百艘。而江之北。則設陸兵營於浦口。以爲水兵犄角。且默相彈壓焉。其沿江之所至。上則安慶。九江。分置南北。實三楚通道。道廣邈。而池。太。以次列屬之金陵。其下迄蘇。松。郡中匯大湖。稍折而入。則常熟。鎮江矣。跨江曰揚州。稍西涉於淮。而徐。兗。泗。從取道焉。萑蒲之警。時聞。總之防之於江。而江南郡中復濱海。且虞島夷。累朝之所經畫。以故詳。太宗特敕通侯爲總帥。視江操。其後兼用都御史。成化初。錦衣衛指揮馮瑤言。鹽徒出沒不常。茫茫大江。汶港非一。官軍疲於追逐。宜令江軍依地防守。附近哨捕。而於瓜。儀。九江要害處。選老成之將鎮之。庶軍役可免跋涉。而諸屯亦得收坐鎮之功。其後六年。守備侯蔣琬奏言。比奉命操江。舊制官軍半皆散逸。宜令所司如天順間例。調建陽。鎮江諸衛軍追補原額。而鎮江之兵。素習水戰。尤所當亟調者。從之。十三年。命擇武職大臣一人。專操江之職。毋攝營務。以定襄伯郭嵩爲之。而弘治十三年。彗警。大臣各陳言。於是尙書秦民悅言。江防兵不習水戰。萬一有警。以疎縱懈惰之軍。當習慣強梁之盜。可爲寒心。宜敕內外守備官勤閱視。而慎坐營官之選。其後兵部復言。新江口兩班軍。宜如京營團操例。首班歇。卽以次接操。從之。正德中。寇充斥。尙書柴昇疏謂大江之險。以長淮爲蔽。邇烏合之寇。絡繹徐。

竟、淮、泗間。是故備先淮。淮安故有都御史總兵參將三人。歲率以領運赴京。今宜定之制。歲一人行。留二人居守。嘉靖初。都御史胡瓚條江防事。謂舊新江口營屬都御史總理。而事動關守備參贊。勢不無相掣。則委任宜專。舊新江口及九江、瓜、儀原設軍防。聲勢聯絡。今承平玩愒。卽聞盜發。等若秦越。宜各視所轄。相應援。則約束宜明。舊設營軍凡一萬千六百餘人。比役占者半。耗減多。則軍伍宜實。舊存江船三百四十艘。然歲久。圯不堪用。且制不利風濤。當以時修葺。則舟航宜豫。下其議留都。其後八年。命增設江淮鎮守總兵官一員。給事中夏言以江寇縱橫。可設專官。任捕討之職。樞臣言。南京故有操江武臣。亦復巡緝防禦江洋。自其職守。若又設總兵。而原官仍存。不無牽制。上令操江武臣如舊。仍設總兵官。提督沿江上下諸郡。乃用崔文。於是文奏練卒造舟。報可。明年。御史余勉學請於瓜州築堡。以防不虞。亡何。盜平。總兵罷不設。仍以其責屬操江。而十九年。京口多盜。至僂辱守臣。上心欲復總兵。詔詰樞臣。以先歲總兵罷設之故。是時言入爲輔相。於是兵部請復置鎮守江淮。守給旗牌符敕。提督沿江上下諸郡。若曩歲。先是狼山故有副總兵。諸參遊而下。悉聽節制。至是給事中馮亮言。江南備倭。江北守備。二臣事權輕。宜加以將領之號。如馮亮言。在江南者。建牙金山。起龍潭。並鎮江。姑蘇。太倉。鎮海。及嘉興。松江。吳淞。崇明。南匯。青村。皆屬焉。職備倭兼捕鹽徒盜賊。其江北守備所屬。則儀真。六合。歷揚州。通。狼海門。掘港。高郵。以至鹽城。海州。東海。職捕盜兼備倭。得節制諸衛官。而金山去總督之號。與儀真守備。聽總兵調度焉。其後楊慶以事免。總兵復廢。二十三年。給事中萬虞愷言。南京軍衛。蓋隸兵部。而沿江諸屯。則屬操江。所以專統轄。重江

防也。今浦子口遠在江北，乃以屬兵部。都御史節制，僅行於新江營，形勢相依，事權不攝，其何以通脈絡，臂指宜以浦口改屬操江，便且沿江方數千里，上則安慶，下則鎮江，尤爲要害。近總兵旣罷設，莫若令操江都御史駐鎮江，或安慶，上下其議，而卒不行。二十七年，改定儀真守備信地，以新港至瓜儀六合隸江防，而天長及江都高郵隸陸防，仍聽狼山副總兵節制。後以給事中范宗吳言，故事操江都御史職防江，應天鳳陽二巡撫職防海，有分地矣。後緣倭患，遂以鎮江而下通常，狼福諸處舊屬二巡撫者，亦屬操江。故二撫臣得諉其責，而操江又以原非本屬，兵難遙制，亦泛然視之。今宜定其地，以圖山三江會口爲界，上下各分屬，萬一留都有警，併力應援，不得妄分彼此，坐失事機。報可。仍敕自今不係操江所轄軍事，操江都御史勿復與。先是胡瓚條上明約束，專委任二事。魏公鵬舉引舊事以爭，謂瓚所言，意侵守臣權，非令甲不可聽。兵部申瓚議上報，令如弘治例行。弘治時，敕參贊王繼軍事與守備成公輔議，故云。後增上下二江兩巡視御史，一年代得舉劾沿江有司將領，而操江都御史卽以南京都察院或副都御史或僉都御史理之，不另設署，終明不改易焉。



# 明書卷七十二

## 志十四

### 戎馬志三

海防之兵。明初未嘗設。及洪武二年。倭寇山東。寇崇明。又寇惠潮。乃命行人楊載齋。齎書諭其國王良懷。良懷乃遣口祖來貢方物。三年。寇山東。轉寇浙。福傍海諸郡。五年。寇海鹽。澈浦。温州。乃始命浙。福建。海船防倭。六年。遂以於顯爲總兵官。出海巡逐。未幾。復寇登萊。七年。寇膠州。靖海侯吳禎擊之於琉球大洋。斬俘甚衆。二十三年。續貢。後以倭使如瑤坐通胡惟庸事。敗發雲南。始令信公和築登萊。至浙東西。防倭衛所。是冬。又令江夏侯周德興築福建海上十六城。二十六年。寇金鄉。明年。敕魏公輝祖。安陸侯吳傑。練兵海上。絕其貢不與通。勒之祖訓。永樂二年。寇浙直。乃命太監鄭和諭其國王源道義。源道義乃繫其渠魁以獻。復令十年一貢。正副使毋過二百人。若貢非期入。及人船踰數。或挾兵刃。以盜論。然倭時時掠海上。不爲戢。十九年。寇遼東。左都督劉江設奇殲之。封廣寧伯。倭自是不窺中國者數十年。蓋始張士誠。方國珍據海上。諸郡人習兵。及張方擒滅。而逋者悉航海附倭。以故倭患特數。已而增戍守。招沿海島人。蛋戶。賈豎漁丁爲兵。於是海防益嚴。正統中。犯桃渚。入大嵩。焚殺慘。下防倭之令。申飭備至。嘉靖中。貢使相

挺起爲變。詔諭乃解。已禁市舶。而中國大猾入據海中。與倭相糾結。爲寇愈熾。數十年有大盜十四蹤至。穆宗時。寇碣石。以致叛將周雲翔與合。久乃剿定。後乃以海上爲要邊。云沿海郡縣備倭大鎮。有廣東福建浙江江南淮揚山東薊遼凡七。各有督撫重總軍務。又有專敕臬臣備兵事。有總鎮大將軍職調度。又有參遊而下。司哨守各屯。劄要在廣東。則有東中西三路。東路扼全粵之上游。於柘林碣石各設把總。而惠潮則設參將。南粵又有漳潮副總兵以控之。中路防省會之大洋。則於虎頭關設把總。廣海設守備。而廣州則有海防參將。西路遏番賊之突入。而潤州則有遊擊雷廉。則有副總兵瓊州白沙塞。則有把總崖州。又有參將粵之海防如此。在福建。設水寨五。一曰漳州銅山寨。領以把總。又於舊轄玄鐘所增遊兵寨。設南澳把總。領之。而聽節制於漳湖之總兵。一曰泉州浯澳寨。領以把總。而又特於南路設副總兵兼轄起祥芝。直抵廣東界焉。一曰興化南日寨。領以把總。於海壇亦設把總。各以兵分哨海汛。一曰福州小埕寨。領以把總。又特於中路設參將兼轄起懋灣。直抵泉郡之祥芝。一曰福寧州烽火門寨。領以把總。又特於北路設參將兼轄起福寧。抵懋灣。閩之海防如此。在浙江。有六總。金鄉磐石二衛。設把總一。轄温州沿海四百餘里。而節制之以溫處之參將。松門海門二衛。設把總一。轄台州沿海五百餘里。而節制以金台嚴之參將。昌國衛設把總一。領本衛及在外前後錢甯四所。與遊仙寨。起石浦。抵南湖頭。定海衛設把總一。領本衛并在外後所。霽巒大嵩中中左五所。南起湖頭。北抵管界。外及舟山。觀海臨山二衛。設把總一。領寧紹西自三江。東至龍山。延袤三百餘里。及在外金家島。而皆節制之以寧紹之參將。海寧衛設把

總一領浙西沿海。起鰲子門。抵金山衛。五百餘里。皆屬焉。而節制之以杭嘉湖之參將。浙之防海如此。在南直隸。蘇松專防海。常鎮兼防江。由浙而東。乍浦以東。則金山衛扼其衝。於是設參將。華亭之柘林。上海之川沙窪。賊曾據以爲巢。則各設把總。由松而蘇。黃浦以北。則吳淞江口當其吭。於是。有總兵之特屯。割把總之分哨。守遊兵把總之司策。應若太倉之劉家港。常熟之福山港。各設水兵把總。司堵截。至於崇明。孤懸海中。爲賊所必經之地。特設把總。屯竹箔沙營。而與營前沙之把總。合會哨。由蘇而常。而鎮。於揚舍。設守備於鬪山。設把總。雖分有防江之責。均之有巡洋之任者。在淮揚。則江海淮三者并防矣。蓼嘴灘之大河口。突出東南。則設把總。若狼山爲通州門戶。則設把總。通州爲全揚門戶。則設總兵。又設把總於周家橋。以防泰輿之衝犯。又西設三江會口把總。設儀真守備。以防內地之突入。其自海門北爲掘港。則設守備。又自新插港轉而爲鹽城。則設守備。北爲廟灣。設遊擊。以防東海各岸之登犯。渡淮自雲梯關以東。爲東海守禦所。設把總。以防由海入淮之路。又於揚州設陸兵營。遊擊。以待調遣。直隸之防海如此。在山東。登州凸臨海上。東南北三面并防。萊州。青州亦二面臨海。故青自贛榆界。於安東衛設守備。萊自古鎮而東。於靈山衛之沙溝設守備。又於即墨設守備。於登之萊陽大嵩衛設守備。又折而東北。則於文登設守備。以協防東南兩面之險。又於府治北特設副總兵。竝設水陸兩遊擊。分扼港岸。前哨旅順。以協防北海一面之險。又西爲萊之西北界。於王徐寨設守備。防守白狼新河等九海口。又西於府治設遊擊。南策即墨。北應王徐。又西於青州設遊擊。南策安東。北守唐頭。與武德二守備之聲援相接。山東之防海如此。



在薊遼。自天津東抵鴨綠沿海一千餘里。並置守衛。爲京師左翼。故自大沽海口宿重兵。以副總兵領。特專防守。而陸營設守備。水營設遊擊。自寶坻之草頭沽。抵豐潤之黑雞坨。各以入衛兵派守。又有西協兩營騎兵。及密雲海防遊擊兵爲應援。自灤州之蠡沙河。抵山海之石河口。各設營軍及班軍派守。而又有東協兵。及永平海防遊擊兵爲應。凡以扼塞關右之要害也。關以外。則中前。前屯。中後。中右。左五所之兵。派守芝蔴灣。抵望虎臺。而應援則屬之甯前參將。又以杏山。錦州。松山。大凌。義州。右屯。鎮武。西平之軍。派守筆架山。抵柳河口。而應援則屬之總鎮。左右翼之營兵。凡以控制廣甯之襟吭也。若三岔以東。則海。蓋。復。金。各以本營兵派哨海口。又南而旅順一口。跨登接遼。則守之以金復參將。哨之以登州水兵遊擊。又東而九聯城以外。靛鎮。江城。設遊擊。與寬奠參將相聯絡。凡以固鴨綠之扃鑰也。而薊遼之防海者如此。及後全遼淪沒。天啓中。於皮島特設重鎮。屯兵數萬。歲費不可勝舉。雖意不專於海。而海上可謂嚴固矣。自毛文龍殺。於是皮島撤。隨撤而陷。東海之防疏。雖喪亡之事不在海上。而考古者不能無遺憾焉。

雜兵於國家額設營兵而外。民間之兵所在而有。初起角觝用爲戲。或有警。暫相團結保鄉曲。後廟堂因人言。常徵調之。河南嵩溪諸縣曰毛葫蘆兵。長於走山。習短鎗。而嵩縣。盧氏。永甯。靈寶多礦兵。又曰角腦。曰打手。山東有長竿手。以習長竿故名。徐州有箭手。其人善騎射。真定之井陘曰螞蟻手。善運石。如碗大者。可百步。保定。涿州皆勁兵所產處。而陝西土兵更勇健。僧兵推少林。次則伏牛。又次爲五臺。閩漳。泉間。人習鏢牌。而水戰爲諸兵最。浙兵獨處州雄。用於水則不逮。處之外。義烏次之。溫。台。又次之。其兵習狼筈。

直隸竈丁鹽徒習舟與海狎可用爲水戰江右之安遠龍南地瘠而貧民相率爲兵大旗長鎗東粵俗雜蠻喜擊刺各習長牌砍刀而新會東莞之產半焉是外西南彝服之兵亦曰土兵黔蒙氏兵粵西瓦氏東蘭那地南丹歸順諸州俱曰狼兵楚九溪有苗兵有鈎鎌矛弩諸技其法每司立二十四旗旗十六人合之則三百八十四人每旗一人前次三人橫列爲重二又次五人橫列爲重三又次列七人重四又列七人重五餘俱置後助譙呼爲聲若前卻則二重居中者更進兩翼亦然選法檄下則宣慰額天祭以白牛置牛首及金於几令曰誰爲勇者予此金啖之以牛首已彙而收之更盟而食之樹爲長卽每旗十六人者是也其選募精其節制嚴故戰不可敗其調法分二班更調人給一金計所調兵若干歲須金若干則先以三分之一給道里費庶不煩有司而途無稽滯其督法則統以憲臣宣慰主禁令調官主聚泊泊則視官率旗艤舟如魚貫然詰朝行毋登岸其賞法有功者人三十金而予之而厚賚其主者優以官比歸護以憲臣仍前弘治中平思明正德中平蜀多其力嘉靖時倭亂調至三千人後復調六千而私實加一倍云先是癸丑六月少林僧兵應募至者曰月空等四十人俱持七尺鐵棍重三十斤運旋便捷如筇杖征倭出死力海上莫勅於鹽丁其人以販鬻爲業成化初毛里孩寇陝阿東鹽徒千百爲羣自備火砲戰車精弩雜官軍隊中殊死鬪逐寇絕河捆載以歸而松漕涇鹽丁尤夥曾征倭屢斬獲受上賞邊關多夷丁有虜攜妻子內附者予餉官納其家入營雜漢人爲兵各鎮俱有之曰漢夷營實籍入冊他皆無兵籍有事時徵選調發焉

郡縣民兵太祖初起兵即立管領民兵萬戶府諭行中書省臣曰古者寓兵於農兵強食足今海內紛爭當因時制宜所定郡縣民間豈無武勇之材宜精加簡拔編緝爲伍立民兵萬戶府領之俾農時則耕閒則練習有事用之有功陞擢無功者還爲民如此則民無坐食之弊國無不練之兵庶幾寓兵於農之意其後天下稍定始建武衛隸以軍軍有屯俾得自耕作久之法乃益廢勢不得不餽於民民竭力餽軍而軍復羸懦不足用於是始出召募令正統二年選所在軍餘民壯願自効者分隸操練於陝西得四千二百人人給布二匹月糧四斗景泰時令廣選民兵卽以所在官統領遇警調用憲宗卽位陝西更選土兵土兵與民兵意同二年虜毛里孩入寇撫臣盧祥言近邊土民習見虜可練爲兵於是敕御史如延安慶陽集選壯者編爲什伍量復徭役號曰土兵原僉民壯悉改號由是土兵強虜遁去是法獨行於延綏後亦頓廢弘治中給事中孫霽奏州縣七八百元以上里僉民壯五名五百里四名三百里三名百以下二名其成額多者仍舊必於丁糧相應之家取之人免戶二丁雜役若老死及全戶消乏者別抽補籍年貌在官有司率領與軍士同練習憲司及御史以時簡閱焉鄰封有警調發應援給行糧而禁役占買放之弊民壯之類郡縣所在而有其間富民不欲身受役則上其直於官官自爲招募亦或稱機兵在巡司則爲弓兵然雖名兵實不任受甲其後民壯漸爲衙役供有司傳送句攝而已嘉靖中都御史翟鵬言直隸山東河南民壯多缺乞補如額而別簡丁壯爲義勇於農隙練操其在山西者戊三關上曰近虜入山西由鴈門諸關失守三關別無兵馬而僅賴先年暫設民壯非可以捍禦況今所在災傷不宜復騷動其

姑已之。至二十二年。兵部因廷議。復請增州縣民壯之額。大者千名。次八九百六七百。小者五百。報可。明年。兵尙書戴金言。州縣民壯有額設。有新增。又有義勇。有馬快手。而往往不獲實用。則以經略未善故也。宜屬之兵憲官。督所簡練。誠謂民兵練則無藉客兵。而軍衛亦免清勾卒。民壯無餽餉。而多役使。遂汰民壯。每縣不過數十名。應捕專緝捕。復選民間年力精壯者。籍於官。曰鄉兵。暇歸農。遇節序操練之。有警。用守城。或捕逐盜賊。而弗征調。懷宗時。天下多故。大盜起。郡縣不支。時楊嗣昌爲本兵。奏天下郡立操備官。州縣立練總官。各選鄉勇。郡千名。州縣因其大小。爲多寡。寡不下三百名。民供其操糗。往往練備練總。恣威福。役若奴。有盜情。株連蔓引。無休期。百姓苦供應。而城陷者終陷。卒無救於地方。徒滋毒焉。

召募之兵。明初無有也。正統中。始募天下軍餘民壯爲兵。景泰初。復令廣召募。卽以所在官司統領。遇警調用。然猶之民也。弘治中。以虜警抽編。無警許罷役。遂有常餉。沿至正德。遂令分戌番操。無復休息。兵尙書王瓊請量罷之。不聽。肅宗深知其弊。而未遑清理。及後爲眞兵矣。先是每召募。撤下。願爲兵者。報名郡縣。保以里老鄰佑。始上之。督撫選其軀幹雄武。力足勝甲冑。或狡捷能投超者。用之。逃易提察。老不能戰。許其歸農。別爲補。後正兵外。有羨兵。有衝鋒。各將官有家丁。皆益食餉。而末年復有投順兵。招撫兵。或賊受撫者。卽爲兵。子餉益濫。恣驕橫。不可使。而召募則不問其鄉貫。羣而投。羣而收。稍繩束。卽譴殺長官。掠而去。卽官馬爲剽資。官司柔撫之。復就伍。置不問。卽颺去。卒往他鎮。投爲兵。官司喜其有馬匹器械。不詢其來歷。卽驕豪之。稍禁飭。則大譁而去。或入賊巢爲勁賊。天啓崇禎中。用內官爲監視。所召募兵。曰監標。

皆此輩。城市晝擾。況乎郊野。莫可誰何。其尺籍皆趙大錢二。或王得勝。李得功。而無一正名。遇征討。避賊遠遁去。舊隸軍兵亦相視而效之。卒不得一卒力。迨季年。行抽練法。驕者益驕。惰者益惰。而兵政遂大壞矣。

史官曰。余覽明朝遺冊。見正統中天下未多事之先。五府并錦衣等衛所官旗軍人。及邊腹額兵。共三百一十五萬八千一百七十三員名。中年事故少。缺額不補。止一半有餘。至嘉靖中。天下多故。復復原額。而益以末年召募之兵。及諸附籍歸順之兵。不下四百餘萬。而無救於敗亡。悲夫。

馬政

明初設太僕寺於濠州。後定都於北平。又設太僕於京師。凡兩淮及江南馬政。屬南太僕寺。順天等府及山東河南馬政。北太僕寺主之。其後用言官言。府州縣添設佐貳官。專民馬之政。在外則設行太僕寺三苑馬寺三。於山東陝西遼東各轄六監二十四苑。惟遼東一監二苑。苑咸置卿貳焉。凡馬政曰民牧曰衛牧曰京府寄牧。凡牧地曰草場曰荒地曰熟地。嚴其禁令而封表之。凡牧人曰恩軍曰隊軍曰改編軍曰充發軍曰召募曰抽選軍。皆籍而食之。凡民牧人視其丁產而授馬種。馬牡十二。牧十八。牧牡五歲而徵駒。曰備用馬。齊其馬力以給邊。邊馬足。寄牧於畿府。而府甸土不宜馬。及人民耗者。徵馬金四十兩。凡馬駒十八年而免。定頭駒重駒而籍之。報駒有常期。凡馬肥瘠登耗。籍其毛齒而時省之。三歲寺卿偕御史二人印烙。選其良汰其羸劣。凡草場歲徵其租金。地畝十七。椿朋十。災侵出之。佐牧人市馬。凡租金有恩。

獨及災獨。馬金有災獨無恩獨。卽獨必轉移相抵。不得虧軍賦。行太僕職。掌與僕卿不異。而邊衛營。府州縣軍民壯騎操馬。皆主印烙。課孳牧。而時督察之。其衛牧錦衣旗手等衛。五軍神樞神機等營。各設有草場於畿甸放牧。歲春末夏初。各營馬除存留聽用外。餘命坐營官一人領下場牧。九月終回營。而時遣科道官點閱。視馬倒死軍亡者。指實奏。其種馬上苑萬匹。中苑七千匹。下苑四千匹。不及則出帑金及茶與諸番易馬。而洮州。河州。西甯。各置茶馬司主之。法上馬茶百斤。中馬七十斤。下馬五十斤。而番族納差撥馬萬四千餘匹。以爲常。洪武初。諭刑尙書劉惟謙曰。馬政國之所重。設太僕。俾畿甸民養馬。恐所司收養失宜。或害養馬民。皆當告戒之。昔漢初一馬值百金。天子不能具鈞駟。及武帝時。衆庶街巷有馬。阡陌成羣。遂能北征強胡。威服戎翟。唐初纔得隋馬三千。及張萬歲爲太僕。至七十餘萬。此非官得其人。馬政修舉故耶。爾其爲朕申明馬政。嚴督有司。盡心芻牧。務底蕃息。有不如令者。罪之。始江南人以十戶養一馬。江北乃戶養一馬。上念其不均。命江北民增五戶養一馬。戶仍給鈔三百貫。優之。命太僕江南北各存游牝萬匹。爲孳生種馬。餘悉發草地放牧。其飛熊。廣武。英武。三衛牧馬亦如之。會言者謂大甯。會州。山河三衛所屬驛馬。皆屯軍牧養。軍貧者衣食且不給。何有於馬。以故歲捐瘠者多。宜令官覈貧者歸營屯。而各選軍士有丁產者以充。便從之。太宗卽位。諭兵部曰。比聞民間馬價騰貴。蓋民不得私畜也。漢文景時。閩里馬千百爲羣。民有亦國之有。許天下軍民得畜馬。官府勿禁。六年。禮尙書劉觀言。各衛馬多。恐有疾。宜預市藥備醫療。上笑曰。唐時馬後多至七十萬。未聞有預備之藥。善畜馬者。但水草得時。牧養如法。自

然無疾。今天下衛所及太僕馬益多。若皆需藥。豈不大敝民力。爾徒知恤馬。不知恤人也。觀慚退。太僕卿楊砥奏言。近馬蕃息。而牧養乏人。請令民十五丁養種馬一匹。立羣頭一人。五十四匹立羣長一人。養馬之家。歲免其糧草之半。凡種馬倒死。孳生不及數。責之償。蓋倣熙甯保馬法。竟行之。遂世爲北方患。尋上諭兵部言。朔馬故多。馬本上宜。亦其人習畜牧而然。今隄官居閑者多。可廉選其忠謹者。令教民畜牧。孳息焉。居永平。薊州。通州者。就留本處。居真定。定州者。更番赴順天教牧。會六師歲出擊胡。責歲納駒急。軍民至鬻子女。妻莫能存。仁宗聞。大痛之。責官爲贖。還寬責駒令。嘗諭兵尙書李慶曰。今太僕馬增倍。而畿民或一夫有畜至三四匹者。畢力於此。故有耕桑盡廢。衣食不給。甚可憐閔。其以分給諸衛及臨邊戍卒。俾牧養兼習。以待用。庶軍民兩便焉。尋慶上言。今民馬益蕃。散衛伍操用。然且千餘羣。今遠近方面朝覲官咸集。請員給馬一匹。令太僕歲徵駒如民間。稍寬民。下廷議。義原吉皆如慶議。報可。獨大學士士奇入。力陳其不可。曰。朝廷以禮徵賢者。授方面郡守。次者百執事。今役之牧馬。云蘇民困。是何其貴民而賤官也。且馬豈官所宜牧。又賤官貴馬矣。時義原吉皆在侍。上曰。士奇論當慶無識。兩人亦言其便。何也。對曰。初慶與臣等言。陛下意如此。上曰。慶幾誤朕。少選批罷矣。居兩日。批不下。士奇復請曰。日陛下許臣罷給馬之令。今中輟。何也。此令行。將天下懷才抱德者。望望然去矣。若馬死責償。將人皆破家。爲子孫憂。況所散馬僅三千匹。而令朝廷負此名於天下。此其失非小。幸立斷。上曰。偶忘之。行批矣。無何。上御思善門。召士奇曰。內批豈誠忘之。昨卿言未脫口。慶等已嘖有忿言。朕念卿孤立。故特之。今有名矣。因出陝西按察使

陳智章示之。智疏言。按察司所以肅庶官。貞百度。而太僕寺得臨之。歲徵駒與下民等。將憲網掃地。於是止散馬之令。士奇感泣頓首曰。昔人言陛下知臣。臣不孤矣。宣德中。太僕寺請遣官覈馬。上召諭之曰。馬畜於民。必寬民力。而後可責之。國家法有定科。然厯下令。孳生不及數者。免償。念不欲以馬故傷民。夫民終歲勤勞。營衣食不給。必責償馬。何痛而不德也。爾等其謹率舊典從事。而恤貧難民。宜從寬。成化中。河南兩直隸旱。詔免今歲比較孳生馬。十五年。罷科道官京營視馬。第令各營總兵等官點視。弘治中。太僕卿王霽條馬政。謂邊自牧馬。不宜仰給京師。及寄養馬。收其老者。勿累民養馬。以殷實者養之。餘戶助芻豆。勿輪養。并諸馬官之陞遷。馬軍之乾沒。上皆俞行之。嘉靖中。詔本兵言。順天府屬故論地養馬。近年牧地多歸豪右。而馬疲死。責養馬者。價應天府屬故論丁養馬。近駒馬止解馬直。而種馬倒失。復令民買補。民困甚。其議處以聞。先是。昌平罹虜變。停派諸寄養馬。後太僕卿劉朝佐請復之。上曰。昌平密邇京師。陵寢重地。宜永停不派。而部議止再停七年。從之。穆宗隆慶中。太常卿武金言。種馬之設。原爲孳生備用。今備用馬。旣以別買。則種遂可省。且種馬有編審雜役。點視歲例。支兌輪養賠償之害。重之以官吏之需索。里甲之影射。民日益勞。沿襲至今。滋弊尤甚。乞命兵部驗記。每年應解之馬若干。某處若干。俱照原數買馬。按季查解。如備用馬已足二萬。則令每馬折銀三十兩。輸太僕寺。各邊缺馬。分發估買。折價可買戰馬二匹。不必加賦。而馬數自倍。且令各地方取前所養無用之種馬。盡賣以輸兵部。如一馬定價十兩。則直隸、河南、山東十三府可得銀百二十萬。其草料。令各府州縣每馬折銀二十兩。計又得銀二十四萬。夫



戰馬之數。解俵之丁。不變舊制。而邊餉獲急用之資。百姓免無窮之害。足國裕民。無踰於此。而御史謝廷傑言。孳生種馬。乃祖宗舊制。軍機所關。但當修法以除弊。不當因弊而廢法。萬一有弊。無可調發。咎將誰歸。金議非是。并下兵部。部主廷傑言。上獨可金奏。令賣種馬之半。如金言。而存一半。擇殷實者養馬而已。賣者助之。後萬歷中。大學士張居正條議。盡賣種馬。而革者盡矣。以革爲可。而是之者。兵尙書梁夢龍。御史余有年也。以革爲不可。而力排之者。寺臣顧存仁。御史馬朝陽。兵尙書譚綸也。種馬既賣。於是行俵解法。每徵糧五百畝。領官馬價三十。買解太僕。不中式者。掇回再買。民苦甚。懷宗時。馬價騰踊。上憫百姓。賠累。乃增價至五十六兩。尋又以五十六兩。官可得馬。而無累民。遂定官買官解之例。官不恤民。雖批僉衙役名。而其實仍累民。民益困。先是成化中。詔覈霸州草場。太僕卿儲瓘言。陛下興修馬政。從羣議。雖仁壽宮皇莊及壽王府莊。亦宛轉上白。退還團營牧放。誠顧念遠大。而不以微利。故傷國計也。臣前往霸州。丈量時。見工部遣官踏勘。曩草場廢弛。時渾河橫流。散漫淤漲。葦落族生。放牧不到。其時言利之臣。因其土之所產而稅之。亦一時之權利。而可矣。今既漂廢。又復查理。是重稅之也。夫葦落等用。較之放牧。孰急。況草場設自永樂初。葦落等課。自近年始耳。其地卽草場之地也。又況渾河改徙。不生葦落。甯復有可徵之稅哉。幸上裕除。其牧地。乞在所出勝。開寫頃畝。有侵占者。聽舉首。以杜弊端。仍申奏討之禁。弘治中。兵尙書馬文升言。國初中外。衛所各有牧地。而在京師。不下千數頃。夏秋牧放郊坰。冬春支料飼啖。而後馬壯可用也。今無慮爲親藩勢要所占。間爲軍民冒耕。馬無所芻牧。入場未一二月。移往西山中。四散逐牧。而

調用騎操輒無馬。乞清查以便軍。於是命給事中御史并戶兵二部官清理草場。未墾處仍舊牧放。已墾成田者計畝收銀發太僕寄庫候買馬。爲著令。當是時陝西牧馬草場止存地六萬六千頃有奇。養馬軍止七百有奇。牧養兒騙騾馬止二千八百匹有奇。而馬政頹敗。都御史楊一清講故典興復之。奏黜卿寺之不職。而簡布按二司參政副使薦補卿少卿。絃轍大更。於是六苑地清。復草場十二萬八千頃有奇。清句撥補召募改編養馬軍二千三百名有奇。銀買茶易若孳生馬并駒。凡萬有千八百匹有奇。修馬營城堡十有九處。創復公署倉廩馬廄室宇四千一百餘所。其西甯洮河三衛茶馬法久弛。自弘治十年至十五年。茶易馬五千四十三匹。而邊馬乏。軍買馬大困。一清奏復金牌舊制。金牌制自洪武時立。茶馬司於陝西四川等處聽西番納馬易茶。降金牌信符賜番族。以防詐僞。每三年一差官召各番合符。以應納差撥馬交納易茶。有以私茶出境及關隘不覺察者。處極刑。民間畜茶不得過一月之用。茶戶私鬻園入官。正統十四年停金牌。惟令番族以馬來易。至是一清申復其制。禁私販積官茶。四年間共易馬萬九千七十餘匹。而茶尙積四十五萬餘斤。靈州大小鹽池增課引五萬九千有奇。引納銀二錢五分。及臥引銀一錢。計爲銀二萬七百餘兩。貯慶陽固原庫給買馬。於是均諸苑地及軍牧馬三萬餘。足支陝西三邊之用。而邊馬大紓。一清懼復無專官復圯。正德初具疏言。陝西沿邊皆防虜重鎮。軍務所急。莫先於馬。頃自虜塵弗靖。戰馬告乏。荷蒙孝宗皇帝采納廷議。專設風憲重臣督理馬政。臣以庸劣猥當任使。隨命兼理茶法。顧廢墜既久。事難更新。盡臣之心不敢有遺慮。粗皆就緒。則責任專而事易集也。自兼巡撫以來。顧此

失彼已不如前。復蒙加任總制。經理邊方。責任重大。於監牧茶馬之政。勢不能復及矣。竊惟先年兩寺馬政。巡撫兼管。而巡茶御史實主茶馬。巡撫政事繁多。以致茶馬所易良驚莫究。操騎所給發登耗莫聞。本末始終。茫不相攝。亦勢使然也。夫茶司之所易。即監苑之所牧。監苑之所牧。即官軍之所給。本爲一事。伏乞仍設巡茶御史。務選年深老練。實心幹事之人。以充仍敕兼理馬政。行太僕苑馬等官。專聽提調約束。各衙門毋與便。於是巡茶御史兼馬政。制不得預民。蓋始於此事。已遼陽苑馬卿凌相言。永樂間。本寺撥領牧養馬匹。給有草料額。軍養馬二匹。軍餘一匹。所轄昇平等十二苑。自遼陽至復州。皆屬。正統末。裁十苑。止留清深二苑。隸蓋復。而當時馬尙及萬數。自後倭給既多。而弊作。馬一倒失。及虧欠駒子。往往買補兒馬。備其數。監苑官吏位輕志下。潛與通賄。而孳生虧耗極矣。今各軍餘有全不養馬者。有止養兒馬二三匹者。又有養驪馬二三匹。復帶駒者。其全不養者。其貧雖甚。不思買補。苟覲恩貸。不則狡猾納賂主者。盡俵他軍。倖輕便。其止養兒馬者。多家殷實。懼訐告。不敢不養。又畏徵駒。借此影射。其養驪馬帶駒者。其柔弱之人。不善畜緣。而監苑官吏假公責併。倵給不及其人。徵駒歲倍其數。展轉無已。亦不均甚矣。莫若通計二苑馬。查堪孳牧者。盡留兒馬。及餘老弱。與收買驪馬。均派各軍領養。後生駒可離母。即撥無馬軍養之。五年一清。則人無所規避矣。上然之。後給事中謝汝儀條京衛下場之害。言京衛軍歲春夏於畿甸下場牧放。歲一舉行。而草場地土。爲勢要奏討。姦人投獻者。殆盡。獨低窪處。又積爲湖淀。漫生萑葦。人馬皆不可近。又無廬次。可以棲止。無廐庠。可以蔽蓋。馬買草而喂。人裹糧以從。軍士逃亡。馬匹倒死。雖有下

場之名。殊無牧放之實。蓋法敝極矣。近襄城伯李全禮奉敕領下場馬二千餘匹。牧放。隨又以聽征馬六千益之。馬以萬計。芻牧無所。矧大雨時行。暑氣方溽。泥潦徧野。鬱蒸中人。羣處則有疫癘之虞。露宿則有蟲蚋之害。人困馬病。是徒徇節省之名。而坐受虧損之害也。萬一畿甸有桴鼓之警。邊關有烽火之報。將何以待之。乞敕兵部會同坐營官。熟計其便。將聽征馬。責軍人。就便牧放。月給半料。無下場。隆慶中。御史張檀言。大名。真定二府。計畝出糧以養馬。而今復有馬地餘銀之徵。蓋起於正德間。爲流賊之亂。額外權立此名。徵銀市馬。其後遂因而不革。非經制也。請悉蠲之。上從之。而復有鹽馬。始正統三年。命召商納馬中鹽。每上馬匹一百二十引。中等一百引。下勿收。復有貢馬。凡貢馬。累朝皆有之。每外夷進馬。照價償以文綺紗羅陶器鐵釜。又有市馬。起永樂三年。立遼東開原。廣甯馬市。定價上上馬絹八匹。布十二匹。上馬絹三布五。下馬絹二布四。駒絹一布二。其立市。一於開原城南。以待西海女直。一於開原城東。一於廣甯。以待朵顏三衛。每開市。各夷將馬匹及貨物赴官驗易。嘉靖三十年辛亥春。詔開馬市。時西虜俺答求貢。朝議不許。入春。請求益數。咸甯侯仇鸞雖聲言北伐。實內畏怯。上言請許入貢。於宣。大開設馬市。虜馬一匹。償幣如值。乃密遣厮養時義。結俺答義子脫脫。使俺答以貢馬互市爲請。俺答利貨幣。投書於宣。大總督蘇祐。言求通市。祐以書上聞。上命雜議。鸞力主之。兵尙書趙錦是鸞議。上以問大學士嵩。嵩奏以一年許市二次。上然之。乃遣兵部侍郎史道兼都御史。諸處開市。而實鸞先許虜大掠飽颺也。時兵部員外郎楊繼盛極言開馬市不可。且歷數鸞欺罔罪。疏詳楊傳中。疏入。下繼盛獄。詔貶邊秩。遂令於宣府。大同開

馬市以道往督理之。初議市馬，謂以幣易虜馬，我得馬爲用，且少彌目前虜患。其後虜譎，遂以羸索重價。每開市，虜騎大至，因緣爲姦利。如大同寇宣府，如宣府寇大同，甚至朝市暮掠，幣未入境，虜信且至，旋并掠其羸馬而去。又虜日往來大同城，諸營堡及三邊牆被其侵掠。邊卒或拒之，輒曰：奉命來貢，自是士卒不復出戍，而虜遂長驅各邊矣。史道又建言：虜無馬者，許以牛羊市，償以粟麥，言官交章論沮。又請復遼東市，巡撫都御史許宗魯極言不可，乃止。未幾，邊防大潰，鸞懼禍及，乃請罷市。許之，而附鸞之史道亦撤還。隆慶辛未，俺答款塞，乞封通貢，詔封爲順義王，遣參將鄒沂等封賞之，而宣大尙書都御史王崇古請復馬市。其後東事起，需馬急，雖北邊屢有侵掠，而朝廷資其馬多，含忍終市之。聽民互市，而不盡者，官給價收焉。舊制，營馬給兵者，皆給芻豆費，各兵自飼，而官驗其肥瘠爲賞罰。懷宗時，大學士楊嗣昌奏行團槽法，創大聯廐於都城東，凡營馬悉收公養之，名曰團槽喂養。所騎非所養，兵不惜馬力，所養不自乘，牧人不能均馬力，而馬多斃，營馬遂虛矣。於是責俵解急，而民大困，國亦亡。○制：太僕寺領清河、金臺等六監、常春、順義等二十四苑、順天五州二十二縣、金吾等二十三衛、直隸保定、真定、順德、廣平、永平、大名、河南各州縣、河間等三十二衛、滄州武定二千戶所、大甯都司所屬衛所、山東濟南、兗州、東昌各州縣、河南開封七州縣、彰德一州三縣、衛輝六縣、歸德止考城一縣、南太僕寺轄十四牧監、九十八羣，在京應天府八縣，在外鎮江三縣、甯國、南陵一縣、太平三縣、廣德州、鳳陽四縣、淮安州縣、揚州三州六縣、廬州二州五縣、滁州二縣、和州一縣、徐州四縣、滁州一衛、遼東行太僕寺轄定遼等二十五衛、遼東苑馬司轄永甯監

清河、深河二苑。山西行太僕寺轄太原等十衛。保德州等五所。陝西行太僕寺轄平涼等四衛。陝西苑馬司轄長樂監下開城等五苑。靈武監下清平衛三苑。同川監下天興等四苑。威遠監下武安等四苑。熙春監下康樂等四苑。順甯監下雲驢等四苑。甘州行太僕寺轄甘州等十二衛。古浪等三千戶所。甘肅苑馬司轄甘泉監下廣牧等四苑。祁連監下西甯等四苑。武威監下和甯等四苑。安定監下武勝等四苑。臨川監下暖川等四苑。宗水監下美都等四苑。○種兒驃馬原額。則北直五萬三千九百七十五匹。南直隸共三萬七千五百匹。河南共二千六百四十五匹。山東共三萬七百八十四匹。直隸論糧養馬。每地五十畝養兒馬一匹。一百畝養驃馬一匹。該免養馬糧七萬七千四十九頃五十一畝零。河南、山東論丁養馬。每五丁養兒馬一匹。每十丁養驃馬一匹。共該除豁養馬丁四十二萬八千五百三十二丁。在京龍驤等二十六衛。原額種馬一百九十五匹。在外保定等四十六衛。原額馬二百七十四匹。○寄養備用馬。順天、保定、河間三府。計五萬八百八十八戶。實養者二萬一千八百五十八戶。餘除單丁寡婦殘疾及陵道不養外。則按戶給馬。○太僕寺所領草場地。直隸共地二萬四千三百二十頃八十六畝零。河南共地八頃六十三畝。山東共地二百頃五十三畝。南太僕寺所領草場地。南直隸共地五千五百三十一頃八十六畝零。在京營衛草場地五千九百一十六頃一十八畝零。而永陵以後衛無原額可考。在外衛分草場地。直隸衛所共地三百五十六頃八十七畝零。山東衛所草場地六十三頃四十九畝零。各邊草場地八萬頃。萬歷二年。以宣大、陽和開市。增草場六處。無原額。除放牧荒蕪。餘可種耕者。徵子粒銀。解太僕寺。備買馬之用。

而時贏縮不常。無定額。○俵解備用馬。每歲額以春秋二運上太僕。則大名府二千一百七十六匹。乳馬七匹。保定府一千五百八十九匹。乳馬八匹。順德府七百四十三匹。乳馬五匹。廣平府七百五十四匹。乳馬五匹。真定府三千五百二十七匹。乳馬十四匹。河南開封府二百五十七匹。彰德府二百三十四匹。衛輝府八十三匹。歸德府考城縣六匹。山東濟南府二千六百六十八匹。兗州府一千八百一十二匹。東昌府六百七十六匹。在京在外各衛所歲各一匹。南直隸歲額馬七千四百五十六匹。八分實徵馬三千四百六十一匹。餘每匹折銀三十兩起解。

驛馬之制。明初改南京公館爲會同館。永樂初。設會同館於北京。三年。併烏蠻驛入會同館。正統中。定爲南北二館。北館六所。南館三所。各設馬一百七十二匹。天下設驛九百五十有九。大驛馬百匹。小驛五十匹。其無驛州縣曰走遞馬。多至八十四匹。少至十匹五匹。其錢糧皆出於隨處丁畝。而衝繁則以附近州縣協濟之。其行於驛傳曰勘合。曰符驗。曰火牌。曰馬票。凡四等。而各以按察官領之。曰驛傳道。以驗馬之壯弱。均地方之苦累。總馬政令。而上之兵部。而驛馬之制。則應合給驛有例。應付腳力有例。填給勘合有例。自非特遣齋賀。軍情重事。例不得輕乘驛馬滋擾。凡制一驛。必先踏勘。工部營造。吏部銓官。禮部鑄印。給一符牌。必嚴銷繳。內關內府兵曹。外關撫按。稽留詐冒。有常刑。而馬乏則用驛驢。水路有船視馬驛。天下設遞運所一百四十有六。有車與夫。與驛馬相表裏云。

# 明書卷七十三

## 志十五

### 刑法志

史官論曰。昔舜命皋陶曰。刑期於無刑。皋陶亦曰。與殺不辜。甯失不經。乃君子儀度其心。有瞽叟殺人而必治。帝堯三宥而不從。何也。惟仁乃能執法。惟執法乃可期無刑也。故天以陽生萬物。止之以秋。聖人以仁育萬民。肅之以刑。人之生也。欲動情溢。利害相攻。不止則賊滅無倫焉。是刑也者。聖人承天之道。知人之盡。所以防非訖欲。長利已患。制百姓於禮義之中。而因以弼教。至於無刑。而聖人之心。乃愜。故先之以敬讓。而民不爭。宥之以博愛。而民知德。導之以和睦。而民知讓。播之以禮樂。而民服化。然且象之以五虐之刑。使民知所警。而勿之有犯。豈非御世之大德。法天之微權。禮樂刑政。四達而不悖者乎。總之以仁心爲質而已。則刑法之設。其本原於好生。而其用取於難犯。吾民不犯於有司。則生矣。狎焉而入之。雖求其生不可得。故難犯之具。非曰必加之也。明布而頒示。俾警其心。慎其行。而上之刑。乃備焉。而不用。明刑乃所以措刑也。訖於威。則人不得因貴而驕。訖於富。則人不得因滿而溢。故以律繩人。卽古懸法象魏之意。清風戒寒。而授衣乘屋。秋固天所以用成物耳。刑官之爲秋官也。可以知其義矣。無春生。無夏長。則秋曷



從而成。民罹於刑。由所以養之失也。君子重哀矜焉。其嚴也。不得已也。以哀矜之心。司不得已之法。則服念要囚。必明必允。而不敢肆。卽當罪。猶撤樂咨嗟。下大禹之泣。曰。教未施而刑加焉。是子納之溝中也。所云好生之德。非耶。惟有仁而刑。乃可用焉。明太祖制律垂誥。深體刑期無刑之心。雖當濁亂之餘。不能無殺戮。而諄諄更定律令。至於五六。乃慎之又慎。仁意翔流。累朝寬大。多所矜恤。雖其間有三廠之設。爲日未久。旋已報罷。穆神之間。百年無呼號之慘。市無死人之血。刀鋸置而不用。猗歟休哉。降及熹宗。以庸庸之主。立於上。權璫播燄。彪虎噬人。忠良之士。駢首飲泣。而祖宗之法紀。祇爲報復之資。至於季年。上好明察。下多殘暴。冤慘憤塞。以抵滅亡。然在朝廷。未嘗無解網之心。而刑官實多周內之舉。上有德意。而下不奉行。朝布仁言。而暮已闕隔。甚且揣摩意旨。以入之。挾匿私怨。以中之。設鉤黨。制非刑。以重毒之。皆此三五宵小。橫干天和之所致也。嗟乎。陽生之氣盡。而歷數因之。刑獄之間。豈細故也。永思仁德。庶乎其無刑哉。因撫明朝寬猛之政。及律意大凡。著於篇。而赦宥皆詳本紀中。使後世祥刑者。得有所懲效焉。作刑法志。

明興。太祖初克金陵。卽置登聞鼓於午門外。已設於長安門。令科道官并錦衣衛日守直。通下情。已爲大明令百四十五條。頒天下。制曰。律令者治天下之法也。令教之於先。而律齊之於後。古法律至簡。後滋繁多。甚至有不能通其義者。何以使人知律意而不犯哉。是啓吏奸而陷民於罪也。朕甚愍之。今所定令。艾就簡質。使天下易知而難犯。以毋麗於律。庶幾予期於無刑之意。復下詔言。頃因戡亂。以軍律用刑。殊乖

平允。自今務從中典。重刑須秋後。無非時決。傷天和。已命中書省詳定律法。諭之曰。凡立法貴簡當。使人易曉。若條緒繁多。或一事而兩端。可輕可重。使貪吏得因緣爲奸。則所爲殘暴者。反以賊良善也。卿等宜盡心參究。凡刑名條目。逐日上。朕親酌議焉。六年。律成。刑尙書劉惟謙具表言。皇上登大寶而來。保乂臣民。孳孳弗怠。訓迪羣工。諄復千言。惟恐有犯。慈愛仁厚之意。溢於言表。是大舜惟刑之恤之義也。矜憫愚民。陷於罪戾。法司奏讞。惻然弗甯。多所寬貸。是神禹見辜而泣之心也。惟貪墨吏承踵元弊。乃不得已假峻法以繩之。是以臨御以來。屢詔大臣。更定新律。至五六易。弗倦。茲特敕臣等會衆律重修。以協厥中。近代比例之繁。奸吏可資以出入者。咸革。臣以洪武六年冬十有一月受詔。明年二月書成。篇目一準唐舊。自名例以至斷獄十九篇中。採用已頒舊律二百二十八條。舊令改律三十六條。因事制律三十一條。摺唐律補遺百二十三條。合六百有六條。爲三十卷。每一卷成。輒繕寫上。上揭之西廡壁端。親御翰墨。爲之裁定。聖慮淵深。稽天揆人。成百代之憲。具易書之奧。好生之德。洽於民心。日月所照。霜露所墜。有血氣者。莫不改過遷善。臻雍熙之治。何其盛哉。詔頒行。尋定設六部。復更定。以吏。戶。禮。兵。刑。工爲六類。析篇目爲十九。約條爲四百六十。先是篇目曰名例。曰衛禁。曰職制。曰戶婚。曰廢庫。曰郵驛。曰賊盜。曰鬪訟。曰詐僞。曰雜律。曰捕亡。曰斷獄。茲乃析戶婚爲戶役婚姻。鬪訟爲鬪毆訴訟。分廢庫爲廢牧隸兵。倉庫隸戶。分職制爲公式。改屬吏受贓屬刑。凡刑之名五。曰笞。曰杖。曰徒。曰流。曰死。死二等。曰絞。斬。其極曰凌遲。流三等。曰二千里。二千五百里。三千里。徒五等。曰一年。一年半。以至三年。雜犯死罪則五年。杖五等。曰六十。

至一百笞五等。曰一十至五十。徒流之重者。曰遷徙。曰充軍。凡慙惡之十不赦。曰謀反。曰大逆。曰謀叛。曰惡逆。曰不道。曰大不敬。曰不孝。曰不睦。曰不義。曰內亂。凡貪墨之賊六。曰監守盜。曰常人盜。曰竊盜。曰枉法。曰不枉法。曰坐贖。在內之贖例六等。曰做工。曰納米。曰運灰。曰運輓。曰運炭。曰運石。各以罪之輕重爲多寡。老疾少皆納贖。在外納贖三等。曰無力。依律的決。曰有力。照例折銀穀。曰稍有力。納工價。惟眞犯死罪不許贖。獄具凡七。曰笞。曰杖。曰訊。曰枷。曰杻。曰索。曰鐐。諸委曲詳盡。緣情制典。無不周到。而上覽之。猶有未愜。謂胡惟庸。汪廣洋等。曰古者風俗厚而禁網疎。後世人心漓而刑法密。是以聖王貴寬不貴急。務簡不務煩。夫立法得中。然後可以服人心。而傳後世。昔蕭何作漢律九章。張湯猶得以私意亂之。況始未盡善。豈能久而無弊。今律有議擬未當者。卿等可詳酌更定。務合中正。仍具存革者以聞。於是惟庸。廣洋等復加考訂。釐正者。凡十有三條。上曰善。於是誥刑部曰。昔聖人以德化天下。則民樂從者衆。否從者寡。天下治矣。然聖人之心。必欲使天下皆爲善而無患。共樂天之樂。其思治之心切。故又張刑治具。以齊否從者。既而法行。賞當其功。罰當其罪。則民從善愈臻。否善者無。寰宇氣和。天地清甯。可謂咸亨於戲。相繼之君臣。罔知大道。務小惠而傷大德。特用刑以治之。法不如前。故奸者得以恣肆。良者含冤而受暴。是後歲月彌深。不法者衆。如法者鮮矣。必欲治之。不可得而速成也。國有大病。而可畏者一。謂愚仁人者也。愚名名者皆是也。蓋愚人仁。不仁愚名。沽名名斯口。以爲國大病。故治國者必擇人以治刑。朕於此必欲以人而執法。若非仁人執法。則國務繁由此而生。爾敬慎體道哉。毋僞焉。夫謂之執法。非止不鬻獄也。又非

止不徇情託。不徇愛憎也。君曰辟。臣曰勿辟。君曰宥。臣曰勿宥。惟當功當罪之爲務。不可則止。謂之沽名。寬縱沽長厚之名。酷烈沽風力之名也。天下所共惡者。君曰勿辟。刑官曰宜辟。卒順旨而不辟。天下所共矜者。君曰勿宥。刑官曰宜宥。卒順旨而不宥。乃藉口不激。以自解。攘善於己。而過則歸君。豈非人之不仁。國之大病哉。洪武十七年。詔建三法司。於太平門鍾山之陰。命之曰貫城。下敕言。貫索七星如貫珠。環而成象。名天牢。中虛則刑平。官無邪私。中有星。卽刑繁。有星而明。爲貴人無罪而獄。今法天道。置法司。爾法司官各勵乃心。慎乃事。法天道行之。如貫索星之中虛。庶不負朕肇建之意。欽哉。已上。念元政弛。人玩吏民。汙夷俗者久。而反側未盡平。必紀綱肅。而後惠政可從施也。頗用重典。以肅姦。又異時見貪殘吏。殃小民。深痛意恨之。於種誅尤嚴。天下慷慨。十九年。倣周大誥。作大誥。昭示禍福。喻所爲震刷刮磨之意。於天下。令誦習畏法。序略言。古田在於官。官法井以給田。民墾丁以受田。農無曠夫。游食者少。士農工受田之日。驗能準業名。知稼穡之艱難。四民專務以三。而士取諸農。商出於農。行賈於農隙。此王教之精也。民用鄉德。五福鄉應。今朕不大。不能申明我古先帝王之舊。愚夫愚婦。效習夷風。彝倫不敘。是致壽非壽。富非富。康甯不自如。攸好德鮮矣。考終命罕聞。本古五刑而不治。雖出五刑誅之。亦何惡焉。今復出是誥。大播寰中。敢有不遵者。以其罪罪之。而敕刑曹。庶獄論當訖。囚有大誥者。減等。無有加等。欲人喻戶曉。爲福壽之資。已以大誥行。良民遵奉欽敬之心。如流趨下。中惡之徒。欲遷善而不能。唯是好頑。輕生易死。犯若尋常。仍蹈前非。不旋踵發覺及禍也。作續大誥三篇。訓切之。諄懇至於此。晚讀老子書。親注之。見其中云。民

不畏死。奈何以死懼之。惻然感。遂霽威從寬。先是天下臣民有犯。俱令屬法司。其有重罪。送至京者。或令收繫錦衣衛。下鎮撫司推鞠。用事者因而以非法凌虐。上聞之。怒曰。訊鞠法司事也。負重罪來。先付錦衣。欲得其情耳。豈令鍛鍊耶。取刑具悉焚之。悉以所繫囚送部臺審理。命法司論囚擬律奏聞。從翰林院給事中及春坊正字司直郎會議平允。然後覆奏論決。又敕法司言。凡罪人當籍其家者。如謀叛奸黨造僞鈔之屬。則沒其貨產丁口。餘者止收貨產而不孥。仍以農器耕牛還之。俾爲衣食之本。已置政平訟理二旛論罪囚。上諭刑官曰。人言法家少恩。此後世用法之過。朕觀唐虞之世。好生之德。洽於民心。安有是言。爾等每論囚。引至朕前。雖詳其致罪之由。然一時裁決。恐未得其情。自今惟武臣死罪。朕親審。餘引奏詣承天門外。命行人持訟理幡出。欲自理者聽入訴。諸無罪當釋者。持政平幡宣德意遺之。其在重辟。府部院六科通政司詹事府雜聽之。審錄其冤狀以聞。上嘗與刑尙書楊靖。學士劉三吾曰。自今惟十惡及真犯死罪論死。餘令輸粟助邊。力不及者。或二人。或三人。併力輸運。仍令還家備費以行。三吾對曰。聖心仁恕。垂念及此。罪人受更生之恩矣。上曰。愚民犯法。如啗飲食。嗜而不知止。設法以防其犯。而犯者益多。推恕以行仁。仁或可有濟乎。三吾曰。三代而上。刑罰常簡。本仁恕也。三代而下。刑法常濫。以嚴刻也。上曰。善。爲國者。惟以生道樹德。不以刑殺立威。三十年。詔刊布大明律。律益詳慎。先以名例。吏律二。曰職制。曰公。式。戶律七。曰戶役。曰田宅。曰婚姻。曰倉庫。曰課程。曰錢債。曰市廛。禮律二。曰祭祀。曰儀制。兵律五。曰宮衛。曰軍政。曰關津。曰廩牧。曰郵驛。刑律十一。曰盜賊。曰人命。曰鬪毆。曰罵詈。曰訴訟。曰受贓。曰詐僞。曰犯姦。

曰雜犯。曰捕亡。曰斷獄。工律二。曰營造。曰河防。而雜罪名及讞決伸恤贖役檢驗諸政。明列之。而以條令大誥附其中。上親製序言。朕有天下。做古爲治。明禮以導民。定律以繩頑。著令久矣。而犯者相繼。於是出五刑酷法以治之。欲民畏而不犯。作大誥昭示。使知所趨避。又有年。然法律在有司。民不周知。特敕六部都察院將大誥內條目撮要刪傳律。他禁例盡革。刊布中外。使臣民知所遵守焉。而祖訓首章言。朕自起兵至今三十餘年。理天下庶務。凡善惡情僞。靡不備歷。中奸頑之徒。情犯深重。灼無疑者。令法外用刑。意使人知警而不敢易法。然此一時權用。非守成之君所宜用常法也。今後子孫止守律大誥。竝不許用。黥刺劓刑閹割之法。云何嗣君生長內宮。人情善惡。未能周知。恐一時施用不當。誤傷良善。臣下敢有奏用此刑者。文武羣臣卽劾奏。論凌遲處死。中又言。凡聽獄訟。貴明。不明則刑罰不中。久。天必怒焉。有大獄。當面訊。防搆陷鍛鍊之弊。益慎重至矣。先是刑尙書開濟言。聖明治在復古。事務簡要。今諸郡縣刑牘動千萬言。類泛溢失本實。盡禁之。上曰。虛辭失實。浮文亂眞。自今有以繁文出入人罪者。罪無赦。命刑科會諸司造議獄牘式。示中外。已上諭濟言。凡論囚。當原情毋刻深。蓋人命至重。當存平恕之心。猶恐失之。況深文乎。昨民有子犯法。父行賄求免者。有司欲并論。朕以父子至親。子論死而父救之情也。故但論其子而赦父。自今凡論獄。必詳讞覆奏。而後論。毋重傷人。後濟議法巧密。上曰。刑法禁民爲非。使之遠罪。非以陷民也。張密罔何爲乎。竭澤而漁。害及鯢鱓。焚林而田。禍及麋穀。巧密之法。民何以自全。濟慚謝。後濟以擅殺獄吏伏誅。都御史詹徽請重犯法之刑。不許。又請誅再犯罪軍人。命杖釋之。後徽不悛。益戾酷。亦誅。按

察司官人覲上諭之曰。國家法律。必務精詳。用法有失。鬼神鑒焉。時兩浙運使龔坐黨獄。上惻然曰。龔元忠臣。福壽之子。其貸之以勸忠。遷雲南。仍別敕西平侯英善遇之。甯夏衛千戶何忠。以所部卒缺。伍坐譴。詣自訴。上曰。爾非故萬戶何勝孫乎。對曰。是也。上曰。往爾祖克滌和二州。與有勞。及渡江。爾父亦從。朕有功。俱陣亡。可念。貸忠罪。陞衛指揮世襲。賞延世如此。祁陽民郝安童。父戍定邊死。當補伍。以母老無他兄弟。且有姑守節。老無依。陳乞聽終養。乃補戍。上憐之。得復除。處麗水。民有賣卜於富室者。不售。詣關告大姓陳公望等五十人。謀聚衆爲亂。命錦衣校迹捕。知縣倪孟賢召父老詢。云。無之。徵服身自往察。見其男女織作。同平時。慨然曰。朝廷命孟賢令是邑者。欲撫輯民使安於田里也。今無罪蒙惡逆之誅。而不告。豈爲民父母之意哉。令耆老自詣訴。具疏聞。上見之。瞿然曰。幾枉良善。命法司理妄告者罪。召耆老見。賜酒食。及道里費。遣之。先是工尙書王肅坐法當笞。上曰。六卿之職。不宜以細故加辱。命以俸贖罪。後百官有過。皆以俸贖。始此。嘗行郊壇。皇太子從。上指道旁荆楚曰。古用此爲朴刑。取能去風。雖傷不害。蓋德意如此。建文皇帝卽位。盡釋刺面軍及囚徒還鄉里。用刑尤平恕。永樂初。勇於刑戮。多所誅夷。駢首於市者。常數百十。而流離邊徙。死於道路者。不可勝紀。其後稍寬文罔。晚年多矜慎。詔法司問囚。一依大明律擬罪。毋妄引榜文條例爲深文。諭三法司言。天氣向熱。獄淹囚久。死刑需秋後。餘輕罪卽疏決。其未能決者。聽出獄。需後審。大理寺薛巖等奏。各布政司具獄上。罪死者二百餘人。請分遣御史臨決。上願謂都御史瑛曰。人命至重。絕不可復續。治獄得情難。鞭扑捶楚之下。罪成於鍛鍊者比比。此二百餘人中。豈必無冤。遣

御史宜具以慎刑之意書諸簡授之。使論決時核情辨釋。無或枉濫焉。上嘗御奉天門錄囚。慮有枉抑。召錦衣衛鴻臚寺官諭之曰。囚久於獄。困矣。念雖枉不求辨。又初至朕前。或畏威不敢言。爾等宜以朕意開諭。令有寃自白無諱。每三法司慮囚訖。請決命行人持節問寃抑者許陳。陳寃者詳慮十日。奏定奪而大理卿呂震言。近例文官犯杖罪者。記罪還職。停俸三月。蓋欲使之改過自新。令再犯者論如律。上命三犯始論如律。上嘗語侍臣曰。唐太宗惡官吏貪濁。有犯贓者必寘於法。故吏尙清謹。民免掊剋。貞觀之治。所以爲盛。朕屢敕中外諸司。不許妄役一夫。擅斂一錢。而不才官吏。恣肆自若。百姓苦之。今後犯贓官吏。論罪勿輕貸。嘗遣御史給事中往各省撫安軍民。禁止惡奸。有給事中丁璉奏言。四川見無犯法者。乃陰遣親信用銀誘之交易。已而果有犯之。是其心終不戒也。遂執之上聞之。怒曰。璉不肖刻薄如此。假令民畏法。反執陰誘者送官。何以處之。古人治天下。無非公平正大之道。昔唐太宗以物試人。待其受而加之罪。賴魏徵諫而止。朕嘗戒此事。思得魏徵其人。置於左右。今此輩小人。但圖邀功。不顧枉陷良善。甚孤朕任。使其令都察院遣人馳往。釋所誣民。而執璉赴京罪之。仍移文天下官。使知璉所爲。以爲戒也。刑部言。有千戶違法。縫夾皮爲鞭。灌桐油其中。以決罰人罪。當杖。上曰。制皮鞭罰人。取其柔薄。蓋刑具之輕者。示辱而已。今若此。傷人甚矣。用心殘刻。豈可使長人。以其鞭杖之。罷其職。刑尙書鄭賜言。比軍士初犯罪者。皆蒙宥免。小人作過。豈當全無懲戒。上曰。天不於惡木廢發生。君子不於小人忘矜恤。朕特矜其初犯耳。如怙終固不宥。時西域貢舍利。賜爲禮尙書。請因是釋囚。上笑曰。不可。帝王之治。以刑賞爲務。有功不賞。有



罪不誅。雖堯舜無以治天下。梁武元順皆溺於佛。有罪者不刑。致法度廢弛。綱紀大壞。而至於敗亡。此豈可效。爾儒者乃欲若爾耶。賜大慚沮。仁宗卽位。卽敕建文中諸死事者族屬。若外親聽甯家。給故所沒產還之。已大理寺論囚。上惻然曰。人命至重。帝王以愛人爲德。卿等職理刑輔德。宜贊朕志。毋俾含冤地下。傷天地之和。命府部通政司六科同法司於奉天門會審。已特召大學士士奇榮。幼孜等至榻前。論比年法司之濫擬大逆不道。往往出於羅織也。爲先帝切戒。故事死刑五覆奏。而法司豈不以措意。今審決重囚。卿三人同往。慮期審克必中。閣學士同審錄始此。又謂刑部都察院大臣言。朕於刑法未嘗敢以喜怒爲增損。卿等鞠獄當虛心聽察。如朕一時過怒。處注非法。卿等國大臣當執正。毋以忤旨爲慮。尋敕吏部自今刑官必擇廉明公正。謹厚之賢。其無用儉人。得肆枉濫焉。下恤刑詔言。朕惟皇祖皇考愛民之仁。祇率不怠。早夜以思。人命甚重。哀矜庶獄。拳拳於衷。顧執法吏不能皆平。虛飾比附而致之死。朕甚悼之。夫刑以禁暴止邪。導民於善。豈務誅殺哉。故律令之制。善善長而惡惡短。罰之輕重。惟適厥中。夫五刑之條。莫重於大辟。身首異處。亦足稱矣。又加之以凌遲。過也。自今除叛逆依律科法外。卽朕一時嚴於嫉惡。令律外致刑。法司必再三執奏。不允五六奏。又不允同三公及大臣執奏。必允乃已。爲定令。文武諸司皆毋得恣暴於法外。用鞭背等刑。人之爲非。有父子不相爲謀者。虞書謂弗及嗣。周文罪人不孥。自今惟謀反大逆。依律連坐外。餘犯止其事。毋連坐。古之盛時。博探民言。廣視聽。以資警戒也。今兇險往往。撫拾微文。云爲誹謗。法吏刻深。鍛鍊成之。自今告誹謗者。毋聽治。爾中外文武羣臣。端乃志。悉乃心。畏天愛人。崇寬

恕以佐朕父母斯民之治。於是諸重典之用悉革。刑號稱平矣。時通政司奏有黃巖民告人有持建文時士人包夷古所進楚王書稿與衆觀。書中有干犯語。請法司治之。上曰。此必訐者與。其人有怨而欲報之。朕初卽位。命百司。凡建文中上書有干犯語言。皆朕未卽位以前事。悉毀之。有告者勿行。今復行之。是號令不信矣。況天下之主。豈當念舊惡。如唐之王。魏太宗乘宿憾而信任之。卒相與成治功。帝王之度。如海納百川。無所不容。故能成其大。豈可一一追咎往事。勿聽刑部奏。廣東儋州知州陳敏同千戶陳善等運糴。遭風壞舟。擅以官糴濟軍士。請逮問。上曰。運糴所以蓄軍。有急安得不與。刑官曰。法非有命不得擅給。上笑曰。事有權宜。待報而後給。無及矣。汲黯所以達大體也。其置勿問。諸欽恤種種。歷年雖淺。廟號以仁不虛耳。宣宗嘗夜讀周書立政式。敬爾由獄。以長我王國。喟然嘆。以爲國基命在於此也。敕三法司言。朕體上帝好生之心。惟刑是恤。今爾等覆詳天下重獄。遠在千萬里外。需奏當卽決。亦何甯無冤抑者乎。人命至重。死不復生。其遺廉能官分詣在所。同三司巡按御史及府州縣官。公同詳審。若情犯深重。無冤聽從處決。如情可矜疑。及審異不服者。具奏。蓋遣官審錄自此始。又諭法司言。古孟夏斷薄刑。出輕繫。仲夏挺重囚。益其食。所以順時令而重民命也。我祖宗時。遇隆寒盛暑。命法司審囚繫。卿等皆先朝舊臣。親所聞見。今嚮暑。宜量情罪區別。時各省府州縣有繫登聞鼓。訴冤抑者。上不欲兼庶獄。敕藩臬官言。朕荷天命。嗣洪業。孜孜夙夜。惟保民之爲務。比者田里小民。爲官吏及勢豪侵損凌虐。不能自存。訴於郡縣。又不能直。淹禁歲月。冤抑駢死。以致赴闕徑訴。殞身不恤。詞訟之繁。故由於此。夫理訟之道。必得其情。枉者直。

之犯者罪之。所以戢橫暴而安良善也。今無理者肆虐。被害者歸怨。卽設方岳風憲焉。攸用乎。今已令都察院榜諭越訴者。爾等宜去惡衛善。鋤強扶弱。毋忽毋怠。復下恤刑詔。告天下。言朕嗣大統。遵奉舊典。不敢以喜怒爲輕重。期與天下同躋仁壽。咨爾法司。夫儉壬者利口。柔良者寡訥。惟言是稽。情僞不辯。茲其可乎。不諳律意。不察人情。移情就獄。苟且文書。茲其可乎。或畏權豪。徇其請託。或念恩怨。從而報復。或弄刀筆。輕重人情。或恣肆筮楚。鍛鍊成獄。甚至貪圖賄賂。顛倒是非。誣陷良善。縱肆姦惡。明有國法。幽有神譴。爾其欽哉。有請復肉刑者。上曰。除肉刑。禁鞭背。皆後世仁政。培植漢脈。長久唐祚。有以也。況有聖祖之訓在。而大學士士奇進言。唐虞之世。罰弗及嗣。今極刑之家。有賢子弟。例不許進用。上曰。舜殛鯀。禹聖人至公之心也。又曰。劉翀亦極刑家。今不在近侍乎。其敕諭天下。除極刑犯謀反大逆外。其子弟有文學才行。竝聽舉用。上嘗御便殿。問侍臣曰。朝廷下寬恤之令。或爲有司沮格者。誠有之乎。侍臣對曰。亦間有之。上曰。治天下以信爲本。朕每出一詔令。必預度可行可守而後發。不然。徒失信於民。豈爲君之道。爲臣輔君理民。以信義爲要。君欲施仁。而臣沮格於下。不忠孰大焉。上性仁愛。每遇法司奏要囚。輒色慘然。御膳廢食。以手撤其牘。謂左右曰。傳語刑官少緩之。正統中。遣官恤刑。諭之曰。邇京師及天下衛所郡縣囚。矜疑訴冤者。行體劾經年不報。蓋所司恐翻異爲罪。而慢上令也。其報者。勒里老扶結。憑成案而止。今特遣爾等親往。卽訊召集里老。慎研閱。原問官毋得預。果枉抑辨豁。果當罪。監候類奏。十四年。大理寺卿俞士悅等以春夏不雨。請會審出可矜者。上命太監金英同三法司官審之。審錄用內官。始此。後內璫王振

擅權多所冤慘。禍及搢紳。刑獄放濫。太宗初年。至此始再見。識者不無遺恨焉。景皇帝卽位。以旱災議寬恤。議以謀逆反叛人民強盜。俱許出首免罪。而給事中盧祥執以爲不可。遂言如此則是定不當行之例。施不當加之恩。且大惡得自首以免。而善良之無辜受害者。又孰從而雪冤。好惡旣戾乎人心。感召曷通乎天意。將以弭災而反以致災。若不裁正於今。必致貽悔於後。惡逆怙終之禍。何以遏止。上曰。賞功罰罪。自有正典。寬則恐小人無所警懼。其毋行。英宗復辟。刑部郎陳連失入人罪。部司審允。上自鞫辨出之。敕法司痛省。諭三法司曰。春陽肇序。萬物咸新。在京文武官除贓罪外。諸紀錄悉與滿除。令奉公守法焉。七年。令審錄勿會閣臣。時錦衣衛按弋陽王敗倫事。虛上因悟錦衣衛按獄之枉。召輔臣賢諭之。賢對曰。誠如聖諭。因言錦衣衛武人豪。又國爪牙。卽法司明知其枉。內憚之不敢辨。乞特旨諭法司。許有枉者辨理。毋畏勢避嫌。於是上召法司臨誠如賢言。人人悅服。成化中。始設西廠刺而閹汪直凶黠。起大獄。以鼓勢明威。羅織慘烈。中外大恐。大學士輅時合疏直十罪。且言近日伺察太繁。政令太急。刑網太密。蓋緣陛下委聽斷於直。而直寄耳目於羣小故也。韋瑛。王瑛。同惡相濟。擅威福。自予官校提挈職官。皆出風聞。暮夜搜檢。無駕帖左證。人懷疑畏。皆不安其官。商賈不安於市。行旅不安於塗。庶民不安於業。豈太平之世所宜有也。臣實懼焉。乞革罷以安人心。御史劉律等言。東廠之設。自初建都時。專以緝訪逆謀。若大奸惡事。出一時權宜。因而不革。亦已僭矣。今又設西廠。非制也。立廠之後。事情紛紛。於國家安危關係非小。上覽疏。悲曰。用一內臣。焉得便繫國安危。命中官懷恩傳旨詰責。輅等復力陳其故。會九卿連疏直及瑛過惡。

西廠乃革瑛謫戍尋坐事誅巡撫南直隸都御史王恕言我太祖高皇帝酌歷代律條定爲大明律凡四百六十條頒示天下而名例律有云律該載不盡若斷罪無正律比附應加應減擬罪名以上近刊行大明律後有會定見行律百有八條不知從何年會定如兵律多支廩給刑律罵制使及本管長官條皆輕重失倫不可行法官諳刑名者必不依此而流傳四方有誤筮仕入官之士非細故也乞追板焚燬旨下言會定律紕繆可焚諸依此律出入人罪者以故論時有司聽訊詞訟多罰人財物左都御史李賓以爲言上曰有此者以貪論以後止依律斷獄晚年頗詳慎山西巡撫何喬新劾奏僉事尙敬劉源滯囚之罪且請通行禁約上曰刑獄重事也周書曰要囚服念五六日至於旬時特言未得其情者詳審不苟如此苟卽得之不卽結斷怪梏縲絏拘繫其身往往有瘐死獄中者夫其人罪不至死而死是刑官殺之也故律特著淹禁罪囚之條喬新劾奏甚當其卽究治二人仍令天下刑官皆知所謹焉至於孝宗天性仁恕尤欽恤刑獄二年敕法司言朕惟刑者民命所關刑獄清則人心服而天道順一夫含冤致傷和氣災沴不免焉邇者京城雨水爲災南京有風雷雨之異朕甚悼懼得非朕刑獄冤濫所致乎情僞微曖未易遽察問刑者各據原辭審錄者多拘成案人命或鬪毆誤殺而檢勘者以爲謀故盜賊或搶奪拒捕而巡獲者以爲強劫中間有事出緝訪者務鍛鍊以成之此冤濫之所由也今特命爾三法司堂官詳加審錄凡人命無屍可檢若屍朽難辨者盜賊追無贓杖或有贓非真者或情法不相當或情罪可矜疑或累訴稱冤而不伏或久俟證佐而未獲具情節奏讞審問之際尤須詳察色辭旁詢知證毋避嫌疑毋任好惡毋

視權要爲輕重。務得實情。以全民命。原問官故入。及巡捕人妄擊。宥勿治。爾其悉心殫慮。明其斷而以恕行之。庶稱朕好生之意。已并敕天下諸司錄重刑。明年下敕言。曩因災異。敕諸司審錄重刑。諸情可矜疑。及有辭者。勿拘成案。平反之。原問官亦原勿究。欲廣仁恩而全民命也。今數十百人矣。當茲春和。天地大生。朕思與其寬之於終。曷若謹之於始。持法公平。察詞辨色。詳審情罪。大惡當懲者。毋務姑息。以長奸。小過可宥。毋事苛刻。以啓怨。其無憑證。情節難明者。尤當加意推究。毋踵譌以失出入。庶不悖古人欽恤之意。復歲以天炎暑。命法司錄輕重。囚勿淹。而是時律令竄而例繁。刑官以其職言。律條歷代相承。損益無幾。敕令則世自爲格。宋人敕重於律。斷獄用敕。敕中所無。方用律。昔賢病之。國初。刑用重典。取上裁榜。文紛紛下。洪武末。定大明律。刑官始得據依。爲擬議。輕重類一。後又申明大誥。諸有罪減等。累朝遵用。而法外遺奸。列聖因時推廣。損益之。而有例。例非律所該。而實不大遠。遠於律。特用輔律。非以破律也。而中外巧法吏。或借以文飾私怒。多引例便己意。而律寢格不用。於是命尙書昂。都御史珪。會九卿查議條陳。定奪畫一。下餘冗瑣并革。昂等條上。命覆詳更上。已上。復摘條例中疑者六條。命覆議。已乃布行。正德初。劉瑾用事。導上淫樂。時號八虎。以太監邱聚。谷大用。掌東西廠。大權在握。羅織無停。時繼掌東廠者。太監王岳。鄭旺。錦衣衛指揮趙鑑。葉廣。奸倖相繼用事。先時有拏獲妖言。陸襲一世之例。於是人競貪功。肆行網誣。而無賴之徒。鱗集蟻附。辦事之員。日增。獲功之奏。漸數。前時緝捕。例十年一奏。賞不過布絹鈔錠。是時或三年。或二年。後必一年。或一年兩奏。往往以妖言爲首。張皇賊狀。無非揜飾之詞。而連署姓名。多至

百人含糊奏請。皆蒙金紫。市井庸流。立陞朝籍。權門厮役。驟至顯榮。且其假種妖書。陰爲陷穽。買同番手。誣執平民。加以酷法慘刑。鍛鍊成獄。凡經廠衛奏送。法司莫敢平反。而刑獄至此極矣。繼以世宗。用情嚴烈。剛愎多疑。四十餘年。搢紳之禍。不可勝紀。初詔諸司問刑。一依宏治中欽定條例輔律行。於是刑尙書喻茂堅以脩省陳言。自宏治中考定條例而來。今歷年久。世變風移。宜思通變。以宜民俗。乞令各衙門將累年題準刑名事例。情法適中。經久可行者。條具咨送。臣等會九卿通再申明會議。除簡切易曉。引用無差者。照舊遵行外。其間有留意本明。而罪狀未合。妄自摘引。或事有專指。而引用他及。妄自牽合。或處斷已當。而事體未盡。偏執難行。嘗經各衙門申明者。各併爲一條。以便遵守。其有雖經申明。而擬議未詳。或未經申明。而引用易差。與一切姦弊。條例未悉者。亦行斟酌損益。因事推廣。務求文義簡切。情罪適均。曉然於易知易行。開陳具奏。旨如議行。久之書成。列上。旨刊行。仍申今後問刑官任情妄引。故入降黜之令。後刑法過嚴。吏部侍郎胡世寧上言。人君大德。曰仁。曰明。曰武。然三德以仁爲主。而明與武所以成之也。譬如天仁。則其生成之德。明則其日月之照。皆不可一日無。若武則雷霆。時可一震而已。震之數。或震之過。則傷物必多。故仁或可過也。而明不可過也。明過則察。明猶可過。而武厥不可過也。武過則殘。請自今中外羣臣有罪。悉下司寇問理。罪狀明白。輕重誅黜。皆依律科斷。奸不能惑。佞不能移。所謂武也。若廷辱以箠楚。或有偶斃雷霆之下者。遂傷日月之明。大爲生成之累矣。疏入。不納。而刑尙書鄭曉言。故事在京官民詞訟。俱赴通政司。造送法司問斷。各衙門不應問者。參送法司。不得自決。比來事權不一。諸司各自

受詞不復參送。甚有私紙贖爲利者。且其間物禁箠楚。或妄以意見出入。顛倒法令。致良善困於紛拏。姦頑喜於詐害。臣竊憫之。申明會典條例。令各衙門通行遵守。庶政體歸一。紙贖亦不至乾沒。上報曰。凡詞訟一照舊例。各衙門不得干預。已事多下鎮撫司。而鎮撫司深結內侍。探上意旨多巧中。上愈喜。時尙書林俊等上言。祖宗朝以刑獄付之法司。罪無大小。皆聽平決。自劉瑾。錢甯用事。專任鎮撫司爲之爪牙。政出多門。盜賊滋起。皆陛下所親見。更化善治在今日。不宜復以小事誦法。傷平明之治。而詹事霍韜亦上言。略以爲天下軍衛一體也。錦衣一衛。獨稱親軍。重禁近也。天下刑獄。付之三法司而足矣。錦衣衛復橫撓之。越介冑而刀筆是侵。不亦甚乎。光武崇尚名節。名節之士滿東都。以扶漢鼎。宋祖敦廉恥。刑罰不加衣冠。忠義之徒。爭死沒世。夫節義之士。在平世甚無用也。於變故求之不得。則國事遂空。故保養士氣。敦尙節義。治天下者之深計遠慮也。士大夫有罪。下刑曹辱矣。有重罪或廢或誅可矣。願乃使官校衆執之。脫衣冠以就桎梏。屈體貌以聽武夫。朝列清班。暮幽犴獄。不已甚乎。剛心正氣。於此折盡矣。反覆覈非罪。則暮脫犴獄。朝立清班。一解拘繫。卽披冠帶。使武夫悍卒從而指之曰。某也。吾辱之矣。某也。吾係執之矣。小人無所忌憚。君子遂昧良心。豪傑所以興山林之思。而變故罕仗節之士也。願自今東廠勿預朝議。錦衣衛勿典刑獄。士夫有罪。宜譴而譴。宜廢而廢。宜誅而誅。宜贖而贖。勿加箠鎖。以養廉恥。振人心。勵士節之急者也。上以出位多言。不納。其間大議大獄。囚繫決遣者。知名之士不下二三百人。訟獄冤濫。不減正德中。上晚年頗好元修。少爲舒霽。嘗論法司曰。朕承天命爲天下生民主。因念人命至重。惓惓矜恤。



刑以弼治。當則可致協氣。休祥自至。否則上干和氣。災沴攸生。近來司民牧者。理道不明。法律不通。任事作威。深文鍛獄。甚或貪賄聽囑。顛倒是非。不顧冤抑。是何心歟。且湖廣安陸縣幼男吳一魁。二命枉刑。母又被拘。情無所造。遠至朝扉。以一推之。豈止數百。爾三法司治刑爲職。當思矜恤。都察院通行天下。撫按申飭有司。各改前愆。惟公惟慎。盡心聽讞。民以不冤。天地神明昭鑒在上。爾亦能保祿位。福子孫。如不恭命。必不爾道。欽哉。已復諭法司。言理問詞訟。須分曲直。從公處斷。使人無冤。近來中外問刑官。往往任意偏聽。不審察事情。或徇私受囑。不畏法度。顛倒是非。致令銜冤負屈之人。輒入禁中。伸懇至有自縊死者。良可矜憫。法司卽申明律例。通行天下。如再有斷獄不明。致各犯申理者。若所訴得實。原問官從重究治。其有爲人囑託者。刑官參奏。容隱者聽科道糾劾。穆宗卽位。敦尙寬大。釋大禮大獄。諸所禁遣之臣。中外歡舞。上嘗諭法司曰。近聞在司府官。避事怠職。其於詞訟。弗親聽理。概委所屬。以故多端爲弊。毒害百姓。殊非朝廷設官之意。今後蹈此者。撫按官指名參究。尤給事中魏體明之奏。下令曰。邇來獄多淹滯。有司率泥成案。憚於平反。又多引嫌卻避。卽在重辟。心知其冤。而莫爲伸理者。發遣發配之類。更相積滯。動經數年。朕甚痛之。內外理刑官。自今宜速行伸理。不得仍前淹禁。在內者法司以名聞。途多所矜釋。而刑部尙書毛愷言。今災異頻仍。由刑獄冤濫所致。其弊有五。曰濫詞。曰濫拘。曰濫刑。曰濫擬。曰濫罰。五者足以殃民生。召災異。上曰。刑獄太濫。致干天和。其嚴飭內外諸司。務平恕明。尤痛祛濫弊。以副朕欽恤弭變至意。苛刻害民者在內法司。在外撫按官。勅治之。五年。允給事中王之垣奏。命天下每歲以四月至六月。諸

犯徒流笞杖非坐竊盜侵欺者。竝如兩京熱審例。徒杖減一等。笞罪及枷號者。竝釋免之。六年。刑科給事中朱南雍上言。傷和致災。無如冤獄。無罪濫及。固冤也。有罪幸免。而俾被殺者銜冤。亦冤也。是在有司與恤刑者慎之耳。今刑官類以嚴酷爲風力。遂使無辜遭戮。恤刑官每以多出爲稱職。反使大愆漏網。是皆足以上干天和。致生災沴。自今宜申飭問刑官。慎重刑名。毋輒輕入。恤刑官詳審獄情。毋得輕出。庶生死無憾。上報曰。枉與縱兼於法不平。而刑官往往蹈之。大可恨。其申飭之務。期平允乃已。神宗天性至孝。而太后又奉浮屠教。惟謹。其於刑獄。多所寬恤。七年。復奉太后諭。免行刑。而輔臣張居正執不可。上疏以爲傳奉聖旨。遵聖母諭。今歲暫免行刑。仰惟聖母慈悲不殺之仁。皇上將順好生之美。臣等敢不仰承以廣德意。但查我祖宗舊制。凡官吏軍民人等犯該死罪。有決不待時者。有監至秋後者。鞫問旣明。悉依律處決。未有淹禁累年。不行處斬者。至嘉靖末年。世宗皇帝以齋醮奉元。始有暫免不決之令。或間從御筆所句。量行處決。然此實近年姑息之弊。非我祖宗垂憲之典也。夫春生秋殺。天道所以運行。雨露霜雪。萬物因之發育。若一歲之間。有春生而無秋殺。有雨露而無霜雪。則歲功不成。而化理或滯矣。明王奉若天道。其刑賞予奪。皆奉天意以行事。書曰。天命有德。五服五章哉。天討有罪。五刑五用哉。若棄有德而不用。釋有罪而不誅。則刑賞失中。慘舒異用。非上天立君治民之意矣。臣等詳閱法司所開重犯。其情惡深重者。皆滅絕天理。傷敗彝倫。仁人之所痛惡。覆載之所不容者。天欲誅之。而皇上願欲釋之。其無乃違上天之意乎。且稂莠不鋤。嘉禾不茂。冤憤不泄。戾氣不消。今聖母徒見犯罪者身被誅戮之可憫。而不知被所戕。

害者皆含冤蓄憤於幽冥之中。明王聖主不爲之一泄。彼其以怨恨冤苦之氣鬱而不散。上或蒸爲妖沴。氛祲之變。下或招致凶荒疫癘之災。則其爲害又不止一人一家受其荼毒而已。獨奈何不忍於有罪之兇惡。而反忍於無辜之良善乎。其用心亦舛矣。況此等之人。節經法司詳審。九卿大臣廷鞫。皆已衆證明白。輸服無詞。縱使今年不決。將來亦無生理。將來不過斃牢獄耳。與其暗斃牢獄而人不及知。何如明正典刑。足懲奸而伸法也。法令不行。則犯者愈衆。年復一年。充滿囹圄。旣費關防。又虧國典。伏願皇上念上天之意。不可違祖宗之法。不可廢。毋惑於浮屠之說。勿流於姑息之愛。奏上聖母。仍將各犯照常行刑。以順天道。乃行刑。其後歷年深。施澤久。民重犯法。不聞刑戮。且未嘗輕扑一大臣。未嘗私殺一小吏。屢下詔赦。且加意於建言及逮繫諸臣。還之職。并蠲稅于連人犯。盡釋歸農。可謂刑不用而天下晏如也。光宗仁厚。惜在位不久。天啓中。榷禍殷熾。構難搢紳。東廠魏忠賢。錦衣衛田爾耕。許顯純。及刑尙書薛貞等。一時酷吏相聚。大臣駢首就戮。囹圄積至數千人。而刑法之慘。制立枷。設斷脊。墮指。刺心之刑。中外側足。都人至不敢偶語。懷宗在藩邸時。目擊詳悉。初卽位。盡反天啓之政。定逆案。應誅者誅。竄者竄。一時廓清。未幾上頗好明察。露聰穎。而小人因以其意中之。至於太監王德化。掌東廠。專與搢紳爲難。而掌錦衣衛之吳孟明。鎮撫司之梁清宏。喬可用。希上旨。詔事東廠。比奸爲惡。肆行鉗網。徧布緝訪。凡搢紳之門。各有數人往來其間。而凡所緝訪。止屬風聞。多涉曖昧。雖有心口無可辯白。矧緝事員役。屬廠衛衙門。其勢易逞。而又各類計所獲功次。以爲陞授。則憑其可逞之勢。而邀其必獲之功。捕風捉影。每附會以讎其姦。非法拷

訊時威逼以強其認。多方扳害。遂有釣手懸足非刑。凡得一人。則於空廟祠宇撈掠之。名曰打椿。有真盜倖免。而故令多攀平民以備數者。有括家囊爲盜賊。而通棍惡以證其事者。有潛種圖書。陷人於妖言之律者。有懷挾僞批。坐人以假印之科者。有姓名彷彿。而荼毒連累以死者。且訪擊所及。家貲一空。甚至併同室之有。而席捲以去。輕則匿於擋頭火長校尉之手。重則官與瓜分。廠衛之官。明知其枉。樂得人罪。不論曲直。俾其有獲。以爲積功陞賞之地。使被訪者五毒備嘗。肢體不全。其最酷者。名曰毳。每上百骨盡脫。汗下如水。死而復生。如是者二三次。茶酷之下。何獄不成。而法司卽有明哲者。不免懷避忌之念。苟且扶同。此平民之陷於刑辟者如此。至明播其虐。囑託需索。各衙門之利。無不網羅。一不如願。或伺其朋交往來之片言。或伺其家信之出入。或伺其相知拜往之際。憑空構陷。逮一人而平日骨鯁不黨附之人。輒株連數十。輕則革逐。重則羅刑。而所伺之多至隕喪。株連之衆。賄賂公行。廠衛官役。皆家擁雄富。動至鉅萬。愁怨之氣。上干於天。卒至天怒民嗟。而明祚以盡。皆此數人刑獄之濫之所致也。悲夫。史官曰。刑法舒慘。君德之醇漓判焉。而殺人媚人之人。出爾反爾。可不慎哉。因取中祕書及史乘雜記。事關刑獄者爲篇。後司刑者覽之。有所觀感焉。太祖嘗諭開濟。詹徽以原情之論。後濟議法巧密。上惡之。以枉殺獄吏。徵請重犯法之刑。不許。又請誅再犯罪軍。命杖釋。而後以酷伏誅。聞周志清仁恕。擢爲大理卿。分遣御史林愿等分按各道。使在外不得專殺戮。漢中知府費震發倉拯亂。良吏也。以他事逮京。釋之。爲牧民者勸。成安縣丞唐詢禁繫三載。細事也。責原問官吏釋之。爲淹禁者懲。念諸暨知縣陳允恭。以簿書之過。謫戍雲南。

詔還復其官。知浙江道御史凌漢以鞠獄平恕爲人所感。擢右副都御史。進士魏安仁等六人以過謫吏矣。恐其久爲小人所侮。召用以展其才。知府余彥誠以罪繫獄矣。因其同爲耆民所請。賜衣以還其職。丹徒知縣胡孟通。縣丞郭伯高。金壇縣丞李思進。以事當就逮矣。一則念其撫民有方。一則知其官多善政。並賜酒敕。以勞其賢。卜者誣人謀亂。以麗水知縣倪孟賢疏辯。而加反坐。鄭湜縶坐胡黨。因與仲兄濂爭下獄。而蒙擢用。山西人被脇爲盜。矜其不得已之情。而遣歸田里。江西商阻壞鹽法。原其不過貪民。而輸作鳳陽。赦安童以孝子除軍役之累。陝西民以代兄免謫戍之辜。重囚四百餘人。以方春令輸粟於邊。盡免殺戮之慘。獨其以胡藍二黨。蔓引數千百人。皆付市曹。開國勳臣。幾乎殆盡。而以京民怨望。大肆誅殺。以致御史乘職借屍以逃。而朝臣以鳩染衣帶。每早入直。與家人訣而出。雖懲元政廢弛。而振勵之。亦已忍矣。語云。大刑用甲兵。而操同室之戈。推刃共主。雖親如三王。亦不得令終。且以誑誤殺章朴。以激諫誅蕭儀。以抗疏刑周新。以讒構幽解縉。而仗節負義者。悉寘奸黨。根連蔓引。靡有子遺。十族之滅。磔裂之慘。蓋不獨一侍讀三尙書爲然。甚且發妻女於教坊。掘先墓於焚夷。蓋劉基所謂殺運猶未除耶。大抵司刑者多御史。陳瑛導輿之。而瑛後以犯罪誅。周新則紀綱之譖也。而綱卒不免。黃淮楊溥繫獄。則高煦之譖也。而熙尋以亡。詩云。旣其女遷。信夫。仁宗初卽位。釋夏原吉等之囚。復其官。赦解縉妻子之流。官其子。宥建文諸臣之家。明其無罪。捕治前御史舒仲成。以楊士奇疏救報罷。下翰林侍講羅汝敬於詔獄。尋改監察御史。而黜誹謗之刑。嚴自宮之禁。天下方沾德化。而享祚未期。惜哉。宣宗曾逮浙江按察司林碩。知其

蒙榜中官而復用之。逮故城縣丞陳銘。原其誤。掛中官而復任之。刑尙書趙翀。侍郎余吉。以縱有罪殺無辜罷官。江西副使李倫。以受贓出人死罪而謫戍。然戴綸以舊曾諫獄而無罪死。陳祚。林長楸。以無罪囚。要未可以一眚掩大德也。正統初。釋鬱林守林長楸。言官陳祚而復其秩。追念汜水典史曾泉而還其官。敕法司死囚臨決。必三覆奏。然後加刑。諭天下伸冤枉。勿搜細過。以陷良善。可謂明德慎罰矣。未幾。瑄振擅威。馬順助虐。大理卿薛瑄論死。侍講劉球支解。修撰董倫被刑。祭酒李時勉荷枷。霸州守張需戍邊。吏部王直。趙新。曹義。戶部奈亨。無故同時下獄。御史周銓。范霖。楊永等逮死。福建巡按柴文顯。汪澄。駢戮。輕重混淆。是非顛倒。卒成土木之禍。而振赤族。順廷斃。王。毛二長隨亦暴屍於朝。報之雖快人心。而已大肆荼毒矣。景皇帝前居守。後遂卽眞。以土木喪師。而逮宣府楊浩。萬全。參將石亨。下詔衛。尋出總京營。適也以宗留復亂。而逮福建巡撫張楷。尋放歸田里。恕也。都督楊俊前見功而後見罪。論死。殺之。千戶龔遂榮。創大議而任大辟。下獄。釋之。內使單增恃寵驕縱。卽下之獄。戚畹汪全恃勢奪民田。立責其償。當也。至若中書何觀。以參大臣阿附。杖調。南雄知府劉實。以忤抗中官。死獄。請朝南宮。復沂王爲太子。則大理少卿廖莊。郎中章綸。御史鍾同。皆廷杖。同死。綸錮詔獄。莊謫邊。方入侍南宮。賞有鍍金結束。則御馬少監阮浪。內官王堯。義子趙縉。皆下獄。浪死。堯。縉處以極刑。是時爲悅者王文。陳循。文固曰。諸公勿累小子。喫牢飯。此何言也。英宗復辟。文以誅。循以戍。文淵爲傳子之詔自經。而始奏易儲之黃玠。鞭屍。僂子。而陳伐樹之徐正。戍嶺。磔市。皆罰當其罪。然商輅以疏立沂王。石亨以不從己陷之。于謙未迎襄王。徐有貞以未用己。

擠之。都御史蕭維禎等阿附亨輩，乃謂事出朝廷，不承亦難免。上猶豫，原擬凌遲者斬，斬者削籍。說者故曰：此臣子之罪。若巡撫年富以名臣下獄，內閣岳正以忠直戍邊，則亨與曹吉祥、陳汝言之爲也。都督范廣以謙信任并殺，則太平侯張軏之爲也。指揮袁彬以護從下獄，則門達之爲也。御史楊瑄、張鵬等班劾權奸，并都御史耿九疇皆下獄，禍幾不測。值大風雷雨之變，僅譴瑄、鵬、戍赦還，不謝。復遣南丹，則又亨、吉祥之爲也。不數年，有貞再繫，安置金齒亨，彪負固戮吉祥，亨謀反誅。汝言死賊，達死戍，軏死於鬼。天道好還，亶其然乎。至宏豐衛卒以謀反誣指揮李彬，事下詔獄。達鍛鍊成之，刑尙書陸瑜，獨白其冤。達語侵瑜，瑜曰：法司所執者祖宗之法，吾何敢枉人滅族之罪耶。達譖瑜欲出反者，上不聽，止誅彬而免其妻子。寬矣。獨恨誣于謙以迎立外藩之罪，以報私怨，而以意欲二字，傅會成獄。上亦決於徐有貞不斬于謙今日之事爲無名之一語，遂使社稷忠勳而不得其死。悲夫。憲宗申犯罪充軍不旬，丁補役之例，定民間產女溺死之條，選進士二十人於刑部習刑書，以示欽恤之意。當時漢陰王徵鋌以牛易馬，則妃父周恂等正厥典刑。湖州知府李雄因賊誣叛，則副使王齊等坐罪有差。給事中韓文等劾王越邀功啓釁，逮文華殿拷訊，知其爲國之誠而釋之。陝西巡撫秦紘爲秦藩所訐，命籍其家無他物，賜以旌賢之詔而復之。向使侍御有正人，不稱明主哉。乃內官牛玉欺罔立后，謫處南京，給諫王徽等請重玉罪，而反下獄。御史邵有良覈光祿錢糧，以太監回保之誣杖調，內監章朗開原失機召還，以太監李良俸之請復留。大同總兵許甯、巡撫郭鏜、太監蔡新以失事下詔獄。甯、鏜降調，而新置不問，則失平。妖人李子龍出入禁地，太監章含

等實引之。妖人王臣橫行天下。太監王敬實主之。兩人事發竝斬。而各宦止於淨軍。則異罰。任汪直爲西廠。故指揮楊暉以罪匿中書董璵舍。直口千戶韋瑛言就鞠之。暉璵備嘗刑具。因其妄供。武選主事董偉就縛拷掠如暉。復鈔其家。并逮妻妾四五人。晝夜苦掠。哀號徹天。又械暉父并死獄中。續以婦女入浣衣局。是爲奴之令矣。餘無故執者比比。賴商格奏罷之。而御史戴縉。王億又奏復之。賢不肯相去。顧不遠哉。直憾兵尙書項忠途中失避。誣以事。令會訊。竟與文選郎中姚汝璧同黜。復以譖逮兵侍郎馬文升。刑尙書林聰。巡撫史牟。侍讀汪朝宗。下獄謫戍。而給事中李俊等二十七人。御史王濬等二十九人。各杖於廷。遼東巡按強珍酷拷不服。亦令廷鞠戍邊。後直以罪逐。其黨吳綬流極邊。王越編管安陸。陳越戴縉竝爲民。司禮太監尙銘杖發南京。韋瑛坐誣人謀逆伏誅。則中官阿丑以譎諫。御史徐璠以直諫。悚動上心。故耳。不然。卽江西楊福僞充直者。猶且納賄用權。輒杖小吏。況其眞乎。直銘去。梁芳復用。僧繼曉術士李孜省附焉。刑主事林俊疏諫。經歷張黻救之。同下獄。侍太監懷恩以實奏。且戒鎮撫司勿殺。因得不死。不然。亦盡粉矣。廣東布政陳選抑市舶太監見誣。遣官訊之。賄選所黜吏張裝誣執。裝曰。死卽死耳。敢以私滅公。陷正人乎。選逮道卒。裝爲疏辯。始明。未幾。孜省死獄中。孝宗立。誅繼曉。擢何喬新爲刑尙書。用馬文昇議。免糾儀御史下獄。聽陸容請奪都指揮王欽。梁宏之新命。人人懷德畏威。中官不敢侵刑政。中外官生隨逮隨釋。終帝之世。無久繫冤死獄中者。獨萬安。劉吉。顯政。多所排擯。安去。吉怨御史湯鼎。與知州劉概。庶吉士鄒智。同坐妖言罪死。刑侍郎彭韶辭不判。王恕疏辯不納。鼎概謫戍。智降吏目。屈矣。喬新言。



計賊估鈔當隨時損益。國初每銀一兩值鈔一貫。今值八十貫。是國初常人盜八十兩者絞。監守自盜四十兩者絞。今盜一兩餘亦坐斬絞。恐非制律本意。吉惡之格不行。御史鄒魯誣喬新受賂。訊無狀。歸田里。魯亦尋以他故謫戍。爲讎家毆。錦衣都指揮朱驥不尙苛刻。務存大體。妖人真惠僞書惑衆。爲邏者所發。株連數百人。驥獨罪首犯。焚妖書滅其跡。凡制獄下所司。加巨挺厲威。驥乃用小杖。成化間。中使詰責。竟不易驥以令名終。而安顯辱於朝堂之上。吉陰死於盜賊之手。豈天假之會耶。武宗初立。劉瑾用事。八虎猖狂。戶尙書韓文恨不能救。用李夢陽計。叩大學士劉健。謝遷。倡諸大臣疏奏。幾發捕矣。李東陽泄其謀。瑾遂要上罷二輔。命瑾掌司禮。督團營。邱聚。谷大用。理東西廠。大權在手。大張兇淫。欽天監官楊源一。疏星變。乞除內使。一疏霾霧爲下叛。一疏火星入太薇垣。宜思患預防。竟杖戍道卒。尙寶卿崔瀆。按察副使姚祥。郎中張偉。給事中安奎。御史張彧。劉孟。皆以小故荷校。而百年之體統喪。言官劉滢。呂紳。戴銑。薄彥徽等。及兵主事王守仁。皆以諫繫獄。黜降。復戒諭百官。勒罷公卿臺諫數十人。揭五十六奸黨榜朝堂。而一時之民望空。巡撫葉璞。巡鹽徐禎。兵尙書劉大夏。戶侍郎郝序。皆以不賄訊獄流遣。以積憾禁韓文。李夢陽。以匿名文書執京朝官三百餘。以修邊不合逮總制楊一清。以鎮守內臣訐枷副使吳廷舉。欲謀不軌。慮太監張永。札已。調南京。永歐之。上前命置酒講和。殿廷幾爲鬪場。五年而瑾誅。其黨吏尙書張綵。錦衣指揮楊玉。石文義等。坐同謀伏誅。附之者之輔臣劉宇。曹元。及焦芳。與子黃中。竝削籍。大憝一除。羣奸屏迹。雖張永能制其命。而一清實與有力焉。綵疏辯。竝發東陽附瑾事。蓋情以久而自露。罪欲蓋而

彌章卽哭餞劉謝二公於郊。誰則信之。瑾誅後。法稍稍平。乃宸濠倡亂。徧賄權奸。江西按察司胡世甯上平賊二策。挾旨捕之甚急。浙江按察使李承勛匿世甯。令變姓名間道歸命。得不死。下詔獄。戍藩陽。忠而見罪。其何臣何。久之。上欲南巡。江彬、錢甯通濠俟釁。疏諫者百七人。跪午門五日。杖誦有差。而陸震、余廷瓚、何遵、劉校、林公黼、詹軾、劉槩、孟陽、李紹賢、李惠、于翰、劉珏一十人。立死杖下。當斯時也。天下岌岌乎殆哉。言官論太監蕭敬、吏尙書陸完、指揮錢甯、臧賢與宸濠交通。逮下獄。獨敬罰銀二萬。仍掌司禮。餘無恙也。濠伏誅。帝亦崩。皇太后暴彬罪。磔市籍沒。誅其黨數十。蓋楊廷和之力也。世宗入承大統。甯等皆誅。完等皆遣。許泰等皆執訊。都御史劉達、吏尙書王瓊等皆削籍。謫戍有差。釋都督部永獄。表其不附彬之義。釋提學李夢暘囚。白其不比濠之冤。凡諫南巡各官。死者贈祭廕。子生者復職。陸用初政事有可觀。至於議大禮。則同時下獄。朝班幾空。繼以大獄。法司盡錮。薦紳禍烈於南巡。忠直銜冤於詔獄。不可枚舉。蓋張聰有皎皎之才。而無休休之度。其議大禮。迎合上意。有先見之明。而諸臣不明。繼統繼嗣之別。固執泣諫。至於死。徙禁錮不變。識者傷之。乃李福達父子巨盜。爲妖人之師。馬錄等。鞠之無冤。而璉、萼、獻夫附郭勛。阿上旨。激成大變。同錮獄中者。自尙書而下四十餘人。或死囹圄。或謫邊遠。而璉等據以爲功。編欽明大獄錄。恬然受賞而不悔。人心滅矣。得龐尙鵬獲擒反賊蔡伯貫於隆慶間。供明福達爲其祖師。而獄明。不然。而尙書顏頤壽、侍郎孟春、閔楷、劉玉、王啓、聶賢、都御史江潮、劉文莊、張仲賢、張潤、大理卿湯沐、少卿徐文華、顧泌、汪淵、太僕卿汪玄錫、光祿卿余才、寺丞毛伯溫、給事中王科、秦祐、沈漢、程輅、劉琦、常泰、張遠、高

世魁、御史馬錄、程啓充、盧瓊、任淳、姚鳴鳳、張蕡、潘壯、戚雄、郎中司馬相、劉仕、評事杜鸞、布政李璋、按察使李珪、僉事章綸、都指揮馬彖、副使周宜、王昂、知州杜蕙、胡偉、鎮撫鮑玉等，幾無昭雪日矣。迨王瓊用，而都御史陳九疇以夙怨逮繫鎮撫司。夏言用而詹事霍輅以上書械送都察院，及馮恩論斬，而刑尙書王時中以輕擬罷，向非朝審相訐之言聞於上，則江鉞殺恩矣。至於嚴嵩擅權，天常反易，夏言、曾銑以復河套殺張經、李天寵以征海寇殺楊繼盛、沈鍊以論嵩殺郭希顏以安儲殺朱執以除奸民死，李默以策語死，楊最以疏諫死，馬從謙以論內官死，於時先後爲刑尙書者，何嵩、許論也。附權相禍搢紳，忍心甚矣。仇鸞戮屍不足謝朋奸之罪，而嚴世蕃、羅龍文兩子駢僇，其亦少酬公憤乎。當時惟刑郎中陳鳳，凡廠衛參送者多所平反，可謂僅矣。穆宗釋海瑞於獄，復周怡、沈束之官，逮方士王金、陶倣等，處以極刑，奪邵元節、陶仲文官爵，籍其家，戍鄆懋卿於邊，追論楊順、路楷殺沈鍊之罪，皆坐斬，人稱快焉。後以疏陳政理杖給事中石星，疏陳糜費杖御史詹仰庇，疏陳時弊杖尙寶司丞鄭履淳，疏陳節用劾崔敏杖給事中李己，黜給事中陳吾德，且太監李芳以直諫忤旨，逮獄立死。兵馬李承芳以執內地負屍校尉，反坐旨多內降，法司患之，然未幾履淳等皆放歸。又治中官許義等梓擊御史罪，戍烟瘴，治鳳陽太監趙芬貪酷罪，下御史擒其黨，治司設監丞田孜盜帑罪，戍邊，可謂刑不私近倖者哉。神宗初年，馮保用事，繼以張居正、怙寵作威，刑多倒持，保引用淨軍張大受，遣戍狡惡之徐爵，一陞管事，一陞指揮，尙目中有世宗之旨，天子之法乎。延燒永壽宮之太監暨擢已謫戍而起爲守備，怒臨淮侯李口則擊其僕役，加以非刑，以山西內臣之言。

而勘魏允貞種種吹索。搢紳側目。其後保籍沒。而壞法受賄之邢尙智、李登雲、張惟德亦逮。中外快之。猶曰：此閹豎耳。如張居正蓋衣冠之流。惡御史俞一貫不聽指授而杖調。以勸其丁艱。明大義。植綱常。則杖戍。修撰沈懋學、習孔教、編修吳中行、檢討趙用賢、刑員外艾穆、主事沈思孝、進士鄒元標相繼黜謫。有差。刑法倒置。莫此爲甚。而居正死。不旋踵亦籍沒。三子俱革矣。嗣是趙參魯以諫逮。余懋學以諫罷。因釐稅兩事株連孔繁。其後上益長。聰明鎮靜。事從寬簡。和平之福。上實培之。天啓中。殺楊漣、左光斗等。尤慘動天地。搢紳之禍。至斯而極。魏忠賢懸首河間。崔呈秀死戮都市。諂附之顧秉謙、魏廣徵等。貶斥禁錮。酷刑之田爾耕、許顯純等。極刑市曹。刑尙書薛貞、希意殺劉鐸。而終死國法。報速而顯。可不畏哉。懷宗立。天下多故。用一嗜殺之刑尙書甄淑。而以意定爰書。推詳之事不聞。倚一兇狡之東廠太監王德化。而風聞攢事件。生殺之柄在握。乃錦衣衛二三酷惡。不啻羅吉之鉗網。率多死李自成追比之下。語云：天網恢恢。疎而不漏。信夫。



# 明書卷七十四

## 志十六

### 邊防志

史官論曰。書禹貢辨五服之等。甸爲王畿。侯比中土。綏列外蕃。而要荒爲戎狄。於內外深辨其綏服二等。曰揆文教。奮武衛。蓋其慎哉。周人九服之制。因之。而要荒曰夷蠻。鎮藩故書戒通道。詩謹薄伐。而春秋尤致嚴之。故天子有道。守在四夷。天子卑。守在諸侯。旨哉言乎。乃周官固封疆。備邊境。完要塞。謹關梁。塞蹊徑。扼走集。不廢險固之用。而掌固司險。於職事。修守戰號戒者。甚密。易曰。王公設險以守其國。則險用之大。亦焉可廢哉。戰國下衰。冠帶之國。爭驚攻奪。而燕趙秦皆瀕邊。各築長城爲抗拒計。其後秦使蒙恬奮擊。悉收河南地。因河爲塞。邊山巖。暨谿谷。起臨洮。抵遼。萬餘里。築亭障。蓋侯衛廢而邊防重。天子之自爲守。始此。漢困平城。後雖和親。往往躡入。殺長吏。無甯歲。卽孝武出師征伐。攘之幕徼。然而憊矣。晉衰之禍。所不忍言。唐因而成功。而加戍轉邊多苦勞。惟張仁愿入漠南。築三受降城。自是突厥不敢踰山而牧馬。至今稱之。石晉割獻之後。宋祖每對侍臣。歎歎激昂。大加痛惋。厥嗣不惟不能復。滋益削。以至於亡。嗟乎。歷稽前代。治亂強弱。咸由邊。而況明耶。明幅員綽邈。東起鴨綠。西抵嘉峪。爲邊者九千餘里。北接朝鮮。南

連交趾。守海者萬五千里。諸削築堞障屯戍。君臣日吐嚼嗟咽於斯。蓋有難以言語形容者。夫梯航王享。蹂躪侵掠。無攸於異古云。天道無親。惟德是助。遠人何常。慎德乃賓。邊防之本。在朝廷而不在荒徼兵壘之間也。觀三代之書。而後之爲治者可知矣。茲探明之始終邊事。與其籌謀之要者著於篇。以俟後之謹邊者覽焉。作邊防志。

明興。汛掃寰宇。際天極地。揮拓四表。遠達萬邦。而太宗卽故奠藩地爲京師。揭古冀北垂於堦堦之上。辰山負海。固擬崑函。本太行與鴈門諸山。塞垣連絡。據乎要險。居庸東折。玉帶神嶺諸山。環擁拱揖。諸陵在焉。故居庸爲京師北門。隸薊鎮。薊舊鎮大甯。卽兀良哈朶顏大甯。福餘三衛地。爲藩鎮甚設。循居庸左轉。爲漁陽。盧龍。當山海之際。古所謂渝關也。控遏遼東。爲遼陽鎮。又東薄於海。右轉循太行西南。包平原沃野。帶絡數十城。爲古燕趙之郊。而宣府大同宿重兵鎮焉。宣府大同漢上谷雲中也。而大同平川曠野。黃砂白草。故敵患特鍾。居庸西舊松林數百里中。獨有間道。騎行可一人。卽元扎八兒導胡兵南牧處也。紫荆倒馬二關扼焉。而重兵鎮保定。扈京師。又右轉爲鴈門。甯武偏頭三關。隸山西。起代郡。外接大同。內經太原北境。西盡雍河。而鴈門稱絕險。自偏頭踰河稍南爲陝右。陝有三邊四鎮。榆林舊治綏德。守在東勝。東勝者唐所謂三受降城也。在河北。後內遷失險。而延綏因徙榆林。榆林險。將勇士力。人呼爲棗駝城。塹自黃甫川西至定邊營。互千二百餘里。連墩句堡。橫截套口。稱雄鎮。西絡甯夏。固原二鎮。甯夏西北倚賀蘭而南。東阻河。守在花馬池。包固原其中。自敵得套。固原改開城州。地益重。與甯夏爲唇齒。爲敵衝。又自

賀蘭山直西至鎮番。又西極甘肅。皆古朔方。甘肅漢所謂河西四郡。武帝置之。斷匈奴右臂者也。明初置甘州五衛於張掖。肅州衛於酒泉。涼州衛於武威。西甯衛於湟中。又置山丹、永昌、鎮番、莊浪四衛。列鎮河外。外薄於沙磧。而肅州西七十里爲嘉峪關。左番右夷。肅州尤孤。此皆自京西右轉而循西以爲徼者也。自蘭州南抵岷、洮、階、文界西番。與四川接壤。同其苦患。又西南出爲雲南。古稱滇南。轉爲貴州。又東南轉爲嶺表。中包湘、楚。跨百粵三江。而諸夷獠蠻、獠、獠、苗、狼、黎、峯、獯之屬。各窟宅其中。大者兼據連城。細者保持深箐。然稍奉約束。聽羈縻。而統於藩省撫巡。示威宣德。而鄆陽、蒼梧、南贛爲重鎮。自京師東薄大海。泛登萊。包淮揚。南際於閩、廣。滌洋萬里。通四瀆。八表爲一滌。慮獨在倭。此明之幅員邊圉。設險守國之大略也。初太祖既定天下。卽元都設北平都司。卽古會州。大甯地設北平行都司。立興營諸屯衛。建甯藩。其中興遼東。宣府東西相羅絡爲外邊。已遣魏國公達率列侯北巡邊。自古北口至山海關。增關修隘爲內邊。故薊州西接居庸。東負海。盡漁陽。盧龍。稱雄鎮。設衛開平。置八驛。東接大甯。西聯獨石。而開平與和萬全爲要地。遼陽旣下。不郡縣。獨置衛所鎮之。權衛事。良佐言。本衛地遼遠。僻處海隅。肘腋間皆敵境。乞留朝廷所遣斷事。吳立撫軍民。且益之兵。於是置都衛。以馬雲、葉旺爲都指揮使。總轄遼東軍鎮焉。而遼陽開元有安樂。自在二州。處保塞降夷。於是大學士宋訥上策言。今海內旣安。蠻夷奉貢。惟沙漠未遵聲教。乘弗討。則歲久滋患。討之則士馬疲耗。餽餉艱費。非所以靖天下也。陛下誠計安萬世。則莫若固邊。而固邊在足食。足食在屯田。漢本始中。匈奴帥十餘萬騎入寇。後將軍充國將四萬騎分屯緣邊九郡。禦之。單



于爲引遁。以四萬騎而分屯九郡。碁布星列。而充國于其中。統制之。當時分畫。槩可想見。今諸將中豈無智謀勇略如充國其人者哉。誠選其良出屯邊。東西約五百里。隨遠近難易爲屯。屯各有分地。率所領衛兵耕作其中。而時訓練之。彼此相望。首尾相應。敵至則戰。敵去則耕。此久長之策也。上大善之。命諸將屯練以備邊。於是敕後軍都督言。曩敵衆近塞。兵衛未設。故設兵守關。今已置大寧都司及廣寧諸衛。足爲守禦。又敵遠遁。而山海關又以戍守廢屯田養馬。非計也。自今一片石等關。止存戍卒。足瞭望讎遁。而止。餘悉令屯田。當是時。上以天下甫定。垂意邊。遼東海南臨洮大同西河西涼寧夏至古北口西番諸指揮使。各手敕勞諭。令固疆圉。論遼東帥曰。滄海之東。遼爲首疆。中夏旣寧。期必戍守。乃有蓋州諸將。共意來庭。固守其地。以待命。北夷罔知天命。屢害生民。舊冬十有二月。寇我金州。爾指揮雲等。忠義於天。苦同士卒。以寡敵衆。遼蓋諸將。深謀扼險。渠魁以獲。朕甚嘉之。勞海南衛指揮敕曰。南溟浩瀚。中有甸瀋。方數千里。地多炎熱。時忽瘴雲。卿等率壯士。連歲戍此。朕甚念之。勞西涼指揮敕曰。朕惟涼州之域。北控虜沙。西南制戎羌。爲鳥鼠同穴之地。天時早寒。今暑退金風生。爾禦邊勞甚。朕甚閔之。茲特遣勞爾。爾宜外張威武。內懷多仁。以服戎羌。勞寧夏帥曰。寧夏之地。背山面河。虜人介之。以爲旅拒。昔趙元昊用之矣。大將軍掃清河漢。今命爾守此。關內之北門。虜人之前戶。卿其晨昏深謀無怠。下至昌國守禦千戶所。亦御札存問。而敕大帥武定侯英言。遼東邊軍已苦甚。毋營繕盡其力。今役作軍。皆勇力善戰之士。奈何乎。勞之近高麗表奏。言多不實。聞彼自國中至於鴨綠江。皆儲軍糧。驛各數萬石。且招東寧女直人入境。此其意。

欲有爲也。朕觀高麗自古時與中國構兵。今遼東糧乏兵困。儻不卽發沙嶺倉賑。必且啓招誘遁逃之心。非完計也。其止他營造。立營屋以居士。十年後繕作未晚。古人有言。人勞乃易亂之源。深可念也。又敕遼東守將潘敬。葉旺曰。高麗龍州邊民。自言願帥衆降。未審將軍嘗識其計否。人情孰不安土重遷。豈有舍桑梓而歸異國者。此其詐也。況中國始寧。當養兵息民。慎毋妄生事。開邊隙。令外夷藉口。傳曰。毋納遁逃。符至。其開諭出境。會士卒饋遼左。有溺舟者。上諭羣臣言。昔遼地於元時至富饒。朕往至行省統焉。以其地早寒土曠。不欲以建置煩民。罷之。立衛戍守。歲輸餼。非獲已。中每以爲憂。今聞有溺死者。爲終夕不寐。其議屯田圖長利焉。而中書省上言。西北曾歸附者衆。不宜處之邊。當散之內地。上曰。凡治胡人。必順其性。胡人地寒。若遷之內地。則去寒而卽炎。失其本性。易亂。不若順而撫之。使其歸邊地。擇水草孳牧。異日可無五胡之變。嘗命魏公達。曹公文忠往山西。北平練兵。諭之曰。處太平者毋忘戰。略荒裔者重守邊。朕同卿等起布衣。定禍亂。勤勞有歲。似亦少休。然念創業之勤。及思古人居安慮危之戒。弗敢自寧。今命卿等各於其地。練士卒。葺城池。嚴守備。使邊境寧。則朕無西北憂。卿等亦可高枕矣。達等頓首曰。陛下宵旰憂勤。不忘武備。古云。天子有道。守在四夷。臣等敢不恭命。上復戒曰。禦邊之道。必以持重。若黷武窮兵。朕所痛惡。卿等念之。而淮安侯雲龍。中山侯和。潁川侯友德等。以次遣。皆臨軒諭遣。巡諸邊。諸紆意如此。當是時。制邊之策。惟屯田練兵。無他營。故力專而功成。而山海夷獯。怙阻險。時竊發爲暴。上每敕將軍往訊。輒戒之曰。必無深入窮巢穴。無逐利輕動。但令自屏遠。喙息無爲。郡縣擾可也。而祖訓申典。言四方諸夷。

皆限山阻海。僻處一隅。得其地不足以供給。得其民不足使也。使不自量而擾邊。則不祥彼作。宜捕逐。彼既不爲中國患。而我輕用兵肆伐。亦不祥甚哉。吾恐後世子孫倚中國富強。貪一時利便。興兵傷民。切記其不可。惟虜戎密邇西北邊。世爲患。必選時練兵。時謹備焉。噫。至哉。訓矣。始寧王王薊時。太寧。朶顏。福寧。三衛夷故獷悍力戰。而戍卒皆中州遷徙之衆。苦北地寒。日夜謀思歸。會朝廷削王三護衛。而燕兵起。遂大師兼程趨大寧。擁王與偕南。招諸虜及思歸戍卒以從。以大寧地許三衛戎。使助戰。戰疾力。及改元永樂。乃遂徙北平行都司於保定。爲大寧都司。而散興營諸衛於京甸。於是盡故大寧。白雲。紅螺地界。三衛夷。俾世爲外藩。已封元裔克帖木兒爲忠順王。分其衆居苦谿城。而關外設七衛。曰哈密。曰安定。曰阿端。曰赤斤蒙古。曰曲先。曰罕東。曰罕東左衛。皆本西北夷爲名號。設衛鎮焉。而時遣親臣大學士榮行巡邊。已守臣元駁老的罕逃居赤斤蒙古。數患邊。上命榮馳至陝。會彭城侯彬計之。榮還言。赤斤出嘉峪關且千里。地苦險。乏水草而餉艱。又天沍寒。士疲馬瘠。不可輒用兵。且小醜當自歸。不足患也。上從之。而老的罕果自來歸。時天子歲伐虜。往往道開平。與和萬全間。嘗太息曰。吾滅此殘敵。吾惟守開平。與和。大寧。遼東。甘肅。寧夏。吾高枕可無事西北邊矣。已大寧既畀三衛夷。遼東。西與宣府聲援不易通。與和亦隨廢。而開平失固。然是時上甚英武。數伐虜。羣其庭。敵益遠遁。又死降相繼。敵僵尸脅息。百蠻諸戎。重譯奉琛。固無爲議邊矣。先是敵犯遼東。都指揮永禦之。戰不力。會入朝。又匿不以聞。上怒。立誅之。榜諭天下。都司衛所言。諸有盜賊及敵聲息不以聞者。鎮守官而下罪視此。蓋嚴邊臣欺蔽之誅如此。江陰侯吳高言。山西

行都司所屬衛。以屯種妨團操。請令團操便。上諭兵部曰。團操急固當。然食不足。將誰與守。宜視地夷險。制多寡之數。陽和留十之四。天城朔方留十之三。蔚州留十之二。餘悉令屯種。且耕且守。爲著令。其重營屯如此。又敕寧夏邊將。言寧夏屯所多敵猝至。各屯孤。必且先受掠苦。可四五屯內擇一屯有水草者。浚濠廣丈有五尺。深如廣之半。築土城高二丈。城開八門。諸旁近屯駐輻重糧草其中。無警則居本屯事耕牧毋惰。有警則驅馬牛羊入城固守以待援。卽寇至無所掠而邊完。此特屯守事。朕過計如此。諸戰守盡將軍其熟思。蓋周防至於此。車里宜慰司土夷與威遠土知州隙攻。執之。嗣西平侯晟請討。上謂兵部曰。兵易動難安。一舉而易。傷人必多。且小夷固可以文告下也。乃敕晟責諭夷。夷悔罪而解。其時如古北路諸小關。皆塞關內外。沿邊皆築烽墩。嘗遣書諭趙王高燧曰。朕居北京二十餘年。每邊報至。惟謹守諸扼。未嘗遣人輕出。昔中山武寧王以元勳。亦惟嚴守備。慎防出入。故無敗。厥後凡遇警。第固守毋輕出兵。而諸邊各險惡地。皆崇石垣。深濠塹。每山皆戍守。有警則傳大礮。其戒禦若此。宣宗皇帝自爲太孫。時從北伐習兵。元年平漢。二年巡邊。破兀良哈之衆。虜益警懼。而上嘗敕諸邊將言。古人制戎夷。惟在備邊。若城堡堅固。士練糧足。瞭望嚴。豈患敵哉。願獨苦玩慢自墜邊耳。嘗是時。邊民有陷敵中得亡歸者。上念其脫萬死自歸。可憫。優官祿復家。爲著令。正統初。天子幼沖。皇太后倚輔。臣經大政。朝廷清明。都御史羅亨信巡邊。遇虜於安興。都督蔣費用指揮安敬議。留不進。亨信直馳抵其營。責之曰。汝受國恩厚。今臨陣退縮。安用汝握重兵爲乎。且汝獨畏死耳。死三尺法。孰與死敵。貴等色動。而以芻糧不繼爲解。亨信卽露章劾。

貴老師玩寇。敬怯懦不忠。乞誅以振法。於是命兵尙書王驥出行邊。驥馳至甘肅。閱邊備。闕甚。莊浪、永昌、山丹諸路守兵少。烽堠不飭。軍無律而命亂。慨然嘆曰。邊防如此。而欲敵無侵軼。難矣。翼日。大集衆。轅門。問曰。先年大軍遇敵於魚海。先退者爲誰。衆咸叩首曰。都指揮安敬。命引出斬以徇。曰。自今遇敵。畏縮前卻者。視此。一軍股慄。因謹斥堠。整部伍。申訓練。利器械。會敵犯莊浪。擊敗之。選甘州卒五萬留屯。而定爲更代番上法。省輪邊。已乃還。明年。敵復入。驥復出行邊。與都督費太監魯安初破敵於鐵門關。再襲於狼心山。會以走死。時侍郎柴車總陝西嚴。都指揮能以其人冒功。車奏罷所陞官。能訴之上。上許復。而車持不可。曰。詐冒如能者。非一。臣方有按覈以肅法。今宥能。如餘人何。詔鑄能秩。而賜車金綺。從二品祿。時參將石亨請科大同民三丁。取一以戍邊。敕軍餘盡撥屯種。量畝起科。都御史亨信言。敵方驕悍。邊地蘇薄。民疲困。復驅使實伍。勒令起科。是絕其衣食之路。而迫使逃亡也。揆今時勢。宜布恩信。以結人心。人心得則邊圉固矣。事得寢。其後王振擅權。而雲南麓川夷思任發叛。頗擾邊。緬甸蠻自詭必得其要領。請致師。闞振欲示威遠夷。於是命定西伯蔣貴總兵。太監吉祥監軍。兵尙書王驥督大師討之。而閩浙盜起。翰林侍讀劉球上言。帝王馭夷狄。不窮兵於小夷。以傷生靈。惟防患於大寇。以安中國。麓川連歲用兵。士卒死者十七八。軍資爵賞。不可勝計。借令緬甸言果信。具得其首寇。不過獻俘大廷。磔諸市。梟諸道而已。而緬甸蠻必且挾以爲功。將與木邦求麓川以爲分。不與則致怨。與之則兩夷坐大。是滅一麓川。生二麓川也。何益。脫有蹉跌。又兵爭方始。皇上慎重死囚。多所矜貸。於天地好生之心。合而欲得一失地。遠竄之。曾驅

十餘萬無罪之人。就死地以從之。豈非過哉。今北虜脫歡也。先父子併吞諸部。歲增貢使。以覘俯仰。包藏禍心。未易可察。而思任發。依阻山谷。悔過乞降。議者乃置豺狼而攻犬豕。舍門庭之近。圖荒徼之遠。非計之得也。臣愚以爲宜敕尙書驥會思機發。削四面之地。分新附之衆。而有其罪。罷川廣貴州之師。以息民。其西北諸邊。時遣給事中御史行巡。謹烽燧。修墩堡。選將練卒。廣屯田。豐糧餉。爲意外之防。書上。逢振怒。死詔獄中。麓川本僻遠夷。不當中國一郡。發兵十五萬。轉餉半天下。當盛暑行師。而黔國公晟戰不利。道病卒。都督方政戰死。蓋大師三動。連兵十年。士傷死無算。僅以破克。而中國益耗病。振顯益驕。都御史羅亨信言。虜也。先屢生事爲釁端。此其發不遠。宜預於直北要害。增城堡爲備。不聽已也。先寇大同。振主親征。因遂有土木之變。嗚呼。閔之無良。乃禍抵此哉。當是時。天下幾搖。賴廟謨而定。語具四國傳中。方英宗稱上皇在迤北時。敵挾至紫荆。至大同。已長驅至京師。西北關於是召宣府。遼東兵入衛。破敵固安。總兵郭登又破之。大同敵北出塞。都御史羅通襲破之。拗羊山。時邊城覆陷。而大臣有奏請留邊將守都城者。諸邊孤危。虜警日夕。至民大駭。相訐棄城走。都御史亨信督宣府。手劍坐城門。令曰。敢出城者。手刃之。而督將士爲死守。衆始定。會兵科給事中葉盛言。今日之事。邊關爲急。往者獨石。馬營不棄。六師何以陷。土木紫荆。白羊不破。敵騎何以薄都城。故邊關不固。卽京師完。亦僅僅九門完耳。如陵寢何。如郊廟社稷壇壝何。如田野生民荼毒何。宜急遣居庸宣府兵還鎮。奏可。而邊人差安。當是時。侍講劉定之疏十事。略言。昨紫荆居庸等關。旣不能禦敵之入。又不能遏敵之出。雖名關塞。實則坦途。蓋士伍單敵。亭障缺敗。蹊隧

縱橫而然。非朝夕之積也。宜增兵慎防。繕亭塞障。豁隘。如古者畫境分守之制。因其陸地。縱橫掘塹。爲地純。因其水泉。隨處停滯。爲水櫃。或多樹榆柳。以制奔逐。或多招土軍。以助官軍。往降胡多留居京甸。授官給俸。非我族類。其心必異。故昨或衝關塞。奔歸故里。或乘機便肆。爲寇掠。今宜乘大兵方集。遷徙其衆。遠居南土。禁其種落。毋爲婚姻。變其衣服。被以華俗。或以爲兵。使與吾中國之兵。部伍相雜。或以爲民。使與吾中國之民。里甲相錯。庶省俸給。而無後憂。是時兵尙書。讓以忠力。爲天子所倚信。柄國昌平。侯洪奏請遣都御史。通出鴈門。護行。通意不欲行。疏言。讓洪本建此畫。獨委難於臣。乞令與臣俱。讓卽疏言。今國家多事。非臣子辭難之日。臣謙諳山西事。固當往。請得行。上不許。仍命通。讓奏城昌平。以衛山陵。城臨清。以襟喉漕河。而獨石。馬營等八城。殘未復。衆議欲棄之。讓持不可。曰。獨石。棄則宣府。懷來不可守。宣府。懷來不可守。則京師孤矣。命部督安往鎮。遷給事中。政以參政贊軍。於是安宿師龍門關。且戰且守。而盛列上利害可與革者八條。次第行。乃設暖鋪。便行旅。均蔬圃。給將士。贍死扶傷。興學練士。請官給買牛種。摘戍卒。不任戰者。驅之耕。課歲糧。佐興邊。大權洽而完。先旣以大寧界夷。諸夷裂險阻。闖門庭。時殘邊士。而要官賞自若。喜峯。密雲。白羊。諸屯。僅縮縮自保。在宣府。譬左臂。瘵而勢孤。在盧龍。譬後背。偃偃而前難任。在遼海。爲扼吭。於諸陵。爲左腹。迫切憂。土木之變。三衛夷實鄉導以行。及也。先弑其主。脫脫不花。而自立。遣使貢。少保謙言也。先惡不可悔。其名朝貢。或以懈我。不可狃也。獨議邊大同。爲京北巨鎮。爲山西鴈門。倒馬。諸關。一帶藩籬。而遼東。宣府。延安。寧夏。甘肅。並稱要害。一處稍挫。互相搖動。不可不備。已都御史鄒來

學議自永平山海至豬圈頭。凡千三百餘里。新營堡三十四。墩寨百一十七。營委指揮一員。管束每二三營。或四五營。選把總一員。提督之。諸營堡內簡其銳。分四屯駐操。無事時不守關。獨專訓練。有警。照平日所分信地策應。而輕健耐走。知地里便藏伏者。聚一營爲緩急。使諸關重關馬石牆布渠落。使峻陡狹隘。旁積木石。而分將校鎮防之。墩臺連絡。烽火相望。寇小至。營各駐操毋動。獨本所定策應營赴之。寇大至。始通調赴敵。所至左右營倚前角後爲截剿計。如此則我兵乘險伺便。物力不屈。彼衆雖暴。譬蛇豕投窠中。亦安所得肆哉。其密雲東自河口至墓田峪。路經八百餘里。關七十。墩寨百五十六。營堡八。其沿邊平漫地。皆修削偏坡。其關口倍薄增卑。深濠塹守焉。其分地一太監一御史鎮古北口。若迤東則以都指揮主之。迤西亦都指揮主之。其潮河川龍王峪五寨地。平漫難隄防。平居畫地而守。然且不給。卽有警何措。今照石匣驛於東西地里適均。饒水草。可屯營處。建駐操營其中。取海運官軍及近京衛備京操官軍。摘屯駐團操。便而謙復爲上言。大同民生長邊。安使其俗習。性勇悍慣戰。而迤南謫戍衛所軍苦逃亡。卽清句徒擾。況清軍不足。因靠損民。而大同之他戍卒。詣臣言。地方艱難。得就近補伍。願自備鞍馬。詭殺賊自效。不敢妄支糧賞。臣愚以爲國政有經權。而邊情有緩急。今大同急矣。如因人情之便而權之。今大同等府僉附近軍實。衛多則另立衛所分轄。仍豁除其原籍衛所籍名。毋清句。則士卒免離鄉背井之苦。家室田作。撫卹而教練之。一旦有警。祖宗墳墓宗族產業之故。縈其中心。將樂戰效死。其與調山西河南卒。主客墜脆。功相萬也。皆報行。當是時。諸籌邊固圍之畫井井中要會。故邊鄙不聳。民亡大創焉。時大同一



老卒認定襄伯登承敕命掛印總兵而副都御史年富倚風憲並坐專號令爲越職不法下尙書少保謙糾言昔齊田穰苴以布衣監貴臣莊賈軍賈違法穰苴立斬賈而破秦晉之師唐裴度以御史中丞督淮西軍所督者皆名王上公爲使相者也用平淮蔡朝廷酌古今之宜用文職大臣充提督自總戎而下咸聽節制號令賞罰得守便宜行都御史爲朝廷風紀之司於侯伯無屬坐總兵官左固當且卒安得言而妄言撓軍當誅詔誅卒蓋是時大同卒業橫放不制如此矣微廟畫無法制主用豈復有軍哉時都御史乘督邊儲賦牛種給貧者督之耕塞屯日起邊儲充足會瓦刺入貢乘疏言迤北使臣三千人馬駝畜四萬餘匹入貢外令存養宣府支草料臣按宣府草不過二十萬束料不過二萬石給我士馬尙且不足其何以供敵往永樂宣德時敵使進馬官驗不堪者令退牧塞地毋入境住割得窺伺正統間許牧大同故敵得詢知地險數犯邊今敵畜多恐其計不止爲國費蓋慎防如此已瓦刺以前所掠男女詣邊請易米朝報許大口一石小口五斗事下敵不易乘口與之粟石軍吏以違制爭乘曰何忍使吾赤子爲夷人俘耶專之而得罪不敢辭也事聞上嘆賞已勅總兵紀廣上言邊圉孔亟不得以微文摺大將下御史覈報詔乘還言官交章言以邊將故還總督後無以明威乘得留天順中敵犯甘涼大學士賢請起前都御史竝督軍明年參政尹旻以敵退河開請罷師議者懼有後警難之賢曰兵在外可暫不可久暫爲壯久則老且敵安可常若虞其復來宿大兵不解是無終已時也今陝民疲困已極不及河開時罷軍寬其供億民必逃民逃則軍乏興雖欲久宿師無由也且今歲邊民不得耕邊愈益賈當如邊何莫若敕陝西軍屯

耕境上嚴爲防。諸調卒盡撤可也。師得罷。固原土達滿四者。明初歸附光也。處平涼。固原間。令關荒穢。以居。以畜牧射獵爲生。號滿家營。成化初。爲官司所名捕。索之賄而反。據石城數月。有衆二萬。石城山四面皆峭壁。高數十仞。頂平廣。可容數千人。詔合寧夏。延綏兵討之。失利。賊益猖獗。詔都督劉玉。總兵都御史項忠。督師。與巡撫都御史馬文升。合剿賊。賊走壁。阻深固不出。伏羌伯忠怙勇。前仰攻。中矢石死。軍驍口。督師忠親卽陣。斬千戶以徇。陳乃定。會彗星出西方。廷議洵欲濟師。忠上書言。賊前四出。攻剽傷害實多。惡盈矣。今入山自保。譬虎已投牢。卽咆哮無所用之。我師憑仗皇威。氣直以壯。今圍守甚固。破壞可必。無爲濟師。且京軍脆怯。卽至無所用兵。志曰。禁祥去疑。昔李晟討朱泚。焚惑守歲。卒以成功。今彗西出。殆其類也。於是開學士時毅。然任以爲觀。項忠疏曲折。知賊不足平也。已大兵移據水草。以困賊。賊益困。相持者百日。賊定。方事急時。中議者扇訛言。難自持。而賊氣驕。日率驍騎劫營。冒陳大小百餘戰。忠披甲。冒矢石。親督師不少退。文升頗勸其自愛。忠曰。奉命討賊。久無成功。死所甘心。何謂自愛乎。凱還。具奏言。固原延袤千里。水草豐茂。畜牧蕃。爲賊巢穴。爲北夷所出沒。此要地當守。而惟一千戶所厝其間。軍少勢孤。此劇盜之所以陸梁也。州北西安廢城。距固原三百餘里。爲敵衝。宜添設衛。所以鎮之。便奏可。而事平。河套者。黃河北折入敵中。已復南。所謂千里而一曲者也。周漢朔方。秦所取匈奴河南地。夏嚇連勃勃之統。萬城。唐張仁愿築受降城於此。而宋趙元昊據寧夏。因以爲國。固套三面阻河。土沃饒畜產。可耕種。南切近榆林。東至山西偏頭關。西抵寧夏。幾二千里。南至邊。北至河。遠者八九百里。近者二三百里。明初卽受。

降故地營東勝。跨河北以衛套中邊兵。登東勝城一憑望。則平沙漠漠無林阻。見百十里而遙。敵匹馬一人不能隱。望城輒痛哭引去。而套爲內地。敵居沙漠。河限之。伺冰凍乃入。冰欲解輒去。而邊人惟獨防秋冬。春夏得以其餘力田套中。修城。敵往來盜邊。或窺遼東。或犯宣大。或走寧夏。莊浪。甘肅。伺間入。非久輒去。而延慶爲內地。迨東勝內徙。棄險固不守。而敵始渡河。景泰初。敵乃犯延慶。猶不敢深入。天順間。阿羅出始。矚知河套地肥美。時出入圍獵。尙不敢久居。成化初。毛里孩始劫中國人爲作使。因入套。遂駐牧其中。大同總兵楊信疏請剿。閣學士賢主其議。下兵部會官議搜套。務盡絕其本根。且言秋方熟。敵必入掠。延慶慶間。宜推擇將帥。統步騎大驅疾入。得盪平。部請召信還受成算。會毛里孩寇大同。陽求貢而罷。於是自孤山至花馬池千五百里。自花馬池至高橋不下五百餘里。退無所據。進不可入。分兵而備。則勢分。載糧而行。則不繼。遂乘寧夏外險莫之守。守南河矣。又明年。給事中程萬里言。兵志有言。先發制人。後發制於人。毛里孩以土達嘯聚。日夜伺欲犯邊。臣伏計河套距邊僅二三百里。彼客我主。以客就主。以主制客。此可敗者一。敵自恃衆強。併吞諸部。志滿氣驕。馳驅不息。士馬飽頓。此可敗者二。比聞散逐水草。兵力四分。此可敗者三。誠選京師。宣大勁兵四萬人。擇驍將統之。嚴賞罰。先諜知所在。出不意徑潛擣其巢。破之必矣。昔李靖以騎兵三千破突厥。其事也。今及寇未發。宜早圖。而欲守則飭兵。毋徒以文移故誤邊。下廷議。命吏侍郎盛往行視。議上方略。盛還言。套地沙深水淺。難駐牧。春遲霜早。多不可田。故搜河套。復東勝。皆事勢所難。惟增兵守險。爲長便。宜令守臣剗削邊牆。增築城堡。收新軍以實邊。而選士兵助之事。

復寢後五年。兵尙書白圭復發其議。總督都御史王越欲懈敵。且自爲功。以延綏士卒衣裝壞。馬死者過半。請暫休得面奏。越旣召而寇擁衆驟渡河。詔武靖伯輔及越刻日行會輔病。越獨將。諜知寇出。它掠遺老弱於廬。可擊。乃選精騎萬餘。自塞齋七日糧。晝伏夜行。每二舍輒伏兵數百人。使休以待。事行四日。天未明。至寇營。縱火焚其帳。而萬騎齊蹂之。且擊且射。斬首三百級。奪牛羊器械無算。寇巢穴諸畜產畢盡。寇聞。自外疾走還。則廬帳皆燼。乃相向慟哭。而悉力追我師。越結陣徐行。殿者陽與戰。引而南。至伏中。伏前後發。掩擊大破之。敵患猶未懈。再鬪再遇伏。乃大慟渡河。越自是邊無寇患者二十年。而言官糾以爲幸勝濫功。上曰。濫功固罪。敵遠遁不無功。詔勿問。明年始加宮保。增俸掌都察院事。越抗言。將士功大賞輕。乞移己官償之。不報。後以從大闡直出大同。襲破威寧海。顯得封。威寧伯翰林崔銳深嘆以爲越出奇取捷於邊。功甚偉。夫忌功媚才。心慘於戈戟。諒哉。先是延綏紀功兵郎中楊琚言。延綏慶陽二境。東接偏頭關。西至寧夏花馬池。營堡疎兵少。而套寇數爲患。臣訪有百戶朱長者。年七十餘。自幼行游河套。熟其地。謂臣言。套內地廣腴。有鹽池海子之饒。葭州民多種食其墾地。正統間。寧夏副總兵黃鑑奏欲於偏頭。東勝河西岸起一顆樹至榆溝。紅鹽池至寧夏黑山嘴等處。立城堡十三。墩臺七十三。東西七百餘里。雖隔一河。而氣勢直與偏頭寧夏接。爲扼敵而衝其腹心。時議者以地平漫難據已之。誠將延綏一路營堡。移置直道中。雖不免暫勞。實永世之利也。詔會官議。延安知府王鑑言。神木府谷等縣堡安邊定邊等營寨。相去闊踈。撫按分巡罕有至者。士卒爲官旗侵漁虐使。至衣食不給。戰馬不飼。器械不修。敵猝至。誰禦。

乞行撫按分巡官戢邊。詔兵尙書王復行飭邊。復疏言。臣奉命東自黃河府谷堡。西至定邊營。抵寧夏花馬池。東西縈紆。幾二千餘里。平漫多沙。無險險。止藉墩臺城堡爲守備。舊城堡地錯互不均。多窳遠。兵馬屯操。反居其內。人民耕牧。顧在其外。敵遇警。傳報倉卒。卽調兵無及。虛聲應援而已。須改城堡。增墩臺。庶溝牆高深。足以防阻。城堡寬大。足聚芻粟。容容客兵。墩臺稠密。聲勢聯絡。而緩急足策應也。詔允行。當是時。明初健將士馬既盡。敵入套。盤結居內。而塞垣覆在其外。議者爭言修築爲內防計矣。其後都御史余子俊撫延綏。行視邊。相度邊形勢。往往徒步盡數千里。咸得其要領。乃畫便宜上。報可下。於是大興修築。先是正統中。實始城榆林。未設衛。至是子俊乃益廣其城。增營堡。置榆林鎮。屯重兵。而榆林遂爲雄鎮。已改尙書督宣大軍。子俊具奏言。臣熟觀大同地方。於宣府等。而山川平曠。惟車戰爲便。遂大造戰車。當是時。撫寧夏都御史徐廷璋。亦修寧夏邊。多完固。而馬文升時撫陝西。人稱爲三巡撫焉。宏治中。朝廷清明。而中外皆協心體國。爲經遠計。馬文升。劉大夏。相繼爲本兵。文升具疏。薊。宣。大同三鎮。既有鎮守太監。而各路復有分守。守備。監鎗等內臣。三鎮關塞城堡。遠者相距不過一二百里。內官至數十員。每員軍士役占並數千人。大半多納月錢。絕其操練。防邊鎮巡。不能禁革。因以掣肘。乞取回以靖邊。已陞平涼。廣開城。爲固原州。設鎮。置總督。其中。而都御史許進督大同。數條邊事上。文升知進才。輒覆允。戎務修飭。虜寇小王。子憚進名。數貢馬爲好。進善撫之。故河曲無敵患。而內地稍寧。然東勝終已不復。法久復玩。邊牆日頽薄。不治。而虜寇。亂加斯蘭。每八月自西河入套。中圍獵。春河開。出剽宜。大以爲常。而承平益久。兵益脆。不任。

戰七年秋。火篩寇大同。威寧。勢猖獗。京師戒嚴。上亟召文升入便殿。畫戰守。仍命保國公朱暉等率官軍以待。且令各邊謹斥堠。修戰具。敵尋引去。明年。犯固原。關中震恐。道無行人。巡撫都御史楊一清從平涼率帳下兵五千人疾赴援。至瓦亭。適敵圍花馬池。見軍容盛。移侵隆德。尋遁。已而諸大臣議復河套。詔進楊一清總制陝西三邊。於是申復東勝。條三策。上一議守。守寇所必入。一議戰。戰寇所必敗。一議攻。攻賊所必救。疏略言。善戰者必知分合。善守者必審常變。今此諸邊所患在兵多而權分。各據利便。自分彼此。機可乘而不乘。兵當合而不合。其輕率寡謀者。則又知常而不知變。往往墮賊計中。將今沿邊至腹裏。分爲四路。以定邊。興武。花馬池。靈州一帶爲藩籬。以石溝。鹽池。韋州。萌城。山城一帶爲門戶。以固原。黑水。鎮戎。西安州。海刺都一帶爲庭除。以安定。會寧。隆德。平涼一帶爲室奧。行令總副參遊。分地駐劄。聲勢聯絡。並力防禦。分布既定。謹烽堠。據要害。守水頭。以待會寇。始至。謹毋與之爭鋒。入城堡。以避。待其深入。左右鎮。襲蹤而躡其後。據險以扼其衝。張疑以分其勢。寇所欲當。則堅壁清野。以老之。使不得逞。待其情歸。然後以重兵衝其腹心。出其後背。晝則追鋒絕路。夜則銜枚劫營。以我四路應敵之兵。當彼千里趨利之賊。必且挫衄。豈能善其歸哉。又言。寇自延綏。大同官軍失利之後。志驕氣盈。橫肆無忌。有年所矣。今冬河凍。必深入套。自非撲擣巢穴。患未已也。臣非不知來戰去守。爲禦賊之常。犁庭掃穴。非帝王之得已。況河套本內地。而彼據爲巢。此田中之禽。利用搏執。固非稱兵於陰山之窟。濺血於不毛之地。喜功好大者之所爲也。臣愚以爲今宜調宣。大二鎮遊騎官兵。於延綏中東二路駐劄。聽張安節制。寇若止在套。駐牧。未嘗

擁衆內侵。則嚴兵自守。決不輕敵。如仍前深入。原擬中路邀截之兵。固壘不動。行令東路參遊部爲奇正。列軍爲家。擇形便爲營。務使聲勢相聯。前後相望。以進擣之。既近賊壘。奮勇疾前。衝其腹心。捨其羸而戮其壯狡。奪其鎧馬而縱其牛羊。大兵仍堅整嚴備。不許輕動。伺我兵還而寇狃突。則或爲羽翼。或爲後殿。而霆擊之。則我雖退而兵漸增。彼既遠而勢自屈。前軍勞而退。則先行使無繫累。後軍逸而回。則殿後使有餘勇。振中國之威。洩生民之憤。孰快於此。但兵貴神速。機防先露。進退之際。間不容髮。乞敕兵部詳議亟行。已又言。臣聞防邊之計。莫危於戰。莫安於守。陝西各邊。延綏城堡據險。寧夏甘肅。河山阻隔。賊雖侵犯。爲患猶淺。惟花馬池至靈州一帶。地里漫衍。城堡稀疎。兵力單弱。一或失守。敵衆拆牆而入。犯環慶。寇固原。深入平鳳。臨鞏。其間土漢雜處。僮兵連禍。結內變。因之。根本動搖。誠非細故。此所謂膏肓之疾。腹心之害也。成化中。都御史徐廷璋。余子俊等。修築邊牆。敵不爲患。邇自花馬池折牆而入。戕破內地。始蔑邊牆爲不足畏。寧夏鎮巡屢乞築濬。提督都御史史琳。又乞於花馬池。韋州設立營衛。總制尙書秦紘。僅添修四五小堡。敵復自花馬池。清水營深入。殘破。曾不能少有禁禦。臣始至鎮。以坐談不如親見。躬親閱視。廣集衆思。兼收羣策。其急務約之四端。修濬牆塹。以固邊防。增設衛所。以壯邊兵。經理靈夏。以安內附。整飭韋州。以遏外侵。當務之急。莫先於此。夫受降據三面之險。當千里之蔽。張仁愿之所以距突厥也。舍受降而東勝已失。一面之險矣。又輟東勝而延綏。則以一面之地。遮千餘里之衝。遂使套中沃壤。爲寇巢穴。深山大河。勢固在彼。而寧夏外險。反備南河。此陝西寇患所以相尋而莫之能解也。誠復守東勝。因河爲

固東接大同西接寧夏使河套方千里之地歸我耕牧得屯田數百萬用省內運固其上矣卽不然及今將延綏寧夏一帶邊防設法整飭雖非上計猶愈無策醜寇聞之未敢輕犯而我得休養生息以爲後圖則東勝又豈終不可復也哉故臣竊以城延綏至急也自延綏定邊營迤東石澗池起至寧夏橫城三百里沿途墩臺間多填塞獨興武清水卜刺紅山四堡切近邊牆易於防護其餘城堡俱各絕遠聲勢隔越且垣低堡淺墩臺稀疎節被敵衆窺伺中無大兵阻遏賊衆填壑而進開挖邊牆一日可二三十處墩軍往往逃竄烽火不接縱使徵召客兵而牆外平漫黃沙白草彌望無際賊衆動稱數萬我軍無險可據難以遏其初至之鋒長驅一日夜則已至固原矣爲今之計必於舊牆內外幫築高厚牆每里築臺三每臺離百二十步傍堡於水草要害有水草處增添小堡高厚丈尺略與邊牆等他所空缺亦增築焉復濬壕塹設鈴柝張旗幟令連貫相應分委守邊者協同守備分轄防護其定邊安邊迤西責成巡撫都御史依所計度應築者築應削者削一體修治務使邊有備而腹裏無虞萬全之謀也至若寧夏西有河山之險東無溝塹之阻顯西設寧夏一衛東止花馬池一千戶所敵大舉必從東入不惟無險可恃抑且兵力單寡宜添設衛所屯耕防守則勢不偏重而邊牆可久兵皆土著而人情可安惟是靈州北臨廣套西控大河誠寧夏之襟喉中原之門戶寇賊出沒之重地也靈州不守則寧夏隔爲外境而環慶勢孤無環慶則無陝西矣臣頃巡視城池壕塹悉皆廢弛夫以寧夏之地無有備之形下有可畏之勢失今不圖將來內變不止敵情當慮而已洪武間有土達土民六百餘戶自歸設守禦所綏輯給之田地草場使得耕牧



徑屬陝西都司。一遇有警，士遠輒自備鞍馬報效。累有克獲，後奏革本所。遙隸寧夏。士民亦隸寧山衛。經歷司。所司不知存恤。草場爲有力者豪奪。馬匹站死，不復追賠。人畜彫耗，死徙居半。又於所屬路阻黃河，寇賊外侵，科差內擾，控訴無所。自非靈州改設守禦所如故，而士民聽本所吏目帶管，欲撫綏無由。其環慶兵備副使，止轄慶陽事務，簡甚。況兼理靈州鹽池，距慶陽遠，實難遙制。乞改駐靈州，練軍理訟，撫安土達。冀理鹽課，聽陝西寧夏巡撫節制。則軍民免十羊九牧之擾。士民有趨利避害之望。又韋州地廣，實寇要衝。今城池坍塌，守旣不嚴，戰乃無兵。況密邇螺山，慶府墳塋在焉。先年恭王墳爲寇掘發，自非添設常備之兵，貽患未已。而慶府中護衛，若儀衛司、校尉舍餘，別無差用。比之秦、肅二府，千里備邊，勞逸懸殊。今若責於韋州，操守保障，最爲長便。且以慶府擁衛之人，保其先王肢體之地，體國之忠，奉先之孝，大義兩繫，自難他辭。又考按圖冊，兼廣詢訪，寧夏橫城北、黃河東岸，舊有邊牆，俱棄不守。乃於河西別築墩臺，由是套賊多寡，遠近緩急，無自覺知。又因黑山營被寇攻圍，遂移平寇，而平寇遂爲極邊要害。居民往往不得耕牧，殊不知撲捉墩軍，窺伺城堡，乃寇犯常事。顧吾所以待之何如耳。吾能往，彼亦能往。我退，彼進。自然之勢也。今河東墩臺旣不可守，使賊乘凍渡河，則西岸墩堡獨不可盜空之乎。敵窺黑山，遂棄不守。使賊近窺平虜，亦將并棄之乎。然則河東邊牆墩臺，誠宜幫築。與河西煙火相接，而黑山則挑選精銳屯宿。按伏爲平虜聲援，則封守慎固之道也。但陝西財匱民勞，修邊之議人多異議。然利害有輕重，關係有大。小大事可成，則小費不足計。遠效可圖，則近怨不足恤。自古之舉大事者，未有不一勞而後永逸者也。世

之論邊者。主於戰以爲功。臣亦非敢忘戰者。方將蒐選三軍。策勵將士。修車馬。備器械。儲糧餉。明斥候。以待敵之近塞。當督率諸將。共行天罰。雖成功在天。所未敢必。而臣不敢避也。乃今顧以邊牆爲言者。受恩深重。自當爲國遠圖。今套中無賊。腹裏有秋。人民稍安。正可有爲之日。欲及時經理。毋貽後憂焉耳。皆奏可。而一清銳意綜理。凡繹餉約費銀十餘萬。起役約費銀十六萬。及諸犒賞藥餌木石之類。亦計慮周悉。會孝宗崩。正德改元。逆瑾專政。以修邊過費繁浩。而功止四十里。訖不就。嗣是北虜亦不刺。阿爾禿斯兩種。與小王子相讎殺。因據西海屯朔方。而河西之有寇。始於此。河西遼東堡塞諸奚虜。日漸搆。武並塞萬里所在。將屯官益多。力益分。財益匱。而中國日益困。邊臣建白。利獨在修邊。或云。進幾里扞敵。或云。退幾里固我。我邊日退。敵患日進。四年。入犯花馬池塞。殺總制尙書才寬。十年。入馬蘭谷塞。殺參將陳乾。深入固原。平涼。嘉靖初。敵復入花馬池。大掠西安。鳳翔。起一清以少傅兵尙書兼都御史提督邊。尋召還內閣。四年。敵掠陝西塞。六年。敵入寧夏塞。尙書王憲督師。都督杭雄總兵擊卻之。斬級三百。七年。敵大掠寧夏。起尙書瓊總督陝西邊。瓊請於花馬池至定邊營八十餘里。修邊牆禦敵。牆成。據要害。且堅厚可乘。至今人稱爲王總制牆。於是度敵所從入。饒水草之地。集將校擺邊。敵近牆。輒雜用弩礮火器擊射之。敵被傷去。已兵尙書承助言。爨河曲所患者。獨吐魯番耳。今亦卜刺。又深入巢西海。與犄角爲寇。故今陝西邊患延綏。固原爲最急。又甘肅軍餉。專仰河東。宜及時糴粟貯蘭州。爲河西備。至於莊浪。實二敵出入所走集。宜繕寨設屯。以隔絕二敵相通之路。又兀良哈最近京師。善撫之卽屬夷。不善撫卽門庭之寇也。宜謹其

術御。又雲南安鳳之叛。軍民困敝。臨安蒙自盜賊復起。曠日持久。釀大患且成。交趾世子流寓老撾。異日或歸命請援。或據地求封。皆未可測。惟皇上覃恩經遠。豫定廟算。用人理財。以保固社稷。吏尙書蓼以宣大榆林遼東饑。亟請上優恤。以大慰其心。且言寧夏地宜五穀。兼魚蒲之饒。蓋黃河在天下皆害。於寧夏獨利也。故本色粗足。而患於歲支不敷。遼東土曠人稀。宜營田。副參所轄軍。不必聚屯城中。資私役。令各擇肥美。據形勝而營。先年李承助行巡邊。見故興水縣地肥美。立三大營以耕。而大路之寇遂絕。見瀋陽地肥美。而寇時入掠。妨農耕。築牆包山。立臺其顛。以守望。瀋陽人今利賴之。蓋營田之法。視屯田尤便軍。小試小效。大用大效。宜大寧夏宜皆可行。而主於積芻糧實邊。如國盛時。蓋一時大臣經國如此。其後虜吉囊。俺答二酋者。業與諸戎解讎結約。頻爲中國患。而大同軍數叛。至戕總制大臣。遁逃走敵中者數千人。敵擇其狡健者。多與馬牛羊帳幙。好遇之。細者爲僧道丐子。出入詞我邊。西至甘涼。東至山海。並邊垣散入。諸言語衣服本華人。入市廛無間。至乃時時潛入京畿爲內間。探者猶相從問訊。應唯唯。已忽抽刀躍起。賊殺人。人乃驚走。而敵騎如雲四塞至矣。民無所得避。其尤桀者。高懷智。李天章。趙全之倫。各擁衆數萬前寇。軍每入塞。恣深入屠戮。得意去。終莫能禁禦也。蓋是時敵多從大同。卒入大同。與大同卒約。我無爾掠。爾聽我南。我歸且遣爾輻畜買路。與結約。折箭爲誓。去而深入陝西。河東諸內地爲寇災。雲中上谷無寧歲。其後柄國者益放濁。邊文武臣冒功掠罪。必以賂。邊備大圯。雖大臣總制邊。功見簡書。可稱述者代有。然適保疆圉。能毋失敗而止。他莫能悉也。十八年。上幸承天。命尙書鑾。都御史伯溫行巡邊。出帑

金五十萬大賚。還伯溫念五堡在大同北。川原漫衍。難守當築也。前都御史張文錦規築而事債。由措置失宜。後繼者閉目搖手。不復爲五堡計。則懲噎過矣。於是以紅寺舊堡適當諸堡中。而規狹小。不稱開展。之得多宿軍爲諸堡走集。名宏賜堡。以紅寺西護堡村爲紅上布袋等溝。通敵蹊間也。於村創堡。爲鎮虜堡。以沙河舊堡在河北。陷於泥中。而河南好女村北距河險。東與護村等堡相羅絡也。築之名鎮河堡。以南原舊堡溝岔崎隘難援也。稍西南車房地高阜肥厚。創鎮邊堡。以鎮城舊無水泉難守。稍東爲鎮川堡。五堡成。中有平山。可憑望。覘賊。乃於上築會遠堡。設兵守之。二十三年。兵侍郎翁萬達行督邊。發卒分地乘障。時邊備久弛。萬達既部遣已。尋遣健卒數百。間行察勦。息以硃和油。實以筒中。均給之。約曰。諸堡壁無守者。第硃署其處。勿復問。明捕論而亭。卒得所署書。各面縛聽勦治。由是人人震恐。無敢去障者。八月。虜大入。則徵諸將兵逆擊。而令材官善射者夾道伏。虜挫。顛引去。上賜璽書勞焉。於是萬達察夷傷。哭死士。東自老營堡距滑石澗。築邊牆二萬丈。大同宗室充灼謀開敵。則密授指大同將周尙文發之。詔繁充灼論如法。諜報敵犯宣府。欲奪居庸關。萬達曰。敵素以宣府諸將易與耳。今盛氣入。其鋒不可當。則檄尙文部銳卒代將。時尙文老矣。尙健鬪。與士卒同苦樂。士願爲之死。得檄卽馳赴。力戰者三日。夜。萬達從壯騎數千赴之。會大風。車曳柴亟進。距敵四十里。而軍敵大驚。曰。翁太師至矣。解圍去。進兵部尙書丙午歲。敵深入陝西。大肆殺掠。時總督侍郎曾銑奏議復河套。明年。河西總兵戚寧侯仇鸞爲奸。銑發之。詔逮鸞。鸞誣銑行賂掩敗冒功。妄議復套。搖關中人心。遂亦逮銑。下詔獄。時大學士言是銑議。而大學士嵩素忌

言深傾之。因落言少師。以尙書致仕。乃織坐銑交結近侍律。并逮言死西市。敵益安套。無復再議矣。其後敵犯京師。旣退。僉都御史王忬請於都城築外郭。使附郊人得寧居。廣置村堡。使野民得保聚。無遺虜。設總督薊遼。保定。以拱衛京邑。興涿州。昌平。密雲爲四重鎮。各置大帥重兵。有急得相爲援。奏可。次第行如章。而薊州置總督。已以副都御史督大同。又以侍郎督薊遼。興宣大督約。諸地在宣大而險在內者。移宣大兵爲內守。地在薊保而險在外。移薊保兵爲外守。而結好朵顏諸屬夷甚恩。北邊賴之。隆慶元年冬。虜破石州城。大掠而去。上日講畢。問大學士徐階等。以石州陷故。諭令選將調兵。加意防守。給事中魏時亮因上言。陛下憂及敵犯。於日講後。延問輔臣。仰見加意勤政。願益推此心。遠法帝王。無怠無荒。近法孝皇。召問大臣。則敵患不足平矣。二年。薊遼總督譚綸奏沿邊三協。增築敵臺三千座。而以費繁。招誘。乃減築臺一千六百座。而大學士高拱陳邊務八事。殿最邊吏。積餉修險。練卒鍛甲。督屯理鹽。養馬招降。皆以數課計其功罪。而遼嚴飭諸邊力行之。其後有鐵嶺李氏者。本朝鮮人。至成梁父子。於萬歷中以斬級功封寧遠伯。遂總鎮遼東地。欲比雲南黔國故事。至三十三年春。興巡撫遼東都御史趙楫。欲將鴉鵲關外。張其哈喇錫子等處居民。招來內徙。以邀功賞。有沮之者。輒大怒。阱而甘心焉。其年冬。遂逼內遷。幾至激變。復陰令廢弁韓宗功率兵丁假夷哨騙逐之。隨焚其室廬。毀其器用。時冰雪寒沍。遷者死無算。凡少壯強有力者。逃之塞外者十四五。僅得老弱孤貧者六萬餘人。皆派於全遼二十五衛安插。奏聞。而其時總督蹇達及成梁。楫以招徠功廕實有差。遂棄膏腴數百里。未幾陷撫順。失清河。而邊事遂不支云。

# 明書卷七十五

## 志十七

### 經籍志

史官論曰。夫經籍者。譜徵言。釋大義。所以繼絕業於往昔。啓方悟於將來也。其於王事經緯。天地奠麗。陳常使日月久其照。剛柔得其正。觀文以化成天下。恆必由之。故大訓陳于東序。藏書掌於柱下。籍氏以名其官。執秩以修其令。若易象春秋之觀不備。墳典邱索之史不良。則王道不亢矣。昔漢懲秦灰。往往開獻書之路。置寫書之官。石渠天祿之藏。使諸儒較論同異。天子親臨觀。稱制決之。彬彬盛矣。沿及魏晉。代有右文。劉之七略。荀之四部。其最著也。若夫篇第甲乙。筆分斑玉。縹囊螭軸。踵事增華。珉篆牙籤。載書競飾。於蕪苑均爲干城。在聖道不無小補。要以六藝之作。興壞在人。盛衰在天。雖石室金縢之固。一盈一虛。如壑舟焉。惟一代好文之主。手煥天章。如漢祖之躬受新書。唐宗之親裁帝鑑。而又推情與下。樂道不勸。或賜會稽千卷。或送皇甫一車。使漆書復出於人間。壁簡載傳於伏女。此則上好下甚。觀文以化成天下者也。明興。太祖有御製文集。大誥。誥民寶訓。訓子孫。而制作鴻備。遠邁前代。至彙輯大典。表章性理。大全諸書。尤在太宗。宣世之間。更多哀集。其餘列局編纂。職在史官。賜書獻納。載諸國乘。雖負圖訪範之代。何以

加焉。而天府所珍，實稱雄富。爰誌其梗概，以憲來攷。至於家握靈蛇，人矜縠虎，著成一氏藏之名山，及列之市肆者，充棟汗牛，莫可紀極。茲不具贅焉，作經籍志。

太祖於未卽位時，卽命有司訪求古今書籍，藏之祕府。以資覽閱。因謂侍臣詹同曰：三皇五帝之書，不盡傳於世。後鮮知其行事。漢武帝購求遺書，六經始出。唐虞三代之治，可得而見如此。表章六經，開闡聖學，實有功後世。吾每無事，輒觀孔子之言，如節用愛人，使民以時，真治國之良規。萬世之師法也。洪武元年，命工畫古孝行及身所歷經艱難起家戰伐之事，爲圖以示子孫。已命學士朱昇等修女誡。二年，上以祭祀爲國大事，乃命禮官及儒臣編集郊祀等儀，及歷代帝王祭祀感應祥異，可爲鑒戒者，爲書曰存心錄。二月，詔修元史。以宋濂等主其事。上諭之曰：自古有天下者，行事見於當時，是非公於後世。故一代興衰，必有一代之史載之。元主中國，殆將百年，其初君臣樸厚，政事簡略，與民休息，時號小康。然昧於先王之道，酣溺故胡之俗，制度疏闕，禮樂無聞。至季世嗣君荒淫，權臣跋扈，干戈四起，民命顛危。雖間有賢臣，言不見用，以至土崩。其間君臣行事，有善有否，賢人君子，或隱或顯，凡有可述，詳著於篇，毋溢美，毋隱惡。務合公論，以垂鑒戒。而元統及至正三十六年事，尙闕。乃遣儒士歐陽佑等，於北平等處訪求之。八月，元史成。其明年二月，復續修元史。已詔中書編祖訓錄及禮書。三年，大明集禮書成。凡朝會燕享樂舞升降儀節制，更名數悉備。計五十卷，頒行之。十一月，大明志書成。以儒士魏俊民等編類天下州郡地理形勢，及降附始末成。皆授以官。四年，御史臺憲綱成。上親爲刪定。七月，上覽存心錄，復命贊善劉三吾等編類漢、

唐以來災異之應於臣下者。爲書曰省躬錄。五年。禮尙書陶凱言。漢唐宋皆有會要。紀載時政。以資稽考。今起居注及奏事簿籍。宜依會要。編類成書。使議事者有所稽考。從之。六年春。命孔克長等。取諸經要言。以恆言釋之。使人皆得通其說。而知聖賢意旨。乃親釋二章。以爲準。成名曰羣經類要。已命陶凱等。采摘漢唐以來藩王善惡。可爲勸戒者。爲書曰昭鑒錄。以賜諸王。四月。命天下州郡繪山川險易圖。以進。五月。祖訓錄成。上謂侍臣曰。朕爲此書。蓋所以垂訓子孫。朕創業艱難。常憂子孫不知所守。日夜以思。具悉周至。紬繹六年。始克成編。後世守之。則永保天祿。苟作聰明亂舊章。違祖訓。亡無日矣。其目十有三。曰箴戒。持守。嚴祭祀。謹出入。慎國政。禮儀。法律。內令。內官。職制。兵衛。營繕。供用。親爲序。七月。詔宋濂搜萃歷代奸臣之蹟。編爲辨姦錄。頒太子諸王。是年。承旨詹同等。請編大明日歷。明年五月。成。自上記兵至卽位。及六年癸丑十二月。凡征伐次第。禮樂沿革。刑政施設。羣臣功過。四夷朝貢之類。莫不具詳。合一百卷。而宋濂又請如唐貞觀政要。分類更輯聖政。爲書以傳於天下。後世上從之。於是分四十類。自敬天以至制夷。爲五卷。曰皇明寶訓。自是後凡有出政。史官日錄續之。冬。孝慈錄成。詳定喪服之制。已御製道德經注成。上謂儒臣曰。朕觀老子所謂五色令人目盲。五音令人耳聾。與聖人去甚。去奢去泰之類。於養生治國之道。大有所助。但諸家之注。各有異見。朕因注之。以發其義。是年。詔禁四六文詞。因取柳宗元代柳公綽謝表。及韓愈賀雨表。頒爲天下式。八年。學士濂取上所行關於政要者。成書曰洪武聖政記。三月。洪武正韻成。上以舊韻起於江左。多失正音。命學士樂韶鳳等。以中原雅音校正之。其時有陝州人獻天書。斬之。御製



資世通訓成書。凡十四章。其一君道章。次臣道。次士用。民用。商用等十一章。皆申戒之意。詔刊頒之。十二年。春秋本末成。先是。上以春秋本諸魯史。而列國之事。錯見間出。欲究其終始。難於考索。乃命文學傅藩等。分列國而類聚。附以左氏傳。首周次魯。秩然有序。十三年。胡惟庸敗。上命翰林史官纂錄歷代諸侯王以下悖逆不道者。凡二百十二人。備其行事。以類書之。成。命名臣戒錄。頒布中外之臣。使知所警。是年。寰宇通志成書。以天下道里分方輿。爲目。凡八十六年。上將享太廟。致齋於武英殿。召吳沈等謂之曰。朕閱古聖賢書。其垂訓立教。大要有三。曰敬天。曰忠君。曰孝親。三者盡而人道至矣。第其言散在經傳。未易會其要領。爾等以類編輯。庶便省覽。書成。上大悅。賜名精誠錄。十七年。大明清類天文分野書成。是時有盱眙人獻天書。命斬之。十八年。編書傳會。尙書陳氏。蔡氏二傳。并古注疏。彙爲一書。御製大誥成。示天下。先是元綱大紊。上每歎曰。華風淪沒。彝道傾頽。自卽位以來。制禮樂。定法制。改衣冠。別章服。正綱常。明上下。盡復先王之舊。使民曉然。知有禮義。莫敢犯分而撓法。乃著爲大誥。示天下。又曰。忠君孝親。治人修己。盡在此矣。能者養之以福。不能者敗以取禍。頒之臣民。永以爲訓。十九年。大誥續編成。又作大誥三編。皆頒布中外。命儒臣修志戒錄。以補臣戒錄之遺。二十年。御注洪範成。語劉三吾曰。朕觀洪範。所以敍彝倫。立皇極。保萬民。敍四時。成百穀。原於天道。驗於人事。帝王爲治之道也。朕疏其旨。以便省觀。三吾頓首曰。皇上明聖道。以福生民。爲萬世開大平。在此注矣。頒武臣大誥。令其子弟誦習之。已命禮尙書李原名等編禮儀定式。明臣僚尊卑之宜。成。頒行天下。二十一年。頒武士訓戒錄。二十三年。詔刊韻會定正。時洪武正

韻頒行已久。上以其字義普切有未當者。命官復訂前太常博士孫吾與韻書本。宋黃公紹古今韻會本刊行之。曰定正冬。命禮部遣使購天下遺書善本。令書坊刻行。二十五年。頒醒貪要錄於諸司。取文武大小官歲給祿米之數。以米計穀。以穀計田。與其用力多寡。爲書頒布中外。使食祿者知所以恤民。冬。永鑑錄及世名總錄成。二十六年。上以諸司職有崇卑。政有大小。無方冊以著成法。恐後之蒞官。罔知職任政事施設之詳。乃命吏部同翰林儒臣。做周禮作書。曰諸司職掌。是時藍玉敗。籍其家。上見其服舍器用多僭踰。乃召翰林稽考前代功臣封爵人民邑之多寡。及名號虛實之等。編輯爲書。曰稽制錄。上親爲之序。以頒示功臣。用遏其侈心云。二十七年。詔訂正蔡氏書傳。凡蔡氏傳得者存之。失者正之。又集諸家之說。足其未備。賜名曰書傳會選。命士子肄以應舉。而永樂中刊大全後。此書竟不行。是年。修寰宇通志。時陝西一士人上仁政書。上覽之。謂侍臣曰。旣曰仁政。則必當愛民。何故所言皆勞民傷財之事。自相悖戾。彼山林儒生。不深究事體。然立意可嘉。不必指瑕。以杜言路。賞而遣之。有道士以丹書獻。上卻之。侍臣請留觀。上曰。彼所獻者。非存神固氣之道。卽煉丹燒藥之說。朕焉用此。朕所用者。聖賢之道。所需者。政治之術。將躋天下生民於仁壽。豈獨一己之長生耶。若受之。則迂怪者爭進矣。故卻之。毋爲所惑。二十八年。頒祖訓條章於內外文武諸司。敕曰。自古國家建立法制。皆在始受命之君。以後子孫。不過遵守成法。以安天下。蓋創業之君。起自側微。備歷世故艱難。周知人情善惡。恐後世守成之君。生長深宮。未諳山林初出之士。自矜己長。至有奸賊之臣。徇權利。作聰明。上不能察而信任之。變更祖法。以敗亂國家。貽害天下。故曰。

夜精思立法垂後永爲不刊之典如漢高刑白馬誓曰非劉氏不王以後諸呂用事盡改其法遂至國家大亂劉氏幾亡此可爲深戒者朕少遭亂離賴皇天眷命翦除羣雄混一天下卽位以來勞神焦思定制立法革胡元弊政至於開導後世復爲祖訓一編立爲家法俾子孫世守之爾禮部其以朕祖訓頒行天下諸司使知朕立法垂後之意永爲遵守後世敢有言更改祖法者卽以奸臣論無赦已命儒臣編禮制集要又編洪武志其書述山川都邑宮闕壇廟甚詳三十年大明律誥成又頒所輯爲政要錄建文卽位尤急儒修購遺書申舊典日惟汲汲不遑逸元年正月命禮侍郎董倫等爲總裁官修太祖高皇帝實錄方成而燕兵起太宗入金川覽之以知府葉仲惠纂修處有指斥燕事爲逆論死籍其家乃復以曹公李景隆等重修太祖實錄九年復命姚廣孝等三修太祖實錄極詆建文君臣之非及成賞予倍厚元年分遣廷臣分詣天下軍民之家有收藏太祖御製者皆送官錄進旣哀集成書曰太祖御製文集已命解縉等修古今列女傳二年命儒臣編自古來嘉言善行有益於太子者曰文華寶鑑二月命修補國子監經書板十一月解縉進所纂韻書賜名文獻大典三年仁孝皇后內訓成書凡七十八冊又著夢感物說又著希有大功德經八十七卷四年遣使四出購求遺書論之曰書籍不可較價直惟其所欲與之庶所得者多五年永樂大典成先是令解縉等於天下古今事物散在諸書編輯自書契以來經史子集百家之書編輯爲一書上覽之多有未備者乃復命姚廣孝等纂修及繕寫者殆三千人歷四載而成計二萬二千九百卷一萬一千一百本十二年上謂侍臣曰五經四書皆聖賢精義要道傳注之外諸儒議論有

發明餘蘊者。爾等采其切當之言。增附於下。其周程張朱諸君子性理之言。如太極通書西銘正蒙之數。皆六經之羽翼。然各自爲書。未有統會。爾等亦聚類成編。二書務極精備。庶垂後世。乃命胡廣等開館於東華門外。光祿給僎。明年書成。命名五經四書大全。十四年。編輯歷代名臣奏議書。十五年。仁宗在東宮。卜筮專用撰著。而斷以周易。因命楊士奇纂朱氏本義。要旨爲一編。既進。因名周易直旨。既而士奇又曰。周易雖爲卜筮書。而文王周孔義象十翼之辭。凡修齊治平。爲君爲臣之道。悉具。請編輯以進。踰年。上之。賜名曰周易大義。是時徐好古進尙書直旨。金幼孜進春秋直旨。仁宗皆命留覽。十六年。纂修天下郡縣志。十七年。爲善陰陽書成。書列百五十六人事。十八年。孝順事實書成。書列二百七人。皆頒行天下。帝自製務本之訓。以予皇孫。已命羣臣輯神仙傳。十九年。楊榮撰皇都大一統賦。以進。洪熙元年。敕修太宗實錄。注天元玉歷賦。宣宗卽位。時御製如憂民吟。酒諭。猗蘭。南有嘉魚詩。憫農詩。捕蝗詩。招隱詩。招隱歌之類。不可勝紀。匪念切民依。則君臣相悅。文章之治。獨此稱優。元年閏七月。詔修仁宗實錄。以英公張輔等董其事。諭之曰。國史貴詳。卿等宜盡心。五年。成太宗實錄一百三十卷。寶訓十五卷。仁宗實錄十卷。寶訓六卷。御製帝訓。自君德至藥餌。共二十五篇。時有獻歷代紀年圖者。上覽。既。顧侍臣曰。唐之後不五十年。天下五易主。生民之禍極矣。周世宗英武。觀其進取之略。制治之心。足以平天下。而亦享年不永。何也。侍臣對曰。帝王之興。自有天命。非人謀所及。上曰。國家創垂。貴有根本。三代以下。若漢高帝掃除秦苛。以濟蒼生。唐太宗革隋弊政。以致太平。其規模皆宏遠。所以傳之子孫。皆長久。若後周之主。稱兵爲逆。劫掠京

城。曾無匡濟之功。室家先覆。而世宗以養子繼之。欲其宗祀長久。得乎。宋太祖陳橋之變。一號令之間。秋毫無犯。拯生民於淪溺。革叔季之兵禍。子孫享國與漢唐同久者。蓋有仁厚爲之根本。豈偶然哉。侍臣皆頓首服。七年。御製官箴。自都督至儒學。箴凡三十五篇。已上。又以載籍所記前代外戚及臣下善惡。足爲鑒戒。乃采其事爲外戚事鑒。歷代臣鑒。頒賜羣臣。正統三年。宣宗章皇帝實錄成。四年。刊布憲綱於中外。十三年。五倫書成。先是宣宗嘗親采經傳百家嘉言善行之有關於五倫者。類分爲六十二卷。命曰五倫書。至是上追承先志。乃成之。副都御史吳訥進性理羣書補注。納之。景泰中。敕儒臣纂修宋元綱目。復命禮部纂修天下地理志。吏部侍郎李賢取君鑒中二十二君行事最切要者。集爲鑒古錄。上之。上覽之。問內侍王誠曰。此奏欲何爲。對曰。欲陛下學此數君耳。上頷之。天順二年。敕翰林官修大明一統志。先是永樂中。修天下郡縣志。末成。景泰中。修寰宇通志。成而未刻。至上復辟。乃合二書而成之。凡九十卷。時漳州布衣陳真晟詣闕。上程朱正學纂要。不報。成化初。進英宗睿皇帝實錄。附邨戾王。九年。命儒臣校訂朱熹通鑑綱目。梓之以傳。已復命大學士彭時等復纂宋元綱目。侍讀尹直請萃聖朝儀文法制爲合編。從之。十五年。禮侍郎周洪謨進所纂疑辨錄。言四書五經。雖經朱熹注釋。亦有仍漢唐諸儒之誤者。乞再考訂。上曰。昔太宗時已有大全。諸士誦習已久。不必更。十八年。御製文華大訓成。其書綱目四。曰進學。曰養德。曰厚倫。曰明治。目凡二十四。以授皇太子。已命太監杜福友於江南民段銓取載江網古書一部。及盧岐僧院取刻絲觀音羅漢像。尙書王恕諫不聽。二十年。無錫處士陳公懋刪改朱子四書集注來進。上以狂

妄罪之二十三年。掌國子監禮部侍郎邱濬進所著大學衍義補。上覽之大喜曰。是書考據精詳。論述該博。有補政治。朕甚嘉之。賜金幣。進尙書。掌詹事府。弘治改元。敕修憲宗純皇帝實錄。四年。成。十年。命修大明會典。上以累朝典制。散見疊出。未會於一。乃敕大學士徐溥等修之。以本朝官職制度爲綱。事物名數。儀文等級爲目。類以頒降羣書。附以歷年事例。使官各頌其屬。而事皆歸於職。以備一代之制。十六年。命翰林官修歷代通鑑纂要。前兵部郎中婁性上所編皇明政要。留覽。正德元年。敕大學士劉健等修孝宗敬皇帝實錄。四年。成。其時劉瑾專政。以弘治中纂修會典。壞祖宗制。書雜以新例。悉毀之。貶修者官。有差。嘉靖改元。命修武宗毅皇帝實錄。乃檢正德間留中不報疏八百六十餘本付史館。明年。成。四年。御注周書伊訓篇。無逸篇。并太祖所注洪範篇。令儒臣復通加詳釋。曰書經三要。大學士費宏請修獻皇帝實錄。遂取長史張景明。日錄趙銘等各存嘉言善行錄。及部存謝恩存心諸疏。宣付史館。及成。宏等推遲不受賞。以爲皆與邸太監張佐等日紀之功。乃各予世職。酬其勞。五年。時福建建陽書坊刊刻多訛。巡按御史楊瑞等請差官校勘。上命侍讀江佃行往校。已編修孫承恩編尙書善惡事。爲詩上之。賜名鑒古韻語。十月。頒獻皇帝恩紀詩集。乃受命分封之國。感孝宗錫子之恩而紀之。凡七卷。又含春堂稿。則未之國之詩。凡五卷。六年。命重刊大學衍義。上親製序文。工部尙書張瓊上大禮要略。先是上諭禮部曰。獻皇帝尊號已定。世廟已成。所議典禮。不可無全書。特命儒臣重加編纂。以成一定之典。瓊遂自纂大禮要略二卷。以進。上命付史館彙述。初上命張瓊。桂萼等纂修大禮全書。旣成。名曰明倫大典。十月。重修大明會典。先是

會典廢。上謂侍臣曰：會典或有錯誤，朕覽不能無疑，恐不復則後無所考，宜會官修復，以成一代之制。七年，命編纂御書文禮如貞觀政要、洪武聖政記例，曰嘉靖政要，以張璉領其事。上允錦衣衛千戶沈麟請校勘歷代史書，頒布天下。六月，明倫大典成，刊行天下。南吏部侍郎湛若水進所撰聖學格物通一百卷，上嘉賞之。後又進二禮經傳測學士許誥上所撰通鑑綱目前編，圖書管見、太極圖論，詔留覽。八年，重校大明集禮刊行之。同安縣儒士李如玉纂集周禮會注十五卷，令其子詣闕進。上命有司以禮獎勸，給官帶，復其家。太僕寺丞陳雲章進所著書傳、大學疑、中庸疑、夜思錄，上以其謬言淆亂經傳，斥之。初，太僕寺丞何淵進太廟世室說，希進用，及大典削而不錄，淵乃集其說為五卷，上之。上怒其瀆，降永州衛經歷。十一年，重刊二十一史。前國子監原無金史、遼史，上命購永善本刊行之。十三年，太康儒士安都進所著十九史節略四百七十卷，上以狂妄，命毀之。十五年，命集列聖寶訓。二十年，都督陳寅進所編皇考聖母御製事蹟，上嘉賞之。命承天府督工尙書顧璘聘文學纂修興都志。山、四、遼州同知李文察進樂書，報留覽。二十三年，上命刊頒獻皇帝躬集醫方選要。四十年，詔重刊衛生方。四十一年，命重錄永樂大典。四十五年，史館進承天大誌，上以先為太常少卿邱密所請，至是書成，進禮部右侍郎。餘賞賚有差。隆慶元年，敕修世宗肅皇帝實錄及寶訓，纂集御製文集詩集，給事中王之垣進承天基命記錄事實三十卷，上留覽。三年，東莞陳建私輯皇明資治通紀，給事中李貴參其謬誤，上命焚燬之。俾史館勿採，命頒示藩條例於諸王府。重修史部員外郎李默所撰大明輿地圖，總河尙書翁大立上五患十二圖書，上留覽。萬曆元年，

詔修穆宗莊皇帝實錄。明年成。大學士張居正進帝鑑圖說。四年重修大明會典。六年宗藩事例。宗藩要例。書成。頒示各王府。十六年命經筵勿講貞觀政要。上曰。太宗多慚德。此書何足垂訓。時國子司業王祖嫡請復建文年號。改正景皇帝實錄。上允行。二十二年給事中楊東明進饑民圖。四十五年纂修玉牒成。熹宗卽位。詔修神宗光宗實錄。頒行欽定考格。二年十月重修玉牒成。四年詔儒臣校訂大學衍義補。以進。五年命各省搜購誌傳奏疏文集等書。附進表朝覲官齋進。以備省採。命纂宗藩限祿書成。六年進三朝要典副稿。神宗光宗實錄副本。六月進三朝要典書。詳列挺擊移宮紅丸緣由及章疏甚悉。命藏皇史宬。刊布天下。命毀廣西副使費學佺所纂野史紀略。爲興要典相反。七年神光二宗實錄成。崇禎元年詔修熹宗愍皇帝實錄。二年頒欽定逆案書於天下。三年命增修大明會典。四年命重刊天下賦役全書。命儒臣修六字格言。九年命大學士徐光啓同西儒修正歷法成。名崇禎歷書。

殿閣皇史宬內通籍庫藏書

制書一百六十七部。易類一百九十部。書類六百五十七部。詩經四十二部。春秋類八十部。三禮類五十七部。禮書五十八部。樂書九部。諸經總錄四十部。四書類九十一部。性理類一百一十七部。性理附十六部。經濟類九十三部。史類一百七部。史一百二十九部。史雜一百三十六部。子類六十部。子雜二百三十八部。文集六百五十二部。詩詞類四百八十八部。類書一百八十部。韻書八十五部。姓氏十四部。法帖二百零九部。畫譜六十八部。政書五十部。



刑書二十九部。兵書八十二部。算法二十七部。陰陽書二百九十六部。醫書一百八十九部。農圃十四部。釋道書不具載。舊籍原無卷數。今仍因之。

制書

皇明祖訓。祖訓錄。祖訓條章。大明寶訓。皇明寶訓。大明宗譜。大明譜系。大明帝紀。玉牒。御製文集。御製文稿。御製詩文。御製詩集。御製僧詩。御製豐年詩。御製詩扁。御製大誥。御製戒酒文。御製祝文。御製戊辰集。御製頰人傳。御製書注。御翰。御製尙書注。御製道德經注。御製洪範注。玉音。御製武臣大誥。御製詞。御製資世通訓。御製徐武甯神道碑。賜諸番詔敕。賜諸番書。御製追贈誥文。敕文武羣臣書。御寶書。御製大訓條目。文華寶鑑。御製冊文。各處衛所官誥敕。御書文簿。聖學心法。御製由明五常敕。誥李善長文。御製長孫訓。御製務本之訓。洪武聖政記。孝慈錄。孝慈高皇后傳。儲君昭鑑錄。仁孝皇后夢感經。爲善陰隲書。文華進講錄。仁孝皇后勸善書。孝順事實。仁孝皇后內訓。歷代臣鑑。新編類書。欽定五經四書性理大全。勸世嘉言。新編令要。新編禮書。新編歷代故事。新編琴書集成。新編相鑑。歷代君臣事實。仁廟御書阿彌經。勸善文。省躬錄。忠義錄。君臣昭鑑錄。雜錄。存心錄。精誠錄。臣戒錄。翊運錄。鐵榜文。貞烈事實。昭鑑錄簡略。諸王事要。稽制錄。武臣鑑戒錄。古今烈女傳。外戚事鑑。鹵簿圖。歷代公主錄。功臣鐵券文。

直注古今列女傳。 外家積慶圖。 永樂大典。 納徵傳。 制遣官圖。 大明禮制。 大明集禮。 洪武禮制。 禮儀定式。 皇朝禮制。 國朝禮制。 禮制集要。 稽古定制。 冕服圖。 朝服圖。 命婦朝賀禮儀。 喪禮儀注。 冠服圖。 朝儀。 親王婚禮儀注。 喪禮祝文。 公主婚禮儀注。 太常祭禮。 侑食樂歌九奏。 陳設樂器儀注。 祭祀禮儀。 寶匣等式圖。 祭祀儀注。 王府宗支封號錄。 清理佛教榜文。 諸司職掌。 申明禮制榜文。 行移減煩體式。 禮制榜文。 黃長史不臣榜文。 糧長規戒錄。 彰善榜文。 黃教諭不才榜文。 彰善癉惡錄。 大明律。 大祀歌。 志戒錄。 宗廟親疏服圖。 大明令。 律例條式。 逆臣錄。 洪武七政踈度書。 歷代姦臣備傳。 紀非錄。 京城四至水馬驛程錄。 天下都司衛所紀。 集犯錄。 關隘丈尺軍數錄。 昭示姦黨錄。 癉惡續錄。 齊王紀非錄。 技藝鑑戒錄。 醒食錄。 國子監沿革錄。 天下郡邑志。 華彝譯語。 洪武寶訓。 洪熙寶訓。 寰宇通衢御序。 太和山誌。 洪武寶錄。 洪熙寶錄。 永樂寶訓。 宣德寶訓。 天順寶錄。 弘治寶錄。 永樂寶錄。 宣德寶錄。 成化寶錄。 正德寶錄。 大誥條例。 大明會典。 仁廟御製詩集。 百令條目。 歷朝詔制。 歷朝御製文集。 忠靖冠服圖。 恩集會吾堂集。 敬一箴注。 宸翰錄。 春遊詠和集。 明倫大典。 五箴注。 嘉靖實錄。 隆慶實錄。 萬曆實錄。 泰昌實錄。 天啓實錄。

易

古周易。 周易子夏傳。 周易王弼注纂圖。 焦氏易林。 周易王弼注。 周易鄭康成注。 京氏易傳。

周易王弼注鈔。周易長孫無忌要義。聞氏易傳。衛元嵩元苞。周易孔穎達注疏。李鼎祚易傳集解。周易陸氏釋文。溫公易說。東萊周易古今經象。周易安定口義。東坡易解。蘇氏易傳。程氏易說。程朱易說。周易撮要。橫渠易說。程氏易傳。楊氏易傳。周易義海。漢上朱震易圖。東萊繫詞精義。南軒繫辭說。都絜易變體義。蔡淵易象意言。蔡節齋易解。南軒易說。蔡氏筮書。蔡淵易傳訓解。鄭氏易翼。朱子本義。朱子易學啓蒙。林栗易集解。本義啓蒙翼傳。易沈氏小傳。朱文公易解。易經朱子遺說。易趙以夫通。朱子啓蒙。趙汝楳易序業書。易趙復齋說。易郭氏解。周易趙汝楳輯聞。趙汝楳易難。周易鄭剛中窺餘。楊忱中易原易陳了翁說。周易丁易東象義。楊慈湖易成。李謙齋詳解。何基易經發揮。易張行成述衍。王愷易心。何基係辭發揮。易張行成通變。易會通。麻衣正易心法。大易會種雜言。易乾鑿度。讀易老人詳說。大易會種粹言。易陳普解。丁易東大衍索隱。周易項安世玩辭。王日休準係易解。朱元昇三易備遺。劉氏易數鉤隱。易陳宏童子問。李簡學易記。易史徵口訣義。周子方學易記。易胡震衍義。易被山齋總義。鄭滌孫易法象通贊。無庵警心易贊。陳應潤易友變易蘊。大易宋諸儒集義。鄭滌孫中天述考。周易宋諸儒集義。胡方平學易啓蒙。吳沆大易璇璣。胡炳文易本義。易張清子傳。周易李恕音訓。保八易源奧義。易吳徵纂言。陳訥河圖易象本義。周易齊履謙本說。周易蓬軒錢氏圖說。周易乾石烈集傳。周易保八原旨。張

理易象圖說。易林至禘。邵綺大易圖說。易雲潤田疇解。易疑擬題。周易俞石澗集說。周易孤汾遁叟證類。張應珍義山易解。方實孫淙山讀易記。周易許復衍義。周易梁寅參議。鈔易學通變。周易本義附錄。易家人封衍義。鈔大易忘筌。易吳徵纂言外翼。鈔郭東山易書。鈔清全齋讀易編。陸氏筮法。

書

古三墳書。尙書。古文尙書。尙書孔穎達注疏。書吳方老裨傳。尙書孔傳。尙書孔穎達正義。尙書解。尙書注疏。尙書音義。書晦庵說。書傳纂疏。尙書要義。書東萊說。尙書纂傳。尙書東坡傳。書傳纂注。尙書陳太猷集傳。書錢融堂傳。潔齋書鈔。尙書陳大猷或問。尙書薛季宣古文訓。尙書胡士行詳解。尙書吳文正公纂言。尙書王天與纂傳。經書李公凱句解。尙書許謙叢說。尙書釋題。尙書黃存齋通考。尙書金履祥表。書傳會選。尙書趙杞主意。尙書方時發索至。書義新格。尙書趙杞辨疑。張國賓書義元會。洪範直解。尙書陳氏詳解。程大昌禹貢論。傳寅禹貢說。書經徐蘭體要。毛晃禹貢指南。書鄭敷文說。蔡九峯洪範皇極內篇。倪士毅書義要訣。胡一中定正洪範疏。王耕野讀書管見。馮去非洪範補傳。趙善湘洪範疏。汲冢周書。田峯洪範洛書辨。胡先生洪範義。楊慈湖五誥解。陸氏洪範本義。

詩

詩經。詩鄭氏箋。詩經正義。詩傳。詩經注疏。詩經要義。陸氏詩經釋文。陸璣詩鳥獸草木蟲魚疏。陸氏詩經音義。唐城伯演傳。詩放齋說。詩歐陽氏本義。詩李黃集解。詩逸齋補傳。李簡詩學備忘。詩鮮于氏傳。呂氏讀詩記。詩王氏總聞。翟思忠詩傳傍通。詩楊慈湖解。詩朱子集傳。林泉生詩義矜式。詩錢文子傳。詩傳通釋。嚴粲詩輯。詩胡一桂纂疏。詩傳遺說。嚴氏詩解。詩許謙名物鈔。輔氏童子問。詩林岳講義。曾堅詩疑大鳴。詩李恕音調。詩趙德辨疑。朱倬詩經疑問。彭氏奇詩經主意。朱善詩經解頤。詩義斷法。段氏詩義指南。朱公遷疏義。詩經題斷。陸氏序詩。詩圖說。

春秋

春秋左傳注疏。春秋左傳釋文。春秋左傳正義。春秋左傳類編。春秋左傳。春秋左傳羅氏節。春秋左傳續說。國語。春秋左傳廣誨蒙。春秋左傳法語。春秋左傳章指。孔氏春秋左傳本末。春秋董氏繁露。春秋陸淳集傳徵音。春秋公羊傳注疏。春秋公羊傳解語。春秋公羊傳音義。春秋穀梁傳釋文。春秋公羊傳。春秋穀梁傳注疏。春秋胡氏傳。春秋穀梁傳。春秋陸德明音義。春秋劉敬傳。春秋啖趙纂例。春秋呂東萊集傳徵音。春秋陸淳三書。春秋張大亨五體例象。春秋孫明復發微。春秋劉敬意林。春秋圖說。春秋呂東萊博議。春秋劉敬旌衡。春秋摘奇。春秋蘇穎濱集。春秋東萊集解。春秋透天關。春秋孫覺經解。春秋葉石林傳。春秋

通天竅。春秋王當列圖傳。春秋陳傅良後傳。沈文伯春秋比事。春秋戴少望講義。春秋呂大圭王論。春秋家鉉辨集傳綱領。春秋呂大圭或問。春秋高允憲書法大旨。春秋胡氏年表。春秋吳文正公纂言。春秋胡氏通例。春秋李祺王伯世紀。春秋洪皓紀詠。敬鉉春秋備忘續遺說。春秋高閑集注。敬鉉春秋傳例說略。春秋家鉉辨詳說。春秋黃仲炎通說。春秋程伯剛分記。春秋趙鵬飛經筵。春秋程端學辨義。春秋程端學或問。春秋程端學本義。春秋陳則通提綱。春秋李俞集義。春秋崔氏本例。春秋張洽注。春秋杜謬會義。陳深讀春秋編。春秋金鎖匙。春秋王哲皇綱論。春秋徐晉卿對類賦。春秋齊履謙統紀。春秋趙子常屬辭。春秋公羊傳釋文。敬鉉春秋備忘。春秋王亢杰獻義。春秋俞皋釋義。春秋石元霽書法。春秋李廉會通。陸氏春秋名臣錄。春秋李衡集說。春秋汪氏纂疏。

三禮

周禮正文。周禮鄭氏注。周禮句解。周禮黃度說。周禮賈公彥注疏。周禮陸德明釋文。周禮賈公彥正義。周禮唐諸儒要義。周禮王荆公解義。周禮王昭禹注解。周禮鄭宗顏講義。周禮陳祥道纂圖。周禮王裕之訂義。周禮夏休井田譜。周禮王與之訂義。周禮毛應龍集傳。周禮陳傅良說。俞言周禮圖。儀禮經傳通解。周禮易菴總義。周禮復古編。朱文公儀禮圖。周禮林希逸考工記。儀禮賈公彥注疏。儀禮陸德明音義。儀禮唐諸儒要義。朱文公儀禮圖注。儀

禮李如圭集注。少儀呂東萊外傳。儀禮放縱公集說。儀禮吳草廬逸經。儀禮鄭氏注。禮記呂氏傳。陸氏經禮存羊。禮記鄭氏注。禮記正文。大戴禮記。禮記正義。禮記釋文。禮記集說。禮記注疏。禮記音義。禮記外傳。禮記圖說。夏小正經傳考。禮記詳節。禮記集說。夏小正戴氏傳。禮記要義。禮記集義。禮記纂言。禮記會元。二經雅言。三禮圖。禮記詳解。禮經集傳。禮記纂圖。月令考。

禮書

唐郊祭錄。宋元豐郊廟奉祀禮文。唐開元禮。宋太常議定九章冕服錄。宋政和冠婚喪祭書。宋陳祥道禮書。文公家禮。宋政和祭禮新儀。宋太常因革禮。南宋朝儀。宋通祀儀記。蘇洵修定諸家諡法。宋諡號錄。宋中興禮書。宋侯國通祀儀式。溫公書儀。宋五禮新儀撮。宋通祀輯略。中興禮書續編。宋春秋釋略儀。宋士庶通禮。文公家禮附錄。宋陸氏禮象。咸淳五輅。釋奠陳設須知錄。高閑原終禮。鄉飲酒儀。黃勉齋喪服圖。楊慈湖婚禮家記。楊慈湖冠祭家禮。元集圖。楊慈湖喪禮家記。吳伯豐祭禮從宜。元禮書。歷代崇儒廟學典禮本末。龔端禮五服書。元皇朝儀注。元續集禮。龔端禮五服圖。元朝儀備錄。元釋奠儀圖。元釋奠格例。元鄉飲酒禮。元釋奠通載。元祭葬會要。孫偉時亨儀範。元通祀禮編。趙氏禮經葬制。元太常集禮藁。元通祀纂要。古今家祭禮。元郊祀禮。元禮器說。元昭儉錄。四家禮。元釋

奠圖。元祭器圖。五服解義。三家禮。

樂書

宋皇祐新樂圖記。趙鳳儀釋奠樂器圖。鄭起潛聲律關鍵。  
劉氏律呂成書。陳陽樂書。蔡氏律呂新書。元中和樂經。  
元詔舜九成樂補。蔡氏律呂本原。







明書卷七十六

志十七 經籍志二

諸經總錄

十一經匯。陸德明經典釋文。九經要覽。六經圖。唐玄度九經字義。九經直音。張參五經文字。賈昌朝羣經音辨。九經總例。劉敞七經小傳。魏了翁九經要義。六經圖辨。毛居正六經正誤。伊川六經說。五經義式。姜得平詩書遺意。二蘇五經。經義標準。王應麟六經玄文編。趙孟至九經釋音。歐陽長孺九經治要。端本堂經訓要義。九經三傳沿革例。宋儒邢昺等孝經注疏。陳漢室詩書輯要。莆陽二鄭六經圖辨。陳淮之五經辨疑。成齋孝經說。爾雅郭璞注。袁俊翁經史疑節。隋曹憲博雅。鄭樵爾雅注。許魯齋孝經直說。江直方孝經外傳。貫酸齋孝經直解。晏璧孝經刊誤說。宋儒邢昺等爾雅疏。陶凱九經類要。張達善四書歸極。溫公孝經指揮。孝經論孟音義。陸佃爾雅新義。陸佃埤雅。姜蒙齋孝經說。洪森祖爾雅翼古孝經。程端蒙大爾雅。危素爾雅略義。

四書

四書正文 四書集編 四書集注 四書集略 四書附錄 四書或問 四書纂疏 四書輯語  
四書語類 四書發明 四書集成 四書輯釋 四書事文引證 四書集義精要 四書朱張注  
四書汪注類編 四書集注箋義 四書朱真注 四書章圖 四書纂箋 四書管窺 四書通注  
四書標題 四書管見 四書輯義 四書叢說 四書類辨 四書提要 四書疑節 四書音義  
四書問辨 四書考文 四書待問 四書音釋 四書經疑貫通 四書經疑會同 四書主意 四  
書經疑問斷 大學通旨舉要 四書通 大學正文 大學衍義 大學要略 論語纂圖 大學總  
義 大學發微 論語注疏 論語集說 大學要略遺書 論語張宣公解 論語何晏解 論語文  
公類語 論語集注考證 論語東坡解 論語要義 論語本旨 四書口義 論語精義 論語音  
義 論語通釋 四書意源 論語通義 論語問答 論語蔡覺軒集疏 論語纂圖句解 論語旁  
通 論語穎濱拾遺 論語陳用之解 論語章解圖說 論語慈湖解 中庸輯略 論語口義新書  
孟子趙氏注 中庸或問 中庸發明 中庸提綱 中庸胡先生義 中庸指歸 中庸注疏 孟  
子張宣公解 孟子注疏 孟子纂圖 孟子精義 孟子詳解 孟子問答 孟子節文 孟子蔡覺  
軒集注 論語評 尊孟辨

性理

先聖大訓 顏子 曾子 孔子家語 子思子 小學 曾思二子 通書發揮 周子附錄 程子

碎言。周子通書。通書發揮。程氏經說。趙氏遺書。周子太極通書。周子太極圖。周子通書  
訓。周子太極問答。太極圖發揮。皇極經世書。程氏文集。伊洛精義。張子西銘。濂溪集。  
二程語錄。伊洛淵源。程氏外書。二程門人集師說。程子發蒙新書。西銘解義。皇極經世書  
類要。皇極經世指要。西銘綱領。張子正蒙。張子經學理窟。皇極經世運卦。張子語錄。西  
銘發揮綱領。皇極經世衍數。皇極經世正聲正音綱目。觀物外編衍義。皇極經世圖譜。經世  
圖。邵子漁樵問答。皇極內篇。皇極通變。上蔡語錄。延平問答。觀物外編。龜山語錄。延  
平語錄。胡子知言。晦庵語錄。紫陽宗旨。朱子三書。小學纂疏。文公語略。朱子成書。性  
理羣書。南軒語錄。文公語錄續後集。晦庵語錄續錄。近思錄發揮。真文忠公心政經。東萊讀  
書記。真西山學規。朱文公續語錄。朱文公注易參同契。近思錄。朱子語錄格言。真文忠公  
經集傳。道命錄。象山語錄。勉齋語錄。慈湖遺書。麗澤論說。象山遺言。勉齋講義。北溪  
家義。先儒講義。真西山讀書記。饒雙峯講義。王魯齋研幾圖。真文忠公四書注。諸儒鳴道  
集。楚澤先生問學。王實齋心學。陳潛室木鍾集。十先生奧論。許庸齋學言。陳舜中審是錄。  
許魯齋心法。性理會元。性理指要。理學類編。性理文錦。性理淵源。性理正宗。劉苟明  
本。性理字訓。史繩祖池陽講書本末。石洞紀聞。魯齋語錄。梅裕堂講義。明善錄。經學明  
訓。魯齋遺言。洙泗源流。天原發微。饒煥錄朱張問答。洙泗問津。增廣字訓。諸路課試講

義 樂庵語錄 聖門事業圖 鳴道集說 家小圖書 孔子追諡詔文 孔子世家補 孔子實錄  
孔聖圖譜 闕里譜系 勉齋年譜 孔子年編 素王事紀 孔庭纂要 雙峯年譜 朱文公傳  
宋名臣言行錄 尹和靖言行錄 龜山年譜 紫陽先生年譜 吳文正公年譜

經濟

前後漢詔令 魏鄭公諫錄 范文正公奏議 唐太宗帝範 陸宣公奏議 包孝肅公奏議 南唐  
陳致臺雍典奏議 王明叟內翰奏議 朱富范劉三老奏議 張魏公中興備覽 宋仁皇訓錄 富  
文忠公奏議 范蜀公奏議 建言聖政草 東南防守利便錄 蘇東坡奏議 任伯雨翹草 李文  
肅公經濟編 江東望奏議 陳修撰奏議 葉正則賢良進卷 張東軒奏議 唐賢策要 宋詔令  
呂東萊集歷代奏議 朱子奏議 帝學錄 龍升與之中興政要 胡忠簡公奏議 陳正獻公奏  
議 張魏公奏議 趙忠定公奏議 韓元吉登對錄 楊萬里論策 鄭魯公西垣詞草 吳仲嬰麟  
吐金集 鑑古編 彭龜年內治聖鑑 呂東萊制度祥說 董煇活民書 趙庸齋瑣聞集 崔菊坡  
奏疏 倪思承明集 年清忠公奏議 趙庸齋表箋 朱子經濟衡文 章公權進卷 鄭立庵內制  
陳模東宮備覽 宋掖垣詞草 鄭立庵外制 國之林青宮備覽 梅山奏議 宋太平寶訓 錢  
文子漢唐制度 李橘園策 萬年龜鑑錄 曹彥約經帷管見 呂中皇朝大事記講義 謝疊山攷  
定策券 宋名臣經濟錄續編 宋名臣經濟錄 劉顏輔弼名對 大元通制 宋名臣奏議 皇明

崇儒寶訓。國朝綸紵。國朝典章。皇帝寶範。張珍累代世範纂要。詔敕條畫。元經筵錄。趙天麟太平金鏡策。張養浩經筵餘音。瞻思河防通議。歷代事實。鄭以忠宮學正要。吳助教萬言策。梁賓策要。盧白處士爲政九要。林泉生古今制度通纂。孫可淵集詔誥章表。郭明如集詔誥章表。劉鼎策場制度通考。馮子亮舉業筌蹄。李縉翁三場文範。劉錦文答策祕訣。元儒時務策準。梁賓方策稽要。朱禮對策機要。董倫太平直言。

史

史記。晉書。梁書。陳書。司馬貞史記索隱。蘇子由古史。南史。隋書。王益之兩漢年記。荀悅前漢記。北史。唐書。前漢書。前漢贊論。南宋書。呂東萊大事記。後漢書。後漢贊論。南齊書。劉敞漢書標注。王益之西漢年記考異。王倬班史名物編。陸狀元資治通鑑詳節。趙居信蜀漢本末。蕭公績後漢書。袁宏後漢記。陶岳五代史補。資泮唐書音訓。五代史纂誤。資治通鑑目錄。三國志。後魏書。北齊書。王十朋唐書祥節。九國志。後周書。南唐書。司馬溫公稽古錄。王禹偁五代史闕文。新唐書略。貞觀正要。呂東萊十七史詳節。唐書音釋。唐書直筆。五代史通鑑。舊唐書。五代史。齊推通歷。宋東都事略。唐贊論。宋鑑編。資治通鑑。齊紀大略。資治通鑑前例。胡三省音注通鑑。少微通鑑。資治通鑑考異。宋九朝紀事本末。皇王大紀。通鑑前編。通鑑綱目。綱目舉要。宋輝周鑑。通鑑外紀。通鑑續編。綱

目提要。綱目書法。唐鑑。宋史。宋史略。宋朝要錄。宋鑑通考。宋鑑。金史。元史略。宋  
朝事實。宋太平紀事本末。宋中興紀事本末。遼史。宋中興編年綱目。曾先之十八史略。元  
史。宋九朝通略。宋中興小歷。遼史目錄釋疑。宋十朝綱要。歷代甲子圖。元朝祕史續集。  
宋丁未錄。契丹國志。大金國志。元史節要。宋鑑纂要。史考集補。元朝祕史。元史補遺。  
歷代帝王流紀。宋中興編年備要。歷年編數。歷代帝王譜括。歷代帝王圖。元史外聞。歷代  
譜贊。京口耆舊錄。稽古圖。歷代史譜。歷代紀年。北盟錄。

史附

路史。孝史。呂東萊觀史類編。劉國器綱目書法纂要。張南軒通鑑論篤。吳仁傑兩漢刊誤補  
遺。致堂管見。通鑑釋文。通鑑總類。綱目集見。史學金鑑。通鑑缺疑。通鑑補遺。綱目稽  
疑。呂大著通鑑精義。通鑑釋文辨誤。小學史斷。孔克表綱目音訓。周焱通鑑論斷。古今通  
要。劉國器綱目發微。十七史纂講義。史記闕文。尹起莘綱目發明。洪邁史記法語。吳越備  
史。袁樞通鑑紀事本末。帝王本支考。三國志精語。七制三宗史編句解。穆天子傳。唐中朝  
故事。孫吾與綱目音釋。十七史纂通要。高氏小史。陳興道經史互紀。洪邁西漢法語。十二  
國史。錢參政諸史提要。章衡編年通載。吳越春秋。王益之西漢鑿論。何備西漢補遺。西漢  
會要。趙青山史記纂。東漢會要。楊正衡晉書音義。洪邁東漢精語。西漢博聞。唐太宗建元

實跡。陳思書小史。錢時兩漢筆記。孔甫唐史治論。宋太平治斷。李壽六朝博義。唐宋名賢  
確論。越絕書。漢雋。晉書精語。宋朝宰輔編年錄。唐會要。蜀鑑。南史精語。李心傳舊聞  
證誤。孝康實錄。唐元和錄。宋隆平集。南唐近事。唐起居注。五代會要。宣政雜錄。江南  
餘載。宋會要。宋中興目錄。分修宋史。曾公遺錄。靖康錄。建炎時政記。宋史後補。唐才  
子傳。中興百官年表。宋中興十三處戰功錄。孝子傳。中興百官題名記。范文正公年譜拾遺。  
忠臣傳。中興金政。中興館閣錄。宋續編兩朝綱目。東坡遺事。南北史外傳。三朝名臣言  
行錄。廉吏傳。三國編年要略。四朝名臣言行錄。列女傳。少陵先生年譜。五朝名臣言行錄。  
劉向列女傳。四朝聞見錄。曹武惠王言行錄。諸葛武侯傳。中興忠義錄。富鄭公使北語錄。  
李心傳建炎繫年要錄。安定先生言行錄。劉氏忠錄。文丞相傳。呂忠穆公逢辰記。范文正  
公年譜。宋朝名臣編要。韓魏公家傳。范文正公遺跡。宋朝名臣事略。戊辰修史傳。古列女  
傳直說。呂文穆公外傳。西夏折支錄。慈湖先生行狀。鄂國金陀粹編。高麗國書簡。崔清獻  
公言行錄。宋名臣言行錄。元祕書志。日本國歷代世紀。宋濂列歷官紀。朝鮮本末。黑達事  
略。夷夏錄。陸氏廿一史闕文。諸史會編。十六國春秋。

史雜

直說通略。歷代源流。古今通略。歷代鉞略。歷代帝王紀事纂要。讀史明雜辨。路史發揮。



歷代帝王年運銓要。續通鑑要略。史學提要。通鑑末議。古今紀要。歷鑑淵源。通鑑採異。  
通鑑紀要。萬古通今。歷鑑蒙求。江東十鑑。古今通系論。漢武帝洞冥記。晉史發明論斷。  
舊唐書雜論。三國六朝事實。戴逵晉史屬辭。南北分門事類。開元天寶遺事。唐新史傳纂。  
南北史續世說。東平忠靖王傳。天寶西幸記。池詠漢繪。公子書。晉史攝鹿。安祿山事跡。  
池詠唐繪。桓溫傳。唐史屬辭。唐滕王外傳。唐奉天錄。唐國史補。昭明事跡。唐小說。唐  
宰輔記。大唐新語。尙書故實。平蔡錄。薛仁貴征遼事略。李潛松窗雜記。謫仙外傳。令狐  
澄貞陵遺事。邵伯溫聞見錄。高力士傳。李贊王近事會元。林文節公野史。玉壺野史。裴庭  
裕東觀奏記。番陽名臣事略。西齋話記。呂東萊大事記解提。南部煙花錄。大越事略。范仲  
將道鄉危言錄。岳珂愧郊錄。岳珂程史。李肇翰林志。嘉紹本義。雜錄備對。厚德錄。慶元  
黨禁錄。常侍言旨。宣和遺事。征南錄。清溪弄兵錄。嘉定狀元及第圖記。辛巳泣斬錄。靖  
康守城錄。嘉定宰相慶會圖記。炎德復輝錄。石湖居士攬轡錄。元聖武開天記。朝野雜記。  
魏泰東軒筆錄。注解通系錄。聞見續稿。建德復辟錄。文昌雜錄。吳中舊事。丙丁龜鑑。荃  
翁貴耳編。武林舊事。孫公談圃。石林燕語。聞景福華編。竊慣錄。玉堂雜記。金德運議。  
完顏亮史記。叢米記。咸淳遺事。汝南遺事。辜君政績記。元平宋錄。水漠記聞。卻掃編。  
東平王世家。壬辰雜編。南蠻敍略。耆定錄。宋南渡錄。風俗通。歸潛記。弔伐錄。謀夏錄。

博物志 保越錄 元史論

子書

老子道德經 老子鬻士高句解 關尹子 莊子南華經 老子林希逸口義 鄧析子 老子河上公注 老子邵若愚直解 晏子新書 老子蘇子由注 列子林希逸口義 文子續義 管子房玄齡注 莊子晉郭象注 列子張湛注 亢倉子何粲注 莊子呂惠卿解 太玄溫公注 莊子成玄英注疏 管子 慎子 公孫龍子 莊子林希逸口義 墨子 商子 呂氏春秋 子華子 鶡冠子 荀子唐楊倞注 劉向新序 鬼谷子 魯連子 荀子鬻士高解 楊子法言 韓非子 燕丹子 劉向說苑 太玄經 抱樸子 孔叢子 淮南子 太玄索隱 翼玄 天嚳子 荀悅申鑿 陳元方削荀子疵 文中子元經 潛虛演義 諸子瓊林 傅子 文中子中說 司馬溫公潛虛過文中子言 史子樸言 諸子言要英華 吳枋里仁子 戰國策 螿隅子 尹文子 郁離子 具區子 草木子 淮南鴻烈解

子雜

弟子職 王子年拾遺記 唐按言 王勃鑿空銘箋 賈誼新書 曹大家女誡 李德裕次柳氏舊聞 馬融忠經 應邵風俗通 南唐逸叟釣磯立談 王充論衡 劉邵人物志 段成式酉陽雜俎 劉熙釋名 方言郭璞注 劉崇遠金華新編 蔡邕獨斷 劉公嘉話 李涪刊誤 元城語錄

- 顏氏家訓 仲蒙子書 東坡志林 道山清話 李德裕戎幕閑談 劉鍊隋唐嘉話 柳子龍城錄  
休仲蒙續孟書 李途紀室新書 趙璘因話錄 陸龜蒙水名錄 張固幽閒鼓吹 馮道益智書  
李齊翁資暇集 范攄雲溪友議 范蜀公六正書 玉泉子聞見真錄 陳后山談叢 孔平仲雜  
說 林和靖考心詮要 晁語之客語 沈括志懷錄 王文正公筆錄 龍明子葆光錄 王陶談淵  
宋景文公筆錄 司馬溫公家範 沈括筆談 張齊賢洛陽耨紳舊聞記 范蜀公東齋記事 歐  
陽萬里孝文同風 蘇黃門龍川略志 張文潛明道鍾志 三槐王氏雜錄 呂氏鄉約 朱無惑萍  
州可談 張舜民柳行錄 李氏紀聞 孔平仲珩璜新編 文瑩玉壺清話 楊公筆錄 馮翊子桂  
苑叢談 趙德麟侯鯖錄 沈氏寓簡 錢希白新書 蘇鷄杜陽雜編 吳箕常譚 黃休復茅亭客  
話 陸氏家世舊聞 容齋隨筆 王潤之澠水錄 高君承事物紀原 補筆談 李獻民雲齋廣錄  
黃朝英青箱雜記 仙愚錄 李敬齋古今註 呂原明雜記 朱子童蒙須知 馬永易實寶錄  
呂氏童蒙訓 葉少蘊避暑錄 彭淵林墨客揮犀 江鄰幾雜誌 姚子西漢叢語 陸游老學庵筆  
記 王之默記 晦庵訓子帖 陵陽先生室中語 紫陽東游記 東萊辨志錄 李邦彥省心錄  
言 晦庵讀書法 楊慈湖蔽書 劉彥沖聖傳十論 范石湖瞻鸞錄 東萊闢範 葉少蘊東軒雜  
錄 楊慈湖吳中錄 東萊雜說 東萊家範 鶴山渠陽雜鈔 朱翼椅覺寥雜記 鶴山雅言 聶  
麟學海資用 李之彥東谷所見 韓澗泉日記 塗近正明倫集 鄭時中影響錄 唐仲友憑書

嬰鼎臣東原錄。黃光大積善錄。趙希循會心錄。雪溪揮塵錄。王明清投轄錄。李伯崇樂善錄。  
王明清餘話。俞文豹吹劍錄。趙孟奎善善錄。徐卿家訓範。曾汲古服膺錄。廖議夫關化書。  
高似孫緯略。方听家訓集鑑。吳人傑監石新論。周密齊東野語。袁氏世範。陳子翥捫蝨新  
話。周密浩然雅談。劉氏訓蒙。劉昌詩蒲浦筆記。何光膠言錄。陳世堂家義。羅大經鶴林玉  
露。周密澄懷。范景文筆記。高晦叟珍席放談。吳準齋雜說。迓齋論說。周密煙雲過眼錄。  
羅子蒼識遺。玉堂文考。軒渠集。吳曾能改齋漫錄。姚忠孝逍遙傳記。徂異集。張世南遊宦  
記聞。張師正倦遊雜錄。胡仔茗溪漁隱。吳枋宜齋野乘。齊齋開卷錄。朱弁曲洧舊聞。羅文  
恭筆記。方勺泊宅編。何遠春渚記聞。王正德餘師錄。王洙談錄。馬純陶朱新錄。方炳晦翁  
漫說。劉言邇言。葉澤卿西湖紀逸。許仲龍金湖學言。造玄集。沈君玉逸民漫鈔。龔頤正續  
釋常談。采真集。倪氏思經鋤堂雜誌。秀野堂脞記。心寶治論。汪文振製錦管見。莊綽雞肋  
編。甕牖閒評。張溟雲谷雜記。邢凱坦齋通編。吳沅環溪集。龔芥隱筆記。周輝清波雜志。  
郭冢賤車志。施君美別釋常談。王懋野客重言。戴慎鼠璞。趙彥衡雲麓漫鈔。費袞梁溪漫志。  
是齋舊用。百衲居士叢談。宋伯仁煙波圖。陳思小字錄。吳自牧夢梁錄。茅吉甫聞見錄。  
史弼景行錄。耐德翁就日錄。謝似四六談塵。湘山野錄。景煥牧豎閒談。譚友聞自號錄。北  
窗叢錄。俞鼎孫儒學警悟。程端禮讀書日程。筆略。趙子集隨時錄用。熊大年集書指意。欽

異者舊續聞 譬喻慕言 吳亮忍經 續澄懷錄 常談脞錄 廣川書跋 雲山夜話 王廉迂  
論 吳仲良家寶世範 楊瑀山居新語 撫遺新說 范立本明心寶鑒 謝應芳辨惑編 閒中新  
錄 蒲處貫保生要錄 洛上翁谷中書 虬髯客傳 袁明億訓蒙要語 黃文獻公筆記 滑稽逸  
傳 葉留延壽錄 凌翀日閒錄 談諧珍選 雜錄 劉詞順生錄 侍兒小名錄 青瑣高議 詩  
謎 續行都紀事 張氏太古會原論 學莊可書 曾文寶雜類 兼明善 古今諺 滑稽集 北  
里志 古今高士傳

文集

昭明文選 文選補遺 文章正宗 文選類林 文苑英華 文章規範 帝王文制 麗澤集文  
古文關鍵 屑瀾文選 崇古文記 掇英古文 古今文鑑 妙絕古今 文選雙字類要 文苑英  
華辨證 續文章正宗 文選五臣同異 湛溪近古文華 宋皇朝文鑑 迂齋標注諸家文集 文  
心雕龍 二百家文粹 周紫芝太倉稊米集 文章緣起 元國朝文類 麗澤文式 修辭鑑衡  
古賦辨體 西漢文類 文章踐隨 賦宗撮要 日誦賦範 東漢文鑑 諸儒輿論 賦題星鳳  
楚辭注解 海內儒宗 求賢文藪 古今選王 三國文類 天下同文 古文苑 西漢策 文海  
文說 楊子雲文集 三國文 東漢策 文則 賦纂 張說之文集 唐文粹 古賦題 楚辭  
變離騷 羣公西六集 宋文鑑 續楚詞 元賦 宣城集 四六寶苑 大全文粹 宋諸賢獻

壽文。包宏齋宏辭總數。稽康文集。昭明太子文集。陸宣公文集著華。陸氏二俊文集。江文  
通文集。曹子建文集。皇甫持正文集。張曲江文集。駱賓王文集。陳伯玉文集。王右丞文集。  
祝充韓文音義。沈佺期文集。元次山文集。潘緯柳文音義。顏魯公文集。韓昌黎文集。元  
氏長慶集。陸宣公文集。柳子厚文集。白氏長慶集。獨孤公文集。劉禹錫文集。司空表聖文  
集。權載之文集。李深之文集。王黃州小畜集。李文公文集。呂和叔文集。杜牧之樊川集。  
李元濱文集。歐陽詹文集。韓魏公安陽集。李義山文集。皮日休文集。何自然小山雜著。沈  
下賢文集。李衡公文集。楊文公武夷新集。黃御史文集。張乖崖文集。南陽趙叔靈文集。徐  
騎省文集。柳仲塗文集。河南穆伯長文集。楊文公別集。余襄公文集。范文正公尺牘。夏英  
公文集。文潞公文集。晏元獻公文集。范文正公文集。宋元憲公文集。三蘇文集。范忠宣公  
文集。趙清獻公文集。東坡翰墨。張安道樂全文集。蔡端明文集。眉山嘉祐集。歐陽文忠公  
文集。蘇老泉文集。蘇東坡文集。胡文恭公文集。東坡別集。王荊公臨川集。司馬溫公文集。  
東坡後集。司馬溫公家傳。東坡尺牘。蘇穎濱文集。陳忠肅公了齋集。程氏文集。王荊公  
文集。王逢原廣陵文集。周濂溪文集。程伊川大全集。程伊川文集。程明道文集。劉元城盡  
言集。伊川擊壤集。曾南豐文集。三劉先生文集。劉龍雲文集。劉元城文集。劉貢父彭城集。  
劉忠肅公集。古靈陳先生集。左史劉公集。徐節孝文集。許景衡橫塘集。鄭史郎溪集。石

- 徂徠文集 蘇子美文集 黃山谷文集 晁補之雞肋集 李泰伯文集 陳后山文集 李觀皇祐續稿 山谷刀筆 秦淮海文集 晁說之嵩山文集 山谷簡尺 張宛邱文集 樓叔輜鄆峰漫錄 李薦濟南集 梅宛陵文集 彭氏鄆陽文集 唐子西文集 強詞部文集 文與可丹淵集 尹和靖文集 黃庶伐檀集 李昭已樂靜集 祖龍學文集 金君卿文集 王章簡玉堂集 王氏華陽集 蘇魏公文集 周美成清真雜著 范太史文集 王魏公文集 吳元鈞靜德文集 周美成文集 李復涵水集 沈氏三先生文集 韋錢唐文集 華鎮雲溪集 陸農師陶山文集 孔清江文集 楊傑無爲集 計用章希通編 王賢良儒志 周博士文集 許翰墨陵文集 謝幼槃文集 呂頤浩文集 宋長文樂圃餘稿 毛滂東堂集 江浮溪文集 米芾寶晉英光集 忠簡宗公集 李文肅公集 葛文康丹陽集 李莊簡公集 王紫微文集 王氏初寮文集 張順民集 李澹齋文集 李邦彥北門集 汪公麟集 張紫微文集 劉氏學易文集 馮太師文集 洪皓鄆陽集 蘇叔鄆斜川集 呂澹軒文集 曾摺齋文集 道卿鄆公文集 陳默堂文集 孫氏鴻慶集 黃氏濱山文集 王氏濟美集 孫尙文尺牘 胡安國武夷集 楊誠齋文集 周益公文集 李新跨齋文集 蔡定齋文集 周益公表啓 李端叔姑溪集 崔宮教集 劉屏山文集 晁子思嵩山集 陳止齋集 胡五峯文集 王氏東皋文集 翟忠惠文集 張南軒文集 李忠定公梁溪集 呂東萊文集 張敬軒文集 曹忠靖松隱文集 林艾軒文集 廖氏高峯集 劉行簡茗溪集 費勉

齊文集。真西山文集。胡致堂斐然集。魏鶴山文集。裴潔齋文集。葉夢得建康集。葉水心文集。陳龍川文集。歐陽徹飄然集。郭印雲溪集。邵文節文集。沈與求龜溪集。崔舍人文集。邱文定公文集。李知幾方舟集。羅鄂州文集。曹文簡公集。龜山楊先生文集。樓鑰攻愧集。王雁軒文集。李正民大隱文集。劉須溪翰墨。曾協雲莊集。李正民芸庵類稿。張拙軒初稿。林獻齋文集。張九成橫浦文集。陸象山文集。鄭景望集。張子固昆陵文集。胡澹庵文集。趙時齋集。綦密禮北海文集。王魯齋集。許棗獻醜集。王之道相山文集。劉龍洲集。戴榘浣川集。高定子著齋類稿。許文正公集。郝經陵川集。鄭剛中北山集。元遺山文集。程雪樓文集。李璧鴈湖文集。盧疏齋集。揭曼碩文集。王龜齡梅溪文集。何太虛集。宋鑿燕石集。周麟之海陵文集。劉申齋文集。劉靜修文集。王龜齡會稽三賦。吳禮部集。虞伯生文集。馮時行縉雲文集。姚牧齋文集。米本至治集。洪适盤洲文集。趙青山文集。陳子方文集。吳芾湖山文集。陳都官文集。趙鼎臣竹隱畸士文集。赤城集。韓維南陽集。劉才邵杉溪居士文集。清漳集。仲并浮山先生文集。汪應辰玉山文集。趙元鎮忠正德文集。董仲達霜傑文集。周益公文集。玉堂類稿。眉山蘇仲滋文集。范至能石湖居士文集。趙中甫中齋拙稿。陳齊之惟室文集。薛季宜艮齋浪語集。曹教授橘林文集。歐陽守道巽南文集。畢仲游西臺文集。周氏楊湖居士集。史堯弼蓮峯家集。程文簡公演蕃集。吳顯道金溪文集。唐仲友說齋文集。王之望漢



- 濱文集。裴起巖東塘文集。項平安丙辰悔稿。艾軒三先生文集。松陵集。趙孟堅彝齋文編。  
陸子壽復齋文集。廬陵集。龐祐甫白蘋集稿。黃師憲知稼翁集。括蒼集。方巨山秋厓小稿。  
何一之松峯時議。南州集。員興宗九華文集。崔舍人玉堂類稿。臨汀集。楊夢錫客亭類稿。  
廖行之省齋文集。章貢集。魏了翁渠陽集。黃次山三餘集。李雲陽文集。韓元吉南澗集。王  
性之雪溪集。滕王霄文集。鄧肅栢欄文集。李樸章貢文集。曹文貞公集。潘氏默成文集。王  
質雪山文集。周伯琦官箴。路史羅氏文集。葛侍郎歸愚集。劉太史文集。孫尙書大全集。王  
祐敬齋文集。三十六峯賦。孫介燭湖文集。章齋朱先生集。潛溪精舍集。王咨雪齋文集。晦  
庵先生文集。蘇平仲文集。慕容彥達摘文堂集。周信道釣刀編。夷陵集。張氏于湖居士文集。  
王炎雙溪文集。澧陽集。趙汝談南塘文集。王萊龜湖文集。劉漫塘稿。趙庸齋紫霞洲集。  
趙文齋蓬萊集。汝陽荒稿。陳耆卿篋窗文集。周南仲山房稿。胡仲子集。李夢伯可齋文集。  
南皋劉先生集。劉習之文集。呂子約大愚叟集。橫槎宏辭所業。高昌碑文集。徐衡仲西窗文  
集。袁廣微蒙齋集。襄賢遺澤。李彌遜竹溪文集。袁廣微蒙齋潘江集。劉光祖後溪文粹。張  
元幹盧川歸來集。袁廣微蒙齋續集。陳愷可齋文集。鄭起菊山清雋集。包宏齋敝帚稿。洪舜  
俞平齋文集。徐元炆基野文集。許應龍東澗文集。鶴林魏先生文集。度周卿性善堂稿。性善  
堂續稿。陽昌朝字溪文集。喻良能香山文集。陳元晉漁墅家類稿。楊敬仲慈湖文集。馬翔仲

碧梧玩芳集。金謙一文安家集。楊弘道小亭集。杜清獻公文集。悟溪石刻集。虞儔尊白堂集。  
張叔蘭梅坡稿。潞陽慶歷集。姚成一雪坡文集。黃應龍璧林文集。許景遷野堂行卷。高斯  
得恥堂存稿。熊瑞冕山瞿梧集。劉子澄玉淵文稿。王應麟因學紀聞。陳仁子牧菜脞語。衛宗  
武秋聲集。牟嶽陵陽文集。王子充文集。劉後村居士集。文山先生遺文。鄭氏白麟溪集。家  
鉉翁則堂文集。程許公滄洲塵缶編。王若虛溇南文集。吳則禮居士集。趙閒閒滄水集。王秋  
澗文全集。朱右白雲稿。王元老拙軒集。程文憲公文集。徐大章文集。默庵安先生文集。耶  
律文獻公集。鄭真文集。臨川吳先生文集。姚雲江村近稿。貝瓊文集。李顯卿寓鄉文集。蕭  
軒勤齋文集。成都文類。王景初蘭軒文集。劉敏中中閣集。潤州類稿。任叔實松鄉文集。高  
文簡公文集。三蘇年表。朱希顏瓢泉吟稿。徐野齋幽放集。洪瓊野錄。舒岳祥閩風集。渠庵  
文集。張文穆公集。鄭杓衍極裁記。趙文敏公文集。孫作滄螺集。張之翰西巖文集。王文忠  
公文集。南州前集。胡祇涵紫山文集。王士熙江亭集。楊州續集。元明善清和文集。虞伯生  
道園學古錄。馬伯庸石田文集。虞伯生道園類稿。張養浩雲莊集。王與鈞藍縷稿。渾源劉氏  
集。張雲莊家藏集。熊朋來豫章集。李氏孝感集。陳衆仲安雅堂集。魏太初青崖文集。耶律  
湛然居士集。蒲道源順齋叢稿。王元明達意集。程文黻南文集。潘氏遺芳集。徐文俊從好集。  
林希元長林稿。陳氏字孝集。葉彥清王楊集。鄭玉師山文集。魏氏福源編。王毅訥齋文集。



程端禮畏齋集。李孝先鴈山十記。韓明善五雲漫稿。葉見太蘭莊舊稿。陳氏鹿皮子文集。  
宋玄僖庸庵文集。李仲公文集。馮子振受命寶賦。蘇天爵慈溪文集。王時潛時梁文集。方澄  
孫烏山小稿。余廷心青陽文集。劉德玄亦玄集。許有仁壬正集。宋景濂遺文集。吳萊澗穎文  
集。黃文獻公文集。宋景濂文粹。宋景濂潛溪集。宋景濂潛溪續集。劉伯溫覆瓿集。李延興  
乙山文集。答祿與權文集。鄭氏三先生文集。吳存樂庵遺稿。吳氏天爵堂類稿。龔駿鵝湖文  
集。吳海開過齋集。何淑嬾關文集。絳守居園池記。僧契嵩鐔津文集。僧笑隱蒲室集。僧北  
澗文集。僧雲屋谷響集。僧克新雪廬稿。僧雲麓文集。錢塘先賢傳集。趙景輝散學齋文。諸  
賢贊頌論疏輯。袁柳莊集。

明書卷七十七

志十七 經籍志三

詩詞

歷代千家詩選。古今詩選。萬寶詩山。樂府詩集。選類古詩。詩林廣記。古樂府集。樂府解題。選詩演義。選詩補注。三謝詩集。鮑昭詩集。王維詩集。隸古詩集。陶淵明詩。唐御覽詩。唐人百部稿。略賓王詩。李白選詩。李太白集。杜浣花集。杜詩學。李翰林集。李詩范選。杜草堂集。杜詩箋。杜詩發微。杜詩集句。杜詩邵庵注。杜詩解。杜詩范選。杜詩補注。杜少陵詩格。杜詩全。杜詩節齋解。樂府初集。高達夫詩集。劉長卿詩集。乾坤清氣集。岑參詩集。韋蘇州詩集。孟浩然詩集。韓昌黎詩集。劉文房隨州稿。盧綸詩集。陰何詩集。孟東野詩集。皮日休松陵集。羅隱詩集。李端詩集。陳子昂宋之問詩集。盧仝詩集。王建詩集。唐諸賢五言古詩。姚合少監詩集。包佶祕監詩集。張文昌詩集。李嘉祐詩集。王昌齡詩集。溫庭筠詩集。李商隱詩集。韓君平詩集。李長吉詩集。李君虞詩集。郎士元詩集。許用晦詩集。張籍詩集。鄭谷詩集。李山甫詩集。唐詩鼓吹。河岳英靈集。張祐詩集。李紳追昔

遊詩。白樂天諷諫集。唐詩極玄集。李咸用推官詩。許郢州丁卯集。唐六十家詩鈔。唐衆妙集。唐詩三體。唐百家詩選。唐詩拾遺。唐詩雋永。唐詩名家。唐千家詩。唐中興間氣集。唐漢上題襟集。唐賢君山詩。唐二相單題詩。唐賢金精山詩草。唐賢崑山雜詠。唐賢岳陽樓詩。唐詩選。鮑溶詩集。唐宋詩翼。唐賢永嘉雜詠。唐音。許渾詩集。唐宋百衲。唐宋名賢詩集。宋蓮社詩盟。章泉趙先生詩集。宋蘇東坡詩集。宋麗澤詩集。東坡和陶詩話。東坡詩王狀元分類。東坡古詩。蘇穎濱詩集。東坡詩須齋批點。宋朝詩選。王荊公詩集。黃山谷詩集。黃山谷詩外集。黃山谷編年詩集。劉後村詩集。黃山谷先生集。梅宛陵羣英集。梅宛陵詩集。朱文公詩集。朱文公感興詩。梅直講詩集。蔡九峯詩集。蘇洞冷然齋集。伊邵合集。呂東萊詩集。寇忠愍巴東集。伊川擊壤集。許涉齋詩集。李照西漢史詠。章簡公詩集。洪炎西渡集。李壹子月溪集。曾子清詩集。李松庵詩集。高似孫煙雨詩草。朱韋齋集。潘道遙詩集。陳蒙隱詩集。卓山詩集。張紫微集。戴石屏詩集。陳簡齋詩集。四靈詩。沈虞柳野堂集。元公玉堂詩集。章甫自鳴集。姜時立梅山稿。吳海藏居士集。謝溪堂詩集。張約齋南湖集。王同祖學詩稿。蒲心泉詩稿。楊雲鵬陶然集。姚莘姚心源記。楊信祖詩稿。潘紫霞蘇臺集。陳晏窩花集句。晁次應集。張敬齋言志錄。謝德輿集釣臺詩。阮戶部集。洪适天台石橋詩選。項平甫梅稿。陳后山詩稿。趙宋英氣。假推蒙詩。項安世悔稿。劉順庵詩集。王甫方新

集。釣臺集。趙遠庵古括篇。張子野詩集。李商老自沙園詩稿。謝幼繁竹友集。武夷詩集。  
劉克莊南岳集。徐玉臺玉雪詩集。洪芻老圃集。慶湖賀遺老詩編。方是閑居士集。李希聲詩  
集。劉萃老聲畫集。皇宋百家詩選。方泉先生詩集。且茨先生詩集。宋諸賢絕句詩。益齋讀  
易詩。陸放翁劍南稿。陸放翁劍南續稿。陸放翁詩集。宋中興江湖集。易幼學松菊寓言。沈  
梔林集。宋中興吟鑑。宋岳忠武王廟詩集。楊慈湖中稿。宋中元氣集。宋孝忠臣事實詩。會  
稽掇英集。宋文天祥詩集。蔡宗伯少陵詩正異。西崑酬唱。文山吟嘯集。廬山雜著。詩淵。  
邵齋酬唱。京口詩集。簡東山集。林無思居士詩集。元音。麗澤詩集。詩人玉屑。羅襟稿。  
元風雅補遺。皇元風雅。元上京紀行詩。金運心思雨軒稿。名賢詩集。庸齋紫霞洲詩稿。袁  
通父靜春堂詩集。道園遺稿。陳剛中安南錄。長笛天地間集。虞邵庵詩集。陳剛中出使詩。  
汪氏鳳池吟稿。劉文貞公集。靜修先生詩集。張思廉玉筍集。許文懿古詩集。鶴年先生詩集。  
鄧天隱居士詩集。芝田永言集。呂濬金臺稿。王漢川桐川集。郝經先生詩集。陳自堂存稿。  
董德明廬山集。元耶律丞相雙溪集。楊仲弘詩集。范德機詩稿。華趙二先生南征錄。揭曼  
碩詩集。党學士詩集。楊廉夫集。顧祿詩集。元中州集。滕東庵詩集。薩天錫詩集。遺山詩  
回文詩類。滕元秀詩稿。傅占礪詩集。陳愛山詩稿。宋子虛吟嘯集。趙子昂詩集。杜東洲  
吟稿。桐鄉居士徐綱集。玩齋吟稿。玩齋先生集。王逢士梧溪集。寓庵詩稿。寓齋先生詩集。

許圭塘倡和集。徐積齋集。孤山晚稿。陳秋巖詩集。朱鷺山詩集。馬雪庵集。吳仲孚詩集。  
周此山詩稿。小山大集。傅西巖吟稿。漢泉曹公詩稿。范石湖三英雜吟。鄭樗庵類稿。鄭  
氏麟溪集。珠林集。周賀詩集。蒲順齋叢稿。張孟循詩集。綠軒集。澹遊集。程以文詩集。  
吾子行詩集。白湛淵詩集。剡源集。陳郁藏一詩集。黃仲寶詩集。張仲實詩集。壘石空。朱  
慶元詩集。黃叔美詩集。陳子尚詩集。吳維清言。嵩安詩集。汪雲水詩集。渠隆吉集。劉羽  
庭詩集。韓澗泉詩集。句曲外史集。金元素南遊寓行興。張孟兼詩集。瀟濱性情集。張中達  
江湖吟嘯集。劉容窻太史集。中原星鳳集。王子興徵士詩集。孟伯真漫遊集。中流一壺詩。  
仇仁父金澗集。吳陽舉迂澗集。王緣盤隱詩草。連伯正丙子稿。韓性五雲漫稿。鄭國遺風稿。  
洪厓笑拍亭集。關隴行稿。方蒲陽小集。王子讓滄海遺珠稿。嚴滄浪集。山翁自在吟。耶  
律梅花千詠詩。張仲舉蛻餘集。張仲舉詩集。丁景伯竹林吟稿。王貞白雲溪集。許梅屋詩稿。  
晏璧七十二泉詩稿。趙端行天分吟。陳澤雲野趣。郭居敬香詩集。蔡文瑞樗邊集。臨溪居  
士詩集。高九萬菊澗詩稿。丁仲容檜亭詩稿。廉侯甘棠集。陸厚幼壯俚語。洪潛夫杏庭稿。  
西湖竹枝集。陳允平蝴蝶鳴集。宋太史夢山吟。鐵崖先生集。劉孟藻自怡集。周公謹蠟屐集。  
汪濟飯牛稿。李宗表草閣集。顧梅山集。遣山樂府。大明詩選。危太僕詩集。張子澗詩集。  
西庵樂府。陳衆仲詩集。劉職方詩集。天谷吟集。王敏龍門稿。金雪厓先生集。周巽泉性情

集。藍靜之詩集。石光霽樗散集。淮海居士長短句。張山屏詩集。高季迪缶鳴集。邵氏中  
子詩集。桂隱遺稿。張青山居士集。嬰資遠泮宮稿。李照夢墨稿。童中州和陶詩。何孟舒詠  
物詩。江陵百詠詩。王達善梅花詩。元先生長短句。稼軒長短句。康和齋詩集。片雲山人小  
稿。秋聲書屋詩。江雨軒詩集。風雅翼。劉彥昂詩集。劉尙賓集。陸誠庵詩集。百題詩。王  
友行詩集。韓山人詩集。白雲瘦稿。吳吾吾類稿。張真子水雲集。洞天留題詩。吳先生外集。  
張伯雨師友集。竹林清風集。吟嘯續集。李嚴詩辯。唐詩品。南北朝詩話。顏範詩評。童  
蒙李訓。因話錄。吳環溪詩話。鍾氏詩品。溫公詩話。後山詩話。詩話總龜。全唐詩話。六  
一詩話。竹莊詩話。詩話集錄。查周詩話。碧溪詩話。清林詩話。貢父詩話。唐溪詩話。容  
齋詩話。竹坡詩話。珊瑚詩話。珊瑚鉤詩話。葉先生詩話。北山詩話。趙威伯詩話。劉先生  
詩話。東萊紫微詩話。續詩話。復齋聞紀。瑤池集。歲寒堂詩話。詩歷武庫。洞霄詩集。霞  
外詩編。邱氏雙真詩集。花蕊夫人詩集。王道士江海吟稿。蕙畝拾美集。朱淑真詩集。黃山  
岳西川貶錄。唐宋高僧詩。僧蘭雪軒集。僧盤谷遊山集。宋僧澗山詩集。僧竹窗小稿。非空  
上人集。唐高僧詩。僧谷響集。僧雪窗集。僧蒲石集。僧魯山集。僧全室稿。支離子詩集。  
東嘉輿玉傳奇。泐季潭集。樂府廣題。袁尙志古樂府。樂府新聲。靜軒樂府。柳公樂章。續  
東几詩餘。草堂詩餘。須溪詞集。澗泉詩餘。樂府品題。詞林藻鑑。梅宛詞稿。諸家詩詞。



辛稼軒詞集。滕玉宵詞集。寶氏聯珠。琴趣外篇。陽春白雪。戲曲大全。風月錦囊。笑苑千金。選唱賺詞。新詞小說。清江漁譜。十英曲會。綠窗談數。煙粉靈怪。簡齋詞集。諸家燕宴詞。白石道人歌曲編。煙波漁隱詞。名賢珠玉集。

類書

冊府元龜。太平御覽。文獻通考。白孔六帖。項氏家說。畫一元龜。白氏六帖。楊氏六帖。黃氏日鈔。藝文類聚。元朝經世大典。通志。習學記言。羣書一覽。帝王紀世圖說。玉海。羣書備覽。萬英會元。通志略。類要。致知編。建章錄。太平總類。明善編。數類。讀書志。自警編。書敍指南。杜氏通典。金玉新書。宋朝類苑。事類合璧。書林事類。宋朝類書。修文御覽。兼金合璧。事文類聚。晏元獻公類要。集言。北堂書鈔。事類備要。趙誠明金石錄。通典。集事淵海。山堂考索。萬卷菁華。羣書備類。羣書類句。事文小編。羣書備檢。羣書引論。祕府書林。聲律會元。敏求機要。故事備要。分門故事。分門字苑。困學紀聞。故事金璧。簡明故事。詞學題苑。六藝綱目。文史括要。分聲類說。格物類編。經學會元。類書。解題。朝野類要。張光祖言行龜鑑。翰苑新書。翰墨新書。劉抑之經學足用。八詩六帖。翰墨全書。類說。攷古編。學林。班固白虎通。萬花谷。玉府。攷古集。禁苑。房融好還集。百衲錦。鄭師中獨善兼善錄。廣益集。聚寶論。善俗十書。劉清之戒子通錄。經史百

家制度。小學紺珠。博古圖。大事記通釋。海錄碎事。瑣碎錄。考古圖。記纂淵海。羣書備數。唐語林。儒林備要。大字碎金。內翰談苑。紺珠集。世說新語。通用碎金。鄭氏談綺。續世說。記堂新書。武庫琅函。婚媾備用。故事金璧。類林雜說。閨閣類編。志書分記。事林廣記。六藝類要。韻語陽秋。詞學題海。書林廣記。文史聯珠。崇文總目。居家必用。太平廣記。萬啓類編。藝文志考。詩學大成。啓劄青錢。經子法語。全方備組。詩學集成。啓劄淵海。啓劄天機錦。史總類。四庫闕青錄。珍珠囊。啓劄雲錦囊。夷堅志。吳宏典型錄。忘筌書。詩苑業珠。尺牘法言。中州啓劄。四六翰式。書簡捷徑。尺牘筌蹄。仕學規範。四六錦繡。李梅亭四六集。李端叔三昧集。廣韻小說蒙求。李橘山四六集。幼學日誦格言。李翰林蒙求。名物蒙求。三字蒙求。賦學訓蒙。五典毓蒙。歷代蒙求。正蒙四書。對屬指蒙。訓蒙捷法。啓蒙宏綱。百川學海。古今類事。事類旁通。幼學須知。集英四六。類對事苑。六藝珍駕。事偶韻語。故事題辭。對類叢大成。小四書。聲律發蒙。對相織字。宋舒津蒙求。博聞錄。釋文三注。敍古千文。

韻書

集古韻。鐘鼎篆韻。漢隸分韻。復古編。漢隸家原。隸疑韻寶。隸韻。隸釋。隸分辨。古文韻選。說文字原。字通。隸續。六書攻。許氏說文。說文續釋。西漢字統。班馬字韻。六書

正諱 六書十義 西漢字類 班馬字類 六書類釋 書學正韻 六書統 洪武正韻 廣韻  
韻會定正字切 禮部韻 韻會定正 玉篇 添補改正韻書 禮部韻略 韻府羣玉 五音集韻  
五音類聚 禮部玉篇 韻會舉要 韻府輯略 五音韻譜 五音篇要 紫雲韻 押韻釋疑  
丁度集韻 字原韻略 精明韻 押韻集成 集韻淵藪 聲音文字通 回溪史韻 文選韻粹  
書同文 廣千錄字書 字彙博義 詩宗集韻 切韻法 類篇 總韻 押韻淵海 草書韻總  
韻補 詩韻 字鑑 正字韻綱 正始之音 韻圖 韻目 韻字 瓊林雅韻 切韻指事圖 草  
韻 韻寶 韻譜 十書直言 五音切韻法 大定重校類篇 蒙古書韻 草書集韻 切音佩臚  
錄 草書韻略 高宗草韻 切韻心鑑 四聲等子 禮部韻切 切韻指南 五音篇海

姓氏

古今姓氏辨證 古今同姓名錄 氏族大全 氏族類稿 元和姓纂 孔氏族譜 姓字瑤華 姓  
氏急就章 世說敘錄 章氏家乘 古今同姓名續錄 安成周氏家譜 董氏家傳 氏族言行類  
稿 混一姓氏志 千家姓 萬姓統宗 萬姓統譜 姓氏源流

法帖

晉唐以來君臣名人墨蹟一部三十冊 石刻周易 石刻毛詩 石刻真篆禮記 石刻尚書 石刻  
周禮 石刻春秋經傳 石刻禮記 石刻左氏傳 石刻論語 石鼓文 石刻儀禮 石刻公羊傳

石刻孟子。石鼓音。石刻穀梁傳。石刻孝經。石刻考異。鐘鼎帖。石鼓文音調。石刻爾雅。鐘鼎大家。篆謙卦。鐘鼎夷器款識。篆書稽古編。篆書大風歌。篆字泰山秦刻。篆吳紀功碑。華青令篆書。篆法石調。篆書偏傍。篆釋山斷碑。籀史。篆書千字。集古篆字。篆書德政頌。篆隸。篆王清獻碑陰記。篆李白酒樓記。篆書千文。隸書大智禪師碑。篆隸真草千文。賜書篆帖。隸字考經。篆書二十體。篆書春申君廟碑。古隸法帖。隸書受禪表。隸書漢唐邑令碑。隸書鍾繇上尊號帖。歷代帝王帖。歷代法帖。隸書帝王名臣法帖。隸書華岳帖。梁鵠隸書。隸書於長君碑。歷代名臣法帖。真草法帖。隸書房公韓公碑。歷代名賢法帖。祕閣續帖。歷代帝王名臣法帖釋文。淳熙祕閣續帖。臨江文獻堂帖并釋文。太清樓法帖釋文。歷代款識法帖。歷代行書法帖。太清樓法帖。歷代真草法帖。曹氏星鳳樓帖。懷素藏真帖。淳化帖。汝帖。篆韻。唐紀功頌。瘞鶴銘。古法帖。字帖。晉帖。唐宋御書。三段石。宋太宗御書。宋徽宗草書千文。新莽旌銘。宋高宗御劄。古今能書優劣詳。玄祕塔銘。甲秀堂帖。懷素千文。寶晉帖。羲之筆陣圖。張旭法帖。晉宋法帖。羲之帖。歐陽通法帖。聖教序。蘭亭續帖。羲之法帖。二王法帖。蘭亭帖。蘭亭行書。獻之法帖。東方朔贊。蘭亭考。曹娥碑。皇甫君碑。歐陽詢醴泉銘。十七帖。廟堂碑。虞世南書。顏魯公千祿字。顏魯公帖。智永千文。李邕碑帖。玄祕塔碑。草書千文。岳麓寺碑。舊館壇碑。雲麾將軍碑。南岳司天王碑。

唐徐府君碑。許真君誡訓。南岳魏夫人碑。唐朱府君碑。唐茅山玄靜先生碑。元崇正真人  
杜君碑。茅山崇禧萬壽宮碑。張卽之行書蘭亭。李府君神道碑。張純王神道碑。紫陽觀碑。  
王清獻神道碑。韓國公北岳碑。祕閣法帖。九成宮記。隆闡大師碑銘。中山王碑帖。顏公廟  
碑。禪師十玄譚帖。赤壁賦墨蹟。洛神賦。海市詩帖。夏承碑。東坡松醪賦。出師表。多寶  
佛塔。急就篇。東坡真行書。柳帖。七觀帖。諸家碑帖。鮮于太常墨蹟。書範。井椽碑。百  
刻草書。黃華老人草書。山谷諸帖。永帝真跡。過庭書譜。法帖要錄。山谷法帖。宣和書譜。  
法帖譜義。法帖刊誤。知足翁題詠。宋名賢墨蹟。唐宋名臣真跡。饜饜子山書。詹孟舉千  
文。大觀法帖釋文。陰符經。讀書譜。法書贊。集古錄。學古編。愛蓮帖。墨池編。法書考。  
覽古編。金壺記。集古目錄。文房圖贊。穎峰遺墨。孫氏自說。趙魏公書。文房四譜。神  
樂觀碑。翰林要訣。題署法書記。經進法書考。武岡法帖釋文。紫芝生千文。古今法書苑。  
蒙古應恩錄。東觀餘論。書史會要。字帖緒餘。帖韻一聲。譜家雜說。古文草書。許氏說文。  
書苑精華。慶豐碑。存古正字。書字經。書學纂要。絳帖評。稽古編。泉帖。鼎帖。

藝譜

君臣圖像。聖賢圖像。祕閣書畫目。名畫評。古今名畫錄。畫斷。歷代名畫記。續畫見聞誌。  
畫壽星說。圖繪寶鑑。蘭亭觴咏說。圖寶公像譜。龍虎小圖。玄元像傳。宋七朝畫。史六

駿圖譜。唐名畫錄。林泉高致。宣和畫譜。米家畫史。公私畫譜。續宋畫評。南宮畫史。竹譜詳錄。山家清供。竹譜。菊譜。牡丹譜。荔枝譜。橘譜。茶譜。梅譜。蘭譜。松石格。草木疏。香譜。酒經。酒譜。琴譜。茶具圖。米芾硯史。燕樂原辨。食譜。琴論。霞外音。雲林石譜。幽人對竹。宣和北苑貢茶錄。鼎硯譜。琴史。振古琴苑。太古遺音。精微論。絳九集。正音。琴苑須知。琴律發微。太古正音。大雅運音。曲譜。琴聲韻圖。太古徽音。琴苑雜鈔。碁書。投壺考正。紹興內府琴譜。飲膳正要。碁經清樂集。

政書

徐氏漢官考。唐官品纂要。漢官考。唐宋官制。宋官制舊典。唐六典。漢官儀。宋職分記。宋官制新典。元選格。宋祖宗唐制。宋麟屋故事。蔡質漢官典儀。宋三省總括。元太常沿革。慶元條法事類。司馬溫公官制遺稿。清明錄。元風憲宏綱。蘇子啓集百官龜鑑。元典章。元成憲綱要。開禧吏部七司法。劉漫塘荒政續編。元通制。元省部政典舉要。陳古靈菴民提綱。立教錄。宋六曹法。景定條法總類。張養浩廟堂忠告。吏學指南。鄭王道諭俗編。張養浩牧民忠告。陳古靈州縣提綱。李光弼作邑自箴。張養浩風憲忠告。庚辰救荒續錄。秦輔之賈政格言。趙乘百里指南。爲政楷範。彭仁仲政刑類要。官民要覽續纂。爲政誠銘。元論民政要。爲政準則。憲臺通紀。西臺對越集。爲政通論。職林。

刑書

唐律續律。唐律疏。唐律明法類說。唐律刑疏賦注釋。唐刑疏。秦和律令格式。唐律基盤  
抹子。唐律纂例。宋注定刑疏。刑疏賦。宋刑疏。永徽法經。宋申明疏律。平冤錄。宋刑律。  
元刑流一覽。秦和新定律。刑疏賦注精要。元會要格例。元折獄龜鑑。元至正修格。官民  
準則。百家備覽。洗冤錄。折獄比事。刑疏律文。堂陰比事。無冤錄。

兵法

武經七書。武經七書講義。黃石公素書。武經總要。李靖四門經。李衛公武略。孫子  
子衍義。孫子校注。李衛公兵法。吳子。孫子口義。孫子比事。李衛公兵機。八陣圖要。武  
侯新書。玄機秘旨。武侯集。武侯將苑。武侯遺文。武學發明。兵法十論。風后握奇經。李  
衛公元戎必勝錄。兵機備要。黃石公心鏡。黃石公占變三略。百戰奇法。奇法陣圖。太白陽  
經。行軍須知。武學要覽。軍戎祕術。太白陰經。行軍祕寶。武侯策。少室書。北征錄。武  
侯選將八門書。將法書。長短經。虎鈴經。李衛公望江南。兵機制敵。玉帳玄樞。歷代將書。  
布陣圖。治兵會要。集要兵門。百將論斷。百將傳。將鑑節要。將鑑疏略。呂望祕書。八  
門遁甲。將鑑博義。行軍雜占。奇門遁甲。遁甲符應。南渡十將傳。新編歷代將傳。行兵擇  
日書。南渡女將軍記。黃石公進兵圖。禽星選擇書。風角集。奇門纂要。六甲天書。太上六

甲書。拒守篇。遁甲星鈴。六甲兵機。真武三陣圖。禽星擇日書。兵家占候。九天玄女祕文。

玉函玄應檢。天髓靈文。兵要望江南詞。韜鈴精要。軍職範模。

算法

元寶鈔通考節要。夏侯陽算經。李德測圓海鏡。算法百課珠。詳明算法。通原算法。五曹算經。算學源流。九章算經。五經算術。孫子算經。楊輝九章。數學九章。周髀算經。通變算寶。捷用算法。算法補缺。妙錄算經。摘奇算法。算法透廉。海島算經。錢譜。錢誌。算法全能集。益古衍段。錢式。泉志。

陰陽書

天元玉歷賦。天文總要。步天歌。天文星象。天文歷代占。六經天文。天文書。三垣星書。漢晉天文志。天文經星。觀象玩占。乾象賦。高遠坐致。玉歷通政經。天文類書。天鏡書。甘石星經。陰陽祕訣書。考驗星書。四星賦。乾坤總占。紫微垣星占。乾象吉凶。通玄經。天文雜占。流元萬分歷。環極千圖。玉鏡經。天紀神策。歲實根源錄。周天歷數。堯典歷。太虛躔度。官歷漏刻圖。新儀像法。關虛志。五緯定躔。年月日通用。革象新書。漏刻圖。歷法新議。銅壺漏箭制度。千圭玉。玉輦經。陰陽氣運。準齊几漏新式。遁鈴例。畫一歷。二十四氣論。測玄圖訣。涓吉祕要。通天竅。涓吉成書。乾象。日局。涓吉全書。尅擇書。



三元節要。選擇星定通考。奇門五總龜。土官涓吉活法。九宮八卦遁法。八門九星式。地理全書明圖。紫微鸞駕。選擇大全。八門易數。萬歷會聞。選擇心鏡。尅擇一覽。天河運轉。萬歷大全。諸書雜法。歷日集成。剋擇通書。萬歷錦囊。剋擇選書。歷法統宗。選擇易見。歷法集成。選時玉歷。彈冠必用。選擇諸書。地理新書。選擇元龜。奇儀要覽。地理全書。地理通釋。陰陽正理論。賽成書。地理全書辨方訣例。地理龍穴圖。選擇書。地理全書洞林照膽。玉歷。地理明真論。地里五星圖。地理大成。相書。地理正義論。地理撥沙經。地理精要。地理切論。郭氏元經。玉髓纂玄。瑩原總錄。地理髓經。郭璞葬經。玉髓真經。山海祕奧。原陵祕葬經。地理鈔。土牛經。尋龍祕訣。黃石入宅論。狐首經。金鍼集。洞林別訣。相山經。楊公直指。陰陽總要。選葬總錄。禽鬼經。尋龍入式。安葬備要。山頭年月。小葬袖金訣。地理選擇。人倫廣鑑。金函鈴。月波洞中記。陰陽妙訣。華山祕要。觀妙經。通神鬼眼。五目之書。子平口訣。通變淵源。相鑑類編。五行精紀。子平淵源。洞微淵源。通神照膽經。寸金易鑑。五星集要。步天經。三命指迷賦。蘭臺妙選。五星要覽。百中經。玉照定真經。五星祕訣。星命五總龜。星寶。鬼谷子遺文。排星要用。三辰隱辰經。玉函星命總括。五星流宗。三辰通載。七政緒論。五星鉄鉢。虛實五星。八卦飛星。中天八卦。紫微照膽經。洞玄經。變化賦。紫微真數。紫微千金賦。銅板經。消息賦。黃金尺賦。紫微堂

星數 天地一覽 七曜禽經 紫微數 範圍生成數 演禽真經 演禽定鈴 範圍數 星禽演  
法 範圍定數 禽演 地理龍穴沙水 範圍樞要 禽書 文公斷易奇書 範圍索隱 三命正  
經 大定集成 周易象占 天元總數 洞微玉冊 堯夫星數 周易尚占 周易外卦 易課占  
法 易鑑明斷 璇璣鈴 周易爻占 易影龜鑑 易斷玄機 天玄賦 玄機 周易古占法 易  
斷奇書 周易祕奧 易占 鬼谷折字林 木鐸奇書 義聖心畫 心易類占 心易內篇 易古  
心鏡 占法立要 康節心易 心易發明 易法句玄 卦書雜占 易課 郭璞洞林 金鎖玉匙  
卜筮元龜 心鏡 京房易軌 金鎖玄關 雙林卦影 火珠林雜占 學易淵微 六觀斷例  
範圍易 康節寓物數 考變占法 太極玄機 青函經 麻衣四字占 潛虛占書 三要靈經  
海底眼 先天觀梅數 走失詳注 六壬歌訣 六壬課 九天玄女黃籙經 六壬心印賦 六壬  
斷訣 九天玄女六壬課 六壬金口訣 六壬占法 麻衣四言獨步 六壬起課例 壬課軌革式  
歷代人臣災異 六壬心照經 壬課鬼心經 九天玄妙課 射覆六壬 四聖神課 龜鑑影  
鬼谷指心課 天鏡占書 周公神課 鸞駕時 淳風怪書 金鞭指路 雨暘靈鑑 靈基經 火  
輪祕訣 蘭臺玉局 真禽要訣 解夢書 黃金尺祕 天罡點時法 回回課書 禽演賦 相子  
祕訣 地理一粒粟 神仙斗課 鴉池訣 白殞斗覺書 三元正經 轉神選擇 觀音課 馬合  
麻課書 三元要論 大義昏書 真君籤 二十八宿直日占 筮書 北京城隍籤

醫書

素問 素問玄機 醫說 素問玄珠 素問靈樞集 劉三點脈訣 岐伯五藏論 素問保命集  
王叔和脈訣 濟生拔萃方 聖濟總錄 扁鵲脈髓 難經集注 醫經小學 難經本義 醫方大成  
王氏脈經 宣和論方 素問鈔 難經辨釋 十便良方 葛氏肘後方 玉函經 蘇沈良方  
經驗良方 世醫得效方 嚴氏濟生續方 許學士本事方 御藥院方 得生堂經驗方 黎居士簡易方 續簡易方 太平和濟方 仙傳集驗方 是齊百一選方 王氏博濟方 孫氏仁孝方 華陀中藏經方 袖珍方 仁齋直指方 澹寮集驗方 如宜方 易簡方 錢氏補遺方 世傳神效方 指南方 魏氏家藏方 管見良方 潘陽坡加減方 畊庵集效方 神異諸方 余居士選奇方 旅舍備急方 和活人祕要方 全生指迷集 野夫多救方 無求子活人書 廣南攝生論 原證治方 濟急單方 儒門事親 諸方撮要 拾遺妙方 金匱方論 衛生家寶 醫學發明 醫學先知 備急纂要 東垣心要 潔古家珍 心印紺珠 子和心法 玄門內照 舟溪醫要 巢氏病源 服藥須知 傷寒發明 傷寒撮要 衛生寶鑑 瑞竹堂方 傷寒集義 傷寒捷要 傷寒直格 醫壘元戎 傷寒指掌圖 成無已傷寒論 傷寒類書 傷寒明理論 張仲景傷寒鈴 千金方 傷寒立法考 傷寒百問歌 證治準繩 傷寒論 傷寒救俗方 傷寒百證歌 產經 仲景精華鈴 活人書百問 素問運氣論奧 紀玄妙用集 通神明鑑論 婦人大全良方

活人書括。運氣精華。醫門雜記。產寶百問。四時治要。內經運氣。天元玉冊。孟氏詵方。  
產育寶慶集。萬全護命方。龍木論。全嬰方。仙傳濟陰方。銅人鍼灸圖。保幼方。保嬰集。  
全嬰總訣。嬰孩寶書。活幼心書。養子直訣。幼幼新書。活幼口義。醫方妙選。養子要言。  
小兒痘疹方。陳氏小兒方。三十六吊書。小兒形證方。保嬰瘡疹方。十四經發揮。小兒保  
生要方。嬰孩妙訣。膏盲論六灸法。六十六雜病方。眼科口訣。七十二證眼論。鍼灸四書。  
明堂灸經。外科精要。諸風類方。鍼經指南。鍼灸集成。醫科程文。本草類要。銅人鍼灸經。  
祕傳外科方。博濟神應方。鍼灸資生經。許孫瘡科方。本草元命包。七十二證眼科歌訣。  
朱彥修傳。本草經注。李東垣內外傷寒辨。本草源流。本草衍義。本草歌括。湯液本草。丹  
溪本草。養生雜類。圖經本草。寶慶本草。本草綱目。食用本草。江西本草。類集本草。褚  
氏遺書。壽親養老新書。小兒方。續粥方。丹溪醫論。聖濟經解義。存貞圖。端效方。仁齋  
直指方脈論。棗馳醫藥方。鷹鶴鳴鶴方。司牧安驥集。痊驥真經。蕃牧纂驗方。延壽書。相  
鶴經。馬經。食說。鷹鶴論。牛經。

農圃

齊民要術。農桑輯要。種蒔占書。節令要覽。種藝雜歷。山居備用。四時纂要。歲時種植。  
國老談苑。山居四要。治農書。道僧丹語。栽桑圖。農書。

內府經籍板

二十一史十三經共六萬八千一百二十五葉。五倫書一千七百一葉。周易大全一千一百十八葉。書傳大全七百六十三葉。詩傳大全九百九葉。春秋大全一千四百五十九葉。禮記大全一千二百五十九葉。書傳五百八十三葉。易傳五百八十二葉。詩傳六百三十五葉。春秋傳四百四十葉。禮記一千六十一葉。四書大全一千五百九十九葉。四書集注八百二十葉。性理大全二千二百六十九葉。資治通鑑綱目四千一百葉。續資治通鑑綱目一千一百二十二葉。少微通鑑節要一千四百三十八葉。資治通鑑節要續編一千六百八十三葉。晏宏資治通鑑綱目四千二十葉。文獻通考一萬八百三十六葉。歷代名臣奏議九千七百二十葉。歷代通鑑纂要三千六百三十二葉。大明會典六千五百九十葉。事文類聚八千三百六十葉。大明一統志三千一百五十葉。明倫大典七百二十葉。大明集禮二千四百七十六葉。大學衍義一千三百八十八葉。大學衍義補三千六百葉。對類八百七十三葉。諸司職掌四百二十八葉。大明官制三百十葉。御製大誥二百五十三葉。大明律二百七葉。御製文集七百十三葉。洪武正韻五百葉。御製詩集八十四葉。韻府羣玉一千四十葉。經史海篇直音五百十二葉。廣韻二百五十五葉。玉篇三百十五葉。經書音釋一百七葉。詩韻釋義一百五十八葉。四書白文三百十二葉。詩學大成一千葉。爾雅埤雅三百九十七葉。許氏說文六百五十葉。呂真人文集二百四十葉。孔子家語一百四十

四葉。通書大全九百九十葉。列女傳一百二十五葉。神課金口訣二百四十葉。大明仁孝皇后勸善書八百七十六葉。臞仙肘後神樞一百七十八葉。選擇歷書二百五十六葉。雍熙樂府一千七百五十三葉。三國志通俗講義二千一百五十葉。歷代臣鑒五百六十葉。貞觀正要三百七十七葉。居家必用八百八十葉。聖學心法三百十五葉。釋文三注千字文七十一葉。胡曾詩九十九葉。蒙求一百四十五葉。飲膳正要一百七十五葉。唐賢三體詩一百七十二葉。古文精粹二百五十六葉。李白詩三百六葉。高皇后傳四十七葉。女訓四十七葉。內訓五十葉。尙書孝經大學中庸三百三十六葉。選詩補注三百十二葉。唐詩鼓吹二百六十六葉。周易占法二百四十葉。草堂詩餘一百九十葉。恩紀含春堂詩二百四十葉。小四書二百四十葉。明心寶鑑一百十五葉。擊壤集三百五十葉。勸忍百箴三百葉。古文真寶三百九十一葉。醫要集覽二百八十葉。草韻辨體二百七十葉。增定華森譯語一千七百八葉。評史心見三百五十葉。通鑑博論二百九十葉。重刊證類本草一千三百四十五葉。皇明祖訓五十葉。祖訓條章十二葉。皇明典禮九十五葉。洪武禮制八十二葉。御製洪範篇序三十葉。稽古定制十九葉。慈聖宣文皇太后女鑒六十九葉。鄭氏女孝經四十二葉。曹大家女訓十六葉。內則詩六十二葉。內令十二葉。昭鑒錄一百五十二葉。勤政要典七十三葉。外戚事鑒六十八葉。山居四要八十三葉。臞仙肘後經一百十二葉。玉匣記八十二葉。省躬錄七十三葉。詳異賦四十九葉。步天歌八葉。傳心妙訣四

十五葉。詳明算法一百十葉。草字碎金九十二葉。眞字碎金九十二葉。隸字碎金九十二葉。  
千家姓五十九葉。孝順事實二百九十二葉。爲善陰隲三百七十二葉。小學書解一百六葉。忠  
經四十二葉。孝經大義四十三葉。歷代紀年三十六葉。四時歌曲十一葉。隨機應化錄六十葉。  
高皇帝道德經注解六十九葉。達達字孝經四十二葉。醫按書三十二葉。蒙求白文三十九葉。  
山歌四葉。華蘇譯語八十八葉。古字便覽五十二葉。八行遺事集二十八葉。警世篇三十一  
葉。忠經直解十六葉。太上感應靈篇九十二葉。憲綱五十葉。百家姓十葉。太學三十六葉。  
千字文十七葉。孝經十六葉。中庸五十六葉。千家詩四十四葉。七言雜字十三葉。三字經二  
十六葉。啓蒙集四十葉。啓蒙書法二十一葉。草訣百韻十四葉。草訣百韻歌四十葉。八行圖  
說四十一葉。孝經直解三十六葉。周公解夢書大全十七葉。四書直解一千八百四十葉。書經  
直解八百二十葉。通鑑直解一千四十二葉。帝鑑圖說三百五十六葉。洪武正韻玉鏡一百三十  
葉。佛經一藏十八萬八十二葉。道經一藏十二萬二千五百八十九葉。番經一藏十五萬七十四  
葉。

# 明書卷七十八

## 志十八

### 服鑿志一

史官論曰。服物所以辨等也。鑿章所以昭信也。無等則上下變。無信則中外疑。惟鑿與疑。不可以爲治。古天子端冕凝旒。百辟垂紳正笏。明有尊也。符節分乎人虎。佩綬異乎爵秩。明有執也。尊則不變。執則不疑。而治體以成焉。明興酌古定制。上下之等甚辨。而中外之信孔昭。誠可爲後世法。作服鑿志。

### ○皇帝冕服

袞冕。凡祭天地宗廟。及正旦冬至聖節。則服袞冕。祭社稷先農冊拜亦如之。洪武十六年定冕。前圓後方。縠表繡裏。前後十二旒。每旒五采。玉十二珠。五采纁十有二就。就相去一寸。紅絲組爲纓。黠纁充耳。玉簪導。袞。玄衣黃裳。十二章。日月星辰山龍華蟲六章。織在衣。宗彝藻火粉米黼黻六章。繡在裳。白羅大帶。紅裏。蔽膝隨裳色。繡龍火山文。玉革帶。玉佩。大綬六采。赤黃黑白縹綠。小綬三色。同大綬。間施三玉環。白羅中單。黻領青綠襖。黃襪。黃舄。金飾。

二十六年定袞。十二章。冕版廣一尺二寸。長二尺四寸。冠上有覆。玄表朱裏。前後各有十二旒。旒五采。



玉珠十二。玉簪導。朱纓。圭長一尺二寸。袞。玄衣。纁裳。衣六章。織日月星辰山龍華蟲。裳六章。織宗彝藻火粉米黼黻。中單以素紗爲之。紅羅蔽膝。上廣一尺。下廣二尺。長三尺。織火龍山三章。革帶。佩玉。長三尺三寸。大帶。素表。朱裏。兩邊用緣。上以朱錦。下以綠錦。大綬六采。用黃白赤玄纁綠織成。純玄質五百首。小綬三色。同大綬。間織三玉環。朱韉。赤舄。

永樂三年。定冕冠。十有二旒。冠以皂紗爲之。上覆曰綬。桐板爲質。衣之以綺。玄表。朱裏。前圓後方。廣一尺二寸。長二尺四寸。前後各十有二旒。每旒各五采。纁十有二就。貫五采玉珠十二。赤白青黃黑相次。以玉衡維冠。玉簪貫紐。紐與冠武并繫纓處。皆飾以金。纆以左右垂。鼈纁充耳。用黃繫以玄紕。承以玉填。朱紕。

玉圭。長一尺二寸。刻其上。刻山四。蓋周鎮圭之制。黃綺約其下。別以袋韜之。金龍文。袞服十有二章。玄衣八章。日月龍在肩。星辰山在背。火華蟲宗彝在袖。每袖各三皆織成。本色領標。襖裾。纁裳四章。織藻粉米黼

黻各二。前三幅。後四幅。前後不相屬。共要有璧積。本色裋褐。中單以素紗爲之。青領標。裾。領織黻文。十三。蔽膝。隨裳色。四章。織藻粉米黼黻各二。本色緣。有紉施於縫中。其上玉鈎二。玉佩二。各用玉珩一。瑀一。琚二。衝牙一。璜二。瑀下有玉花。玉花下又垂二玉滴。瑤飾雲龍文。描金。自珩而下繫組五。貫以玉珠。行則衝牙二滴與璜相觸。有聲。其上金鈎二。有二小綬六采。以副之。六采。黃白赤玄纁綠。纁質。大帶。素表。朱裏。在腰及垂皆有綽。上綽以朱。下綽以綠。紐約用素組。大綬六采。黃白赤玄纁綠。纁質。小綬三色。

同大綬。閒施三玉環。龍文皆織成。鞵烏皆赤色。烏用黑絢純。以黃飾烏首。

嘉靖八年定冠制。以圓匡烏紗冒之。冠上有覆板。長二尺四寸。廣二尺二寸。玄表朱裏。前圓後方。前後各七采。玉珠十二旒。以黃赤青白黑紅綠爲之。玉珩。玉簪導。朱纓。青纒充耳。綴以玉珠二。凡尺皆以周尺爲度。衣玄色。凡織六章。日月在肩。各徑五寸。星山在後。龍華蟲在兩袖。長不掩裳之六章。裳黃色。爲幅七。前三幅。後四幅。連屬如帷。凡繡六章。分作四行。火宗彝藻爲二行。米黼黻爲二行。中單素紗爲之。青緣領。織黻文十三。蔽膝隨裳色。羅爲之。上繡龍一下。繡火三。繫于革帶。大帶素表朱裏。上緣以朱。下以綠。不用錦。革帶前用玉。其後無玉。以佩綬繫而掩之。圭白玉爲之。長尺二寸。刻其上。下以黃綺約之。上刻山形四。盛以黃綺囊。藉以黃錦。朱鞵赤烏。黃纒綠。玄纓結。皮弁服。凡朔望視朝。降詔降香進表。四夷朝貢朝覲。則服皮弁服。嘉靖間命祭太歲山川等神皆服。

洪武二十六年定皮弁。用烏紗冒之。前後各十二縫。每縫中綴五采玉十二。以爲飾。玉簪導。紅組纓。其服絳紗衣。蔽膝隨衣色。白玉佩。革帶。玉鈎。緋大白帶。白鞵。黑烏。

永樂三年定皮弁。用黑紗冒之。前後各十二縫。其中各綴五采玉。其二縫及冠武及貫簪繫纓處。皆飾以金玉簪。朱絃纓。玉以赤白青黃黑相次。玉圭長如冕服之圭。有脊。并雙植文。刻其上。黃綺約其下。及有韜。金龍文。絳紗袍。本色領襟襖裾。紅裳如冕服內裳制。但不織章數。中單以素紗爲之。如深衣制。紅領襟襖裾。領織黻文十三。蔽膝隨裳色。本色緣。有玉鈎二。玉佩大帶大綬鞵烏。俱如冕服內制。

常服

洪武三年定常服。烏紗折角向上。金盤領。窄袖袍。束帶。間用金玉琥珀透犀。

永樂三年定冠。以烏紗冒之。折角向上。

今名翼善冠。

袍黃色。盤領窄袖。前後及兩肩各金織盤龍一。帶用

玉。靴以皮爲之。

武弁服。國初行親征。遣將禮。則服武弁。乘革輅。其制未詳。詳定自嘉靖初年始。

嘉靖八年定弁。上銳。色用赤。上十二縫。中綴五采玉。落落如星狀。靺衣靺裳。靺輪俱赤色。如常制。佩

綬革帶如常制。佩綬及靺輪俱上繫于革帶。烏如其裳之色。玉圭視鎮圭差小。刻上方。下有篆文曰

討罪安民。

燕弁冠服

嘉靖七年定冠。匡如皮弁之制。以烏紗冒之。分十有二瓣。各以金線壓之。前飾五采玉雲各一。後列四山。

朱纒爲組纓。雙玉簪。服如古玄端之制。身用玄。邊緣以青。兩肩繡日月。前蟠圓龍一。後蟠方龍二。邊加

龍文八十一。領與兩祛共龍文五。九衽同。前後齊共龍文四。九。擻用深衣之制。黃色。袂圓祛方。下齊負

纒及踝。十二幅。素帶。朱裏青表。綠緣邊。腰圍飾以玉龍九片。履玄爲之。朱緣紅口。黃結。襪用白。

○皇后冠服

冊寶附。

皇后受冊謁廟朝會服禮服。燕居則常服。

禮服

洪武三年定冠爲圓匡。冒以翡翠。上飾以九龍四鳳。大花十二樹。小花如大花之數。兩博鬢。十二鈿。服。褲衣。深青爲質。畫翟。赤質。五色十二等。素紗中單。蔽領。朱羅。縠。襖。襖。襖。襖。隨衣色。以縵爲領。緣用翟。爲章三等。大帶隨衣色。朱裏。紕其外。上以朱錦。下以綠錦。紐約用青組。玉革帶。青韉。青烏。以金飾。

永樂三年定九龍四鳳冠。漆竹絲爲圓匡。冒以翡翠。上飾翠龍九。金鳳四。正中一龍銜大珠一。上有翠蓋。下垂珠結。餘皆口銜珠滴。翠雲四十斤。大珠花十二樹。皆牡丹花。每樹花二朵。高頭二箇。翠花九葉。小珠花如大珠花之數。皆櫻花。每枝花

一朵半開。一三博鬢。左右共飾以金龍翠雲。皆垂珠滴。翠口圈一幅。上飾珠寶鈿花十二。翠鈿如其數。托裏架翠葉五葉。六扇。

金口圈一幅。珠翠面花五事。珠排環一對。皂羅額子一。描金龍文。用珠二十一顆。翟衣。深青爲質。織翟文十有二等。凡一百四十八對。間以小輪花。紅領襖。襖。襖。織金雲龍。紕絲紗羅隨用。中單。玉色紗爲之。紅領襖。

襖。領織翟文十三。或用線羅。蔽膝隨衣色。織翟爲章三等。間以小輪花四。以縵爲領。緣織金雲龍文。紕絲紗羅隨用。玉縠圭。長七寸。周尺。刻其上。珠縠文。黃綺約其下。別以黃袋。韜之。金龍文。玉革帶。青綺。

鞞。描金雲龍文。玉事件十。金事件四。大帶。表裏俱青。紅相半。其末純紅。而下垂。織金雲龍文。上以朱綠。下以綠緣。并青綺副帶一。綬五采。黃赤白縹綠。纒質。間施二玉環。皆織成。小綬三色。同大綬。玉佩二。

各用玉珩一。瑀一。琚二。衝牙一。璜二。瑀下有玉花。玉花下又垂二玉滴。瑤飾雲龍文。描金。自珩而下。繫組五。貫以玉珠。行則衝牙二。滴與二璜相觸有聲。上有金鈎。有小綬五。采以副之。五采。黃赤白縹綠。縹質。織成。青。鞵。烏。鞵以青羅爲之。烏用青綺。飾以描金。雲龍文。皂線純。每烏首加珠五顆。

常服

洪武三年。定雙鳳翊龍冠。首飾釧。鍍金玉珠寶翡翠。隨用。諸色團衫。金繡龍鳳文。帶用金玉。四年。定龍鳳珠翠冠。眞紅大袖衣。霞帔。紅羅長裙。紅綉子。冠制如特髻。上加龍鳳飾。衣用織金龍鳳文。加繡飾。

永樂三年。定雙鳳翊龍冠。以皂毅爲之。附以翠博山。上飾金龍一。翊以二珠翠鳳。皆口銜珠滴。前後珠牡丹花二朵。蕊頭八箇。翠葉三十六葉。珠翠穠花髻二朵。珠翠雲二十一片。翠口圈一副。金寶鈿花九。上飾珠九顆。金鳳一對。口銜珠結。三博髻。左右共六扇飾以鸞鳳。金寶鈿二十四。邊垂珠滴金簪一對。珊瑚鳳冠嘴

一副。大衫霞帔。衫用黃色。紵絲紗羅隨用。霞帔深青爲質。織金雲霞龍文。或繡或鋪翠。圈金。飾以珠。紵

絲紗羅隨用。玉墜子。瑤龍文。四揆襖子。卽裙深青爲質。金繡團龍文。紵絲紗羅隨用。鞠衣紅色。胸背

雲龍文。用織金。或繡。或加鋪翠。圈金。飾以珠。或素。紵絲紗羅并餘色隨用。大帶。紅線羅爲之。有緣。餘或青或綠。各隨鞠衣色。緣襖襖子。黃色。紅領標襖裾。皆織金采色。雲龍文。紵絲紗羅隨用。緣襖裙。紅色。

綠緣襖。織金采色。雲龍文。紵絲紗羅隨用。玉帶。青綺鞞。描金雲龍文。玉事件十。金事件三。玉花朵結。綬以紅綠線羅爲結。上有玉綬花一。瓊雲龍文。綬帶上玉墜珠六顆。并金垂頭花板四片。小金葉六箇。紅線羅繫帶一。白玉雲樣玳瑁二。如佩制。每事上有金鈎一金。如意雲蓋一件。兩面銀雲龍文。下懸紅組。五。貫金方心雲板一件。兩面亦銀雲龍文。俱襯以紅綺。下垂金長頭花四件。中有小金鐘一箇。末綴白玉雲朵五。青鞞鳥與翟衣內制同。

冊寶。冊用金二片。每片依周尺。長一尺二寸。闊五寸。厚二分五釐。鐫刻其書。每片側邊上下有竅。用紅縑聯貫開闔。如今書帙之狀。背各用紅錦嵌護。藉以紅錦小褥。冊蓋以木爲之。飾以渾金。灑粉蟠龍。用紅紵絲襖裏。內以紅羅銷金小袱裏。冊外以紅羅銷金夾袱裏之。五色小纒。繫於匣外。寶用金龜鈕朱綬。文用篆書。曰皇后之寶。依周尺。方五寸九分。厚一寸九分。寶池用金。闊取容寶。寶匣二副。每副三重。外匣用木飾。與冊蓋同。中匣用金。鍛造蟠龍。內小匣仍用木。與外匣同。小匣內置一寶座。四角雕蟠龍。飾以渾金。座上用小錦褥。褥上一置寶池。用銷金紅羅小夾袱裏。寶其匣外。各用紅羅銷金大夾袱覆之。

○皇妃冠服

凡皇妃受冊助祭朝會用禮服。燕居常服。

禮服

洪武三年。定冠飾以九暈四鳳。花紋九樹。小花如大花之數。兩博鬢。九鈿。翟衣。青質。繡翟。編次于衣及裳。

重爲九等。青紗中單。戴領朱縠襖裾。蔽膝隨裳色。加文繡重雉。爲章二等。以緞爲領緣。大帶隨衣色。玉革帶。青鞵烏佩綬。

永樂三年。定九翟冠二頂。冠以皂縠爲之。附以翠博山。飾以大珠翟二。小珠翟三。翠翟四。皆口銜珠滴。冠中寶珠一座。前後珠牡丹花二朵。蕊頭八箇。翠葉三十六葉。珠翠穠花鬢二朵。承以小連雲六片。翠頂雲一座。上飾珠五顆。金翠雲十一片。翠口圈一副。金寶鈿花九箇。上用珠九顆。金鳳一對。口銜珠結。金簪一對。珠翠牡丹花穠花各二朵。面花二對。梅花環四珠環各一對。大衫霞帔。衫用紅花。紵絲紗羅隨用。

霞帔深青爲質。織金雲霞鳳文。或繡或鋪翠。圈金飾以珠。紵絲紗羅隨用。玉墜子。珠鳳文。四襖襖子。卽

子。桃花色。金繡團鳳文。紵絲紗羅隨用。鞠衣。青色。胸背鸞鳳雲文。用織金。或繡。或加鋪翠。圈金飾以珠。

燕居服用素。除黃外。餘色及紵絲紗羅隨用。大帶。青線羅爲之。有緣。餘或紅或綠。各隨鞠衣色。綠襖。

襖子。青色。紅領標襖裾。織金雲鳳文。紵絲紗羅隨用。綠襖裙。紅色。綠線襖。織金花鳳文。紵絲紗羅隨用。

玉穀圭。長七寸。刻其上。琢穀文。以錦約其下。并帽。玉革帶。青綺鞋。描金雲鳳文。玉事件十。金事件三。

玉花采結綬。以紅綠線羅爲結。上有玉綬花一。琢寶相花文。綬帶上玉墜珠六顆。并金垂頭花板四片。

金葉兒六箇。紅線羅繫帶一。玉佩二。如中宮佩制。珩以下琢飾雲鳳文。描金。上有金鈎。青鞵烏鞵。以青

線羅爲之。烏用青綺。飾以描金雲鳳文。皂線純。每烏首加珠三顆。

常服

洪武三年定鸞鳳冠首飾釧鐃用金玉珠寶翠諸色團衫金繡鸞鳳不用黃帶用金玉犀

又定山松特髻假髮花鈿或花釵鳳冠真紅大袖衣霞帔紅羅裙紅羅褶子衣用織金及繡鳳文

冊印冊用鍍金銀冊二片其長短闊厚與諸王冊同冊蓋飾以渾金灑粉蟠鳳其物用裏覆皆與諸王同印用金龜鈕其尺寸與諸王寶同文曰皇妃之印其餘制度皆與諸王同匹皆飾以蟠鳳皇貴妃有寶餘無寶

○皇嬪冠服

嘉靖十年定冠用九翟次皇妃之鳳大衫鞠衣如皇妃制圭用次玉穀文冊冊用銀少殺於皇妃五分之一以金飾之

○內命婦冠服

洪武五年定三品以上用花釵翟衣四品五品用山松特髻大衫爲禮服貴人視三品以皇妃燕居冠及大衫霞帔爲禮服珠翠慶雲冠鞠衣褶子綠襖襖裙爲常服

○皇太子冠服

冊寶附

皇太子陪祀天地宗廟及正旦冬至朝會則服袞冕從祭社稷及受冊納妃亦如之

朔望朝降詔降香進表四夷朝貢朝覲則服皮弁



袞冕

洪武二十六年定袞冕九章。冕九旒。旒九玉。金簪導。紅組纓。兩玉瑱。圭長九寸五分。玄衣纁裳。衣

五章。織山龍華蟲宗彝火裳四章。織藻粉米黼黻。白沙中單。黻領。蔽膝隨裳色。織火山二章。革帶。

金鈎鑲玉佩。綬五采。用赤白玄纁綠織成。純赤質。三百三十首。小綬三色。同大綬。間織三玉環。大帶。

白表朱裏。上緣以紅。下緣以綠。白鞞。赤舄。

永樂三年定冕冠。玄表朱裏。前圓後方。前後各九旒。每旒各五采。纓九就。貫五采玉九。赤白青黃黑相次。

玉衡。金簪。玄紉。垂青纁充耳。用青承以白玉瑱。朱絃纓。玉圭長九寸五分。以錦約其下。并鞞。袞服九

章。玄衣五章。龍在肩。山在背。火華蟲宗彝在袖。每袖各三皆織成。本色領。襖襦。纁裳四章。織藻粉米黼黻各

二。前三幅。後四幅。不相屬。共腰有駢積。本色裋褐。中單以素紗爲之。青領。襖襦。領織黻文十一。蔽

膝。隨裳色。四章。織藻粉米黼黻。本色緣。有紉施于縫中。其上玉鈎二。玉佩二。各用玉珩一。瑀一。琚一。衝

牙一。瑣二。瑀下有玉花。花下垂二玉滴。珠雲龍文。描金。自珩而下繫組五。貫以玉珠。上有金鈎。小綬四采

以副之。四采。赤白纁綠。纁質。大帶。素表朱裏。在腰及垂皆有綈。上綈以朱。下綈以綠。紐約用青組。大

綬四采。赤白纁綠。纁質。小綬三采。間施二玉環。龍文。皆織成。鞞舄皆赤色。舄用黑鈎。純黑飾舄首。

皮弁服

永樂三年定皮弁用烏紗冒之前後各九縫每縫中綴五采玉九縫及冠武弁貫簪繫纓處皆飾以金簪朱纓玉圭如冕服內制絳紗袍本色領襟襖裾紅裳如冕服內裳制但不織章數中單以素紗爲之如深衣制紅領襟襖裾領織黻文十一蔽膝隨裳色本色緣有紉施於縫中其上玉鉤二玉佩如冕服內制但無雲龍文有小綬四采以副之大帶大綬韞烏赤色皆如冕服內制常服

洪武元年定烏紗折上巾

永樂三年定冠烏紗折角向上巾

亦名翼善冠視郡王及世子俱同

袍赤色盤領窄袖前後及兩肩各金織蟠龍一帶用玉靴皮爲之

冊寶冊用金二片長闊規制蓋匣妝飾悉與皇后冊同寶用金龜紐朱綬文用篆書曰皇太子寶方厚規制池匣妝飾亦與皇后寶同

○皇太子妃

冠服禮服洪武三年與皇妃同

永樂三年定九暈四鳳冠漆竹絲爲圓匡冒以翡翠上飾翠暈九金鳳四皆口銜珠滴珠翠雲四十片大珠花九樹

皆牡丹花每樹花一朵半開一朵蕊頭二箇翠葉九葉

小珠花如大珠花之數

皆梅花瓠枝每枝花一朵半開一朵翠葉五葉

雙博鬢

左右共四扇

飾以鸞鳳皆

垂珠滴翠口圈一副。上飾珠寶鈿花九。翠鈿如其數。托裏金口圈一副。珠翠面花五事。珠排環一對。珠皂羅額子一。描金鳳文。用珠二十一顆。翟衣。深青爲質。織翟文九等。凡一百三十八對。間以小輪花。紅領標襖襖。

織金雲鳳文。紵絲紗羅隨用。中單。玉色紗爲之。紅領標襖。領織黻文十一。或用線羅。蔽膝。隨衣色。織翟爲章二等。間以小輪花三。以緞爲領緣。織金雲鳳文。紵絲紗羅隨用。玉縠。圭長七寸。刻其上。璋。穀文。以錦約其下。并韜。玉革帶。青綺鞞。描金雲鳳文。玉事件十。金事件四。大帶。表裏俱青。紅相半。其末純紅。而下垂。織金雲鳳文。上以朱線。下以綠線。并青綺副帶一。綬四采。赤白縹綠。繡質。皆織成。間施二玉環。小綬三色。同大綬。玉佩二。珩以下。瑤飾雲鳳文。描金。上有金鉤。以小綬四采。副之。四采。赤白縹綠。繡質。織成。青韃。烏韃。以青線羅爲之。烏用青綺。飾以描金雲鳳文。皂線純。每烏首加珠三顆。

常服

洪武三年。定犀冠。刻以花鳳。首飾釧鐲。用金玉珠寶翠諸色。團領衫。金繡鸞鳳。准不用黃帶。用金玉犀四年。又定與皇妃同。

永樂三年。定燕居冠。以皂縠爲之。附以翠博山。上飾寶珠一座。翊以二珠翠鳳。皆口銜珠滴。前後珠牡丹花二朵。蕊頭八箇。翠葉三十六葉。珠翠穠花鬢二朵。珠翠雲十六片。翠口圈一副。金寶鈿花九。上飾珠九顆。金鳳一對。口銜珠結。雙博鬢。左右共四顆。飾以鸞鳳。金寶鈿十八。邊垂珠滴。金簪一對。珊瑚鳳冠。鶻一副。

大衫霞帔。衫用紅色。紵絲紗羅隨用。霞帔深青爲質。織金。或繡或鋪翠。圈金。飾以珠。紵絲紗羅隨用。玉墜子。瓊鳳文。四襖襖子。卽裙桃花色。金繡團鳳文。紵絲紗羅隨用。鞠衣青色。胸背鸞鳳雲文。用織金。或

繡。或加鋪翠。圈金。飾以珠。或素。除黃外。餘色并紵絲紗羅隨用。大帶。青線羅爲之。有綠。餘或紅。或綠。各隨鞠衣色。緣襖襖子。青色。紅領。襖襖裙。織金采色。雲鳳文。紵絲紗羅隨用。緣襖裙。紅色。綠緣。襖織金采色。花鳳文。紵絲紗羅隨用。玉帶。青綺。程。描金雲鳳文。玉事件十。金事件三。玉花采結。綬以紅綠線羅爲結。上有玉綬花一。瓊雲鳳文。綬帶上玉墜珠六顆。并金垂頭花瓣四片。小金葉六箇。紅線羅繫帶一。白玉雲樣玳瑁二。如佩制。每事上有金鉤一。金如意雲蓋一件。兩面級雲鳳文。下懸紅組五。貫金方心雲板一件。兩面亦級雲鳳文。俱襯以紅綺。下垂金長頭花四件。中有小金鐘一箇。末綴白玉雲朵五。青鞵烏。與前翟衣內制同。

○親王冠服。冊寶親王助祭。謁廟。正旦冬至等朝賀。則服袞冕。受冊納妃亦如之。朔望朝。降詔降香進表。

四夷朝貢朝覲。則服皮弁袞冕。

洪武二十六年。定袞冕九章。冕五采玉珠九旒。紅組纓。青纘充耳。金簪導。圭長九寸二分五釐。青衣纁裳。衣五章。織山龍華蟲火宗彝。裳四章。織藻粉米黼黻。白紗中單。黻領青緣。蔽膝隨裳色。織火

山二章。革帶。金鉤。佩玉。綬五采。赤白玄纁。綠織成。純赤質。三百二十首。小綬三色。同大綬。間織三玉環。大帶。表裏白羅。朱綠緣。白韞。朱履。

永樂三年。定冕冠。朱表。朱裏。前圓後方。前後各九旒。每旒各五采。纁九就。貫五采玉九。赤白青黃黑相次。玉衡。金簪。玄紉。垂青纁充耳。用青玉。承以白玉瑱。朱紘纁。玉圭。長九寸二分五釐。以錦約其下。并韜。袞

服九章。青衣五章。龍在肩。山在背。火華蟲宗彝在袖。每袖各三。皆織成。本色領標。襖裾。繡裳四章。織藻粉米黼

黻各二。前三幅。後四幅。不相屬。共腰有襜積。本色綈。中單以素紗爲之。青領標。襖裾。領織黻文十一。蔽膝隨裳色。四章。織藻粉米黼。黻各二。本色緣。有紉施於縫中。其上玉鈎二。玉佩如東宮佩制。自珩以下。琢雲龍文。上有金鈎。小綬四采。以副之。四采。赤白纁。綠纁質。大帶。素表。朱裏。在腰及垂皆有綈。上綈以朱。下綈以綠。紐約用青組。大綬四采。赤白纁。綠。小綬三采。間施二玉環。龍文。皆織成。纁質。緘。烏皆赤色。烏用黑絢。純黑飾。烏首。

皮弁服

永樂三年。定皮弁。用烏紗冒之。前後各九縫。每縫中綴五采玉九。縫及冠武并貫簪繫纁處。皆飾以金。金簪。朱纁。玉圭如冕服內制。絳紗袍。本色領標。襖裾。紅裳如冕服內裳制。但不織章數。中單以素紗爲之。如深衣制。紅領標。襖裾。領織黻文十一。蔽膝隨裳色。本色緣。有紉施於縫中。其上玉鈎二。玉

佩如冕服內佩制。但無雲龍文。有小綬四采以副之。大帶。大綬。鞵舄俱如冕服內制。

常服

永樂三年。定冠袍帶靴。俱與東宮同。

保和冠服

嘉靖七年。定冠制。以燕弁爲準。親王用九襖。世子用八襖。郡王用七襖。俱去簪與五玉。後山皆一扇爲之。分畫爲四。郡王長子冠。如忠靖之制。用五襖。服用青身青緣。前後方龍補各一。身用素地。邊用雲。其補子。郡王以上采妝。郡王長子織金爲之。襖用深衣玉色帶。青表。綠裏。綠緣。履用皂。綠結。白鞵。

冊寶。冊用金二片。長闊規制。蓋匣妝飾。與皇太子冊同。寶用金龜鈕。依周尺方五寸二分。厚一寸五分。其文曰某王之寶。池匣妝飾。與皇太子寶同。但太子寶蓋匣雕蟠龍。王則雕蟠螭。

○親王妃冠服。王妃受冊助祭朝會。則服禮服。

禮服

洪武三年。定冠飾。以九暈四鳳。花釵九樹。小花如大花之數。兩博鬢。九鈿。翟衣。青質。五色九等。繡翟編次於衣及裳。素紗中單。黻領。朱縠。襖。襖裙。蔽膝。隨裳色。以縵爲領緣。繡翟爲章。二等。大帶隨衣色。玉革帶。青鞵舄。佩綬。

永樂三年。定九翟冠二頂。冠以皂縠爲之。附以翠博山。飾以大珠翟二。小珠翟三。翠翟四。皆口銜珠滴。冠

中寶珠一座。前後珠牡丹花二朵。蕊頭八箇。翠葉三十六葉。珠翠穠花鬢二朵。承以小連雲六片。翠頂雲一座。上飾珠九顆。珠翠雲十一片。翠口圈一副。金寶鈿花九箇。上用珠九顆。金鳳一對。口銜珠結。金簪一對。珠翠牡丹花穠花各二朵。面花二對。梅花環四珠環各一雙。大衫霞帔。衫用大紅。紵絲紗羅隨用。霞帔以深青爲質。金繡雲霞鳳文。紵絲紗羅隨用。金墜子亦銀鳳文。四襖襖子。卽裙子。桃紅色。金繡團鳳文。紵絲紗羅隨用。鞠衣。青色。如深衣制。胸背金繡雲鳳文。紵絲紗羅并各色隨用。惟不用黃。燕居服用素。大帶。青線羅爲之。有緣。或用紅羅。玉穀圭。長七寸。刻其上。琢穀文。以錦約其下。并韜。公主不用圭。玉革帶。青綺鞋。描金雲鳳文。玉事件十。金事件三。玉花采結。綬以紅綠線羅爲結。上有玉綬花。一。珠寶相花文。綬帶上玉墜珠六顆。并金垂頭花板四片。小金葉六箇。紅線羅繫帶一。玉佩二。如東宮妃佩制。珩以下。琢雲鳳文。描金。上有金鈎。青鞵烏鞵。以青線羅爲之。烏用青綺。飾以描金雲鳳文。皂線純。每烏首加珠三顆。

常服

洪武三年。定犀冠。刻以花鳳。首飾銅鐲。用金玉珠寶翠諸色。圍領衫。金繡花鳳。惟不用黃帶。用金玉犀。洪武四年。定與皇妃同。

○公主冠服與親王妃同。

册印。册用銀二片。長闊規制。悉與親王册同。印用金龜鈕。依周尺方五寸二分。厚一寸五分。其文曰某國公主之印。綬用朱印。池用金池。匣妝飾亦與親王同。但親王飾蟠螭。公主則用飾蟠鳳。

○世子冠服。世子遇聖節。千秋節。并正旦。冬至。進賀表箋。及其父王生日。諸節慶賀。皆服袞冕。

洪武二十六年。定袞冕七章。冕三采玉珠七旒。紅組纓。青纁充耳。金簪導。圭長九寸。青衣纁裳。衣

三章。纁華蟲。火宗彝。裳四章。纁藻粉米黼黻。素紗中單。青領襖。赤韍。革帶。佩白玉玄組。綬紫質。用紫黃赤三采。纁成。間織三白玉環。白纁。赤舄。

永樂三年。定冕冠。玄表朱裏。前圓後方。前後各八旒。每旒五采。纁八就。各貫三采玉珠八。赤白青色相次。玉衡。金簪。玄紉。垂青纁充耳。用青朱紘。纓承以白玉瑱。玉圭長九寸。以錦約其下。并貂。青衣纁裳。七

章。青衣三章。火一在肩。其二與華蟲宗彝各三。在兩袖。皆織成。本色領襖。襖裙。纁裳四章。纁藻粉米黼黻。各二。前三幅。後四幅。不相屬。其腰有璧積。本色緯。中單以素紗爲之。青領襖。襖裙。領織黻文九。蔽膝。裳色四章。纁藻粉米黼黻各二。本色緯。有紉施於縫中。其上玉鈎二。玉佩二。如親王之佩制。珩以下。瓊雲龍文。上有金鈎。以小綬四采副之。四采。赤白纁綠。纁質。大帶。素表朱裏。在腰及垂皆有緯。上緯以朱。下緯以綠。紐約用青組。大綬四采。赤白纁綠。纁質。小綬三采。間施二玉環。皆織成。鞵舄皆赤色。



寫用黑絢純黑飾烏首。

皮弁服

永樂三年定皮弁用烏紗冒之前後各八縫每縫中綴三采玉八縫及冠武弁貫簪繫纓處皆飾以金簪朱纓玉圭如冕服內制絳紗袍本色領標襖裙紅裳如冕服內裳制但不織章數中單以素紗爲之如深衣制紅領標襖裙領織黻文九蔽膝隨裳色本色緣有綉施於縫中其上玉鉤二玉佩如冕服內佩制但無雲龍文有小綬四采以副之大帶大綬纓烏俱如冕服內制常服

永樂三年定冠袍帶靴俱與親王同。

保和冠服

制見前

○世子妃冠服

永樂三年定與親王妃同惟冠用七翟

明書卷七十九

志十八

服麗志二

○郡王冠服

袞冕

永樂三年定冕冠。玄表朱裏。前圓後方。前後七旒。每旒五采纁七就。各貫玉珠七。赤白青色相次。玉衡。金簪。玄紉。垂青纁充耳。用青玉。朱紘纓。承以白玉瑱。玉圭長九寸。以錦約其下。并縗。青衣纁裳。五章。青衣

三章。粉米一在肩。其二并藻宗彝各三在兩袖。皆織成。本色領標襖裙。纁裳二章。織黼黻各二。前三幅。後四幅。不相屬。其腰有雙積。本色裋褐。中單以素紗爲之。青領標襖裙。領織黻文七。蔽膝隨裳色。二章。織黼黻各二。本色緣。有紉施於縫中。其上玉鈎二。玉佩如親王佩制。珩以下瓊雲龍文。上有金鈎。以小綬四采副之。四采。赤白纁綠。纁質。大帶。素表朱裏。在腰及垂皆有裋。上裋以朱。下裋以綠。紐約用青組。大綬四采。赤白纁綠。纁質。小綬三采。間施二玉環。皆織成。鞞。烏皆赤色。烏用黑絢。純黑飾烏首。

皮弁服

永樂三年定皮弁用烏紗冒之前後各七縫每縫中綴三采玉七縫及冠武并貫簪繫纓處皆飾以金金簪朱纓玉圭如冕服內制絳紗袍本色領標襖裙紅裳如冕服內裳制但不織章數中單以素紗爲之如深衣制紅領標襖裙領織黻章七蔽膝隨裳色本色緣有紉施於縫中其上玉鈎二玉佩如冕服內制但無雲龍文有小綬四采以副之大帶大綬鞮烏俱如冕服內制常服

永樂三年定冠袍帶靴俱與親王同

保和冠服制見前

○郡王妃冠服

永樂三年定七翟冠二頂冠以阜穀爲之附以翠博山飾以大珠翟二小珠翟三翠翟四皆口銜珠滴冠中寶珠一座前後珠牡丹花二朵蕊頭八箇翠葉三十六葉珠翠瓊花鬢二朵承以小連雲六片翠頂雲一座飾以珠五顆珠翠雲十一片翠口圈一副金寶鈿花八箇上用珠八顆金翟一對口銜珠結金簪一對珠翠牡丹花瓊花各二朵面花二對梅花環四珠環各一對大衫霞帔衫用大紅紵絲紗羅隨用霞帔以深青爲質金繡雲霞翟文紵絲紗羅隨用金墜子亦銀翟文四揆襖子即前子桃花色金繡翟文

紵絲紗羅隨用。鞠衣青色。胸背金繡雲翟文。紵絲紗羅并各色隨用。惟不用黃。燕居服用素。大帶青線羅爲之。有緣。或用紅羅。玉穀圭長七寸。刻其上。珠穀文。以錦約其下。并韜。玉革帶。青綺鞋。描金雲翟文。玉事件十金事件三。玉花朵結綬。以紅綠線羅爲結。上有玉綬花一。珠寶相花文。綬帶上玉墜珠六顆。并金垂頭花板四片。小金葉六箇。紅錦羅繫帶一。玉佩二。如親王妃佩制。珩以下珠雲翟文。描金。上有金鈎。青韉。烏韉以青線羅爲之。烏用青綺飾。以描金翟文。阜線純。每烏首加珠三顆。

○長子冠服

朝服。七梁冠。大紅素羅衣。白素紗中單。大紅素羅裳。及蔽膝。大紅素羅白素紗二色。夾帶。玉朝帶。丹礬紅花錦。錦鷄綬。玉佩。象牙笏。白絹韉。阜皮雲頭履鞋。

公服。阜皴紗幘頭。大紅素紵絲衣。玉革帶。

常服。烏紗帽。大紅紵絲織金獅子開襟圓領。玉束帶。阜皮銅線靴。

保和冠服

制見前

○郡主冠服

永樂三年。定與郡王妃同。惟不用圭。及少四珠環一對。

○長子夫人冠服。珠翠五翟冠。大紅紵絲大衫。深青紵絲金繡翟鷄褙子。青羅金繡翟鷄霞帔。金墜頭。

○鎮國將軍冠服與長子同。鎮國將軍夫人冠服與長子夫人同。

○輔國將軍冠服與鎮國將軍同。惟冠六梁。帶用犀。輔國將軍夫人冠服與鎮國將軍夫人同。惟冠用四翟。抹金銀墜頭。

○奉國將軍冠服與輔國將軍同。惟冠五梁。帶用金鈸花。常服大紅。織金虎豹。奉國將軍淑人冠服與輔國將軍夫人同。惟翟子霞帔金繡孔雀文。

○鎮國中尉冠服與奉國將軍同。惟冠四梁。帶用素金。佩用藥玉。鎮國中尉恭人冠服與奉國將軍淑人同。

○輔國中尉冠服與鎮國中尉同。惟冠三梁。帶用銀鈸花。綬用盤鸞。公用深青素羅。常服紅。織金熊羆。輔國中尉宜人冠服與鎮國中尉恭人同。惟冠用三翟。翟子霞帔金繡鴛鴦文。銀墜頭。

○奉國中尉冠服與輔國中尉同。惟冠二梁。帶用素銀。綬用練鵲。幘頭黑漆。常服紅。織金彪。奉國中尉安人冠服與輔國中尉宜人同。惟大衫用丹礬紅。翟子霞帔金繡練鵲文。

○縣主冠服。珠翠五翟冠。大紅紵絲大衫。深青紵絲金繡孔雀翟子。青羅金繡孔雀霞帔。抹金銀墜頭。

○郡君冠服與縣主同。惟冠用四翟。翟子霞帔金繡鴛鴦文。

○縣君冠服與郡君同。惟冠用三翟。

○鄉君冠服與縣君同。惟大衫用丹礬紅。翟子霞帔金繡練鵲文。

○文武官冠服。

朝服。凡大祀慶成。正旦冬至聖節。及頒降開讀詔赦進表傳制。則文武官各服朝服。其武官應直守衛者。不拘此服。

洪武二十六年。定文武官朝服。梁冠赤羅衣。白紗中單。俱用青飾領緣。赤羅裳。青緣赤羅蔽膝。大帶用赤白二色絹。革帶佩綬。白襪黑履。一品至九品俱以冠上梁數分等第。公冠八梁。加籠巾貂蟬立筆五折。四柱香草五段。前後用玉爲蟬。侯冠七梁。加籠巾貂蟬立筆四折。四柱香草四段。前後用金爲蟬。伯爵七梁。加籠巾貂蟬立筆二折。四柱香草二品。前後玳瑁爲蟬。俱左插雉尾。駙馬冠與侯同。不用雉尾。一品冠七梁。不因籠巾貂蟬。革帶與佩俱用玉。綬用綠黃赤紫四色絲織成。雲鳳四色花錦。下結青絲網綬。環二。用玉。笏用象牙。二品冠六梁。革帶綬環用犀。餘同一品。三品冠五梁。革帶用金。佩用玉。綬用黃綠赤紫四色絲織成。雲鶴花錦。下結青絲網綬。環二。用金。笏用象牙。四品冠四梁。革帶用金。佩用藥玉。餘同三品。五品冠三梁。革帶用銀。鍍花。綬用黃綠赤紫四色絲織成。盤鷗花錦。下結青絲網綬。環二。用銀。鍍金。笏用象牙。六品七品冠二梁。御史加獬豸。革帶用銀。佩用藥玉。綬用黃綠赤三色絲織成。練鵲花錦。下結青絲網綬。環二。用銀。笏用槐木。八品九品冠一梁。革帶用烏角。佩用藥玉。綬用黃綠二色絲織成。鴻鴈花錦。下結青絲網綬。環二。用銅。笏用槐木。雜職未入流品人員。若遇大朝賀進表隨班。行禮止用公服。三十年。奏准亦照九品官具朝服行禮。

嘉靖八年定梁冠照舊式。上衣用赤羅青綠。其長過腰。指寸七寸。毋掩下裳。中單白紗爲之。青綠。下裳七幅。前三後四。每幅三襲。積赤羅青綠。蔽膝。綴革帶。綬各照品級花樣。革帶之後。佩綬繫而掩之。其環亦各照品級。用玉犀金銀銅爲之。不以織於綬。大帶表裏俱素。惟兩耳及下垂緣以綠色。又用青組約之。革帶一品玉。二品犀。三品四品金。五品銀。鍍花。六品七品銀。八品九品烏角。俱照舊式。佩玉一如詩傳之制。去雙滴及二珩。其三品以上用玉。四品以下用藥玉。各照舊。襪履俱照舊式。

祭服。凡上親祀郊廟社稷。文武官分獻陪祀。則服祭服。

洪武二十六年。定文武官陪祭服。一品至九品。青羅衣。白紗中單。俱用卓領緣。赤羅裳。卓緣。赤羅蔽膝。方心曲領。其冠帶佩綬等第。並同朝服。又令品官家用祭服。三品以上去方心曲領。四品以下并去佩綬。又令雜職祭服與九品同。

嘉靖八年。定上衣用青羅卓緣。長與朝服同。下裳用赤羅卓緣。制與朝服同。蔽膝。綬環。大帶。革帶。佩玉。襪履。俱與朝同。去方心曲領。

公服。在京文武官。每日早晚朝奏事。及侍班謝恩見辭。則服公服。在外文武官。每日清早公座。亦服之。後常朝止便服。惟朔望具公服朝參。其武官應直守衛者。不拘此服。

洪武二十六年。定文武官公服。用盤領右衽袍。或紵絲紗羅絹。從宜製造。袖寬三尺。一品至四品。緋袍。五品至七品。青袍。八品九品。綠袍。未入流。雜職官袍。笏帶。與八品以下同。公服花樣。一品用大獨科花。徑五

寸。二品小獨科花。徑三寸。三品散答花。無枝葉。徑二寸。四品五品小雜花紋。徑一寸五分。六品七品小雜花。徑一寸。八品以下無紋。幘頭用漆紗二等。展各長一尺二寸。其雜職官員幘頭用垂帶。笏依朝服爲之。腰帶一品用玉。或花或素。二品用犀。三品四品用金荔枝。五品以下用烏角。鞞用青革。仍垂撻尾於下。靴用阜。凡公侯駙馬伯公服。服色花樣腰與一品同。凡文武官公服花樣。如無從織買。用素隨宜。又令凡內外未入流雜職官幘頭展角。與入流官同。不用垂帶。

常服

洪武三年。定凡文武官常朝視事。以烏紗帽圓領衫束帶爲公服。一品玉帶。二品犀帶。三品金銀花帶。四品素金帶。五品銀銀花帶。六品七品素銀帶。八品九品烏角帶。

二十六年。定公侯駙馬伯麟麒白澤。文官一品二品僊鶴錦鴻。三品四品孔雀雲鴈。五品白鸞。六品七品鸞鷲鴻鵠。八品九品黃鸞鶴。練雀。風憲官用獬豸。武官一品二品獅子。三品四品虎豹。五品熊羆。六品七品彪。八品九品犀牛海馬。

凡常服制度

洪武二十三年。令官員人等衣服寬窄以身爲度。文職官衣長自領至裔去地一寸。袖長過手。復回至肘。袖椿廣一尺。袖口九寸。公侯駙馬與文職官同。武職官衣長去地五寸。袖長過手七寸。袖椿廣一尺。袖口僅出拳。



凡束帶

洪武二十四年定公侯駙馬伯與一品同雜職未入流官與八品九品同

凡服色禁制

洪武二十六年令品官常服用雜色紵絲綾羅縵縵庶民止用紬絹紗布不許別用又令官吏及軍民僧道人等衣服帳幔並不許用玄黃紫三色并織繡龍鳳文違者罪及染造之人其朝見人員四時並用顏色衣服不許純素

景泰四年令錦衣衛指揮侍衛者得衣麒麟服色

天順二年令官民人等衣服不得用蟒龍飛魚斗牛大鵬像生獅子四寶相花大西番蓮大雲花樣并玄黃紫及玄色樣黑綠柳黃薑黃明黃等色

成化二年令官民人等不許僭用服色花樣弘治十三年奏准今後公侯伯及文武大臣各處鎮守守備等官敢有違例奏討蟒衣飛魚等項衣服者該科參駁科道糾劾該部執奏治以重罪

嘉靖六年令在京在外官民人等不許濫服五彩妝花織造違禁顏色及將蟒龍造爲女衣或加飾妝彩圖利貨賣其朝貢夷人不許擅買違式衣服如違將買者賣者一體拿問治罪

十六年題准今後在京在外文武官員除本等品級服色及特賜外不許擅用蟒衣飛魚斗牛等項違禁華異服色其大紅紵絲紗羅服惟四品以上官及在京九卿翰林院詹事府春坊司經局尙寶司光祿寺

鴻臚寺五品堂上官經筵講官。方許穿用。其餘衙門。雖五品官及五品以下官經筵不係講官者。俱穿青綠錦繡。遇有吉禮。止許穿紅布絨褐。品官花樣照依品級。公侯駙馬伯麒麟白澤。文官一品僊鶴。二品錦鶴。三品孔雀。四品雲鴈。五品白鷗。六品鸞鷟。七品鴻鴈。八品黃鸝。九品鸛鷄。雜職官練鵠。風憲官獬廌。武官一品二品獅子。三品四品虎豹。五品熊羆。六品七品彪。八品犀牛。九品海馬。不許混同穿用。錦衣衛指揮侍衛者。得衣麒麟服色。其餘帶俸及不係侍衛人員。及千百戶等官。雖係侍衛。俱不許僭用。凡致仕罷閒官員服色。

洪武三年。令年老致仕及侍親辭閒官。許用紗帽束帶。若爲事黜降者。服與庶人同。三十年。令致仕官服色與見任同。若遇朝賀及謝恩見辭。一體具服行禮。

### 忠靜冠服

嘉靖七年。定忠靜冠。卽古玄冠。冠匡如制。以烏紗冒之。兩山俱列於後。冠頂仍方。中微起。三梁。各壓以金線。邊以金線之。四品以下。去金邊。以淺色絲線緣之。忠靜服。卽古玄端服。色文用深青。以紵絲紗羅爲之。三品以上。用雲。四品以下。用素。邊緣以藍青。前後飾以本等花樣補子。深衣用玉色素帶。如古大夫之帶。制青表綠緣邊。并裏素履。色用青綠。縱結白襪。凡王府將軍中尉。及左右長史。審理正副紀善。教授等官。俱以品官之制服之。儀賓不得概服。在京七品以上官。及八品以下翰林院國子監行人司官。在外方面官。各府堂官。州縣正官。儒學教官。及武官都督以上許服。其餘不許。

○儀賓冠服。儀賓朝服。公服常服。俱照品級。與文武官同。惟笏皆用象牙。常服花樣視武官。

弘治十三年。定郡主儀賓。鍍花金帶。胸背獅子。縣主儀賓。鍍花金帶。郡君儀賓。光素金帶。胸背俱虎豹。縣君儀賓。鍍花銀帶。鄉君儀賓。光素銀帶。胸背俱彪。故違僭用者。革去冠帶。戴平頭巾。於本處儒學讀書。習禮三年。方許復職。

○命婦冠服

禮服。凡命婦入內朝見君后。在家見舅姑并夫及祭祀。則服禮服。

洪武五年。定凡命婦圓衫。以紅羅爲之。繡重雉爲等第一品。九等。二品八等。三品七等。四品六等。五品五等。六品四等。七品三等。其餘不用繡雉。

二十四年。定命婦冠服。公侯伯與一品同。大袖衫用真紅色。一品至五品。紵絲綾羅隨用。六品至九品。綾羅袖絹隨用。霞帔褙子皆用深青段匹。公侯及一品。二品金繡雲霞翟文。三品四品金繡雲霞孔雀文。五品繡雲霞鴛鴦文。六品七品繡雲霞練雀文。大袖衫領闊三寸。兩領直下一尺間。綴紐子三。前身長四尺一寸三分。後身長五尺一寸。內九寸八分。行則摺起。未綴紐子二。紐在掩紐之下。拜則放之。袖長三尺二寸二分。根闊一尺。口闊三尺五分。落摺一尺一寸五分。掩紐二。就用衫料。連尖長二寸七分。闊二寸五分。各於領下一尺六寸九分處綴之。於掩下各綴紐門一。以紐住摺起後身之餘者。兜子亦用衫料。兩塊斜裁。上尖下平。連尖長一尺六寸三分。每塊下平處各闊一尺五分。縫合於領下一尺七分處綴之。上綴尖

皆縫合以藏霞帳後垂之末者霞帳二條各長五尺七寸闊三寸二分各繡禽七隨品級用前後三四各繡臨末左右取尖長二寸七分前後分垂橫綴青羅襪子牽連並之前垂三尺三寸五分尖綴墜子一後垂二尺三寸五分臨末插兜子內藏之墜子中綴花禽一四面雲霞文禽如霞帳隨品級用笏以象牙爲之圓首方脚長六十四分闊一寸五分厚一分五釐

二十六年定一品冠用金事件珠翟五箇珠牡丹開頭二箇珠半開三箇翠雲二十四片翠牡丹葉一十八片翠口圍一副上帶金寶銅花八箇金翟二箇口銜珠結二箇 二品至四品冠用

金事件珠翟四箇珠牡丹開頭二箇珠半開四箇翠雲二十四片翠牡丹葉一十八片翠口圍一副上帶金寶銅花八箇金翟二箇口銜珠結二箇 一品至二品霞帳用雲霞翟文綴花金墜子帽子用雲霞翟文 三品

至四品霞帳用雲霞孔雀文綴花金墜子帽子用雲霞孔雀文 五品至六品冠用抹金事件珠翟三箇珠牡丹開頭二箇珠半開頭五箇翠雲二十四片翠牡丹葉一十八片翠口圍一副上帶抹金銀寶

細花八箇抹金銀翟二箇口銜珠結子二箇 五品霞帳用雲霞鸞文綴金綴花銀墜子帽子用雲霞鸞文 六品霞帳用雲霞練鵲文綴花銀墜子帽子用雲霞練鵲文 七品至九品冠用抹

金銀事件珠翟二箇珠月桂開頭二箇珠半開六箇翠雲二十四片翠月桂葉一十八片翠口圍一副上帶抹金銀寶銅花八箇抹金銀翟二箇口銜珠結子二箇 七品霞帳墜子帽子與六品同 八品九品霞帳

用繡繡枝花墜子與七品同帽子繡繡枝花

常服

洪武二十四年定命婦常服用顏色圍領衫

○進士巾服

洪武初定進士巾如命烏紗帽之製頂微平展角闊寸餘長五寸許系以垂帶卓紗爲之深色藍羅袍緣以青羅袖廣而不殺革帶青鞵飾以黑角垂撻尾於後笏用槐木廷試後赴國子監領出傳臚日服之上表謝恩後謁先師孔子行釋菜禮畢始易常服其巾袍等仍送國子監交收

○狀元冠服

朝冠二梁朝服緋羅爲之圓領白絹中單錦綬蔽膝全槐笏一把紗帽一頂光素銀帶一條藥玉佩一副朝靴氍毹各一雙俱內府製造禮部官引至御前頒賜上表謝恩日服之

○生員巾服

洪武二十四年定生員襴衫用玉色布絹爲之寬袖卓緣卓繼軟巾垂帶

○吏員巾服

洪武四年定各衙門掾史令史書吏司吏典吏穿卓盤領衫繫絲緋戴四方平定巾十四年定卓衣改用青色

三十年定令史典史皆服吏巾巾樣不與庶民同

○士庶巾

公使人等附

洪武三年定士庶初戴四角巾。今改四方平定巾。雜色盤領衣不許用黃。執仗之士首服鍍金額交脚幘。頭服諸色。辟邪寶相花裙襖。銅葵花束帶。阜紋靴。刻期冠。方頂巾。衣胸背鷹鷂。花腰線襖子。諸色。闊絲匾。緜象牙雕花環行膝。八帶鞋。阜隸冠。圓頂巾。衣阜衣。又令庶民男女衣服。並不得僭用金繡錦綺紵絲絳。羅。許用細絹素紗。其首飾釧鐲。並不許用金玉珠翠。止用銀。靴不得裁製花樣金線飾妝。

四年定阜隸公使人穿阜盤領衫。戴平頂巾。繫白搭襌帶。錫牌。

六年令庶民巾環不得用金玉瑪瑙珊瑚琥珀。未入流品者並同。庶民帽不得用頂帽珠。許用水晶香木。校尉只除束帶幘頭靴鞋。刻期雕刻雜象牙。緜環外。餘同庶民。

十四年令農民之家。許穿袖紗絹布。商賈之家。止許穿絹布。如農民之家。但有一人爲商賈者。亦不許穿袖紗。又令校尉用金鵝帽。黑漆釵金荔枝。改作銅釘樣。每五釘攢就。四面稍起邊欄。鞞用青緊束之。各衙門祇禁原穿阜衣。改用淡青。又令僧道服色。禪僧茶褐常服。青緜。玉色袈裟。講僧玉色常服。綠襪。淺紅袈裟。教僧阜常服。黑緜。淺紅袈裟。僧官皆如之。道士常服青。法服朝服皆用赤色。道官亦如之。惟僧錄司袈裟。道錄司官法服朝服。皆綠紋飾以金。

二十二年令將軍力士校尉旗軍常戴頭巾。或襪腦官下舍人并儒士吏員民人常戴本等頭巾。鄉村農夫許戴斗笠蒲笠。出入市井不禁。不親農業者不許。

二十三年令耆民儒士生員衣製同文職。惟袖長過手。復回不及肘三寸。庶民衣長去地五寸。袖長過手。

六寸。袖樁廣一尺。袖口五寸。軍人衣長去地七寸。袖長過手五寸。袖樁廣不過一尺。穿不過七寸。袖口僅出拳。

二十五年。令文武官同籍父兄伯叔弟姪子壻。及儒士生員吏典知印承差欽天監天文生太醫院醫士。瑜珈僧正一道士將軍散騎舍人帶刀之人。正五馬軍并馬軍小旗教讀大誥師生。許穿靴。校尉力士遇上直許穿。出外不許。其庶民商賈技藝步軍。及軍下餘丁管步軍總小旗官下家人火者。阜隸伴當在外。醫卜陰陽人皆不許。止許穿皮扎鞵。其北平山西山東陝西河南并直隸徐州地寒人民。許穿牛皮直縫靴。

二十六年。禁官民步卒等不許服對襟衣。惟騎射士不拘。

正德元年。禁商販吏典僕役倡優下賤。皆不許服用貂裘。僧道隸卒下賤之人。俱不許服用紵絲紗羅錦。十六年。禁軍民人等。如有穿紫花罩甲等服。或禁門或四外遊走者。許緝事并地方人等。擒拿。

萬歷二年。禁舉人監生儒生。下至民庶奴隸之輩。有僭藏忠靖金線冠巾。穿錦綺鑲履。及張傘蓋戴煖耳者。聽五城御史嚴拏重責。枷示。仍送問。

○士庶妻冠服

婢使人等附。

洪武三年。定士庶妻首飾。許用銀鍍金。耳環用金珠。釧鐲用銀。服淺色團衫。許用紵絲綾羅袖絹。五年。令

凡民間婦人禮服。惟用紫染色。絕不用金繡。凡婦人袍衫。止用紫綠桃紅及諸淺淡顏色。不許用大紅鴨青黃色。帶用藍絹布。凡女子在室者。服飾之制。皆作三小髻。金釵珠頭髻。窄袖褙子。凡婢使人等。縮高頂髻。用絹布狹領長襖長裙。小婢使縮雙髻。用長袖短衣長裙。成化十年。令禁官民人等婦女。不許僭用渾金衣服。寶石首飾。正德元年。令軍民婦女。不許用銷金衣服。帳幔寶石首飾。鑄劍及娼妓。不許用金首飾。銀鑄劍。犯者本身家長夫男匠作各治重罪。

○教坊司冠巾服

洪武三年。定樂藝冠青卍字頂巾。繫紅綠褶襖。樂妓則戴明角冠。阜褙子。不許與庶民妻同。御前供奉俳長。皆服鼓吹冠。紅羅胸背。小袖袍。紅絹褶襖。阜靴。色長。皆服鼓吹冠。紅青綠紵絲彩。畫百花袍。紅絹褶襖。歌工皆服弁冠。紅羅織金胸背。大袖袍。紅生絹錦領中單。黑角束帶。紅熟絹錦腳袴。阜皮琴鞋。白綿布夾襖。樂工服色與歌工同。凡教坊司官。常服冠帶與百官同。至御前供奉執粉漆笏。服黑漆幘頭。黑綠羅大袖襖袍。黑角偏帶阜靴。又令教坊司伶人。常服綠色巾。以別士庶之服。又令樂人戴鼓吹冠。不用錦繡。惟用紅褶襖。服色不拘紅綠。又令教坊司婦人。不許戴冠穿褙子。又令樂工。當承應許穿靴。出外不許。又令樂人衣服。許用明綠桃紅玉色水紅茶褐顏色。其餘不得穿用。俳色長樂工。俱戴阜頭巾。繫雜絲繖。凡中宮供奉女樂奉□等官妻。本色鬢髻。青羅圓領。提調女樂服黑漆唐巾。大紅羅銷金花圓領。鍍金花。



帶。卓靴。歌章女樂服。黑漆唐巾。大紅羅銷金裙襖胸帶。大紅羅抹額。青綠羅彩畫雲肩。描金牡丹花。卓靴。奏樂女樂服色與歌章同。

璽印

玉璽三十四顆

皇帝奉天之寶。皇帝之寶。皇帝行寶。皇帝信寶。天子之寶。天子行寶。天子信寶。制誥之寶。敕命之寶。廣運之寶。御前之寶。皇帝尊親之寶。皇帝親親之寶。敬天勤民之寶。表章經史之寶。欽天之寶。奉天承運大明天子寶。大明受命之寶。巡狩天下之寶。垂訓之寶。命德之寶。討罪安民之寶。敕正萬民之寶。丹符出驗四方。又有奉天之寶。爲唐宋傳寶。惟祀天地用之。凡詔若敕。則用皇帝之寶。立封及賜勞。則用行寶。詔親王大臣用兵。則用信寶。冊上尊號。則用尊親之寶。敕諭親王。則用親親之寶。祀山川鬼神。則用天子之寶。封外國及賜勞。則用天子行寶。詔外夷調兵。則用天子信寶。賜誥則用誥命之寶。賜敕用敕命之寶。以進御座。則用御前之寶。獎諭臣工。則用廣運之寶。諭來朝官員。則用敬天勤民之寶。餘各以類用。

印信制度

內閣。銀印直紐。方一寸七分。厚六分。玉箸篆文。  
征西鎮朔平羌平蠻等將軍。銀印虎紐。方三寸三分。厚九分。柳葉篆文。

宗人府五軍都督府俱正一品銀印三臺方三寸四分厚一寸

六部都察院并在外各都司俱正二品銀印二臺方三寸三分厚二分

衍聖張真人中都留守司俱正二品各布政司從二品銀印二臺方三寸一分厚七分景泰三年賜衍聖公三臺銀印

順應二府尹正三品銀印方二寸九分厚六分五釐

通政司大理寺太常寺詹事府及京衛并在外各按察司各衛俱正三品苑馬寺宣慰司俱從三品銅印方二寸七分厚六分

太僕寺光祿寺并在外各鹽運司俱從三品銅印方二寸六分厚五分五釐

鴻臚寺并在外各府俱正四品國子監并在外宣撫使俱從四品銅印方二寸五分厚五分

翰林院左右春坊尚寶司欽天監太醫院上林苑監六部各司宗人府經歷司并在外各王府長史司各衛千戶所俱正五品司經局五府經歷司并在外招討司按撫司俱從五品銅印方二寸四分厚四分五釐

在外各州從五品銅印方二寸三分厚四分

都察院經歷司大理寺左右寺正五城兵馬司大興宛平上元江寧各京縣及僧錄司道錄司并在外中都留守司經歷司斷事司各都司經歷司斷事司各衛百戶所長官司及各王府審理所俱正六品光祿

寺大官等署并在外各布政司經歷司理問所俱從六品銅印方二寸二分厚三分五釐

吏科等六科行人司通政司經歷司工部營繕所太常寺典簿廳上林苑監蕃育等署并在外各按察司經歷司各縣俱正七品中書舍人順天應天府經歷司京衛經歷司光祿寺典簿廳太僕寺詹事府各主簿廳并在外各衛經歷司鹽運司經歷司苑馬寺主簿廳宣慰司經歷司俱從七品銅印方二寸一分厚三分

戶部刑部都察院各照磨所兵部典牧所國子監繩愆廳博士廳典簿廳鴻臚寺欽天監各主簿廳并在外各布政司照磨所各府經歷司及各王府紀善典寶典膳奉祀良醫工正各所宣撫司經歷司俱正八品從八品銅印方二寸厚二分五釐

刑部都察院各司獄司順天應天二府照磨所司獄司鴻臚寺司儀署國子監典籍廳上林苑監典簿廳內府寶鈔等各庫御馬倉草倉會同館織染所文思院皮作局顏料局鞍轡局寶源局軍器局都稅等司教坊司并在外留守司司獄司各都司司獄司各按察司照磨所司獄司各府照磨所司獄司及各王府長史司典簿廳教授典儀所各府衛儒學稅課司陰陽醫學僧綱司道紀司及各巡檢司俱正九從九品銅印方一寸九分厚二分二釐

各州縣儒學倉庫驛遞閘壩批驗所抽分竹木局河泊所織染局稅課局陰陽醫學僧道司俱未入流銅條記闊一寸三分長二寸五分厚二分二釐

以上俱直紐九疊篆文。或云取乾元用九之義。

監察御史銅印。直紐。有眼。方一寸五分。厚三分八釐。篆文。

總制總督巡撫等項。并鎮守公差等官。銅關防。直紐。闊一寸九分五釐。長二寸九分。厚三分。九疊篆文。

萬歷二年。鑄給監督徐州淮安臨清德州天津衛關防。又給昌平管糧通判關防。令兼理居庸關商稅。

又給監收肅州倉臨洮府帶銜通判固原州倉平涼府帶銜通判靖虜甘州涼州莊浪西寧洮州六倉羣

昌府帶銜通判監收永豐倉同知各關防。是年。又題准鑄驗糧關防一顆。付委官收掌。凡遇解到內府錢

糧。驗中會同科道覆驗。鈐記關防。以防抵換。四年。添鑄南京戶部監督銀庫關防。二十六年。戶部奏議處

海稅事宜。給閩海商稅府佐關防。

### 賜印記

太祖嘗賜懿文太子白玉印。方一寸二分。曰大本堂記。

賜中宮皇后白玉印。方亦如之。曰厚載之記。

太宗初。賜仁宗玉押。曰人主中正。仁宗卽位時。宣宗方爲皇太孫。復舉以授之。命印識章奏。明朝惟仁。宣

二廟優禮大臣。賜銀圖書。以示褒美。後亦有嗣行之者。

仁宗朝。蹇義、夏原吉、楊士奇、黃淮、楊榮、金幼孜俱被賜。其文曰繩愆糾繆。而義又有蹇忠貞、士奇有楊貞

一之印。

宣宗賜義曰忠厚寬弘。原吉曰含弘貞靜。士奇曰清方貞一。榮曰方直剛正。胡濙曰清和恭靖。又文恭世家吳中曰和敏詳達。賜太監金英。范弘各銀記。其文不傳。又賜王御周瑾銀記四。曰忠肝義膽。曰金貂貴客。曰忠誠自勵。曰心跡雙清。

景皇帝賜少傅胡濙曰忠貞惟篤。少保王文曰忠貞匪懈。衍聖公孔弘緒曰謹禮崇德。是時王直、陳循、高穀、于謙皆有之。特以景帝賜不登志傳。

憲宗賜司禮太監覃昌牙記二。曰忠誠不怠。曰謙亨忠敬。銀記一。曰才華明敏。石記一。曰補袞宣化。又特賜方士李孜省銀圖書二。曰妙悟玄通。曰忠貞和直。得密封言事。又鄧常恩圖書一。曰夔籥陰陽。蕭崇一圖書二。曰至真玄妙。曰丹霞歲月。

世宗賜楊一清曰耆德忠正。又繩愆糾違。張孚敬曰忠良貞一。又繩愆弼違。又別記永嘉張茂恭。桂萼曰忠誠敬慎。又繩愆匡違。李時曰忠敏安慎。方獻夫曰忠誠直諒。費宏曰舊輔元臣。夏言曰學博才優。顧鼎臣曰經緯首選。翟鑾曰清謹學士。又繩愆輔德。嚴嵩曰忠勤敏達。仇鸞曰翔卿。又曰朕所重惟卿一人。又賜方士邵元節白玉印。曰闡教護國。烏玉印。曰太和子。真人陶仲文。又白玉印曰凌虛子。又烏玉印曰林隱。銀記曰乘一保國。又賜司禮太監張佐銀記四。曰集謀補德。曰端忠誠慎。曰輔忠。曰勵忠。司禮太監麥福銀記一。曰恭勤端慎。

神宗以張居正乞歸葬。賜銀圖書。俾得馳傳密封言事。文曰帝賚忠良。

明朝文武臣領敕行事者俱給關防以銅爲之其模制大小雖相臣行邊與部屬無異獨正德間太監張永征安化王及再督三關用金鑄嘉靖間大學士顧鼎臣居守用牙刻關防賜之皆特恩也  
洪武二十四年真人張宇奏前代嘗給正一玄壇傳籙印今授二品銀印止可施於表箋用於符籙不便  
遂與龍虎山正一玄壇之印制用六品今按真人府總有四印六品者銅鑄二品銀印則英宗朝因使拜表回鑾有驗鑄金易之其文乃正一嗣教大真人府之印自道陵傳下者則玉印其文乃陽平治都功印  
雲篆也





# 明書卷八十

## 志十九

### 輿衛志

史官論曰。若天子獨行廛市間。匹夫得而擊之。卽攜三五而遊。數惡少得而扼之。是以帝王備法駕。千乘萬騎。羣司百官。黃鉞雲旗。金華芝蓋。鸞輿在前。屬車在後。極聲名文物之盛。出警入蹕。聲震四遠。使天下仰之若神明焉。然非以畏民。以親民也。民性愚。朝嗅咻之。朝感焉。暮則否。彼見天子之不可近如此。而閭閻之事。一一圖之。容慮爲之撫疾苦。軫寒暑。而民以爲上之極其懸絕。乃如宿諸懷焉。而天子乃益親。豈徒侈鷄翹旂罕之觀哉。抑亦所以異之也。異之斯服。服之斯足以長人矣。古天子不獨抗矯。而使百司得擁章采。所謂鳴騶出谷。干旄在郊。非耶。夫臣者共君以撫民也。以蒞衆也。不然。使匹夫惡少得而擊之。扼之。而威令不行矣。威令不行。則撫之而民不感。蒞之而民弗靖。詩云。有扁斯石。履之卑兮。其斯之謂歟。明興。準前代豐殺之宜。定爲制度。儉於秦。齊於漢。質於唐。華於宋。彬彬於元。朝廷有鹵簿。輿衛百官有儀從。呵殿。可謂得聲名文物之中矣。初輿衛成。太祖覽之。見仗內旗有天下太平皇帝萬歲字。上顧謂宣公善長曰。此誇大詞也。古者九旗之制。各有其屬。若日月蛟龍熊虎鳥隼龜蛇之類。所以昭儀物。辨等威。至太平



萬歲之名。此直誇耳。莫若以天佐邦家。海宇康寧。易之庶幾順理。既而復曰。此亦近誇。其去之。有司奏造諸物。應用金者。命皆以銅代之。有司言費小不足。斬上曰。朕富有四海。豈吝於此。然所謂儉約者。非身先之。何以率下。小用不節。大費必至。開奢泰之原。啓華麗之漸。未必不由於小而至大也。作輿衛志。

大駕鹵簿

肅旗一面。黃質。上闊七尺二寸。下三尺二寸。黑纈。字。漆。攢竹竿。長八尺二寸。下有鐵環。靖旗一面。與肅旗制同。但用靖字。金鼓旗一對。黃質。連腰闊一丈二尺五寸。下七尺。紅金鼓二字。漆。攢竹竿。貼金木釘。

頭。通長一丈四尺九寸。內鎗頭長一尺五寸八分。上飾紅纓。下有鐵環。金龍畫角二十四枝。木質。黑漆。鍍金爲飾。上飾寶相花。中節纏身。單龍雲文。下節入寶雙海馬。鼓四十八面。木匡。加紅油。冒以革。面徑一尺。

七寸。匡畫寶相花。金四面。以銅爲之。徑一尺七寸。金鉦四面。銅質。竹匡。用紅纓繫鉦。于匡。鉦徑九寸五分。杖鼓四箇。木匡。細腰。匡兩頭加黑漆。鍍金雲龍文。鐵圈二皆冒以革。附於匡。聯以紅絨纒。

加銅龍頭鈎子。以青絨區緝懸之。笛四管。箴竹爲之。六竅。長一尺六寸。板四串。鐵力木板。各六。實以青絲組。各長一尺一寸。上闊一寸九分。下闊二寸五分。白澤旗二面。一面紅質。上下井各邊加黃纈。赤火旗間。

綵腳。傍竿加紅纓。綵白澤飛狀及雲文。旗上旁有素纈。橫白澤二青字。旗身黃纈。火旗長六尺六寸。闊二尺九寸。腳長五尺。揭以漆。攢竹竿。貼金木鎗頭。通長一丈三尺六寸九分。內鎗頭長一尺三寸五分。飾以紅纓。攢用鐵一面。青質。但白澤爲走狀。餘同前制。後凡纒。

該纈。纈纈。纈井字色。竿纈。纈。門旗四對。紅質。中織金爲門字。餘同白澤制。黃旗四十面。黃質。上闊八尺。下四尺。漆。攢竹竿。貼金木鎗頭。共長一丈一尺三寸五分。內鎗頭長一尺三寸五分。上飾紅。

纈。下有金龍旗十二面。纈金雲龍文。類織龍旗二。字。自此至兩旗皆青質。日旗一面。纈爲日。紅色。及日字。月旗一面。纈爲月。白色。及月字。風旗一面。纈箕星四。及風字。

旗一面。織五色雲文及雲字。  
雷旗一面。織雷文五及雷字。自此至北斗旗星宿皆金織。  
雨旗一面。織單星八附耳一星。在旁及兩字白月。  
木星旗一面。青質織木星一及木字。  
火星

旗一面。赤質織火星一及火字。  
土星旗一面。黃質織土星一及土字。  
金星旗一面。白質織金星一及金字。  
水星旗一面。黑質織水星一及水字。  
角宿旗一面。

織角宿二及角字。自此至軫宿旗皆青質。  
亢宿旗一面。織亢宿四及九字。  
氐宿旗一面。織氐宿四及氐字。  
房宿旗一面。織房宿四鈎連二小星在旁及房字。  
心宿旗一面。

織心宿三及心字。  
尾宿旗一面。織尾宿九神宮小星一及尾字。  
箕宿旗一面。織箕宿四及箕字。  
斗宿旗一面。織斗宿六及斗字。  
牛宿旗一面。織牛宿六及牛字。  
女

宿旗一面。織女宿四及女字。  
虛宿旗一面。織虛宿二及虛字。  
危宿旗一面。織危宿三及危字。墳墓四星在下。  
室宿旗一面。織室宿二及室字。離宮六星在旁。  
壁宿

旗一面。織壁宿二及壁字。  
奎宿旗一面。織奎宿十六及奎字。  
婁宿旗一面。織婁宿三及婁字。  
胃宿旗一面。織胃宿三及胃字。  
昂宿旗一面。織昂宿七及昂字。

畢宿旗一面。織畢宿八及畢字。附耳一星在旁。  
鶩宿旗一面。織鶩宿三及鶩字。  
參宿旗一面。織參宿七及參字。玉井四小星在左足下伐三星在內。  
井宿旗一面。織井宿八及井字。

及井字。織一星在旁。  
鬼宿旗一面。織鬼宿四及穰屍氣一井鬼字。  
柳宿旗一面。織柳宿八及柳字。  
星宿旗一面。織星宿七及星字。  
張宿旗一面。織張宿六及張字。  
翼

宿旗一面。織翼宿二十二及翼字。  
軫宿旗一面。織軫宿四及軫字。長沙一星在中左右轄二星在旁。  
北斗旗一面。黑質三透黃纒黑腰火談間綠騰織。北斗星七及北斗二字輔星一在旁。  
東嶽旗

一面。青質織綵爲山形及東嶽二字。自此至熊旗山水及諸形皆綠織。  
南嶽旗一面。赤質織山形及南嶽二字。  
中嶽旗一面。黃質織山形及中嶽二字。  
西嶽旗一面。白質織山形及西嶽二字。

北嶽旗一面

黑質嶽山形及北嶽二字

江旗一面

赤質織水

河旗一面

白質織水

淮旗一面

青質織水

濟旗一面

黑質織水

龍旗一面

青質織青龍形雲文及青龍二字

白虎旗一面

白質織白虎形雲文及白虎二字

朱雀旗一面

赤質織朱雀形雲文及朱雀二字

玄武旗一面

黑質織龜形雲水文及

玄武二字

天鹿旗一面

赤質織天鹿形雲文及天鹿二字

天馬旗一面

赤質織天馬形雲文及天馬二字

鸞旗一面

赤質織鸞形雲文及鸞字

麟旗一面

赤質織麟形雲文及麟字

熊旗一面

赤質織熊形雲文及熊字

熊旗一面

赤質織熊形雲文及熊字

紅纛一對

珠漆攢竹竿貼金木鎗頭共長一丈三尺九寸內鎗頭長一尺六寸徑一寸四分用鸞牛尾染紅簇爲纛上施抹金銀寶蓋周圍

珠絡建於竿下有鐵攢

皂纛一把

與紅纛制同但用黑鸞牛尾抹金銀寶蓋

紅節一對

珠漆攢竹竿抹金銀寶珠頭用鸞牛尾染紅簇成如圓斗大凡四層每層上施抹金銀頂周圍或珠絡建於竿下有鐵攢竿長同紅纛小

銅角二箇 長三尺八寸

大銅角二箇 長三尺六寸一分

纓頭一箇

珠漆攢竹竿貼金木鎗頭用鸞牛尾染紅簇圓上施抹金銀項建於竿下有鐵攢共長一丈一尺四寸九分內鎗頭一尺

九寸 五分

豹尾一箇

珠漆攢竹竿貼金銅龍頭共長一丈三尺四寸九分內龍頭長一尺一寸八分下街抹金銅項藍斜皮雲蓋重貼金銅鈴十二箇周圍或珠串懸紅黃綠三色鬘頭中垂大豹尾長五尺竿下有銅束凡降轡轡節等挽竿銅龍頭俱以

鐵爲

弓矢一百副

弓用竹爲體木爲拓靶并箭置黑角於箭末又用角爲面牛筋鋪背四節纏以絲加黑漆面珠漆背用黃蠟絞絲爲絃矢用竹爲幹木爲扣加鐵箭頭柳葉形兩頭俱用牛筋并絲纏之加珠漆近扣處加鴉羽雙二用黑斜皮爲之

御杖六十根

珠漆攢竹杖銅裏兩頭長四尺九寸

誕馬二十四匹

紅鬃黃羆上施錦繡

領頭六對

珠漆攢竹杖銅裏兩頭長四尺九寸

黃麾一對

珠漆攢竹竿貼金銅龍頭共長一丈二尺

五寸內龍頭鈎一尺銜抹金銅圈懸抹金銅頂四角紅羅寶蓋高七寸五分圍二尺七寸五分蓋四角加抹金銅龍頭四箇懸絨條繫抹金銅佩一十六件間銅鈴三十六箇寶蓋下周以綠羅纓黃羅三層鎗金雲龍文中垂大紅羅旛長六尺三寸闊五寸五分旛上節採繡

荷葉蓋蓮花座。其中青羅額。金書黃隱二字。中飾插金雙升龍。下飾插金雲日文。下綴五色橫板。**絳引旛五對。**制同黃隱。但用五色羅爲飾。不加金繡。三層用紫。無額并字。**傳教旛五對。**制同黃隱。但額用黃羅。繪青傳教二字。中插金升降雲龍。無下飾雲日。三層用綠。龍頭銜銅佩四件。銅鈴三十二箇。其銅佩銅鈴俱抹金。後同。

但額用黃羅。繪青信字。插金升降雙雲龍。**龍頭竿五對。**殊漆攢竹竿。貼金木龍頭。共長一丈二尺五寸。內龍頭長二尺五分。銜抹金抹金銅龍頭五箇。絃繫抹金銅佩十件。綴以銅鈴十五箇。寶蓋下。周以紫羅。紅羅三層。飾雲龍香草文中。重青羅帶五。縫成旛。長六尺三寸。闊五寸五分。每帶上插銀下插金。皆香草文中。插金孔雀形。下綴銅鈴五箇。**豹尾二對。**殊漆攢竹竿。共長一丈二尺五寸。內龍頭長一尺。下銜抹金銅頂。**儀鎧十對。**殊漆攢竹竿。貼金竿頭。共長一丈二尺五寸五分。內竿頭長一尺三寸。闊五寸五分。中垂豹尾。長四尺五寸。**儀鎧十對。**殊漆攢竹竿。貼金木龍頭。承戈。共長一丈二尺五寸。內龍頭長一尺六寸二分。繫木板。粉塗之。畫升降雙鳥。綴五色羅。長六尺三寸。闊五寸五分。下綴銅鈴五箇。**戟十對。**與戈同。但貼金木龍頭承。

**單戟三對。**殊漆攢竹竿。貼金龍戟頭。共長八尺三寸九分。內戟頭長一尺九寸。**龍戟三對。**制同單戟。但戟枝有龍頭。**班劍三對。**刺木爲劍。其上有靶。靶長一尺七寸五分。**戈十對。**殊漆攢竹竿。貼金木龍頭。承戈。共長一丈二尺五寸。內龍頭長一尺六寸二分。繫木板。粉塗之。畫升降雙鳥。綴五色羅。長六尺三寸。闊五寸五分。下綴銅鈴五箇。**戟十對。**與戈同。但貼金木龍頭承。

**吾杖三對。**殊漆攢竹爲杖。長六尺九寸五分。**立瓜三對。**殊漆攢竹竿。刺木爲瓜。立置於上。承以龍頭。共長六尺九寸。內瓜及龍頭長一尺四寸。貼金飾。**臥瓜三對。**制同立瓜。但以瓜臥置其上。承以

**儀刃三對。**刺木爲刀及鞘。鞘貼銀爲地。貼金龍文爲飾。垂紅絲粉飾。**鎧杖三對。**殊漆攢竹竿。刺木爲馬。承以龍頭。貼金飾。龍頭瓜及龍頭長一尺二寸五分。**骨朵三對。**殊漆攢竹竿。刺木爲骨朵。承以龍頭。貼金飾。置於竿首。共長六尺九寸。內骨朵頭長一尺六寸。

**金鉞三對。**殊漆攢竹竿。刺木爲斧形。承以龍頭。貼金飾。置於竿首。共長六尺九寸。內鉞頭長一尺六寸五分。

**羽葆**



銷金傘三把。

冒以黑羅垂三層。餘同青銷金傘。

黃油絹銷金雨傘一把。

傘骨面闊井頂七尺八寸。柄及貼金葫蘆共長九尺二寸九分。面銷金寶珠龍文。邊如意龍文。

紅繡花扇十二把。

扇及柄共高一丈一尺二寸。內扇圓徑三尺三寸五分。而背風衣。俱用大紅羅。而繡四季花。背銷金龍圍花文。柄用攢竹。加珠漆。

紅繡雉方扇十二把。

扇及柄共高一丈一尺二寸。內扇連黑漆板高三尺五寸二分。板高五寸。扇下

闊二尺四寸五分。中闊二尺六寸五分。大紅羅面。繡鸞鳳花文。青羅背。銷金寶珠花。而風衣用白羅。繡雉尾邊。背風衣用青素羅。板截金雲文。扇柄用攢竹。加以黑漆。

紅單龍扇一十把。扇及柄共高一丈一尺二寸。內扇圓徑三尺三寸九分。面

背皆大紅羅。而繡單龍雲文。背銷金龍圍花文。

黃單龍扇一十把。扇及柄共高一丈一尺二寸。內扇圓徑三尺三寸九分。面背皆黃羅。而繡單龍雲文。背銷金龍圍花文。

紅雙龍扇二十把。扇及柄共高一丈一尺二寸。內扇圓徑三尺三寸五分。面背皆黃羅。而繡雙龍雲文。背銷金龍圍花文。

寸。內扇圓徑三尺三寸九分。背面皆大紅羅。而繡雙龍雲文。背銷金龍圍花文。

黃雙龍扇二十把。

扇及柄共高一丈一尺二寸。內扇圓徑三尺三寸五分。面背皆黃羅。而繡雙龍雲文。背銷金龍圍花文。

紅素扇二十把。

與前黃羅雙龍扇制同。

黃羅曲柄繡九龍傘一把。

與前黃曲柄傘制同。常朝用。

鳴鞭四條。

以黃絲爲鞭。梢漬以蠟。柄用龍頭木質。貼金爲飾。

金馬杌一箇。木質。金葉裏。金丁裝釘。綴方

盤龍雲文。

金交椅一把。木質。金葉裏。金丁裝釘。椅中綴花升龍雲文。穿以黃絲。圍繡四垂黃絲。紛錯。黃織金絞絲。搭檔。

金脚踏一箇。

木質。金葉裏。金丁裝釘。綴方。勝花文。黃織金絞絲。踏得。

金水盆一箇。

黃金爲盆。中綴盤龍雲文。邊綴香草文。西洋布手巾一條。

金水罐一箇。

黃金爲之。有蓋有提。小口。巨腹。純素質不加飾。

金香爐一箇。

黃金爲之。有蓋有繫。兩耳三足。鏤銀雲龍文。以硃漆竿舉之。竿首抹金銅龍頭。其下龍尾。

香盒一箇。

黃金爲之。蓋銀龍文。邊綴香草文。

金唾盂一箇。

黃金爲之。形圓如缶。蓋僅掩口。下有盤銀龍文。洪武間停造。

金唾壺一箇。

黃金爲之。小口。巨腹。有蓋。銀龍文。洪武間停造。

拂子四把。

以紅絲拂爲心上以素燻牛尾籠之抹金銅龍首珠漆木  
柄戲金雲龍花文垂黃絲粉飾今拂用馬尾心用紅纒

紅紗燈籠六對

紅油竹燈骨銅燭盤外以黃紗蒙之珠漆竿竿首貼  
金龍頭其下龍尾竿頭帶黃熟銅銜垂玉色紗罩之紅

油紙燈籠三對

紅油竹骨下有燭盤木座以竹絲  
編爲籠加紅油紙竿同紅紗燈

鈎燈三對

制同紅紙燈但用  
鈎爲之鐵爲燈骨

仗馬六匹

紅鞵帶上施鞍轡額下  
垂綠蓋紅繩飾珠絡

鍍金

銅玲瓏香爐一箇

制同金  
香爐

寶匣一座

木質珠紅漆匣蓋頂并四面戲金雲  
龍文座戲金仰覆蓮花并香草文

硃紅漆馬杌子四箇鞍籠二

皮質硃紅油  
飾插金升降

龍文邊插香草上施抹金銅蓋頂飾紅  
纒又平頂鞍籠一制同惟無銅蓋紅纒

黃帳房一座

用黃木條布帳并幃幕上施獸吻硃紅  
漆柱并杖竿竿首綵妝蹲獅頂用氈

大轎一乘

高一丈三尺九寸五分  
闊八尺二寸五分轎上

平盤前後車轆并屬翅及四垂如意活珠板其下轎二條皆硃紅漆各長二丈二尺九寸五分鍍金銅龍頭龍尾龍鱗葉片裝釘前施硃  
紅油象搭攀皮一條平盤下方箱四面硃紅漆匡各十有二幅內飾綠地描金繪獸六尺七寸九分四柱長五尺八寸四分盤座高九寸

五分皆硃紅漆前二柱戲金柱首寶相花中戲龍文下戲文錦門高五尺一寸九分闊二尺四寸九分左右門各闊二尺二寸五分其上  
四周妝雕木沈香色插金香草板十二片前并左右各硃紅漆櫃二層明枚全以抹金銅鍍花葉片裝釘櫃編黃線織穿後硃紅漆屏風

上雕沈香色插金雲龍五上硃紅漆板戲金雲龍一屏後俱沈香色地上四榻雕插金雲龍四其次雲板如其數下三榻雕插金雲龍三  
其次雲板亦如之俱抹金銅鍍花葉片裝釘亭內編黃線織穿硃紅漆匡軟座黃絨墜座大索四條座下蓮花墜石軟座上施花毯大紅

錦褥并席硃紅漆坐椅一座其上靠背雕以沈香色插金雲龍一下雕雲板一片硃紅漆福壽板一并褥椅中黃織金綺靠坐褥四圍精  
裙全周圍施黃綺幃幃或用黃線羅亭外用青綺緣邊硃紅簾一十扇各用拽簾黃線圓織二條黃銅圈全轎頂并圓盤高三尺一分又

鍍金銅蹲龍頂帶仰覆蓮座高一尺二寸九分垂簾頂黃線圓織四條盤高一寸九分上以硃紅漆其下外四面沈香色地描金雲內四  
角青地繪五彩雲以青飾轎蓋亭內周圍貼金斗拱承硃紅漆匡蓋蓋闕以八頂冒以黃綺謂之黃屋頂心并周圍繡五彩雲龍九天輪

三層皆硃紅漆上安雕木貼金邊耀葉板八十一片內緣地雕木貼金雲龍文三層間繪五彩雲觀板八十一片盤下周圍黃銅釘裝上  
施黃綺灑水三層每層八十一摺間繡五彩雲龍文四角垂青綺緣帶四條各繡五彩雲升龍三圓盤四角連轎坐板用攀頂黃線圓織

三層皆硃紅漆上安雕木貼金邊耀葉板八十一片內緣地雕木貼金雲龍文三層間繪五彩雲觀板八十一片盤下周圍黃銅釘裝上  
施黃綺灑水三層每層八十一摺間繡五彩雲龍文四角垂青綺緣帶四條各繡五彩雲升龍三圓盤四角連轎坐板用攀頂黃線圓織

四條并貼金木魚，轎亭前有左右轉角欄杆二扇，後一字帶左右轉角欄杆一扇，皆珠紅漆，內嵌木貼金龍，圍以五彩雲，三扇計一十二柱，各柱首雕木貼金蹲龍一，及線金五彩妝蓮花抱柱，欄杆內四周布花毯，線羅夾爲旗，每面十有二桿，每桿內外纏升龍一，珠紅漆攢竹旗竿二，左竿旗纒纏日月北斗，竿首用度金銅龍踏梯一，珠紅漆以抹頭，右竿旗纒纏數字，竿首用鍍金銅錢，每竿纒抹金銅鈴二，垂紅纒十有二，纏上施抹金銅寶蓋，下垂青線轆轤，金銅級花葉片裝釘。

行馬架二，珠紅漆，其上黃絨圍織，用抹黃絹纏衣，即遮塵油絹雨衣，珠紅油盒扇梯一副，珠紅油拓抹金銅寶

瓶并象鞍鞞轡氈籠，各二，玉格一乘，高一丈三尺九寸五分，闊八尺二寸五分，轎上平盤前後車櫃，并鳳翅及四垂如意，滿珠

施珠紅油象搭攀皮一條，平盤左右下護泥板及車輪二貫軸一，每輪幅十有八條，皆珠紅漆，周圍網全，各以抹金銅級花葉片裝釘，輪

內車心各一，用抹金銅級蓮花瓣輪盤裝釘，軸首左右各用漆貼金減鐵龍頭插挂一箇，以抹金銅級龍頂管心裝釘，軸中纏黃絨駕轎

等索，而至地四尺一寸五分，轎亭高六尺七寸九分，珠紅漆四柱，各長五尺八寸四分，前二柱有搏換貼金升龍，盤座高九寸五分，門高

五尺一寸九分，闊二尺四寸九分，左右門闊二尺二寸五分，其上四周敷雕木沈香色，插金香草板十二片，前并左右各珠紅漆欄二扇，

明欂全，俱以抹金銅級花葉片裝釘，欄編黃線縫穿，後珠紅漆屏風上，雕沈香色，插金雲龍五，屏後下三榻，雕木沈香色，插金雲龍三，下

欄雲板如其數，俱抹金銅級花葉片裝釘，亭內編黃線縫穿，珠紅漆匡軟座，黃絨垂座，大案四條，座下蓮花墜石軟座上，施花毯大紅錦

褥并席，珠紅漆坐椅一座，其上靠背，雕以沈香色，插金雲龍一，下置雲板一片，珠紅漆福壽板一，并褥，椅中黃絨金綺靠坐褥，四圍椅裙

金周圍施黃綺綉，或用黃線羅，亭外青綺緣邊，珠紅版一十扇，各用拽簾黃線圍織二條，黃銅圍全，轆項并圓盤高三尺一分，又鍍金銅蹲龍頂帶，仰覆蓮座，高一尺二寸九分，垂攀頂黃線圍織四條，盤一寸九分，上以珠紅漆，其下四面沈香色地，插金雲，內四角青地

繪五彩雲，以青飾轆蓋，亭內周圍貼金斗拱，承珠紅漆匡寶蓋，圍以入頂，冒以黃綺，謂之黃屋，頂心并周圍纏五彩雲龍九，天輪三層，皆珠紅漆，上安木貼金邊欄板八十一片，內青地，雕木飾五色雲龍文，三層間繪五彩雲龍板八十一片，盤下周圍黃銅釘裝，上施黃綺，灑水三層，每層八十一摺，間纏五彩雲龍文，四角垂青綺綉帶四條，各纏五彩雲牙龍三，圍盤四角，連轆座板，用黃線攀織四條，并貼



金木魚，轎亭前有左右轉角欄杆二扇，後一字帶左右轉角欄杆一扇，皆漆紅漆，內嵌木貼金龍，間以五彩雲，三扇計一十二柱，各柱首雕木貼金蹲龍一，及線金五彩妝蓮花抱柱，欄杆內四周布花毯。

太常旗二面。

在轎亭後左右，用黃綿羅夾爲

旗，每面十有二許，每許內外繡升龍一，珠紅漆攢竹旗竿二，左竿旗纒繡日月北斗，竿首用鍍金銅龍頭，右竿旗纒繡數字，竿首用鍍金銅戟，每竿纒抹金銅鈴二，垂紅纒十有二，纒上施抹金銅寶蓋，下垂青線粉飾。

踏梯一。

珠紅漆，以抹金銅級花葉片裝釘。

行馬架二。

珠紅漆，其上黃絨區，用抹金銅葉片裝釘，鐵搭鈎全。

黃羅幪衣。

卽遮塵油雨衣并青羅衣各一座。

珠紅油盒扇梯一副。

珠紅油拓，又一件。

抹金銅寶瓶并

象鞍鞦轡氍籠。

各二副。

大馬輦一乘。

高一丈二尺五寸九分，闊八尺九寸五分，輦上平盤板前後車樞并鳳翅，及四垂如意滴珠板，其下轆二條，皆漆紅漆，各長二丈五寸九分，用鍍金銅龍頭，龍尾，龍鱗葉片裝釘，前施珠

紅油漆馬搭攀皮一條，平盤左右下護泥板，及車輪二，貫軸一，每輪輻十有八條，皆漆紅漆，周圍全，各以抹金銅級龍頂管心裝釘，軸中纏黃絨，駕轆等車心各一，用抹金銅級蓮花輪盤裝釘，軸首左右各用漆貼金減鐵龍頭插拴一箇，以抹金銅級龍頂管心裝釘，軸中纏黃絨，駕轆等索，而至地三尺四寸五分，輦亭高六尺四寸九分，珠紅漆四柱，各長五尺五寸四分，輦座高九寸五分，其上四周漆紅漆，環板門，高五尺九分，闊二尺四寸五分，左右門闊二尺二寸五分，前并左右各欄二扇，後欄三扇，明杖全，皆漆紅漆，抹金銅級花葉片裝釘，樞心編黃線，縫穿亭內編黃線，縫穿珠紅漆匡軟座，黃絨壁座，大索四條，座下蓮花墜石，軟座上施紅毯，紅錦褥并席，珠紅坐椅一座，其下靠背羅沈青色，插金雲龍一下，雕雲板一片，珠紅漆福壽板一，并褥椅中黃織金綺靠坐褥，四圍椅裙全，周圍施黃綺帷帳，或用黃綿羅，亭外用青綺緣邊，珠紅簾一十二扇，各用拽簾圓紐二條，黃銅圈全，輦頂并圓盤高二尺六寸五分，又鍍金銅蹲龍頂帶仰覆蓮座，高一尺二寸九分，垂環頂黃綿羅圓紐四條，盤上下俱珠紅漆，以青飾盤蓋內，蓋蓋珠紅漆木匡，圍以入頂，冒以黃綺，謂之黃屋，頂心并周圍繡五彩雲龍九，天輪三層，皆漆紅漆，上安雕木貼金邊羅葉板，計八十一片，內飾綠地雕木貼金雲龍文，三層，間繪五彩雲龍板八十一片，盤下周圍黃銅釘裝，上施黃綺灑水三層，每層八十一摺，間繡五彩雲龍文，四角垂青綺絡帶四條，各繡五彩雲龍升龍三，圓盤四角連輦座板，用環板，皆漆紅漆，四扇計一十四柱，各柱首雕木貼金蹲龍一，用編金五彩妝蓮花抱柱，前欄杆內布紅毯一。

太常旗二面。

在輦亭後左右，用黃

轉羅夾爲旗，每面十有二許，每許內外纏升龍一，硃紅漆攢竹旗竿二，左竿旗腰纏日月北斗，竿首用鍍金銅龍頭，右竿旗腰纏數字，竿首用鍍金銅龍，每竿綴抹金銅鈴二，重紅纒十有二，纏上施抹金銅寶蓋，下垂青線紛路。踏梯一，硃紅漆，以抹片裝。

行馬架三，硃紅漆，其上黃綠區緞，用抹金銅葉片裝釘，鐵搭鈎全。黃絹幟衣，卽遮塵油絹雨衣。硃紅油盒扇梯一副，硃紅油拓馬鞍鞵鞞，金銅葉片裝釘，鐵搭鈎全。井青氍衣各一座。又一件。

響鈴纓全，小馬鞦一乘，高一丈一尺五寸九分，闊七尺九寸五分，盤上平盤前後車轆，井馬翅及四垂板，其下轆二條，皆硃紅漆，轆各長一丈九尺五分，用鍍金銅龍頭龍尾，龍鱗葉片裝釘，前施硃紅油馬搭鞞皮一條，平盤左右下護

泥板及車輪二貫軸一，每輪幅十有八條，皆硃紅漆，周圍纏全，各以抹金鍍花銅葉片裝釘，輪內車心各一，用抹金銅鍍蓮花瓣輪盤裝釘，軸首左右各用漆貼金鍍龍頭插拴一箇，以抹金銅鍍龍頂管心裝釘，軸中纏黃絨駕轆等索，而至地三尺四寸五分，鞦亭高五尺

五寸九分，硃紅漆四柱，各長五尺四寸五分，轆高一寸四分，其上四圍硃紅漆，轆環板門高五尺，闊二尺二寸五分，左右門闊二尺一寸九分，前井左右各硃紅漆梯二扇，明欵全，抹金銅鍍花葉片裝釘，梯心編黃線，織穿後硃紅漆屏風，杖周圍俱用抹金銅鍍花葉片裝

釘，亭底硃紅漆板，上施紅花毯紅錦褥，井席硃紅坐椅一座，其上靠背圍以沈香色，描金雲龍一下，圍雲板一片，硃紅漆福壽板一，井得椅中黃織金綺靠坐褥，四圍椅裙全，周圍施黃綺幃幔，或用黃線羅，亭外用青綺緣邊硃紅簾四扇，各用塊黃線圍緞二條，黃銅圍全

鞦頂井圓盤高二尺五寸五分，又鍍金銅寶珠頂帶仰覆蓮座，高一尺二寸九分，垂攀頂黃線圍緞四條，盤上下皆硃紅漆，以青飾蓋內，寶蓋硃紅漆匡，圍以八頂，冒以黃綺，謂之黃屋頂心井周圍纏五彩雲龍九圍，盤下用黃綺幃幔四扇，或用黃線羅，天輪三層，皆硃紅

漆，上安副木貼金邊耀葉板，計八十一片，內飾綠地貼金雲龍文，三層間繪五彩雲龍板八十一片，盤上周圍黃銅釘裝，上施黃綺，灑水三層，每層八十一摺，間纏五彩雲龍四角垂青綺絡帶四條，纏五彩升雲龍二圓盤四角，連鞦座板，用攀頂黃線圍緞四條，井貼金木魚

鞦亭前一字圍杆一扇，後一字帶轉角圍杆一扇，左右圍杆二扇，內嵌緞環板，皆硃紅漆。太常旗二面，在鞦亭後左右，用黃線羅夾

四扇，計一十四柱，各柱首膠木貼金蹲龍一，用線金五彩妝蓮花抱柱，前圍杆內布花毯。爲旗，每面十有二許，每許內

外纏升龍一，硃紅漆攢竹旗竿二，左竿旗腰纏日月北斗，竿首用鍍金銅龍頭，右竿旗腰纏數字，踏梯一，硃紅漆，以抹金銅

字，竿首用鍍金銅龍，各竿綴抹金銅鈴二，井紅纒十有二，纏上施抹金銅寶蓋，下垂青線紛路。踏梯一，硃紅漆，以抹金銅

字，竿首用鍍金銅龍，各竿綴抹金銅鈴二，井紅纒十有二，纏上施抹金銅寶蓋，下垂青線紛路。踏梯一，硃紅漆，以抹金銅

硃紅漆其上黃絨匾額用抹 黃絹幃衣 卽遮塵油絹雨衣 硃紅油盒扇梯一副 硃紅油拓 鞍鞴鞦轡鈴纓 全 步輦一  
金銅葉片裝釘鐵搭鈎全 井青氈衣各一座 又一件

乘 高一丈二尺二寸五分座高三尺二寸五分方闊八尺二寸五分盤座用硃紅漆其下四面雕木五彩雲暉貼金龍板十二片圓以渾  
貼金仰覆蓮座其下雕木線金五彩雲板二十片座下硃紅漆緣四條中二條各長三丈五尺九寸左右二條各長二丈九尺五寸九  
分每緣以鍍金銅龍頭龍尾裝釘鞦葦高六尺三寸九分四柱各長六尺二寸五分盤高一寸四分皆硃紅漆其上四圍雕木沈香色插  
金香草板十二片抹金銅鍍花葉片裝釘門高五尺七寸九分闊二尺四寸五分左右二門闊二尺三寸五分前井左右各硃紅漆十字  
幅二扇飾沈香色插金雲龍板八片其下雲板如其數後硃紅漆屏風上雕沈香色插金雲龍五屏後雕沈香色插金雲龍板三片又  
雲板如其數俱用抹金銅鍍花葉片裝釘亭內雕紅花毯大紅錦褥并席硃紅漆坐椅一座其上靠背雕以沈香色插金雲龍一下雕雲  
板一片硃紅漆福壽板一井褥椅中黃織金綺靠坐褥四圍椅裙全周圍施黃綺幃幔或用黃線羅亭外用青綺緣邊硃紅簾一十扇各  
用拽屨黃線圓織二條黃銅圈全鞦頂并圓盤高二尺六寸一分又鍍金銅鐫龍頂帶仰覆蓮座高一尺二寸九分垂攀頂黃線圓織四  
條盤上下硃紅漆以青飾鞦蓋內硃紅漆匡圓以八頂冒以黃綺謂之黃屋頂心井周圍繡五彩雲龍九天輪三層皆硃紅漆上安雕木  
貼金透耀葉板八十一片內飾以綠地貼金雲龍文三層間繪五彩雲龍板八十一片盤下周圍黃銅釘裝上施黃綺灑水三層每層八  
十一摺間繡五彩雲龍文四角垂青素綺絡帶四條各繡五彩雲龍升龍二圓盤四角連鞦座板用攀頂黃線圓織四條并貼金木魚鞦亭  
前有硃紅漆左右轉角欄杆二扇後一字帶左右轉角欄杆一扇各嵌雕木貼金龍間以五彩雲三扇計一十柱柱首各雕木貼金蹲龍  
一用線金五彩妝蓮花抱柱 硃紅漆以抹金銅 硃紅油拓 黃絹幃衣 卽遮塵油絹雨衣 大涼  
欄杆內四周布紅花毯一 踏梯一 硃紅油盒扇梯一副 又一件

步輦一乘 高一丈二尺二寸五分盤座硃紅漆座板并四面雕木五彩雲板二十片間以貼金仰覆蓮座其下硃  
紅漆如意攪環板如其數座下硃紅漆轅六條中二條各長四丈三尺五寸九分左右二條各長四丈九寸九分左右二邊二條

各長三丈六尺五寸九分前後俱飾以雕木漆貼金龍頭龍尾座高三尺二寸五分方闊一丈二尺五寸九分鞦葦高六尺五寸九分闊  
八尺五寸九分四柱以硃紅漆門高五尺八寸九分闊二尺五寸九分左右二門闊同其上四圍沈香色插金香草板十二片前井左右

各有榻二扇，後榻三扇，明欵全，皆硃紅漆，通編黃線緞穿，盤板上施墊氈，加紅錦褥并席，硃紅漆坐椅一座，坐下四面雕木沈香色插金寶相花，其上靠背雕沈香色描金盤龍，一下雕雲板一片，硃紅漆福壽板一井，褥椅中黃織金綺靠坐褥，四圍椅裙全，周圍施黃綺繡棧，或用黃線羅，內設硃紅漆桌二隻，硃紅漆圍杆香桌一座，圍杆四柱，各柱首雕木貼金蹲龍一，銅金銅龍蓋香爐一，井香匙著瓶內，設紅錦墩一對，亭外青綺綠邊硃紅簾三扇，各用拽簾黃線圓緞二條，黃銅圈全，盤頂高二尺七寸五分，又鍍金銅寶珠頂帶仰覆蓮座，高一尺三寸二分，垂簾頂黃線圓緞四條，頂用硃紅漆，上冒紅氈，四垂以黃氈爲如意雲，黃氈綠邊上施黃綺，灑水三層，每層一百三十二摺，間繡五彩雲龍文，或用大紅羅，頂用黃羅爲如意雲，綠條，灑水亦用黃羅，頂下周圍以紅氈爲緯，黃氈綠條四角鍍金銅雲四朵，亭內寶蓋繡五龍，頂以硃紅漆木匡，冒以黃綺，謂之黃屋，頂心井四圍繡雲龍各一，盤亭四角至盤座，用翠頂黃線圓緞四條，井貼金木魚，盤亭前左右硃紅漆轉角圍杆二扇，後一字帶轉角圍杆一扇，皆雕木渾金貼龍，圍以五彩妝雲板，三扇計一十二柱，各柱首雕木貼金蹲龍一，用線金五彩妝蓮花。

踏梯一

硃紅漆，以抹金銅級花葉片裝釘。

硃紅油盒扇梯一副

硃紅漆拓，又一件。

黃絹幟衣

卽遮塵油絹雨衣，井氈衣各一座。

紅板

轎一乘

高六尺九寸五分，轎頂高一尺六寸五分，硃紅漆，近頂裝圓匡綉殼窗，在上鍍金銅火鍊寶珠帶仰覆蓮座，高六寸九分，四角鍍金銅雲朵，轎扛二條，前後以鍍金銅龍頭龍尾裝釘，黃絹氈角索全，四圍硃紅漆板，左右門二扇，高四尺五寸九分，用鍍金

銅釘紋事件，轎內硃紅漆坐椅一座，福壽板一，井褥，椅內黃織金綺靠坐褥，四圍椅裙全，下鋪席并踏褥，黃絹襦衣，井油絹雨衣各一座，又青氈衣一座，紅氈綠條雲子金。

皇后鹵簿

凡大駕用龍頭者，皇后皇妃皇太子妃以下，皆易以鳳頭，而皇太子以下，仍用龍頭。

紅杖一對

以下如大駕制而稍輕之。

清道旗一對

黃麾一對

絳引旛三對

傳教旛二對

告止旛二對

信旛

二對，龍頭竿五對

儀鎧毘五對

戈毘五對

戟毘五對

吾杖三對

立瓜三對

臥瓜三對

儀刀三對。班劍三對。鐙仗三對。金鉞三對。骨朵三對。響節六對。羽葆幢二對。紫方傘二把。紅方傘二對。黃銷金傘一把。黃繡曲柄傘二把。紅繡傘一把。紅素圓傘二把。紅繡雉方扇六把。紅繡花圓扇六把。青繡方扇六把。紅羅素扇六把。拂子二把。紅紗燈籠二對。紅油紙燈籠一對。鮫燈一對。金交椅一把。金腳踏一箇。金水盆一箇。金水罐一箇。金香鐵一箇。金香盒一箇。金唾盂一箇。金唾壺一箇。行障二葉。坐障一葉。輅一乘。踏梯一。行馬架三。黃絹轆衣。硃紅油盒扇梯一副。安車一乘。高九尺七寸六分。車上平盤板。前後車轆。并鳳翅板。下轆二條。皆硃紅漆。轆各長一丈六尺七寸六分。用抹金銅鳳頭。鳳尾。鳳翎葉片裝釘。前施硃紅油馬搭。攀皮一條。平盤左右垂護泥板。及車輪二貫軸。每輻十有八條。皆硃紅漆。周圍網全。車轂各一軸。首左右各用紅漆鐵插拴一箇。軸中纏黃絛。駕轆等索。車亭高四尺四寸。硃紅漆方柱四長。同。其上四圍裝五彩花板十二片。門高三尺七寸六分。闊二尺二寸六分。左右門圓。前并左右各硃紅漆。上明下暗十字橋二扇。後三山屏風。屏後壁板俱硃紅漆。用抹金銅鍍花葉片裝釘。亭底硃紅漆板上。施紅花毯。紅錦褥。周圍施黃綺。幃幔。或用黃線羅。亭外用青綺。綠邊硃紅縵。四扇。各用拽縵黃線圓羅二條。黃銅圓全。車蓋用硃紅漆。高二尺六分。抹金銅寶珠頂帶蓮座。高六寸。四角抹金銅鳳頭。用學踏梯一。行馬架一。黃絹轆衣。縵四條。并紅漆木魚。蓋下施黃灑水三層。俱銷金鸞鳳文。鳳頭下垂紅綉結。

太皇太后鹵簿

皇太后鹵簿

俱同

大樂制度

麾一。戲竹一對。簫十二管。笙十二攢。龍笛十二管。頭管十二管。方響四架。樂八架。琵琶八把。篋篋八把。杖鼓三十六箇。鼓衣以紅綺一幅。看杖。板四串。大鼓二面。鼓衣一。

中和韶樂制度

麾一。祝一。敵一。搏拊二。琴十張。瑟四張。簫十二管。笙十二攢。笛十二管。塤四箇。篋四管。排簫四架。編銅二架。編磬二架。應鼓二。

東宮儀仗

令旗一對。清道二對。總弩一張。刀盾一十對。弓箭二十幅。白澤旗二面。青旗二面。紅旗二面。黃旗二面。白旗二面。黑旗二面。素青旗二十面。金鼓旗二面。金龍畫角十二枝。花匡鼓二十四面。擗鼓二面。金鉦二面。金二面。板二串。板鼓二箇。小銅角一對。大銅角一對。纓頭一箇。領頭四對。絳引旛一對。傳教旛一對。告止旛一對。信旛一對。羽葆幢一對。儀鎧三對。戈纓三對。戟纓三對。吾仗二對。儀刀二對。班劍二對。金鉞二對。立瓜二對。臥瓜二對。骨朵二對。鎗杖二對。父叉一對。戟十對。稍十對。夾稍一對。麾一把。幢一把。節一把。金節二對。響節六對。青方傘一把。紅方傘二把。紅繡直柄圓傘一把。紅繡曲柄圓傘二把。紅繡花直柄傘二柄。紅圓傘二把。青圓傘二把。紅油絹銷金雨傘一把。青繡孔雀圓扇六把。青繡花圓扇四把。紅繡花圓扇四把。紅繡孔雀方扇四把。青

繡方扇四把。誕馬八匹。鞍籠一箇。金馬杌一箇。金交椅一把。金脚踏一箇。拂子二把。紅  
紵絲拜褥一。金水盆一箇。金水罐一箇。金香爐一箇。金香盒一箇。金唾盂一箇。金唾壺一  
箇。紅紗燈籠三對。紅油紙燈籠三對。鮑燈三對。仗馬二匹。金格一乘。紅旗二面。踏梯一  
行馬架三。紅絹轎衣。硃紅漆盒扇梯一幅。馬鞍轡鞦韆鈴纓全。鞍籠二。青帳房一座。戲  
竹一對。大鼓一面。鼓衣一。板一串。杖鼓十二箇。鼓衣一。看杖。籠笛二管。笙二攢。筚  
篥二把。鑾二架。琵琶二把。方響二架。頭管二管。簫二管。

親王儀仗

令旗一對。清道二對。幢弩一張。刀盾一十對。弓箭二十幅。白澤旗一對。金鼓旗一對。畫  
角十二枝。花匡鼓二十四面。杖鼓二面。金鈺二面。鑼二面。擗鼓二面。板一串。笛二管。  
小銅角一對。大銅角一對。戲竹一對。大樂鼓一面。板一串。杖鼓十二面。笛四管。頭管四  
管。絳引旛一對。傳教旛一對。告止旛一對。信旛一對。儀鎗一對。戈一對。戟一對。  
吾杖一對。儀刀四對。班劍一對。斧一對。立瓜一對。臥瓜一對。骨朵一對。鐙杖一對。  
戈叉一對。戟十對。稍十對。夾稍一對。麾一把。幢一把。節一把。響節四對。紫方傘二把。  
紅方傘二把。紅銷金傘一把。紅繡圓傘一把。紅曲柄傘二把。紅油絹銷金雨傘一把。青繡  
圓扇四把。紅繡圓扇四把。紅繡方扇四把。誕馬八匹。鞍籠一箇。馬杌一箇。拂子二把。交

椅一把。腳踏一箇。水盆一箇。水罐一箇。香爐一箇。唾盂一箇。唾壺一箇。紅紵絲拜褥一。紅紗燈籠二對。紅油紙燈籠二對。魷燈一對。帳房一座。象輅一乘。紅旗二面。踏梯一。行馬架三。紅絹轎衣。

世子儀仗

同

郡王儀仗

令旗一對。清道一對。幟弩一張。刀盾八對。弓箭十八幅。金鼓旗一對。畫角十枝。花匡鼓二十面。擱鼓一面。金鈺一面。鑼二面。板一串。笛二管。戲竹一對。大樂鼓一面。板一串。杖鼓八面。笛四管。頭管四管。絳引旛一對。傳教旛一對。告止旛一對。信旛一對。吾杖一對。儀刀一對。立瓜一對。骨朵一對。斧一對。戟八對。稍八對。麾一把。幢一把。節一把。響節三對。紅銷金圓傘一把。紅圓傘一把。紅曲柄傘二把。紅方傘二把。青圓扇四把。紅圓扇四把。誕馬四匹。鞍籠一箇。馬杌一箇。拂子二把。交椅一把。腳踏一箇。水盆一箇。水罐一箇。香爐一箇。香盒一箇。紅紵絲拜褥一。紅紗燈籠二對。魷燈一對。帳房一座。

皇妃儀仗

紅仗一對。清道旗一對。絳引旛一對。戈斃一對。戟斃一對。儀鎗斃一對。吾杖一對。儀刀



一對。班劍一對。立瓜一對。鐙杖一對。骨朵一對。金鉞一對。響節二對。青方傘二把。紅繡圓傘一把。紅繡方傘四把。紅花圓扇四把。青繡圓扇四把。交椅一把。腳踏一箇。拂子二把。水盆一箇。水罐一箇。香鑪一箇。香盒一箇。唾盂一箇。唾壺一箇。紅紗燈籠二對。風轎一乘。青頂上抹金銅珠。頂四角抹金銅飛鳳。各垂銀香圓寶蓋。并綵結。轎身抹紅漆木匡。三面簾織紋單。繪以程文。抹金銅。綴花葉片。裝釘。用硃紅漆木轎扛。抹金銅鳳頭鳳尾裝飾。青銷金羅綠邊硃紅廉井看帶。內紅交牀并坐踏褥。各一。紅銷金羅轎衣一件。紅油絹雨轎衣一件。行障二業。坐障一業。

東宮妃儀仗

紅仗一對。清道旗一對。絳引旛一對。儀鎧一對。戈斃一對。戟斃一對。吾杖一對。儀刀一對。班劍一對。立瓜一對。臥瓜一對。鐙杖一對。骨朵一對。金鉞一對。響節二對。青方傘二把。紅素圓傘二把。紅繡圓傘一把。紅繡方扇四把。紅繡花圓扇四把。青繡圓扇四把。交椅一把。腳踏一箇。拂子二把。水盆一箇。水罐一箇。香鑪一箇。香盒一箇。紅紗燈籠二對。鳳轎一乘。紅羅銷金轎衣一件。紅油絹雨轎衣一件。小轎一乘。紅素羅轎衣二件。紅油絹雨轎衣一件。行障二業。坐障一業。

公主儀仗

世子妃儀仗

同。俱

郡王妃儀仗

紅杖一對。清道旗一對。絳引旛一對。戟斃一對。吾杖一對。班劍一對。立瓜一對。骨朵一對。響節一對。青方傘二把。紅圓傘一把。青圓扇二把。紅圓扇二把。交椅一把。腳踏一箇。拂子二把。紅紗燈籠一對。水盆一箇。水罐一箇。翟轎一乘。木紅平羅銷金轎一件。木紅油絹雨轎衣一件。行障二葉。坐障一葉。

郡王儀仗

紅杖一對。清道旗一對。吾杖一對。立瓜一對。骨朵一對。響節一對。青方傘一把。紅圓傘一把。青圓扇二把。紅圓扇二把。交椅一把。腳踏一箇。水盆一箇。水罐一箇。紅紗燈籠一把。拂子二把。翟轎一乘。紅羅銷金轎衣一件。紅油絹雨轎衣一件。行障二葉。坐障一葉。

官員儀仗

凡文武百官自四品以上用金扇藤棍雙引。六品以下鞭棍單引。凡官員從人。公十人。侯八人。伯六人。一品至三品六人。四品至六品四人。七品至九品二人。凡役使奴婢公侯之家不過二十人。一品不過十二人。二品不過十人。三品不過八人。凡官員出外。四品以上引導三對。用錫槩鋼叉藤棍。七品以上引導二對。用錫槩藤棍。在外方面堂上官引導三對。用錫槩鋼叉藤棍。各府及鹽運司等衙門四品以上官引導二對。用錫槩藤棍。七品以上引導一對。用藤棍。八品九品用竹篋一對引導。雜職不許引導。若府

明 書 卷八十

州縣官催徵用竹篲巡捕用叉刀之類導引者不在禁限。



一六三六

# 明書卷八十一

## 志二十

### 食貨志一

史官論曰。凡物之情。價則亂。積則散。有天焉存乎其間。天不愛寶。道日爲芸生養。而君曰天子。奉天子民者也。庖犧燧人。邈矣堯舜。黜大禹。胼胝成湯。不殖周家。父子兄弟多聖人。自日昃不遑暇食。以至得人。之國。不惜鹿臺鉅橋之費。而後日以稼穡艱難爲諄誠。皆弗憚。枵其身爲天下餉。以故數千年間。多治少亂。天子尊優。民用康阜。秦以天下養一人。茂仁義。專彊勢。聚天下之需。肆情以聘。積前古所未有。而物之宮府。身死物化。率不能以數年。後世之君。多棄天以自豐其身。運際熾隆。亦致殷裕。而子孫蕩侈。任心計之臣。窮極撲吸。百姓或至攻食。骨骸穢路。緣養稱戈。以九重天子。有取野棗園菜爲餽。珍十澹之麴。以供膳者矣。矧彼寶玉。明太祖嘗謂侍臣曰。天地生財以養民。故爲君者。當以養民爲務。夫節浮費。薄稅斂。猶恐損人。若重徵會。其誰不怨咨。又曰。善爲國者。不病民以利官。必生財以阜民。前代理財竊名之臣。罔知此道。謂積財裕國。惟事剝削。蠹餌窮鑄銖之利。生事要功。如桑弘羊。孔僅。楊炎。王安石之流。自以謂能人主信之。然不悟得之有限。所傷無窮。今國家賦貢。皆有定制。樽節用度。自獲餘饒。減省徭役。使農不廢。

耕女不廢織。厚本抑末。俾遊惰咸盡力田畝。則爲者疾。食者寡。自然家給人足。積蓄富盛。司計之臣。皆宜究心。毋爲腴斂。以傷國體。嘗閱內藏。慨然謂臣下曰。此皆民力所供。藏以爲天下用。吾何敢私。苟奢侈妄費。取一己之娛。殫耳目之樂。是以天下之積。爲一己私也。乃戒後世子孫。不得閱庫籍。無寶玩之供。卻珍異之戲。除服食器用外。不以責煩四方。累朝節儉。宮室不轟於雲表。巡遊不耀於海陬。而內帑充溢。其後至於穆神之時。邊無長驅。潢無竊弄。粟貫塵瘳。貨物源來。雖穆宗稍嗜珍寶。神宗頗好封殖。未嘗苦虐百姓。極於掎克。及懷宗末年。李賊逼長安。徵天下援師。集闕下。樞臣請幣。懷宗言內帑所餘。止六萬。至於揮涕。而祖宗之積。天子不知。後賊之去也。百萬窮寇。擢內府之金珠錦繒。輪蹄攜載。絡繹滿途。而曾不去二三。及賊勢旣傾。民多邀擊。河以北。芴屋之下。農婦山僮。至被龍袞。有積珠數斗。僅以易米一囊者。其爲養者何也。賈耶。積耶。散耶。亂耶。語曰。天之所與。莫可奪之。天之所奪。莫可與之。悲夫。作食貨志。

錢法○洪武初。置寶源局於應天。鑄大中通寶錢。與歷代古錢兼行。以四百爲一貫。四文爲一錢。其貨錢相質從民便。設官以主其事。已敕戶部及各行省鑄洪武通寶錢。當十當五。當三折二。若小錢凡五等。當十錢重一兩。餘各如其當之數。而小錢以一錢爲準。嚴私鑄之禁。工侍郎秦達請令郡縣收民間廢銅。以資鼓鑄。上曰。鑄錢本以便民。今欲取民廢銅。朕思天下廢銅有限。斯令一出。有司急於奉行。小民迫於誅責。勢必至毀器物以輸。其爲民害甚矣。其已之。八年。罷寶源局。九年。罷行省錢局。十年。令各布政司設寶泉局。專鑄小錢。二十年。復停。二十三年。復定錢制。小錢一文。用銅一錢二分。餘折當者。遞增之。凡鈔一貫。

准錢一千文。二十六年，獨戶部鑄，而各省之錢復罷。永樂九年，令差官於浙江、江西、廣東、福建鑄永樂通寶錢。嗣後凡改元鑄其年號錢，皆與古錢兼行。天順中，令民間除假錢、錫錢外，凡古今錢，依數折行，不許挑揀。正德中，嚴錢禁令，職官折俸以十分爲率，一分給錢。里甲收受錢糧，准收銅錢。嘉靖中，議以洪武通寶有當十當五諸制，見今堪用，復有一錢七十文及一百四十二百一十之異三等，任從民便，而嚴銷鑄舊錢，造作佛像及器用之禁，犯者比盜鑄錢律。十九年，以鑄錢得不償費，停止之。二十三年，復鑄，時御史閻鄰上言：「國朝所用錢幣有二，曰制錢，則列聖所鑄，如洪武、永樂等通寶是也；次曰舊錢，如開元、祥符等錢是也。二錢並用，民咸利之。雖僞造，不過竊真售賈，其於原制尤不甚相遠也。邇者京師之錢，輕裂薄小，觸手可碎，字文雖存，而點畫莫辨，甚則不用銅而用鉛鐵，不以鑄而以翦裁，麤具肉好，卽名曰錢，每三百文才值銀一錢，作之者無忌，用之者不疑，而制錢反爲壅遏。乞敕下緝捕衙門，許以制舊二錢通行，其僞造私藏者，期以半月自行銷毀，犯者論如律，因以所獲僞錢進呈，上惡其濫惡詭異，命榜示如章。已南京吏部司務朱希皋復上言：「納例開礦以濟用，不若做採銅充賦，設官鑄錢，及禁其僞，行其真，新錢既成，貿易轉輸，賜予俸給，皆於此取之。甚便。」上曰：「今天下郡縣，則壤成賦，以籍爲定。若復採銅充賦，未免紛紜。且兩京俱有寶源局，未嘗廢，可特合補鑄制錢數及盜鑄者，後以錢法不通，戶部言由輕重二弊，未能迭相爲用，請以新舊二錢爲則，官司收稅亦准此例，不得輒有增損。有阻壞者治之。」上命以七十文爲一錢，舊錢倍之。復諭工部鑄洪武至正德紀元錢，每號歲百萬，嘉靖錢歲一千萬。先是民間行用濫惡錢，無復形

製。口之曰皮棍倒好。至以六七十文易銀一分。狡僞者或翦楮夾其中。因給事中李用敬言。乃詔公私用錢如洪武例。而嘉靖錢以七文准一分。洪武等及古錢上品者如制錢。餘不過二十文准一分。其濫惡者禁止之。犯者如律。是時小錢行用久。驟革之。小民頗稱不便。又以大學士嵩請。出內庫錢八千一百萬。給官俸并軍糧。尋令不論年號。悉以七文折算。由是市易者官及軍匠。悉以七文抑勒予民。民益驟然。屬連歲大祲。四方流民就食京師。死者相枕藉。議者謂錢法不通所致。於是御史何廷鈺上言。乞許民以小錢六十當一分。其庫貯諸錢。仍以七文行。而戶部駁以爲濫錢法所當禁。若官令用之。是開私鑄之門。以王者利病假盜賊也。且方下厲禁。末期月輒更法令。不信格之。小錢雖不復用。而民間競私鑄嘉靖通寶錢。與制錢通行。四十三年罷寶源局。初上以廷議命寶源局及南京雲南造制錢。發民間貿易。既而所鑄不一。有金背火漆旋邊諸名。民行久之。言官建議鑄錢艱難。工匠勞費。請革其鑪車。以鑪盪代之。從之。於是鑄工競雜鉛錫。便琢治。而輪廓粗糲。色澤昏暗。與前所造大不侔。由是姦僞之徒。益多盜鑄。滋濫惡貿易不通。至有朝入手而卽廢棄者。商民悔忿。并佳者皆不受授。閭閻大困。其盜鑄者立斬。終不能止。上憂之。召大學士階問弊源。階奏言。臣惟濫僞諸錢。既不能強民通行。而寶源局仍鑄不已。有五害焉。戶工二部。每歲以二萬八千餘金。投諸無用之地。一中奸猾之計。開私賄之門。二朝廷以此給賞中外臣工。而蒙賞者受而無用。虛皇上之恩。三官府以此給與商民。而領受者有虧苦之怨。四局中之人。坐享其利。而朝廷之錢法日阻。禁嚴之令。因之不行。虧損國體。五臣以爲不若停止寶源局鑄造。其應給錢者。卽以錢本銀。

代之上從之。已上諭工部曰：近來錢法阻滯，由於私鑄盛行，其立法嚴治，而寶源局向所鑄錢輕小，蓋由於官匠侵料減工所致。爾部究懲之，乃逮作官及鑪頭工匠，送法司誦遣，有差。穆宗卽位，今貿易貨物一錢以上者，銀錢兼用。以下者，止許用錢，而以制錢及舊錢，皆以八文爲一分，勿低昂。乃鑄隆慶通寶，每文重一錢三分。尋以京城內外錢法不通，命廷臣議。於是戶部奏錢法之弊，其說有三：當嘉靖初年，崇文門等處稅課皆徵錢，官吏俸給，小民貿易，皆資於錢，故錢之用廣。其後鋪戶濫受惡錢，以充俸鈔，錢稍不售，及稅課專徵銀，又民間止用制錢，不用古錢，故錢法始壅一也。又法令疏闊，私鑄者多，真僞混淆，則煩揀擇，揀擇太精，則礙行使二也。又無知小民，聽信訛言，轉相煽惑，謂制錢且罷，遂格不行三也。臣等以僞錢濫惡者可禁，其洪武以來制錢及古錢，俱宜聽民間兼行，其稅課房號諸銀，俱令收錢，如僞造及低昂價直者，重罪之。詔從其議。已總督薊遼侍郎譚綸言：足國必先富民，欲富民必重布帛菽粟而賤銀，欲賤銀必行錢法以濟銀之不及。今之議錢法者，皆曰鑄錢之費與銀相當，朝廷何利焉？臣以爲歲鑄錢一萬金，則國家增一萬金之錢，流布海內，鑄錢愈多，則增銀亦愈多，是藏富之術也。又謂錢雖鑄，民不可強，夫錢者泉也，謂其流行而不息也。今之錢惟欲布之於下，而不惟輸之於上，故其權在市井，而不在朝廷。又識以年號，亦不免有壅而不通之患。臣請朝廷歲出工銀一百二十萬，發兩京戶工部及各省開局設官，專任其事，其所鑄錢，卽以備次年官軍俸糧，兼支折色之用。以後鑄錢益多，則工本當益省，錢制必輕重適均。定以十文值銀一分，不足則稍重其制，以五文爲一分，其錢俱以大明通寶爲識，期可行之萬世。從。



前制錢及古錢悉聽民便。新錢盛行，則舊錢自止。又令民得以錢輸官，如稅糧折色，則銀六錢四，存留及俸廩軍糧俱從中半收錢。如此皆以行錢爲便。雖欲強其用銀，不可得矣。上如綸言，而大明通寶錢終不鑄。萬歷四年，令南北直隸及十三布政司俱開局鑄錢。每處發錢式，詔雲南留前鑄佐海肥之用。十年，停各布政鑄局。二十六年，給事中郝敬陳錢事甚悉，曰：責專官，定規則，廣鑄局，鑄大錢，採礦銅，處工本，嚴稽算，禁盜鑄，算歲息，重賞罰，曉愚夫，聽販賣，上善其言，而不行。已戶部奏錢法，上曰：今公帑匱乏，制錢宜多鑄，濟用。不但餉軍給商，亦可供俸祿賞賚，須如法鼓鑄，務期上下通行，不得隨時低昂，以滋阻壞。監局司官若能殫心任事，效有勞績者，優敘之。天啓初，以光宗在位不久，未遑鑄錢，命鑄泰昌通寶錢一年，以存一代之號。崇禎中，內帑大竭，命各鎮有兵馬處皆開鑄鼓鑄，以資軍餉。而錢式不一，盜鑄孔繁。末年，每銀一兩易錢五六千文，錢有煞兒大眼賊短命官諸號。因兆李自成之亂，洪武時，天下共開錢鑪三百二十五座，歲鑄錢一萬八千九百四十一萬四千八百文，後多盈縮，不可得而考云。

鈔法○洪武初中，書省及在外行省各置局鑄錢，有司責民出銅，民間皆毀銅器輸官，鼓鑄甚勞，茲民多盜鑄，又商賈貿易，錢重道遠，不便。上以宋有交會法，而元時亦嘗造交鈔，及中統至元寶鈔，易於流轉，可以去鼓鑄害。遂詔中書省行工部造大明寶鈔，工部造鈔屢不就。太祖一夕夢神告以當用秀才心肝爲之，既寤，未得其計。因語孝慈皇后曰：神豈殺士而爲之耶？后曰：不然。士子苦心程業，其文課卽心肝也。太祖喜曰：得之矣。明日，取太學生課簿，搗而製之，遂成。以皇太子董其事，仍嚴僞造之禁，以桑穰爲料，制方

高一尺闊六寸許。色青黑。外爲龍文闌。橫題其額曰大明通行寶鈔。闌中爲三方。上方爲篆文。卽題額中。上兩旁復篆文八字。曰大明寶鈔。天下通行。中圖錢貫狀。十串則爲一貫。其下楷書曰戶部奏准印造大明寶鈔。與銅錢通行使用。僞造者斬。告捕者賞銀二百五十兩。仍給犯人財產。若五百文則畫鈔文爲五串。餘如其制。而遞減之。每鈔一貫。折銅錢一千文。銀一兩。其餘以是爲差。其等凡六。曰一貫。五百文。四百文。三百文。二百文。一百文。每鈔四貫。易赤金一兩。禁民間不得以金銀貨物貿易。違者罪之。告發者卽以其物充賞。若有以金銀易鈔者聽。凡商稅課錢鈔兼收。錢三銀七。一百文以下則用錢。十三年在京在外各置行用庫。令軍民倒鈔貫百。昏爛者許入庫易換。收工墨價。已復諭天下不許取鈔料。但有字貫可辨真僞者。不問破爛油污紙補。卽收解京。抑勒者及不堪辨驗真僞解京者罪。太宗卽位言鈔板歲久。篆文磨滅。且皆洪武年號。今改元。宜併更之。太宗曰。板歲久則當易。但不必改。洪武爲永樂。蓋朕所遵用。皆太祖成憲。雖永用洪武可也。故鈔終皆洪武年號。尋以鈔法不通。令諸有以金銀貿易者。以奸惡論。告捕者以所易金銀充賞。鈔昏爛仍許入庫換易。收工墨直。蓋國家欲以寶鈔統天下利權。而銅錢佐爲使。通行之制甚設。然鈔易昏爛。難久藏。雖有倒換之令。然收受艱難。終廢不行也。宣德中。令於順天。應天。蘇。松。鎮。常。揚。儀。真。杭州。嘉興。湖州。福州。建寧。武昌。荊州。南昌。吉安。臨江。清江。廣州。開封。濟南。濟寧。德州。臨清。桂林。太原。平陽。蒲州。成都。重慶。盧。計三十三處。皆立署。曰鈔關。又諭令天下。凡菜果園。及場房。車房。店舍。僱商賈者。菜地。月納舊鈔三百貫。果樹十株。百貫。房舍每間五百貫。差御史同戶部官催勅之。又令凡以車載。

貨物者。每輛納鈔二百貫至五十貫。以小大爲差。船如之。若油房磨房之類。皆納鈔。久之。民嗟怨。上命之減。三之一。正統中。復申行之。先是永樂中。令大口月食鹽一斤。納一貫。小口月食鹽半斤。納百文。而筭罪以下。准以鈔贖。至是亦復申其制。成化中。令天下稅糧。皆錢鈔兼收。及弘治六年。令各鈔關。每鈔一貫折銀三釐。每錢七文折銀一分。至是鈔漸微。而錢行。計太祖時。賜鈔千貫。則爲銀千兩。金二百五十兩。而永樂中。千貫猶作銀十二兩。金止二兩五錢矣。及弘治時。賜鈔三千貫。僅銀四兩餘矣。而鈔愈難行。於是上議者。以爲請倣古三幣之法。以銀爲上幣。鈔爲中幣。錢爲下幣。以中下二幣爲公私通用之具。而一准上幣以權之焉。蓋自國初以來。有銀禁。恐其或闕鈔錢也。而錢之用。不出於閩廣。宣德以來。錢始行於西北。自天順來。鈔之得益微。必欲如寶鈔屬鏹之形。一貫准錢一千。銀一兩。復初製之舊。非用嚴刑不可也。然嚴刑非盛世所宜有。竊以爲今日制用之法。莫若以銀與錢鈔相權而行。每銀一分。易錢十文。新鈔每貫亦十文。四角完全未甚折者。每貫五文。中折者三文。昏爛而有一貫字者一文。通詔天下。以爲定制。而嚴立擅自加減之罪。雖物生有豐斂。貨殖有貴賤。而銀與錢鈔交易之數。一定而永不可易矣。上不聽。先是成化中。南京鎮守言。鈔法圯不行。遣御史鄭堃往按之。衆以爲非起大獄。申著令。法不可得而行也。堃念著令已竣。非法意。往獨捕一二市豪以獻。曰。市人聞令下。皆震懼。今鈔法通矣。事遂已。孝宗知其難行。不嚴督聽民便。正德中。以內庫鈔匱乏。無以給賜。令天下鈔關。徵解本色。從之。嘉靖中。御史魏有本上言。國初關稅全徵鈔貫。嗣後改令錢鈔兼收。邇年以來。鈔法不通。錢法亦弊。而關稅仍收錢鈔。無益於國。有損

於民以收鈔言之。每鈔一張爲一貫。每千張爲一塊。時價每塊值銀八錢。官價每塊准銀三兩。是官以三兩之銀反易八錢之鈔。此則上損國用以收錢言之。各處低錢盛行。好錢難得。官價銀一錢。值好錢七十文。時價每銀一錢。易好錢不過三十文。是小民費銀二錢以上。充一錢之數。此則下損民財。每銀約一萬兩內。五千收鈔。該鈔將二千塊。計用大櫃五百方。又五千兩收錢。該錢四千串。用櫃四百方。而水陸腳價進納。猶難計議。疏入。上命錢鈔留各地方。而內庫用銀。則錢鈔皆不入矣。厥後鈔益無用。而各關皆徵銀。雖朝廷賜予終用鈔。得之者爲無用之物。置之而已。懷宗時。以國用匱缺。議鑄銅鈔。製樣已具。而未及行。鹽法○明以鹽課給邊糧餉。而水旱凶荒。亦時藉以振民。故天下筦權之利。莫如鹽。制產鹽之地。設都轉運使司者六。曰兩浙。兩淮。福建。山東。長蘆。河東。各設運使。運同知。副使。判官。經歷。鹽課提舉司者九。曰廣東。海北。四川。鹽井。衛。靈州。雲南。黑鹽井。白鹽井。五井。各設提舉。副提舉。吏目。鹽課司一百六十九。而鹽課歲有定額。歲終轉運若提舉司具所辦出給課如目。上以待會。虧額者追理。其商販各照制定行鹽地轉賣。毋過界。合用引目。各運司以時請戶部。請內府印造給付。而諸所開中鹽。量所在米價高下。道里遠近。險易爲之。則招商納粟中。已給引詣場行支鹽如目。而嚴額外夾帶貨賣之誅。鹽出場。經批驗所。依數驗掣。而所過官司。辨驗放行。其引與鹽離者。同私鹽。追斷商所中者。鹽賣發已。卽所在退引還官。運司數進僞造引者斬。而峻勢要令家僕行商中鹽。及坐私鹽船隻之令。其竈丁。勘實以附近有丁產殷實人撥充。優雜泛繇。其犯笞杖斷決徒流遷徙。其刑罪止杖一百。仍煎鹽。而河東則審里甲爲鹽戶。遇鹽結則召撈。

而皆遣御史巡行提督之。又往往出風憲重臣奉詔行天下鹽以爲常。而各司有分司。有額課。兩浙都轉運鹽使司一總分司四。曰嘉興。曰松江。曰寧紹。曰溫台。其額辦歲課鹽二十二萬四千五百七十七引有奇。兩淮都轉運使司分司三。曰泰州。曰淮安。曰通州。其額辦歲課鹽三十五萬二千五百七十六引有奇。福建都轉運鹽使司其額課司七。其額辦歲課鹽一十萬四千五百七十二引有奇。山東都轉運鹽使司分司二。曰膠萊。曰濱洛。其額課司十九。其額辦歲課鹽一十四萬三千八百八十七引有奇。河東都轉運使司其額課司三。其額辦歲課鹽六千八百八十萬斤。長蘆都轉運使司分司二。曰青州。曰洺州。其額課司二十三。其額辦歲課鹽一十八萬八百七十七引。廣東鹽課提舉司其額課司十四。其額辦歲課鹽四萬六千八百五十五引有奇。陝西鹽課司二。曰靈州。曰漳縣。其額辦歲課鹽一千二百五十七萬七千六百六十八斤。四川鹽課提舉司十五。其額辦歲課鹽一百六十一萬九千五百七十七斤有奇。雲南鹽課提舉司十六。其額辦歲課鹽二十七萬二千一百三十七斤。又折縣布七百二十段。後改折小引鹽。惟廣東如故。而行鹽各有分地。各王府及南京各衙門俱儀真所關支鹽六千四百九十引有奇。四十九衛及五城兵馬司皆淮安所關支鹽九千二百九十九引有奇。又解送光祿寺青白鹽一百五十口引。其北京各衙門係長蘆辦納食鹽六萬四千七百四十四斤有奇。而諸滿鹽不與焉。初明太祖辛巳始議鹽法。置局設官以掌之。令商人販鬻。每二十分而取其一。以資軍餉。二年以各處鹽二百斤爲一引。尋以四百斤爲一引。官給工本米一石。後四百者曰大引。二百斤者曰小引。名曰改辦小引鹽。又以山

西行省言邊糧路遠費重令商人於大同倉入米一石太原入米石三斗給長蘆鹽二百斤以省轉輸從之而陝西如山西例粟不足則以金銀布帛馬牛之類驗直準之六年商民沮壞鹽法刑官擬以亂法罪當死上曰愚民無知犯罪猶赤子無知入井豈可遽以死論法司執奏上曰有罪而殺國之常典然有可以殺可以無殺彼愚民出此原其情不過爲貪利耳初無他心乃悉免死輸作臨濠後定禁令凡除正額鹽外將餘鹽私貨者死而兩鄰軍船戶引領牙行其罪輕重各有差而商人和沙土及影射皆罪之諸禁令甚具已敕中書省臣曰朕初以邊餉勞民商人納粟於邊以淮浙鹽價之蓋欲足軍食而省民力也今行之數年軍餉不給皆因鹽價太重商人無利以致輸粟者少其議減鹽價俾輸粟者願而省輓輸勞於是凡輸粟者量地遠近減價有差而鹽運使呂本言舊額鹽輸官以四百斤爲一引官給工本米一石又準米價低昂聽錢鈔兼支以資竈民然其間有丁產少而鹽額多者未覈非均也臣謹於各道分司卽鹽場所屬地方驗丁產多寡地利有無官田草蕩除額免科外他薪鹵所宜得量等分則較一詳定而均平之使詔曰可雲南布政使張統言舊例商人納米於金齒者每斗十斤以穀准米者聽以是多輻輳輸其後有司不收穀商罕至餉乏請仍舊從之而各場每引給工本鈔二貫五百文尋定淮浙各竈戶每丁歲辦小引鹽十六引重二百斤復鹽工丁半之其餘工丁四引民頗稱便焉上以民之艱於商抑也命戶部聽民買食尙書郭桓執不可上曰天之生財本以養民國家禁防以制其欲息其爭耳苟便於民何拘細利求以利官損民多矣其時涼公玉令僕中到雲南鹽萬引倚勢先支上知之怒曰此事侵奪民利沮壞

鹽法嗣後但是功臣家中鹽悉沒官。後有犯者皆不宥。永樂中定戶口食鹽利以疏鈔法。先是洪武中因徒發煎鹽歲得鹽二十五萬九千八百斤有奇。太宗卽位盡放之。而四川九十五鹽井悉閉。十四年命遣徒開之。時鹽法大蠹。九月始命巡鹽御史釐積弊。仁宗卽位諭戶部尙書原吉曰鈔法滯蓋由散出太多。宜設法廣斂之。民間鈔少想自通。原吉對曰斂之易莫若許有鈔之家中鹽。上曰此可一時權宜耳。俟鈔法通則止。然必寬爲則例。庶人皆趨向。遂命多官議定各處中鹽例。各減十之四。滄州每引鈔三百貫。河東百五十貫。福浙百貫。鈔不聞新舊。引到卽支。上曰善。其速行之。宣德中施大惠於天下。令各運司提舉司查中鹽商若士民。年遠事故無子孫支給者。行原籍官司。每引給資本鈔二十錠優之。蓋隱恤至於此。而申中使官軍夾帶私鹽之誅。正統初令竈丁逃移者。鹽課司覈實停其徵。又令淮浙貧竈有餘鹽。官給米麥收之。一小引給米麥二升。已增給至一石。而客商守支年深不得鹽者。聽以十分爲率。支淮鹽四分。其六免於山東運司支給。不願給者聽守支。而長蘆鹽運司商所分地不便貿易者。聽於所在官司告驗。給文憑改易。諸爲通商計甚悉。已弊孔乃稍日滋矣。五年四月立存積常股鹽法。先是永樂中令商自輸。每引上粟二斗五升。當時內地大賈爭赴九邊墾田積糧。以便開中。朝中暮支。價平息倍。商樂輸之。利邊無飛輓之勞。緩急有備。至是行常股存積法。常股七分。歲支以爲常。存積者貯於官。候邊方急。缺糧儲。召中以所貯越次支。於是常股有守候數十年不得支者。已常股存積無定額。或四或六。而常股價輕。存積價重。蓋亦鹽法一變矣。然未嘗輸銀運司也。景泰中令竈戶正稅皆納鹽。每米豆五斗。草五包。折徵

鹽一小引。竈戶稱便。復諭戶部言。邊不輸粟。軍食匱。令天下能自備脚力。運臨清倉米於代州諸處。三百石與冠帶。二百石旌異。餘有差。每引米淮八斗。浙六斗。長蘆六斗。河東二斗。而邊忽多米。已而薊鎮亦行之。初廣東鹽例不出境。歲久積多。商困。往往賄守關者。走廣西市。而巡撫葉盛以爲鹽出境。若聽之。則法壞而利商。禁之。則商滯而利關津。乃請許鹽商多寡入米餉邊。而後出境。公私皆利之。成化中。太監潘洪請令弟姪中鹽。疏積鹽。而戶部覆奏言。祖制凡內外食祿之家。不得中鹽。以侵商利。損邊儲。今洪所請。壞祖法。且啓在位逐利心。上曰。朝廷存積鹽課。以待邊用。祖宗禁例。食祿之家。尚不許中。況內臣。給事內廷。凡所養生送死者。朝廷爲之處置。又可損國課。以益私家乎。其勿與。尋太監梁芳恣。差鎮撫梁山等於兩淮。運關欽賜鹽五萬引。而江南巡撫王恕執奏。近奉明詔。不許勢要之家中鹽。雖芳鹽稱欽賜。而愚民難以戶曉。未免致疑。且需索多端。人情怨憤。乞撤回山等。而以鹽備邊儲。敢有仍前求討者。戶部科糾劾。使人無覬覦公有儲積。不聽。然舊例中鹽者。皆戶部定則例。出榜召商。無徑奏。時有富民呂銘等。托勢要奏中淮鹽五萬五千引。旨自中出。允之。時戶部不能執奏。而鹽法於是大壞。弘治初。以蠹耗敕刑侍郎彭韶行兩淮清理。詔念治安長利之道。在厚下固本也。具疏言。天下小民。無慮皆窮苦。而莫甚於竈戶。竈戶者。上所使煮海爲鹽。收博利者也。所當恤宜莫如之矣。古未有鬪詠。臣行視海濱。目擊其苦。爲之涕下。破屋缺椽。不蔽風雨。脫粟糲飯。不得一飽。此居食之苦也。山蕩渺漫。人倫物踐。欲守無人。不守無薪。此積薪之苦也。曬淋之時。舉家登場。刮泥吸海。隆寒砭骨。亦必爲之。此淋漓之苦也。煎者燒灼。蓬頭垢面。人形盡變。



酷暑如湯。不敢暫離。此煮辦之苦也。寒暑陰晴。日有程課。煎辦不前。鞭撻隨至。此徵鹽之苦也。客商至場。無鹽抵償。備極逼辱。舉家憂惶。此賠鹽之苦也。逃亡則身口飄零。住業則家計蕩盡。所宜加意矜念。遇事寬恤。因爲繪煮海窮民。曬淋熬煎。負戴折閱。若朋償之。若累物事情。爲圖詩以上。而祭酒章懋觀鹽事利弊。代都御史爲奏言五端。一曰存恤竈戶。以爲鹽之出於地。而成用必資人。濱海之民。以煎鹽爲業。採辦薪芻朝夕。烹鍊爲苦甚矣。其單丁老弱之家。煎辦不前。課入不敷。吏以嚴刑峻督之。至鹽入官。雨水銷敗。又輒有追賠之患。此窮戶之猶可隱者也。其殷實戶爲總催者。場蕩歸其兼并。鹽課爲其乾沒。煎者既多。私賣者廣。凡諸竈丁。盡其家傭。分業蕩然。乞貸爲活。雖欲無逃。不可得已。合行優恤。且照黃冊事例。遇竈戶缺。聽令析戶充役。照丁辦課。以補竈籍逃絕之數。二曰輕減鹽糧。國初命鹽司以掣下餘鹽。行諸縣關。領計口分給。民得鹽以食。而納鈔以償。固其理也。後鹽司久無餘鹽。關給而鹽鈔改爲鹽糧。市民猶得納鈔。至鄉民往往令輸本色。或遠糴於外郡。費且十倍。爲困甚矣。乞依市民例一體納鈔。便三曰申禁鹽窩。國家以邊地險遠。餉餽乏而飛輓勞費也。乃命商輸粟邊倉。給引鹽以償其費。商人喜得厚利。競赴之。而邊饒。近遇開中。則豪勢家詭名請托。占窩轉賣。商人不藉手於彼。卽無由中納於此。故費多而中鹽者日少。先朝雖有禁例。而法玩不行。乞申嚴前例。有犯必誅。庶人知所警。其四五言鹽商挾私。鹽徒橫放之弊。以爲商受鹽於官。有額也。於正數外。賄求場官。私加斤數以益之。至有得以倍蓰者矣。已運入江。又買私鹽而夾帶行之。所過關津。賂其吏。不照引截角。其截者十止一二。發賣訖。引不卽繳。往復數次。以前引影

射而行。故私鹽行而正鹽已蹙。請敕巡鹽憲臣嚴商人私載之禁。違者沒其貨。關津有容全引不截角。及舊引影射不舉覺者罪如法。乃其間遊手無賴之徒。什伍爲羣。駕小舟。舟多置篙楫。載私鹽。沿江上下而強賈之。卽不售。輒挺取其財。又伺間爲椎劫。已跳身疾棹。瞬息相失。不復可迹。失今不治。恐生他變。唐末之王仙芝、黃巢。元末之張士誠。皆鹽徒。此尤宜深防者也。而其責在巡江。時天子加意於國家盈縮之變。召閣學士計屯田茶馬之故甚悉。已及鹽。大學士東陽言。主臣今鹽法壞盡矣。各邊名召商開中。而商賈失利。類不肯中納。上問何也。閣學士因極言。皇親王府及內臣奏討之弊。上曰。奏討不過幾家。東陽對曰。奏討之內。又有夾帶。奏討者一夾帶者十。復有各年未盡支。曰零鹽。有剩堆積。曰所鹽。皆爲奏討後事。端因言國家茶馬法。行有歐陽駙馬者爲夾販。高祖大震怒曰。我纔一行法。乃卽欲首壞之耶。遂寘極典。此等事今皆不敢言。上慨然曰。非不敢言。乃不肯言耳。於是下戶部查議。而部尙書文於是條鹽法積弊七事以上。曰。開中引鹽。與販私鹽。賤賣官鹽。買補殘鹽。夾帶私鹽。越境鬻鹽。而因及運司弛廢。當擇人主鹽政。於是詔下。言鹽國用所須。近年欽賞數多。又內外勢要人奏討。奏買。存積常股。盤割私餘。言乃遂擡越支賣。夾帶私販。以致上損國課。下奪民財。此違何義哉。其住支還官。自今各邊開中引鹽。及糴買糧草。勢要並勿得求討窩估。巡撫糧儲官毋阿徇受囑。違者聽巡按御史究劾。已戶部尙書葉淇奏。准商引鹽。悉輸銀戶部。送大倉收貯。分送各邊。按淇淮安人。鹽商皆其親識。因與淇言。商人赴邊納糧價少。而有遠涉之虞。在運司納銀價多。而得易辦之利。於是淇爲之奏。而閣學士徐溥爲淇厚同年。亦受其啖利。因然之。

得積銀至百餘萬人以爲利。而實鹽法之大變。商人赴邊開中之法既廢。近邊米豆無人買運。價遂騰踊。邊儲自此資於內帑。而國匱民貧。日益艱苦矣。是時定每引納銀三錢五分。或四錢二分。又令客商無見許本場買補邊例報中。兩淮爲主。兩浙長蘆山東搭配。淮歲中七十萬五千一百八十引。至正德中放決。而鹽法於是大敗。織造太監得以販鹽。其奏討種種。鹽場日不暇給。其後織造太監王瓚奏乞長蘆鹽萬二千引。是時戶司官李夢陽。王宗文等言於尙書文曰。今以淮鹽予內臣。不可。文執奏。上召近臣曰。戶部何不與閣學士健曰。內官裝載官鹽。中間夾帶數多。沿途害人。且壅滯商課。先帝末年銳意整理。此正今日急務。上不悅曰。天下事豈只是畿內官壞耶。十人中亦有四五好人。而恩予如故。先是都御史陳金以流賊軍餉。奏立廠於贛州。抽分廣鹽。許至袁吉臨三府發賣。因灘高。民苦乏鹽。欲暫停止。而南贛巡撫王守仁遂上議。以爲廣鹽行則商稅集。而用資於軍餉。賦省於貧民。廣鹽止則私販興。而弊滋於姦宄。利歸於豪右。況南贛巢穴雖平。殘黨未盡。方圖保安之策。未有撤兵之期。若鹽稅一革。軍餉乏費。苟非意取於貧民。必須仰給於內帑。夫民以貧而斂不休。是驅之從盜也。外已竭而殫其內。是復殘其本也。臣竊以爲宜開復廣鹽。著爲定例。向鹽課送各邊曰。年例銀。劉瑾專政。欲難戶部。而曰祖宗朝無此例。遂查原自天順年始。瑾怒曰。此戶部官通督撫共盜內帑明驗。悉逮各邊都御史。革年例銀。而各邊於是大匱。因而侍郎叢蘭整理陝西邊務。令百姓每名徵銀二兩五錢。准米一石。百姓不堪其困。戶尙書顧佐答劉瑾之非。貽弊如此。世宗卽位。乃撥河東裁革鹽。每引二錢五分。淮八錢。浙六錢。餘定價有差。召商上納。而御史秦

鉞上言。餘鹽納價。本朝令典。本商自納。每引一兩。而開中止八錢。或減少。正鹽母。餘鹽子也。正鹽守支久。而費多。願中者少。而餘鹽乃到。卽支掣。則願中者衆。今舍母求子。餘鹽無自而積。乞以後令本商自納。餘鹽之苦。毋開中。於是正支外。聽商收買餘鹽。上運司銀。每引五七錢。有差。嘉靖六年。上諭戶部曰。鹽課接濟邊儲。泉貨流通。民用俱當。今急務。邇來鹽法之壞。由於私鹽盛行。官鹽阻滯。錢法之弊。由於私鑄者多。官不爲禁。其區處之。戶尙書鄒文盛對曰。臣思救今日之弊。必先申明祖宗之法。又在朝廷之上。杜奏討之門。而奸無所利。絕窩占之弊。而商有所資。然後鹽法不致阻壞。若錢法。必奉行之吏。參酌物情。使市肆無擾。宣布條格。俾爲僞者不容。而後錢法乃行。因條鹽法五事。曰。禁私鹽。禁占窩。禁奏討。明限期。添刷引。錢法三事。曰。遵制錢。禁私鑄。禁私販。上納之。已上曰。邊儲缺乏。其詳畫經久之策。戶尙書胡世寧言。邊儲缺乏。由祖制墜壞。昔永樂時。邊需悉資鹽利。每引輸粟二斗五升於邊。故富商大賈。悉聚邊陲。自出財力。招遊民。墾邊地。藝菽粟。築屯堡。所以歲時屢豐。而芻粟不虧。自天順成化中。變其法。謂舊以粟二斗五升。支鹽一引。時粟一石值二錢。是以銀五分得鹽一引也。乃課銀四錢二分。銀二錢得一石。鹽一引得二石。是一引致利八引矣。乃令商人中鹽。輸金戶部。或運司。邊買無戍。撤業而歸。以致熬臺日頽。保聚日渙。遊民日去。荒地益荒。今千里沃野。莽然邱墟。米一石值金五兩。今次厚邊儲。莫良於祖制。上深然之。而不行。至是鄒文盛添刷鹽引事行。而巡鹽御史王庭立上言。欽依添刷引目。而商人莫有應者。其故有二。一則昔時餘鹽。先製鹽。而後納價。今則否。旣輸於邊。又輸於司。苟非巨商。必不應命。一不便也。一則淮南納銀。

一兩九錢。淮北一兩五錢。比之舊額。增四錢矣。有損無利。其誰肯從。今宜以添刷之引。先行給商。待其掣過納價。以寬先期併徵之意。而添中餘鹽。減三四錢不等。以恤虧折。庶新法可行。上從之。而都御史周金因言。裁革餘鹽。不如收買爲利。官買不如商賣便。解價不如解邊便。照票不如開引可行。或謂餘鹽不可過額。引目不可增刷。鹽銀不可解邊。部謂鹽課正引。各有常規。餘鹽原無定額。遇私販以通官鹽。正法也。假課額餘鹽。權宜也。革餘鹽則商窳俱困。而私鹽盛行。倍收餘鹽。則早潦難齊。而邊引壅滯。夾帶餘鹽。律有明禁。增刷引目。則祖制有違。中鹽有引目。別票立。則與引目相背。官收鬻。不若聽商收買。簡易可行。盡數開邊。又恐將來難繼。從之。初鹽法開中。有常股法。需收支掣。有存積法。以待不次之需。俱令商人輸與常股鹽。並掣夾運。以鬻。然自餘鹽行。而存積之法廢。運司積輸無幾。而邊儲益虛。良法壞。時戶兵二部集議。以裕邊儲。以清理鹽法爲要。請設都御史一人。專理長蘆。山東。淮。浙。四運司鹽法。而給事中郭鑾言。官不宜輕設。戶尙書李如圭言。鹽法不行。由占窩賣窩之弊未革。商人無利。其餘鹽似難輕革。上曰。變亂鹽法。起於餘鹽。邊儲不充。私鹽盛行。正由此。其亟罷餘鹽。於是悉罷餘鹽例。明年。吏尙書許讚請復之。而餘鹽復行。三十七年。更定兩淮掣鹽法。運司一遇各邊中完工。本鹽商齎到勘合。分正餘鹽引。卽聽各商自向小窳買捆出場。依期循單赴掣。仍量減鹽引之價。淮南引五錢。淮北引三錢。有奇。而淮南以萬六千引爲一單。定以半年。南掣四單。北二單。先是江西派行淮鹽三十九萬引。後南贛。吉三府改行廣鹽。惟南昌諸府行淮鹽二十七萬引。旣而袁。臨。瑞。皆私食廣販鹽。撫。建。廣三府私食福販鹽。於是僅十六萬引。而國

計大誦巡撫馬森極言其害。於是設關禁。稍增至四十九萬引。先是以主事一人詣淮。浙理鹽法。後命大臣吏部希嚴嵩旨。以鄒懋卿往。於是懋卿關通苞苴無虛日。鹽法大壞。故事。諸府州縣巡司選卒責捕鹽盜。脫遺者罪。不剋以次。懋卿奏立剋限法。每卒一人。季限復鹽若干。販夫若干。舟若干。其有舟無販夫。有鹽無舟。有販夫無舟。鹽者。不錄爲次。不及數亦不錄。削其顯役錢充舟鹽值。故此曹終歲不得支一錢。乃行私販。牟大利。遇商舶旅舟。誣爲鹽盜。攜鹽入舟。盜擄劫致刑獄至死亡。害不可言。有司或增賦於民。徵金作舟鹽值。不復責選卒。而私鹽橫行。正鹽愈壅矣。迨御史林潤劾罷。而稍平。其後隆慶初。以先年有請行河東鹽於太原。汾州等處。而禁民私煎者。時議以邊地不毛。幸資鹽抵稅。而併禁之。令民失業。不可復有。言太原。汾州山路崎嶇。商運難致。乃許行私鹽。給票收稅。每鹽百斤納銀三分。仍聽轉販於崞嵐。保德。河曲等處。惟平定。代石十州縣地稍平。行運鹽。然商人亦多不至。至是御史趙睿奏太原。大同原屬河東地。以有土鹽。故官鹽不行。卽今開中亦難。稅入無幾。宜令鹽御史查覈州縣戶口食鹽之數。計口定鹽。給票收稅。務使地無遺利。法無遺奸。或濟邊儲。或作祿餉。著爲令。報可。而御史部永春理河東鹽。上言。鹽池南北產鹽。非有豐膏之異。而採鹽者往往在北不在南。以往來之未通。招募之無術。壓支之爲患。丁夫之有限也。迄未有議處者。其故有三。司官習於晏安。而不便於收支。鹽丁習於偷縱。而不便於撈取。牙僧習於罔利。而不便於處分耳。臣以爲宜於南岸開門以通往來。省伐木遠涉之勞。一也。池南人跡罕至。而鹽多遺棄。請招貧民撈取。不必給與募直。卽以所取鹽。每十取一。得給小票發賣。民將攘背而爭趨矣。二也。

池南地勢汗下，多爲雨水所傷，合令各場於池南旋報旋支三也。往者鹽丁二萬餘名，每二十名納一料頭，初無遠近貧富之分。其後令富者納直於官，官爲募民以充役，是以貧民之力益弱，而富民之值日通。臣以爲當令民鹽合一，凡鹽夫如里甲編審一料給賑銀八兩，或給工本鹽二十五引，以爲轉輸俯仰之資。夫里甲自有丁夫，而鹽丁之名亦可除矣。四也。上從其三，而鹽丁如故。萬歷中，差內官理鹽法，所在以朘商害民爲事。一商因罪有追銀至二十五萬者，第以各官進銀多寡爲優劣，不復問其所從來，而鹽法又困。二十九年，戶部奏以國家經費莫大於軍儲，邊儲半資於鹽法，故鹽法之通塞，邊儲之贏縮，係焉。頃內監陳增不察原委，誤將山東運使候掣未銷之引，指爲餘積，上請變價，而巡鹽御史馮應鳳則揭稱稅監誤將卽引，上惑天聽，虧課病商，阻滯鹽法，萬萬難行。夫鹽法臣部職掌也，山東稅派鹽引中開抵山東遼東軍餉，其行鹽之地，止青登萊三府，而濟東兗行運司鹽分存積常股，嘉靖初年大約常股三萬，不足以存積補之。中歲定存積四萬，常股八萬六千有奇，遂引多鹽壅，銷掣不前。隆慶中存積停三萬，萬歷十二年鹽法稍疏，後復壅，至三十六萬九千餘引，復停三萬。迄今運司新積引目多至三十一萬九千餘引矣。此引皆邊商納過糧草之引，非積棍窩囤之引，乃正額候掣之引，非貯庫無用之引，商人趨利，因何停積，祇緣資本不敷，故多壓墊。若指前引爲餘積，是攘奪之也。商人誰復肯輸納濟邊，臣等以爲憂在邊陲，不第困商耳，不報天啓中御史孫之益上言，鹽猶水也，須開其必赴之壑，而防其阻隔之端，請就各處行鹽之地及派引而稽之，如兩淮行鹽之地止三十二府，而派引七十萬有奇，河東行鹽之地止十七府，而

派引六十萬有奇。長蘆行十八府。而額引竟十八萬。不太寡耶。兩廣行二十五府。而額引竟六十萬有奇。不又寡耶。此皆可酌而議增者。嘗查兩淮開中之法。與長蘆兩浙河東同。而引價餘鹽參差懸絕。此又可酌而議增者。至於閩蜀南直三處。止納鹽課。並無邊中額引。難徧地方。私鹽引處無礙。似宜每引加鹽。以塞私販之路。照鹽增課。以濟邊廩之虛。邊寧乃止。不久爲地方累也。今括及兩淮。有折價可議。商應支而責之買。竈應借而索之價。殊於鹽法有整。或無自天啓二年始。每新引一引。令商人加帶買補鹽十五斤。連折價共納三錢。徑批引赴場關支。不必令竈戶上納折價。是商以市鹽之金輸之官。而官以海夫之法取之竈。邊事寧則寢。上從之。後以邊饑。置甚。議借每運商三四十萬五六十萬不等。而壓引愈多。至崇禎時。終未能疏通。而國以亡。先是萬歷末年。定兩淮鹽斤。每包五百五十斤。內二百八十五斤。連包索爲正引。納五錢。二百六十五斤爲餘鹽。淮南六錢五分。淮北五錢。兩浙每正鹽一引。連包索二百五十斤。納三錢五分。餘鹽通融二百斤爲一引。嘉興五錢。杭州四錢五分。温州二錢。長蘆山東每包四百三十斤。內二百零五斤爲正引。長蘆二錢。山東一錢五分。二百二十五斤爲餘鹽。長蘆南掣三錢。北掣三錢五分。山東三錢一分。正鹽則納本色糧草。餘鹽則上錢運司。而其肅開中則各減五分。以其險遠也。而配搭則開淮鹽搭長蘆。不更搭山東。開浙鹽搭山東。不更搭長蘆。以便支掣。其法行之三十年不變。商頗稱便。





# 明書卷八十二

## 志二十一

### 食貨志二

茶法○初立茶法令官給引商人赴產茶處具數納錢請引方出境貿易每百斤輸錢二百郡縣籍記姓名以憑旬稽不及引者曰畸零給由帖無引者聽人告捕各地方委官一員司其事及天下大定乃設茶馬司六曰陝西曰河州曰洮州曰西寧曰甘州曰四川碉門其後陝西革諸關津要置批驗茶引所歲遣行人齎榜於行茶所在懸示以肅禁每三歲遣官調選邊軍齎金牌信符差發附近邊族以納馬而運茶於邊勞賞之歲有常數西番貢使許順帶茶而有禁限諸私茶之禁甚具洪武中命曹國公李景隆行西番與結約定令實始製金牌信符杜奸僞而駙馬都尉歐陽倫使西域以冒禁卽賜死不貸法嚴而令行如此初景隆以茶五十餘萬斤得馬萬三千五百有奇分給京衛騎士設胡嗜乳酪氣滯得茶疏利之而邊境得馬圍操爲武備甚良策也以重臣定茶法彼其納馬不曰易茶而曰差發如田有賦身有庸示職貢無可逃國酬以茶不曰市馬而曰勞賞所以尊體統亦最善若招商法則中茶上引五千斤中引四千斤下引三千斤每七斤爲一篋運至官司對分官茶易馬商茶給引貨每上引仍給附茶一百篋中引八

十筥下引六十筥名曰酬勞。凡商茶每百斤爲一引。輸官錢千文。其不及引者。納六百文。給由帖。帖六十斤。量地定程以賣。而禁私販與鹽法同。諸批驗截角退引。一准鹽法行律。以私茶出境者。斬。關隘不覺察者。處極刑。民間蓄茶不得過一月之用。茶戶私竊。籍其園入官。敕兵部時齋諭川陝守邊衛所。仍遣西僧往返申飭之。其後以批驗所不詳。茶商姓名貫址聽冒名給引。得傳相販賣。故退引累催不繳。爲影射茶出山時。不從公盤詰。批驗所又不如法批驗。而夾帶者衆。又法商人詣批驗所買引。而所獨在應天常州杭州。於產茶地分遠者數千里。近不下數百里。道苦遠多費。而姓名貫址易爲欺。於是定例聽茶商於產茶府州縣納課。已卽將姓名貫址買引照茶。年終該地方各以由造册。并收紙鈔解部。仍具數關領次年合用引。由各所遇商經過。照批驗截引角放行。有夾帶罪之。年終具驗過商引。及盤獲私茶。具册申合於上司繳部。而防私販之禁甚嚴。其天下貢茶歲額止四千二十二斤。而福建二千三百五十斤。建寧所貢有探春。先春。紫笋。及舊新等號。每貢入必碾揉爲大小龍團。高皇帝以勞民力也。命罷造。照諸處採芽以進。復上貢戶五百家。已聞有司督徵嚴。復聽民自採進。三十年詔曰。古者帝王馭世。必嚴華夷之辨者。蓋以戎翟之人。貪而無厭。苟不制之。則必侵侮而爲患。今西番自昔以馬入中國。易茶。所謂貿遷也。邇因私茶出境。馬入甚濫。於是彼馬日貴。茶日賤。而彼玩侮之心生矣。其峻禁私茶之出境者。朕豈爲利哉。制馭夷翟。不得不然也。後以茶易雜物。而馬少。使蕃夷坐收其利。上怒。遣駙馬都尉諭蜀王椿嚴其禁。永樂中有司言。諸蕃以馬易茶。例禁夾帶貨物。今往往以他物易中國布帛紙張。有司遵禁例。又慮杜絕遠人上

曰互市所以資國用。來遠人也。其聽之。三年。上謂兵部曰。聞番馬至。每予茶以低假。須榜諭邊吏。示以朝廷懷遠之意。儻如前治以謬欺之罪。十一年。什都縣民言。十年間虧官茶十六萬有奇。乞折輸鈔。上曰。此因近歲役民伐木。防其採辦。又令納鈔。民何以堪。其獨之。宣德四年。上諭尙書郭敦曰。聞茶戶多重以他役。悉免之。宋陳恕爲三司使。稍增茶課。當時非之。此事今在卿。歲額決不可增。虛耗則應減免。以寬民力。成化中。陝西巡撫馬文升奏。以陝西布政司庫貯茶課及雜物易銀。遣官於河南。湖廣市茶。運赴西寧等司收貯。市易番馬。俵給固原。甘涼諸衛官軍。詔可。弘治三年。四川右布政使何鑑奏。茶課過爛。乞徵銀解部。先是四川歲徵茶數十萬。易馬。後夷人悉由陝道。故茶課過爛。官吏老不得代。乃徵銀。上從之。官民稱便。十六年。楊一清以景泰來茶政弛。番夷馬多不至。請復金牌信符。上言。臣考前代。自唐回紇入貢。已以馬易茶。宋熙寧間行之。所謂摘山之產。易廢之良。無害而有利。計之得者。我朝納馬。如田賦身庸。必不可闕。非虐使於番也。因納馬而酬茶。體尊名順。非互市交易之比也。且非獨以馬故也。蓋西番之爲中國藩籬。自漢武帝表河西列四郡。斷匈奴右臂。而漢南無王庭。今金城之西。緜亘數千里。北有狄。南有羌。狄終不敢越羌而南者。以羌爲世讐。恐議其後也。不然。則河洮岷隴之區。能無戎馬之蹟乎。夫羌夷之人。本非孝子順孫。徒以資茶於我。絕之則死。故俛首服從。此制番控胡之上策。前代略之。而我朝獨得之。頃自金牌制廢。私販盛行。雖有巡茶之官。卒莫能止。坐失重利。垂六十年。豈徒邊方乏騎乘之用。將來遠夷無資於我。跳梁自肆。將生意外之憂。撤藩籬之固。甚非計也。請下所司申明舊制。昭示番族。使知朝廷修復信

符各供差發。其不受約束者。徵兵問罪。以警其餘。上愈行之。嘉靖中。令凡茶課新陳錯出。以防積朽。復招商中茶。增至百萬。多壅滯。而御史潘一桂上言。宜歲止中五六十萬。商以百五十人爲率。又以松潘近洮河。私茶往往闌出。與番夷通。宜停松潘引目。申嚴入番之禁。從之。隆慶中。給事中何起鳴奏。四川巴州通江南原額茶課。徵收本色。民甚苦之。宜如舊例收折色。而御史李良臣議以爲甘州茶司之建。歲增馬六百匹。但四川徵茶。轉運勞擾。又有擄掠之虞。有冒中之奸。害多利少。未便若改折。則原扣腳價賞勞諸費。可買得原馬。足抵甘州之數。民得少甦。此官民兩利之道也。如謂番夷漸已納款。驟革互市。恐失其心。則甘州支贖之茶。請行招納三年。茶盡而止。從之。萬曆十三年。令陝西腹裏因無官茶。私販孔多。議招商給引。每引百斤。運去漢中驗明。每百量抽三十斤入官。而截角私茶之律如舊法。其後法益疏。邊備弛廢。茶雖易而馬皆疲羸不堪乘衝。崇禎中。屢敕嚴核。而番馬入中國。往往多斃。而茶馬幾無益於國用矣。若遣官洪武初。年差行人一員。巡陝川。永樂十三年。易以御史三員。景泰中。差行人如故。成化三年。令差御史一員於陝西巡茶。一年代。後復行人。十四年。定爲御史矣。陝西茶課五萬一千三百有奇。四川課一十五萬八千八百有奇。各存其零。爲彼處官費。折色三十三萬六千八百有奇。止徵銀四千七百餘兩。除存作番賞。而解作易馬銀止一千五百有奇。計天下茶鈔六十九萬七千八百三十四貫有奇。

織造○制。兩京內外皆置局。內局應上供。外局備公用。南京設神帛堂。供應機房。蘇杭則有織染局。每歲造解有定額。有奉欽降改織者。然未嘗增派。後於歲造之外。奉命題派。曰坐派。缺而買者。曰召買。若制帛

詰敕冠服皆有定式。大約歲造紵絲紗羅諸幣及帛約三萬七千四百餘端。初以內官董其事。弘治十七年革。屬之鎮巡。後復用內官。隆慶元年。諸織造皆停止。而嘉靖中。則有陝西織羊絨。廣東織葛布之官。隆慶亦俱罷之。國初破吳。獲幣無算。及破元都。亦無算。不假織造。及永樂中。始於陝西織駝氈。歲以爲常。正統初。年富爲陝西參政。奏免從之。宣德初。工部奏應用幣帛乏甚。下蘇杭織造。上曰。供用之物。雖不可缺。當念民力。今百姓艱難。可減半造。又諭尙書吳中曰。昔魏徵告唐太宗。每以恤民爲言。卿等其體此意。正統十一年。戶部奏取內庫白絹布五萬。令京民染色。上喟然曰。民可資其力。不可傷其財。合用物料。官給之。天順初。敕織文綺萬四千純。工侍郎翁世資謂東南水潦。民艱食。宜撙節以甦疲困。而尙書趙榮。侍郎霍瑄難之。世資曰。儻得罪。請以父子當之。上疑其要譽。逮謫衡州知府。弘治五年。令甘肅織彩妝絨氈。曳撤。巡按陝西御史張文言奏稱。古帝王有惜百金之費者。今織造財物。非一方所能辦集。而募工創肆。所費不貲。矧陝西歲歉。民病。且星變地震。正修省之日。可更以華靡爲事乎。宜停所織。以其資濟貧民。上命特減其半。正德五年。內庫奏缺賞賜段匹。宜召買萬五千。工部議以時正災傷。民窮盜起。昔朝廷已寢差。官而派辦。宜并免之。以俟年豐。不報。嘉靖元年。命織生綾。御史何鉞奏止之。二年。上遣太監刁永之。蘇杭監織務。給事中張原等奏。不聽。命大學士廷和撰敕。廷和上言。以爲江浙夏月亢陽爲虐。入秋霖雨連綿。災異非常。正賦不辦。若更加以織造之擾。非惟逃亡。又恐激生他變。臣叨輔弼。實切警懼。前項敕書。不敢奉詔。上以廷和執拗。切責之。廷和復言。臣非敢執拗。所執者祖宗之法。麻考祖宗朝。惟成弘間一行之可。

謂織造爲累朝故事乎不聽無何竟遣刁永蘇杭大擾給事中章僑等奏劾痛責之九卿科道交爭不報後復益以太監吳勳張志聰二人恃寵驕悍縱其舍中兒厮養諸役推剝工匠惱悒郡縣無所顧忌布政使馬卿憤懣稍鈴束之勳遂奏卿等抗違明旨稽誤工作上命逮卿等拷訊五年浙江鎮守太監鄧文請易敕書理織造言官論阻不報已而刁永復請陝西織絨服工尙書趙璜及科道張嵩等切諫上怒竟差太監梁玉往而大學士一清不擬旨上言監織之害上曰朕已諭玉使無驛騷矣先是梁玉請差內官督南京織工部執不可言官程啓充等各上言陛下初卽位節用愛人一切織造採運釐革殆盡天下仰戴聖明未幾左右近臣不知將美聖德動稱供應不敷蒙俞允遣官今天象示異水旱爲災江南尤甚且差去官員由賄而得計非貪黷無以償之欲得其安靜難矣上怒切責之二十二年太監李越奏乞遣內臣福州織造從之工部以爲上旣需用可敕撫按召買不報三十五年上諭內閣朕需葛內庫無貯者夫葛之爲服見於經傳而禹貢載豫州厥貢絺紵是用葛自虞夏已然今宜於四方產葛之所如兩廣河南湖廣歲貢八百端隆慶卽位工部言凡織造事宜分緩急以寬民力上是其言二年命太監李佑督造於江南諸處工尙書雷禮切諫以爲初詔撤回今詔墨未乾而制使復出不便乞勿遣旣而給事中孫枝等連章上乃止三年復遣佑行已而尙衣太監崔敏傳旨諸處加造至十餘萬給事中龍光執奏而部覆以爲加徵不如趨正供之爲易新派不如責舊額之爲速宜查原額敕撫按督解庶公用不乏而民困亦蘇上善其言萬歷後則南京蘇州杭州織造皆有內官至國亡不變

鑛採○洪武初。近臣言山東舊有銀場。可興舉者。上曰。銀場之弊。我深知之。利於官者少。而損於民者多。況今凋瘵之餘。豈可以此重勞民力。昔人有拔茶種桑。民獲其利者。汝豈不知。言者慙而退。十五年。有王德亨者。言階州有水銀及銀坑。與青綠紫泥。願得兵取其地。以歸利於朝。上謂侍臣曰。盡力求利。商賈之所爲。開邊啓釁。帝王之大戒。此途一開。勞民傷財。爲害孔鉅。用兵爭利。擾攘不休。此人第知趨利。不知釀禍。豈可聽也。命斥之。二十年。有老校丁成言。陝西有銀礦。前代皆嘗採取。今宜興之。以佐國用。上曰。君子好義。小人好利。好義者以利民爲心。好利者以戕民爲務。凡言利者。皆戕民之賊也。昔開故元豐城採金。其初歲額猶足取辦。經久消耗。一州之民。率受其害。蓋土地所產。有時而窮。歲課成額。徵取無已。有司貪爲己功。而不言朝廷縱有恤民之心。而不能知。可爲大戒。豈宜效之。已而臨淄縣丞王基言。乞發山海之藏。以通寶路。上詰之曰。汝云發山海之藏。須人力乎。自發乎。況發之未必得。而勞人莫甚焉。昔唐太宗罪權萬紀。爲其言利而不進善者。汝是也。杖黜之。永樂十年。河池縣民言。縣有銀礦。宜大發民採鍊。上曰。獻利以圖僥倖者。小人也。國家所重在民。而不在于利。其斥之。宣德中。上聞廣東番禺民有礦砂。煮之可得銀錫。命三司開驗。每砂百斤。得銀四錢。鉛二十斤。因謂近臣曰。朕預料所得無幾。若果有餘。豈待今日。彼小人竊取以求毫末之利。無足怪。朕皆宥之。但命官填坑洞。使民免逐末之弊。後河南嵩縣官請於其地。開銀礦。上命三司官集民丁發地。得砂四千餘斤。烹月餘。計用人力二千七百工。得黑鉛五十斤。銀二兩。所得不償所費。上曰。小人獻利之言不可信。罷之。正統三年。嚴採銀之禁。中年各銀礦多盜發。相鬪殺。御



史孫毓、福建參政宋彰、浙江參政俞士悅各言開銀礦則利歸於上，百盜無所容。上敕二省三司議。福建復宜開，而浙江按察使軒輊上言：開場雖一時之利，然凡百器具皆出民間，恐有司橫加科斂，搖人心，其患猶深。爲今之計，莫若擇官典守，嚴加禁捕，則盜息矣。朝廷是其言，已而給事中陳傳復以爲請。中官與言利之臣相附和，乃命戶侍郎王質往經理。令福建歲課銀二萬一千有奇，浙江歲課銀四萬一千有奇。至於內外官屬供億之費，不啻數倍。厥後民困而盜亦衆。至十四年，大發兵戡定。民始安枕云。旣而直隸、江西、河南、雲南皆開礦。後雲南總兵官左都督沐昂奏言：銀坑年遠坍塌，卽今軍民缺食，用人採辦，有妨屯守。況所得不償所失。上聞之惻然，敕止之。景泰三年，御史左鼎上言：閩浙採銀而豪猾貪利，互相殺奪。而鄧茂七、葉宗留之屬乘勢作亂，致煩大軍芟除。而銀課之令遂止不行。未幾採如故。臣以爲瘡痍之民，甫能安業，恐求利未得而害已隨之。乞停採礦，以免意外之虞。不聽。成化四年，以福建副使何喬新奏免三之一十年，以內費乏金，乃命開寶應等府、武陵等縣金場二十一所，淘煎以進。於是役民夫五十五萬有奇，而民之傷於蛇虎，死於大水者無算。僅得金三十五兩。撫按奏止，命以贓罰銀易金，以充上供。十一年，詔閉宜陽等衛礦洞。十八年，詔閉建昌礦洞。弘治中，凡礦脈微細者，詔閉之。民困稍蘇。正德十年，以神武衛千戶王玉報銀礦不實，坐斬。嘉靖元年，嚴盜礦之禁。十五年，以武定侯助言開蘄州瀑水洞，遣內官及錦衣官督其事。時巡按山東御史李松言：沂州開礦七十八所，得白金一萬一千有奇。今礦脈將絕，請封閉。上怒，切責之。十七年，開房山洞。及雲南大理府、河南宜陽諸洞，遂命錦衣千戶范鏞等分勸天下有

銀礦者報探之。十八年遣中官崔成等開浙江觀海衛礦。成劾參政曾存仁等奉行怠緩。皆逮赴京訊治。十九年以給事中曾鈞言探礦得不償失。乞停罷。詔可。三十四年復開四川山東諸礦。乃遣制敕房辦事左通政王槐及戶部主事任之賢沈應乾分理煎採事務。時錦衣千戶同天爵進礦銀獨多。上謂侍臣曰。昨玉旺谷之寶大勝於昔。今可承天地之賜。如法取用。不可自誤。各處有未開之場。須查訪取用。以顯金玉露形。經旨火上元風焉。戶部疏稱頌。因言帝錫嘉祉。不當壅閉於無用之地。請宣示天爵及各委官務實採取。其未開之所。仍嚴督撫按等官搜訪。以稱天地降祥。及聖王足國裕民之意。上大悅。四十二年定盜礦律。穆宗卽位。詔撤礦使。封閉諸洞。嚴私探之禁。萬歷中。諸內官導上封殖。遂命開採。言者交諫。而戶部上言。以爲方今宇內徧罹災沴。倭敵交訐。軍餉倍增。帑藏單拙。民力窘困。本部求濟時長策。雖經各衙門開列種種。中多窒礙難行。而請開採者甚衆。但其間利害不一。處置煩難。若果有利無害。則事在可行。其有利亦有害。或害多而利寡。則事在可已。使撫按酌議。詔可以奏報。遲奪各撫按官俸。厥後府軍後衛指揮王允中及指揮陳永壽等。千戶鄭一麟等。奏開各處礦洞至百餘處。而太監王虎首督礦務。繼而王忠、陳增等數十員分督。驛騷遍天下。而太監魯坤請府縣官應屬所轄。陳增請便宜行事。且得舉刺。以示勸懲。戶科給事中程紹諫。以爲夫自設官以來。司道轄府。府轄州縣。又特遣撫按督察其上下。而辨別其治行。典制昭然。未聞內官而轄有司。以有司而舉刺於內官者也。且有司。皇上之臣工也。內官。皇上之閣侍也。以皇上之臣工。而反屬於漫不相干之閣侍。則貂璫揚眉。冠裳俯首。體統謂何。卽曰礦務煩重。分理

需人自應移文撫按轉行委用。誰不聽從。而必欲便宜行事。侵奪撫按之職掌。此意欲何爲哉。至欲專舉刺。尤屬誕妄。蓋有司奉命爲民牧之寄。舉刺者問其操履之廉貪。治才之殿最。使其人誠賢。卽治礦不效。不失爲良吏。使其人誠不肖也。卽胼手胝足於礦洞之側。奴顏婢膝於內監之前。寧可蓋其穢迹。而駕乎賢守令上哉。臣察其意。不過欲操舉刺之權。以恐喝外吏。使莫可誰何耳。不報。繼而山西巡撫魏允中。給事中程紹。浙江巡撫劉元霖等切諫。以爲礦務宜罷。而河南巡撫姚思仁言尤痛切。以爲臣自入境以來。卽巡行郡邑。問民疾苦。其間礦夫剝膚竭髓。裂股披肩。溺河縊樹之狀。皇上目不忍見。臣已親聞見之。變動生於眉睫。叛亂起於呼吸。大可慮者有八。一曰。礦盜嘯聚召亂。二曰。礦頭累極土崩。三曰。礦夫殘害逃亡。四曰。僱民糧缺嗷呼。五曰。礦洞遍開浪費。六曰。礦砂銀少逼置。七曰。民皆開礦失業。八曰。奏官強橫激變。夫礦兵之所取給。礦頭之所包賠。有司之所借補。驛遞之所應付。孰非皇上之財乎。礦頭以賠累死。礦夫以傾壓死。礦徒以爭鬪死。平民以逼買死。孰非皇上之民乎。自開採逾八月。解不過四千。昔以根本重地荒歉。皇上發三萬金以全活之。今以微利及爲四千金而困苦之。恐變生肘腋。他日雖傾府庫之藏。竭天下之力。無濟於存亡矣。此臣拊心泣血而哀鳴於皇上之前也。不報。其時諸內官益橫。所委無賴。召亡命。皆乘傳天下。大擾而內官陳奉變激楚民。至於焚燒省會。殺傷多命。以富戶爲礦頭。至窮困而死。如鄉紳富民墳墓。則指其下爲有礦。任情掘發。或小人報復私怨。誣告家主。誣告親朋。連及士紳。脇以參奏。於是官民困瘁。盜賊多有。遍滿山野。光宗卽位。盡罷撤之。而崇禎末年。軍興匱乏。乃漸命撫按開採。每砂一

斤煎不過二三分。得不償失。其事不行。抑以國之將亡。地亦愛寶耶。

窰冶○窰冶之設。經制浩繁。隸工部營繕都水。凡鼓鑄陶甃。灰煤礦洞。鐵爐鑄器。皆屬焉。除錢爲國家經費之權。而礦務關民間利害之鉅。別爲論著。凡陶器起洪武。皆取土及匠赴京師造。而成化中。始命陶其地。儀真。瓜州。則應酒器具一十一萬餘。河南真定。則應缸瓶之屬。計五萬餘。江西浮梁。則造五色龍鳳諸器。用計四十四萬三千餘。初。委官專理之。後。第責撫按。以下官督解。凡鑄符印鐘漏。法馬金牌之屬。皆需銅。多召買之。而銅砂採無時。或開或閉。不啻數焉。若江西之南昌府。進賢。臨江府。新喻。袁州府。分宜。山東之濟南府。萊蕪。湖廣之興國。蘄州。黃梅。陝西之鞏昌。山西之平陽府。吉州。太原府。潞州。澤州。廣東之廣州府。陽山。四川之龍州。順天之遵化。皆設鐵冶。置鐵官。歲課鐵一千八百四十七萬五千斤有奇。而浙江。福建諸省。皆有折色。採樵燒炭。則薊州。遵化。豐潤。玉田。灤州。遷安。共山場四千五百六十一畝有奇。肥饒者聽民耕種。畝二十斤。瘠半之。煤洞則開於西山。凡百三十餘處。而陵旁及邊隘。皆有厲禁。若水銀。則開場於貴州。思印江及婺川。鑿則取辦於廬川。崑山。安慶。桐城。歲課二十二萬七千斤有奇。每三斤爲一引。官給工本百五十文。役民成之。先是國初。洪武中。廣平判王久道言。磁州地產鐵。元嘗置鐵冶。都提舉司。開入冶。爐丁萬五千戶。歲收鐵百餘萬。請復之。上曰。朕開治天下。當使無遺賢。不聞使天下無遺利也。且利不在官。則在民。民得其利。則利源溥。而有益於官。官專其利。則利源狹。而必損於民。今各鐵冶數多。軍非乏而設之。是驅萬五千家陷之治中也。杖之。流海外。宣德中。工部奏造軍器需鐵。請買之。江南。又以遵化。

有鐵砂可得鐵。上曰：遵化既有鐵，何用遠買？況鐵重滯，遠運尤更勞民，恐妨農功。命取於遵化，足二十萬斤已之。其時江西燒造太監張善貪黷酷虐，上聞之，命斬於陶市以徇。正統中有司請發江西造九龍九鳳諸器，上曰：加造擾民，勿造。成化中，陶器大興，內官督於浮梁，肆橫暴，巡撫王恕以爲言，上不聽。嘉靖復燒磁器，給事中陳皋謨諫，不報。隆慶詔減十之四，至崇禎中國用大匱，命各處有銅洞銅砂，皆採鍊以資鼓鑄，而不產銅地召買之，百姓絡繹於道，皆爲銅瘁矣。

珠寶○洪武初，破元都，所獲珠寶無算，分封婚娶，尙主皆足用，不假採取。至太宗初卽位，乃遣內官於廣東起取，蜺戶採珠，官四民六。十年一採，天順中，專敕內官守珠池。成化二十三年，暫撤。弘治十二年，命採珠，獲珠萬八千兩，有奇。十四年，定盜珠律，比礦禁。嘉靖四年，以內府供用金寶珠璣匱乏，下戶部措處，尙書秦金言：金則召買，而珠石非中土所產，祖宗朝俱有內藏，皇上躬行節儉，必不以此玩好之具勞民動衆。矧廣東雲貴災異頻仍，一聞採取，民何以堪？上不聽。八年，納胡世寧言，撤珠池內官，未幾復命採珠於廣東。總督兩廣侍郎林富言：臣聞珠，祖宗時率數十年而一採，以一採之後，數年始生，又數年始長，又數年始老，故禁私採數採，所以養生之也。自天順採後，至弘治十二年方採，珠已老，故所得頗多。至正德九年，又採，珠半老，故稍有所獲。至嘉靖五年，又採，則嫩小不堪，而得又甚少。今去採二年，珠尙未生，恐少亦不可得矣。五年之後，病死溺死者五十餘人，得珠僅八十餘兩，說者謂以人命易珠，今茲之役，恐雖易以人命，珠亦莫得。今其地饑饉流毒，盜賊竊發，乃復以採珠擾之，恐意外之變生矣。上不聽。九年，給事中王

希文上言。祖宗雖設官守珠池。不過防民爭奪而已。正德間。逆豎用事。傳奉採取。流毒海濱。我皇上御極。詔革守池內監。誰不歌舞而頌聖明。今革者已復。採者取盈。驅無辜之民。蹈不測之險。求難得之物。而責以難足之數。非聖政所宜。上下其章於所司。罷守池太監。以鎮臣兼攝之。上命於雲南採寶石。巡按御史劉臬言。孟密有寶。并爲土夷直所轄地。與西洋番舶相通。竊取以營重利。此夷爲木邦叛豎遺孽。橫據於此。吞噬緬甸諸夷。且密邇騰衝。窺我虛實。較諸夷最黠。往年採辦故遠稽遲。又地極瘴癘。俗尙蠱毒。昔時採取人役多傷。況撫處十年。至今始順。一行採取。或啓戎心。上俞已之。十年內庫奏乏金珠寶石。戶部以珠石爲珍奇無用之物。今取太倉之銀召買之。上曰。朕用撙節用度。不尙侈靡。第奉兩宮。又屬歲造。召商擾民。而太倉未可輕動。乃取他項銀召買焉。十五年。上以方邱及朝日壇需紅黃玉。不可得。乃敕邊臣於天方國求之。又不可得。而館使撒文秀言。二玉產於阿丹。乞遣使齎重貨宜諭購之。部以遣官非例。諫止之。三十六年。召買珠九千四十萬顆。有奇。四十二年。諭求綠撒字尼石、紅刺石、北河洗石諸寶。四十三年。雲南、廣東進寶石千三百餘兩。上惡其碎。詔更取大者以獻。四十五年。提督兩廣殷正茂言。廣東山海之寇益充斥。民疲於奔命。死徙過半。陛下歲命採珠八千兩。計所費三十萬金。今軍興尙苦不贍。豈復能辦此耶。乞改千爲百。以三年爲十年。上從之。尋上以求珠玉不得。切責戶尙書高燿。會崩乃已。隆慶中。諭買金珠寶石。歲無虛日。三年。命購晴綠。給事中魏時亮言。以無用之物。每顆恆至百金。孰非生靈膏血。天下荒旱。不言賑恤。胡虜方熾。不言邊防。乃汲汲於此乎。上命罷。未幾復購求。尙書馬森、御史賀一柱、詹仰

庇俱奏爭皆不報。以所買未中上意。切責尙書張守直。奪郎中袁三接員外賈實俸。而給事中李已。陳吾德劾太監崔敏導上奢侈。傳買金寶。科擾紛紜。請行停止。上不允。復言。陛下登極詔書。停止採買。海內歡然。若更生。比者左右近習干請紛紜。傳帖屢下。人情洶洶。咸謂詔書不信。奈何以一玩好之故。費數十萬之貲。若不及今杜漸。竊恐將來效尤。轉相欺蔽。不至空人國不止。上大怒。各廷杖一百。黜爲民。萬曆中。乃命內使王朝。李敬等開廣東珠池。採取擾民。兩廣總督陳大科奏乞停止。不允。厥後李鳳。楊榮皆搜求民間珠石琥珀諸香上進。及天啓崇禎時。軍興旁午。無暇此矣。

採木○始永樂四年。營建北京宮殿。乃命尙書宋禮等往四川。江西。湖廣。山西提督採巨木。未幾。宋禮奏有大木數株。不藉人力。一夕出大谷。達於江。蓋神靈相之。因賜其山名曰神木山。遣官致祭。建祠立碑。遂於崇文門外拓神木廠。朝陽門外拓大木廠。凡採到木植皆貯焉。七年。左中允周翰劾湖廣採木侍郎師達刻薄滋擾。仁宗監國。謂達誠可罪。然皇上所遣。須其還日請罪之。仁宗卽位。敕守南京襄城伯隆曰。軍民久勞。宜俾休息。況東作方興。不可妨其農務。所運營造木植暫停。運四月。敕副都御史戈謙巡視採木。陛辭諭之曰。往者採木多虛報數目。而起運則倉卒採辦。以厲小民。今已採之木在水次。恐多虛數。復蹈前非。特命爾巡視。但運水次之木。不可再補前數。勞民其虛數已赦之。儻仍前役夫採補者不宥。宣德四年。命吏部侍郎黃宗載往湖廣採宮殿材。乃諭工尙書吳中曰。湖廣年來荒歉。其民艱難。所宜寬恤。比今工部採木。動以萬計。何得不爲國家愛惜民力。而勞擾如此。宜斟酌事之輕重。緩急。痛與裁省。不急者已。

之必需者從容以漸爲之。寬一分則民受一分之賜。卿等宜體此意。五年。上諭侍臣曰。爲國之道。農務爲先。今國無大營繕。而工部採木不已。豈不妨廢農業。敕已採者積水次。其軍夫悉罷遣歸農。六年。上諭工部曰。各廠所貯材木。悉資民力而來。當加意愛惜。儻輕易妄斲。罪不貸。九月。工部請令各處木植送淮安。修漕運船。福建修海運船。上曰。不可。山東。江西宜減半收。至福建地遠。不可造船。且度關踰險。縱有船。豈能渡淮。役民宜度人情地勢。此事其不可行。九年。工尙書吳中言。湖廣。山西宜禁民採木。上曰。山林川澤之利。古者與民共之。今一禁。滋害多矣。弘治十一年。敕兵部議修清寧兩宮。尙書馬文升諫止之。正德九年。至十三年。連命侍郎劉丙等往各處採木。十四年。有永順宣慰司進大木五百餘。有圍丈四尺。長數丈者。天津河涸。每夫價一兩。不能運。役河旁民至廠。用八輪車。每車費數百金。人畜死者無算。先是。閘河淤淺。難運處。侍郎劉永修濬。靡費不貲。至役天津三衛軍。始達京師。河次大擾。嘉靖中。土木大興。差工尙書劉繼祖。侍郎劉伯躍於各處採木。差內官汪俊於真定各處印烙木植。諫官朱越等屢以爲言。不聽。以遲誤大工。黜革逮繫者累累。諸王皆獻大木。時民不堪命。給事中魏元吉上疏言狀。因請嚴差官騷擾之禁。各催料官完至三分以上。乞撤還京。上納其言。乃下詔採料各官。宜安靜行事。勿得拘集小民。曠日持久。以妨農務。而淮揚巡撫李遂奏稱。五河縣有大杉一株。圍丈五尺。長七丈。湧出泗水沙中。臣竊惟中都祖陵所在。此木忽現。謂由河而下。原非所出之區。謂從江。淮而入。又無逆流之理。是蓋祖宗啓佑。淮泗效靈。不偶然也。成祖時。有神木。因以建廠。二百年來。美談再續。臣謹拜手以獻。上大悅。各宣慰及軍民府七官。



有獻木者。咸進階。予誥命神宗時。三殿災。迄未成工。而天啓中魏忠賢用事。遂督採大木。建三殿。封伯爵。及懷宗卽位。一椽未卓。而國亦隨亡。運也夫。噫。

內府庫○制。在皇城內各庫。皆有所司。而大者曰金花銀。卽國初所謂折糧銀也。正統以前解南京。每歲武臣赴彼。關領爲常祿。各邊或有緩急。亦取足於中。正統元年始改解內庫。歲以百萬爲額。嗣後除折放武俸之外。悉爲御用矣。隆慶中工尙書朱衡。目擊內府監局一切糜費。乃言朝廷供應。皆民脂膏。宮中府中當爲一體。宜親發調辭。俾諸臣隨事執奏。爲撙節地上。嘉納之。乃凡錢糧解進。皆以科道官監收。用意良亦遠也。其各庫貯收物料。各有攸屬。曰內府供用庫。以大內官掌之。凡皇城各衙門及山陵諸處。內官食米月四斗。及上用諸香。皆取於此。宮中長街路燈油燭。皆給之。曰司鑰庫。以內官掌之。凡寶源等局。交進制錢及古錢。與前朝制錢貯之。此亦待上爲賞賜之用。天啓初曾於此得天啓錢大小數枚。而色甚古。朴。命儒臣查得梁蕭莊。魏元法僧。并南詔。皆有天啓年號。諸凡乾清門。午門。東西華等門鑰。每晚貯於此。故名亦謂之天財庫。曰內承運庫。以內官掌之。在宮內者謂之內東裕庫。謂之寶藏庫。在寶善門東者謂之外庫。內庫貯金花錢及珍寶錦綺。外庫貯磁漆器皿。曰承運庫。掌絲絹。曰供用庫。掌白熟糲粳糯米及茶豆之屬。曰甲字庫。掌布疋顏料黑鉛之屬。曰乙字庫。掌紙劄胖襖。曰丙字庫。掌花絨絲綉之屬。曰丁字庫。掌皮角麻藤漆油之屬。曰戊字庫。掌軍器及銅鐵。曰廣盈庫。掌絲羅緜布之屬。曰廣惠庫。掌帕帶梳具錢貫之屬。曰廣積庫。掌造作火藥之料。曰贓罰庫。掌籍沒官物。或作價抵俸給百官。若羨餘。若乾折。若

鋪墊。若孝順。若繳贖。皆收入內庫。以明之盛時計。不下數千萬。而國事不支。竟不知所以充軍賞。致脫巾掉臂也。嗚呼。

倉庾○制。設倉庾儲粟。以贍軍賑民。兩京各布政司。府州縣各都司。衛所及王府。莫不具焉。其收貯有時。支給有數。註銷有冊。各有成法。至於預備倉。則常存二年之蓄。以爲緩急需也。曰京倉。則列於長安門、東安門、西安門、北安門。凡四。曰舊太倉。曰新太倉。曰海運倉。曰南新倉。曰北新倉。曰大軍倉。曰濟陽倉。曰祿米倉。曰西太新倉。曰太平倉。曰大興倉。曰通倉。則有大運東西南北中凡四。曰順天倉。水次倉。則有天津、德州、臨清、徐州、淮安凡五。而南京諸倉。則不過備南京軍衛之需。無復國初之積矣。尙有馬房諸倉。設之壩上焉。

著者(清)傅維麟編纂 書碼 626·01  
Author Call No. 7567  
書名明書 一百七十一卷：六  
Title

登錄號碼 007886  
Accession No.

月日 Date	借閱者 Borrower's Name	月日 Date	借閱者 Borrower's Name

國立中央圖書館

626·01 007886  
書碼7567 登錄號碼